

## ნატო სონდულაშვილი

ეპოქის გამოწვევა და ჩართული ეროვნული  
იდენტობა

1900-1921

(სოციალური გარემო)



გამომცემლობა „ანიკანსალი“  
თბილისი 2013

**NATO SONGULASHVILI**

**CHALLENGE OF THE EPOCH AND GEORGIAN  
NATIONAL IDENTITY**

**1900-1921**

**(Social Environment)**



Publishing House "**UNIVERSAL**"

Tbilisi 2013

## **უაკ (UDK) 323.1 (479.22)+94(479.22). „1900-1920“ ს-677**

ნაშრომი ქართული ეროვნული იდენტობის პრობლემას ეძღვნება, კერძოდ, როგორია ქართული ერთობის იდენტობრივი აღქმები ეპოქის პირისპირ და როგორ ხვდება დროის ახალ მოთხოვნებს სხვადასხვა სოციალური ფენა თუ ჯგუფი. კალუ-  
ვის საგანს წარმოადგენს მათი ცნობიერების განვითარების პროცესის შესწავლა XX საუკუნის პირველ ოცნებულში. ნაშ-  
რომში სხვადასხვა ეროვნული იდენტობრივი მახასიათებლების საფუძველზე, სხვადასხვა სოციალური ფენების თუ ჯგუფების როლის შეფასების და შესწავლის ფონზე, წარმოდგენილია ქართული გარემო 1900-1921 წლებში.

წიგნი განკუთვნილია სპეციალისტების, აგრეთვე სტუ-  
დენტების და საკითხით დაინტერესებული პირებისათვის.

**რედაქტორი:** ისტორიის მეცნ. დოქტორი,  
პროფესორი მარიამ ჩხარტიშვილი

**რეცენზენტები:** ფილოლოგიის მეცნ. დოქტორი,  
პროფესორი, ზურაბ გამეზარდაშვილი

ისტორიის მეცნ. დოქტორი,  
პროფესორი, გელა საითიძე

აღნიშნული მონოგრაფია დაიწერა შოთა რუსთაველის  
ეროვნულ სამეცნიერო ფონდში მოპოვებული გრანტის  
(12/50) მეშვეობით

© 6. სონცულაშვილი, 2013  
გამომცემლობა „უნივერსალი“, 2013

თბილისი, 0179, ი. ვაკევაძის გამზ. 19, ჟ: 2 22 36 09, 5(99) 17 22 30

E-mail: universal@internet.ge

ISBN 978-9941-22-221-4

## შინაარსი

შესავალი .....	5-22
თავი პირველი. ქართული სინამდვილე და ეროვნული იდეა .....	23-101
თავი მეორე. გლეხი .....	102-130
თავი მესამე. პროლეტარი .....	131-162
თავი მეოთხე. ჯარისკაცი .....	163-195
თავი მეხუთე. სამღვდელოება .....	196-219
თავი მეექვსე. თავადაზნაურობა .....	220-235
თავი მეშვიდე. ბურჟუაზია .....	236-247
თავი მერვე. ინტელიგენცია .....	248-259
დასკვნა .....	260-265
რეზიუმე ინგლისურ ენაზე .....	266-271

## შესავალი

საქართველოს ისტორიის არაერთი პრობლემა: პოლიტიკური, კულტურული, სოციალურ-ეკონომიკური თუ რელიგიური სიდრმისეულად არის შესწავლილი და მრავალი სამეცნიერო გამოკვლევაა შექმნილი. მაგრამ არანაკლები მნიშვნელობისაა იმგვარი საკითხების კვლევა, რომელიც საშუალებას მოგვცემს შევისწავლოთ, როგორ მოიაზრებდა მთლიანობაში ქართველი დროის მსვლელობაში თავს ერთობის წევრად და რა ფასეულობათა სისტემა განსაზღვრავდა მის ბრძოლას თვითგადარჩენისა და თვითდამკვიდრებისათვის.

ნაციონალური იდენტობის საკითხი, ძირითადად ერის არსებობისთვის დამახასიათებელ საყოველთაოდ ცნობილ ფასეულობებზე დაყრდნობით განიხილება. ესენია: ენა, რელიგია, ისტორიული მეხსიერება, ტრადიცია, ტერიტორია და ამასთან, თუ როგორ ადიქვამს საზოგადოება თითოეულ მათგანს. ბუნებრივია აღნიშნულის გააზრება უნდა მოხდეს ეპოქის მოხსოვნილებიდან, სულისკვეთებიდან გამომდინარე, რადგან საუკუნეების მანძილზე საზოგადოების ცნობიერება გარკვეულ ცვლილებებს განიცდის.

1900-1921 წლები გამოირჩევა პოლიტიკურ და სოციალურ-ეკონომიკურ მოვლენათა სირთულით და ხშირი ცვალებადობით. ამიტომ ზემოთ აღნიშნულ ეროვნულ მახასიათებლებთან ერთად ქართული, ეროვნული იდენტობის გააზრებისთვის მნიშვნელოვანია ეპოქის და სოციალურ ფენათა ცნობიერების ცვალებადობის გათვალისწინება. საკითხის შესასწავლად პირველ რიგში, აუცილებელია განისაზღვროს ეპოქის ანუ 1900-1921 წლების ძირითადი მოვლენები და მათი გავლენა საზოგადოებაზე და მეო-

რე, საჭიროა სოციალური ფენების დირებულებათა გამოკვეთა და მთლიანობაში გააზრება.

მართალია, 1900-1921 წლებში განვითარებული მოვლენები, მათი ცალკეული მხარეები არაერთხელ გამხდარა მეცნიერთა შესწავლის ობიექტი, მაგრამ ჩემი მიზანია ყურადღება გავამახვილო საზოგადოებრივ ადქმებზე, სხვადასხვა წყაროებში დაცული ინფორმაციის შეჯერების საფუძველზე. ინტერესს იწვევს 1900-1921 წლებში განვითარებული პროცესების სირთულე, გარდაქმნები, მრავალმხრივობა, კერძოდ, პოლიტიკური, კულტურული, ეკონომიკური მოვლენების ხშირი ცვალებადობა, სხვადასხვა სოციალური ფენების ახალ სისტემაზე გადასვლა და მათი საზოგადოებასთან დაკავშირება, მეორე მხრივ, საქართველოს სახელმწიფოებრივი დამოუკიდებლობის აღდგენა.

აქედან გამომდინარე, გამოყენები თრი ძირითადი პერიოდი: 1. 1900-1917 წ.წ. – როდესაც საქართველო არის რუსეთის დაქვემდებარებაში და 2. 1918-1921 წ.წ. – დემოკრატიული რესუბლიკის ხანა. აქ იკვეთება შემდეგი საკითხები: 1. ერთი მხრივ, ეს არის XIX საუკუნის 60-იანი წლებიდან შექმნილი მოვლენების იდეური გაგრძელება, როდესაც თერგდალეულების მექანიზრები ცდილობენ ნაციონალიზმის პრაგანდას, ცოდნის ამაღლებას, ქვეყნის ისტორიის გაცნობას ფართო ფენებში, წარსულის იდეალიზაციას, ეროვნული ფასეულობების დაცვის შეგნების გადვივებას და, რაც მთავარია, ქართული კულტურული და პოლიტიკური ელიტის ნაწილის (ეროვნულ-დემოკრატები, სოციალისტ-ფედერალისტები) მთავარი მიზანი ხდება გლეხის უფლებების დაცვა, მისი ფუნქციების გამოკვეთა. 2. XIX საუკუნის 90-იანი წლებიდან ჩნდება ახალი სოციალური ფენები: პროლეტარიატი და ბურჟუაზია, ჩამოყალიბებას იწყებს სხვა-

დასხვა პოლიტიკური პარტიები, რომელთაც დამოუკიდებლობის მოპოვების და საქართველოს სამომავლო განვითარების საკუთარი ხედვა გააჩნდათ და თითოეული მათგანი ცდილობდა სოციალურად დაბალი ფენის წარმომადგენლების ჩართვას პოლიტიკურ პროცესებში. 3. სრულიად განსხვავებული პერიოდი, დამოუკიდებლობის წლები, როდესაც მთლიანად იცვლება იდეოლოგია სახელმწიფოებრივი შეგნების ჩამოყალიბებისაკენ.

საქართველოს სახელმწიფოებრივი დამოუკიდებლობის აღდგენას წინ უძღვდა სხვადასხვა მოვლენები, რომლებმაც თავისი კვალი დააჩნია საქართველოს ისტორიას. როგორც ცნობილია, საქართველო XIX საუკუნის დასაწყისიდან მოყოლებული 1918 წლამდე რუსეთის დამპყრობლური პოლიტიკის შედეგად იმყოფებოდა იმპერიის დაქვემდებარებაში და, ბუნებრივია, იქ მიმდინარე პროცესები თავის გავლენას ახდენდა ჩვენი ქვეყნის ცხოვრებაზე. მათ შორის შეიძლება ცალკე გამოიყოს შემდეგი მოვლენები: 1. 1905-1907 წლების რუსეთის რევოლუცია; 2. 1907-1910 წლების რეაქციის ხანა; 3. 1914-1918 წ.წ. პირველი მსოფლიო ომი; 4. 1917 წლის ოქტომბრის ბურუჟაზიულ-დემოკრატიული რევოლუცია; 5. 1917 წლის 25 ოქტომბრის კონტრრევოლუცია. 1918-1921 წლები მეტად რთული პერიოდია საქართველოს ისტორიაში. დამოუკიდებლობის გამოცხადებამ მრავალ დადებით მოვლენასთან ერთად ბევრი პრობლემა მოიტანა. გარდა იმისა, რომ 117 წლის მანძილზე საქართველო რუსეთის დაქვემდებარებაში იყო, ჯერ კიდევ XV საუკუნის II ნახევარში საქართველო დაიშალა სამეფო-სამთავროებად, თუ არ ჩავთვლით ქართლ-კახეთის სამეფოს გაერთიანებას XVIII საუკუნის მეორე ნახევარში. ამიტომ საჭირო იყო მთელი

რიგი სახელმწიფო უნივერსიტეტის რეფორმების განხორციელება და, რაც მთავარია, საზოგადოების ცნობიერების რადიკალურად შეცვლა. როგორც უკვე აღვნიშნე, საქართველოს ისტორიის არაერთი პრობლემაა გამოკვლეული და მნიშვნელოვანი მონოგრაფიები თუ ცალკეული სამეცნიერო სტატიებია შექმნილი. თუმცა ამ პერიოდის ქართული ერთობის იდენტობრივი ანალიზი ანუ საზოგადოებრივი აღქმების წარმოჩენა საშუალებას მოგვცემს ახლებურად შევხედოთ და განსხვავებული კუთხით დავამუშავოთ სხვადასხვა ისტორიული მოვლენა. ჩემს მიზანს წარმოადგენს შევისწავლო და შევაფასო საქართველოში შექმნილი მოვლენებიდან გამომდინარე რა წარმოადგენდა ეპოქის გამოწვევას და ეს ყოველივე რა გაფლენას ახდენდა სხვადასხვა სოციალური ფენის ცნობიერებაზე.

თანამედროვე პუმანიტარულ და სოციალურ მეცნიერებებში დიდი ადგილი ეთმობა ეროვნული იდენტობის კვლევას. როგორც ცნობილია, აღნიშნული ფენომენის გააზრებასთან დაკავშირებით სხვადასხვა თეორიული მიმდინარეობა (მაგ. ეთნოსიმბოლიზმი, მოდერნიზმი) არსებობს და თითოეულ მათგანში საკითხის გადაჭრის საბუთარი ხედვაა წარმოდგენილი. ჩემი მიზანი საზოგადოებრივი აღქმების კვლევაა და ნაშრომის ძირითადი ცნების – ერის – გააზრება ეფუძნება და ითვალისწინებს თანამედროვე სოციოლოგიური მეცნიერების მიღწევებს აღნიშნული ფენომენის განსაზღვრაში. ნაშრომი ქართული, ეროვნული იდენტობის პრობლემას ეძღვნება, კერძოდ, როგორია ქართული გამოწვევა ეპოქის პირი და როგორ ხვდება დროის ახალ მოთხოვნებს სხვადასხვა სოციალური ფენა თუ ჯგუფი. მით უფრო, რომ ყველა თეორიის წარმომადგენელი იზია-

რებს იმ აზრს, რომ ნაციათა ისტორიაში ახალი ეტაპი იწყება საფრანგეთის ბურგუაზიულ-დემოკრატიული რევოლუციის შემდეგ. რაც შეეხება იმას, თუ როგორია ქართული გამოწვევა ეპოქის პირისპირ და რას ვგულისხმობ მასში. XIX საუკუნის II ნახევარი ევროპაში აღინიშნება ნაცია სახელმწიფოების ჩამოყალიბებით, მთელი რიგი სოციალური და ეკონომიკური გარდაქმნებით. საქართველო კი ახალი ეპოქის დაწყებას რუსეთის იმპერიის დაქვემდებარებაში ყოფნით ხვდება. ბატონების გაუქმებამ მნიშვნელოვნად შეცვალა მსოფლიო პოლიტიკური, სოციალური და ეკონომიკური სისტემა. ახალ გარემოში ახალი მოთხოვნები და გამოწვევები გაჩნდა. მთელი საზოგადოება ძირებულ გარდაქმნებს განიცდიდა. საქართველო ამ ცვლილებებს განსხვავებულად ხვდება. ის, როგორც რუსეთის იმპერიის დაპყრობილი ნაწილი, ბუნებრივია აქ მიმდინარე მოვლენების ზეგავლენას განიცდის და მაშინ, როცა ევროპაში ეროვნული სახელმწიფოების ჩამოყალიბების პროცესი მიმდინარეობს საქართველო თავისუფლებისთვის ბრძოლის ახალ გზებს ეძებს და ქართული კულტურული და პოლიტიკური ელიტა ბრძოლის განსხვავებული მეთოდებით, საზოგადოების ეროვნული ცნობიერების ამაღლების მეშვეობით საერთო ქართული სივრცის შექმნას და ყველა სოციალური ფენის თანაბრად ჩართვას ცდილობს თავისუფლების მოპოვებისათვის ბრძოლაში.

XIX საუკუნის ბოლოსა და XX საუკუნის პირველ ოცნებულში ქართული კულტურული და პოლიტიკური ელიტის მთავარი გამოწვევა ევროპაზე ორიენტირებული პოლიტიკის წარმოებაა, რასაც შედეგად უნდა მოყოლოდა საქართველოს სახელის საერთაშორისო ასპარეზზე გატანა და ქართველი სა-

ზოგადოების მობილიზება დამპყრობლის წინააღმდეგ. ერთის მხრივ, XIX საუკუნის I ნახევრაში შეიარაღებული აჯანყებების დამარცხებამ და მეორეს მხრივ, იმ სოციალურ-ეკონომიკური ხასიათის გარდაქმნებმა, რომელსაც ადგილი ჰქონდა XIX საუკუნის II ნახევრის საქართველოში, ქართული კულტურული და პოლიტიკური ელიტა დაარწმუნა ბრძოლის ახალი მეთოდის შემუშავებაში. სამოციანელები ნათლად აცნობიერებდნენ ეპოქის იმ გამოწვევას, რომელშიც მოელი ევროპა იყო ჩართული და ცდილობდნენ ახალი დროისთვის ფეხი აეწყოთ, ქართულ სინამდვილეზე მოერგოთ და ეს ყველაფერი საქართველოს აღორძინებისათვის გამოეყენებინათ. სწორედ აღნიშნული მოდვაწეობის გზა გრძელდება XX საუკუნის დასაწყისში. მართალია, XX საუკუნე ახალი ეპოქის დასაწყისია, თუმცა იდუური თვალსაზრისით ეს XIX საუკუნის II ნახევრიდან შექმნილი მოვლენების გაგრძელებაა.

აქედან გამომდინარეა ეპოქის მახასიათებლები. XX საუკუნის დასაწყისში საქართველო ახალი გამოწვევების წინაშე აღმოჩნდა. მას, ერთი მხრივ, უნდა გადაელახა ფეოდალური სისტემის რღვევის შედეგად წარმოქმნილი ცვლილებები და ახალ სოციალურ-ეკონომიკურ გარემოში დამკვიდრებულიყო და ჩამოყალიბებულიყო და, მეორე მხრივ, რაც მთავარია განვითარდო ბრძოლა საქართველოს დამოუკიდებლობისთვის განსხვავებული გზით: შეიარაღებული გამოსვლების ნაცვლად განათლებით, ცოდნით, ორგანიზებულობით და მისი მოთხოვნა ეპოქის და საქართველოს ინტერესებისა და შესაძლებლობების შესაბამისი ყოფილიყო.

ეს გამომდინარეობდა იქიდანაც, რომ აღნიშნული პერიოდი გამოირჩევა სოციალური ფენების მრა-

ვალრიცხოვნობით, თითოეულ მათგანს კი საკუთარი მოთხოვნა და გამოწვევა გააჩნდა საქართველოსთან მიმართებაში და ახალი ეპოქის პირისპირ. როგორც ცნობილია, XIX საუკუნის ბოლოს კაპიტალიზმის გავრცელების შედეგად ყალიბდება ორი ახალი სოციალური ფენა: ბურჟუაზია და პროლეტარიატი. საკუთარ ისტორიულ უფლებას კარგავს გლეხი და თავადაზნაურობა, ბუნებრივია ეს პროცესი ეტაპობრივად მიმდინარეობს.

„1897 წლის მოსახლეობის აღწერის მასალებით ირკვევა, რომ ქართველებს შორის მემკვიდრეობითი თავადაზნაურობა (ოჯახის წევრებითიურთ) შეადგენდა 5,3 პროცენტს, მაშინ, როდესაც მთელ რუსეთის იმპერიაში – 1 პროცენტი იყო; პირადი არამემკვიდრეობითი, აზნაურობა მინიჭებული ჰქონდა ქართველების 1 პროცენტს (იმპერიაში – 0,5-ს); სამდგრელოება ქართველების 2,2 პროცენტს შეადგენდა (იმპერიაში – 0,5-ს). ამრიგად, ქართველებში სხვადასხვა პრივილეგირებული კლასების წარმომადგენელი 8,5 პროცენტს შეადგენდა, მაშინ როდესაც მთელ იმპერიაში ოთხჯერ ნაკლებს. ქართველების 87 პროცენტი გლეხობა იყო, იმპერიაში კი 77 პროცენტი.“<sup>1</sup>

ქართულ სინამდვილეში კაპიტალისტური სისტემის ჩამოყალიბების შემდეგ იწყება ახალი გარდაქმნები არა მხოლოდ ეკონომიკური, არამედ სოციალური და პოლიტიკური თვალსაზრისით. ეს არის ორი სრულიად განსხვავებული იდეოლოგიის: ნაციონალიზმის და სოციალიზმის პროპაგანდის პერიოდი. ნაციონალიზმის და სოციალიზმის იდეოლოგი ცდილობები ყველა სოციალური ფენის ფასეულობათა

<sup>1</sup>რ. გაჩეჩილაძე, საქართველო მსოფლიო კონტექსტში. XX და XXI საუკუნეების პოლიტიკური ცხოვრების ძირითადი მომენტები, თბილისი: ბაგურ სულაკაურის გამომცემლობა, 2013, გვ. 88

გაერთგვაროვნებას, განსხვავება იმაშია, რომ სოციალიზმი მიზნად ისახავს საერთო „მშრომელთა“ სახელმწიფოს შექმნას, ნაციონალიზმი – კი სახელმწიფოებრივი და ეროვნული შეგნების ამაღლებით თავისუფლების ბრძოლის მოწოდებას დამოუკიდებლობის აღდგენისათვის. მიუხედავად სოციალ-დემოკრატიის აქტიურობისა, საქართველოში ნაციონალისტური იდეოლოგია განმსაზღვრელი იყო. სოციალიზმის იდეების გამტარებელს საქართველოში წარმოადგენდა ქართული სოციალ-დემოკრატია. ნაციონალიზმის: ეროვნულ-დემოკრატები, სოციალისტ-ფედერალისტები და სხვა.

ეროვნული იდენტობისთვის დამახასიათებელი და შემადგენელი ფასეულობების მნიშვნელობა ქართველი ერისთვის ისტორიული განვითარების სხვადასხვა ეტაპზე, ეპოქის გამოწვევებიდან გამომდინარე სასიცოცხლო როლს თამაშობდა. როგორც ვიცით, საუკუნეების მანძილზე ქართული ერთობის ცხობიერებამ განვითარების გარკვეული გზა განვლო და XX საუკუნის პირველ ოცწლეულში ახალ ეტაპზე ავიდა. მართალია ეროვნული იდენტობის გააზრებისთვის აუცილებლობას წარმოადგენს და ფაქტობრივად წარმოუდგენელიც კია მისი შესწავლა და წარსულის აღდგენა: ქრისტიანობის, ენის, მამულის, ისტორიული მესხიერების, ტრადიციის გარეშე და დღეისათვის არსებულ ამ სახის გამოკვლევებში აქცენტი სწორედ ამ მახასიათებლებზე კეთდება, მაგრამ, ჩემი აზრით, ამ პრობლემის ამომწურავად შესწავლისათვის აუცილებელია კომპლექსური ანალიზი და, მათ შორის, სოციალურ ფენათა თუ სოციალურ ჯგუფთა როლის წარმოჩენა და გათვალისწინება. მით უფრო, რომ საზოგადოებრივი აღქმების შემქმნელი კულტურული და პოლიტიკური ელიტაა.

ყველა ეპოქას თავისი გამოწვევა გააჩნია და ეს ყოველივე ბუნებრივია ასახვას პპოვებს საზოგადოების ცნობიერებაზე. საუკუნეების მანძილზე დამკვიდრებული იდეოლოგიიდან გამომდინარე, მესამე წოდება ისტორიის მთავარ მამოძრავებელ ძალად არ მიიჩნეოდა და ელიტაზე იყო აქცენტი გაკეთებული.

XVIII საუკუნის ბოლოდან მოყოლებული, როდესაც იწყება ახალი ეტაპი მსოფლიო ისტორიაში და ყალიბდება ნაცია-სახელმწიფოები, მესამე წოდება იძენს დიდ მნიშვნელობას. მთავარი მიზანი ხდება მესამე წოდების შემოყვანა ისტორიის ასპარეზზე, როდესაც ერის პომოგენიზებისთვის აუცილებელია ყველა სოციალური ფენის ერთგვაროვნება, ერთიანი ეროვნული იდეით გამსჭვალვა. მაგრამ რატომ დგება საკითხი ასე? ეს ეპოქამ მოითხოვა. როდესაც მსოფლიო განვითარების ახალ ეტაპზე გადავიდა და ჩამოყალიბდა ნაცია სახელმწიფოები მესამე წოდება, არა მხოლოდ ნაციისთვის გახდა მნიშვნელოვანი, არამედ ეპოქისათვის. სოციალური, ეკონომიკური, პოლიტიკური ხასიათის ცვლილებებმა თავისთვად განაპირობა სოციალურად დაბალი ფენის წარმომადგენლების აქტუალობა—აქტიურობა. მით უფრო მესამე წოდებით მხოლოდ ნაციონალისტები არ ინტერესდებიან, არამედ სოციალისტები. რატომ მოხდა რომ მესამე წოდება აქტუალური გახდა? მხოლოდ იმიტომ, რომ ნაცია-სახელმწიფოები ყალიბდებიან? რა თქმა უნდა არა. ეს პროცესი ბევრად უფრო ადრე დაიწყო, ანუ მანამდე, სანამ საფრანგეთის რევოლუცია მოხდებოდა და მანამ სანამ XIX საუკუნის II ნახევრიდან ეროვნული სახელმწიფოების ჩამოყალიბება დაიწყებოდა. ეს არის პროცესი, რომელიც რა თქმა უნდა მხოლოდ ერთი ან ორი რევოლუციის მიხედვით არ გადაწყვეტილა, საფუძველი ყველაფერს

აქვს და მით უფრო ეპოქალურ ცვლილებებს, რომელიც უცებ არ ხდება. მსოფლიო ისტორია ამის კლასიკური მაგალითია. რუსეთსა და საქართველოში ფეოდალური სისტემის რღვევა ბუნებრივია, მცდარი იქნება, ვიფიქროთ, რომ დაიწყო 1861 წლიდან ჯერ რუსეთში და შემდეგ, 1864 წლიდან საქართველოში, რა თქმა უნდა არა. ეს მოვლენები საფუძველს ბევრად ადრე იდებს და ეტაპობრივად მიდიოდა მსოფლიო ახალ სისტემაზე გადასვლისაკენ. ალბათ უპრიანია, ვიფიქროთ, რომ XV საუკუნის ბოლოდან მოყოლებული, დიდი გეოგრაფიული აღმოჩენების შემდეგ, როდესაც სახელმწიფოებს შორის კავშირ-ურთიერთობა ახალ ეტაპზე გადავიდა, ამ ყველაფერმა თავისთავად მოითხოვა საზღვრების და სავაჭრო-კონომიკური კავშირ-ურთიერთობების გაფართოება ანუ შეიძლება ითქვას, ფეოდალიზმის რღვევის პირველი ნიშანი აქედან იდებს სათავეს. შემდეგ მოდის ჰუმანიზმის ეპოქა და დირებულებათა და იდეათა აღმაგლობა-ცვლილება. აქედან გამომდინარე, კვლევა მიმართულია სხვადასხვა სოციალური ფენების აღქმების გაშუქებაზე.

**წყაროები და ისტორიოგრაფია.** საქართველოს ისტორიის შეფასების და ანალიზის პროცესში მეტად მნიშვნელოვანია საზოგადოებრივი აღქმების როლი. აღნიშნული პრობლემის შესასწავლად სერიოზული წყაროთა ბაზა არსებობს ბეჭდური მედიის სახით. მოდერნულ ეპოქაში ბეჭდურმა მედიამ დიდი როლი ითამაშა ქართული, ეროვნული ცნობიერების ფორმირებაში. ქართული კულტურული და პოლიტიკური ელიტა ბეჭდური მედიის საშუალებით ნაციონალური იდეების აქტიურ პროპაგანდას ეწეოდა. ბეჭდური მედიის არსებობა გათვლილი იყო არამარტო ელიტაზე, არამედ საზოგადოების ფართო ფენებზე,

რომლის საშუალებითაც უნდა მომხდარიყო ყველა სოციალური ჯგუფის, ყველა წევრის საერთო, ეროვნული მოძრაობის პროცესში ჩართვა. ყველა სახელმწიფოში, ყველა ეპოქაში არსებობს სხვადასხვა სოციალური ფენები, სოციალური ჯგუფები, რომელთაც მათთვის გასაგებ ენაზე სჭირდებათ საუბარი.

რაც შეეხება წყაროთა ბაზას. 1. ბეჭდური მედია. ეს პერიოდი გამოირჩევა პრესის მრავალრიცხოვნობით. ბეჭდურ მედიაში საუბარია ყველა სოციალური ფენის შესახებ, მაგრამ ყურადღებამისაქცევია ის გარემოება, რომ თითოეული პერიოდული ორგანო კულტურული და პოლიტიკური ელიტის იდეებს გამოხატავდა, რომლებიც პრესის საშუალებით ცდილობდნენ საკუთარი შეხედულებების რეალიზებას საზოგადოებაში. 1900-1921 წლების საქართველოში გამოდიოდა სხვადასხვა მიმართულების ჟურნალ-გაზეთი: როგორც პოლიტიკური, მაგალითად: სოციალდემოკრატიული, სოციალისტ-ფედერალისტური, ეროვნულ-დემოკრატიული, სოციალისტ-რევოლუციონური, ისე: სალიტერატურო, სამეცნიერო, იუმორისტული. თითოეული მიმართულების ორგანო ცდილობდა საკუთარი იდეების გამოკვეთას. ამიტომ ამგვარი საკითხების კალევისას მხოლოდ ერთი პერიოდული ორგანო ვერ გამოდგება, საჭიროა კომპლექსური ანალიზი.

თეორიულ ლიტერატურაში ბეჭდური მედიის როლი გადამწყვეტად მიიჩნევა მოდერნული ნაციის ფორმირებაში. როგორც ეთნოსიმბოლისტური თეორიის წარმომადგენელი გ. სმითი აღნიშნავს: „პოლიტიკური ერთობის წევრთა სამართლებრივი თანასწორობა მის მშობლიურ მიწა-წყალზე შეიგრძნობა პოპულაციისა თუ უკიდურეს შემთხვევაში, ერთობის მთავარი, ძირეული ნაწილისათვის საერთო ლირებუ-

ლებებისა და ტრადიციების წყალობით. სხვა სიტყვებით, რომ ვთქვათ, ნაციებს უნდა პქონდეთ საერთო კულტურისა და სამოქალაქო იდეოლოგიის, საერთო გაგებათა და მისწრაფებათა, გრძნობათა და იდეათა საზომი, რომელიც შეაკავშირებს პოპულაციას მის მიწა-წყალზე. საერთო სახალხო მასკულტურის უზრუნველყოფა ევალება სახალხო სოციალიზაციის დაწესებულებებს, კერძოდ, საყოველთაო განათლების სისტემასა და მასმედიას“<sup>2</sup>.

ეთნოსიმბოლისტური ოვალთახედვისაგან განსხვავებით, მოდერნისტები ანუ ნაციების მოდერნულ დროში შექმნის თეორიის წარმომადგენლები, ეროვნული ოვითშეგნების ჩამოყალიბებას და განვითარებას დიდწილად ბეჭდურ მედიას მიაწერენ. მოდერნული მიმართულების ერთ-ერთი წარმომადგენლის ბენედიქტ ანდერსონის აზრით: „ბეჭდვითმა ენებმა საფუძველი ჩაუყარეს ეროვნული შეგნების განვითარებას. ეს შესაძლებელი გახდა აზრთა ურთიერთგაცვლისა და კომუნიკაციის ერთიანი სივრცის შექმნით. ბეჭდური პროდუქციისა და ქადალდის საშუალებით კი მიღწეული იქნა ურთიერთგაბება. საგამომცემლო საქმემ ენას სტაბილური და მარადიული ოვისებები შესძინა. ეს თვისება დიდი ხნის მანძილზე უწყობდა ხელს წარსულის იმ იმიჯის შექმნას, რომელიც ერის სუბიექტური გაგების ოვალსაზრისით ერთ-ერთი უმნიშვნელოვანესია“<sup>3</sup>. მიუხედავად იმისა, რომ ეს თვალსაზრისი საკამათოა და აზრთა სხვადასხვაობას იწვევს, ერთი რამ შეიძ-

<sup>2</sup> ე. სმითი, ნაციონალური იდენტობა. ინგლისურიდან თარგმნა ლელა პატარიძემ, თბილისი: ლოგოს-პრესი, 2003, გვ. 14.

<sup>3</sup> ბ. ანდერსონი, წარმოსახვითი საზოგადოებები, თბილისი: ენა და კულტურა, 2003, გვ. 73.

ლება ითქვას, ბეჭდურმა მედიამ ახალი ეტაპი შექმნა ნაციათა ისტორიაში.

2. აღნიშნულ პერიოდში მოღვაწე ცნობილ საზოგადო და პოლიტიკურ მოღვაწეთა მემუარები. კერძოდ: ნოე ჟორდანია, გიორგი ლასხიშვილი, გიორგი კვინიტაძე, გრიგოლ ლორთქიფანიძე, იაკობ მანსვერაშვილი, სამსონ ფირცხალავა, შალვა დადიანი, გორგი მაზნიაშვილი, მარიამ გარიფალი და სხვა.

მემუარები საინტერესო ფაქტებს შეიცავს ეპოქის შესახებ. მართალია, აქ ნებისმიერი მოვლენა ავტორის შეხედულებისამებრ არის შეფასებული, მაგრამ რადგანაც ჩვენი ნაშრომის მიზანი საზოგადოებრივი აღქმებია მას პირველწყაროს მნიშვნელობა ენიჭება. კვლევის პროცესში მემუარული ლიტერატურა, რომელიც XX საუკუნის პირველ ოცნებულს ეხება დავყავით ორ ნაწილად: 1. პოლიტიკურ მოღვაწეთა მემუარები, მოგონებები. ისინი უფრო მდიდარია როგორც პოლიტიკური, ასევე სოციალ-ეკონომიკური, კულტურული მდგომარეობის შესახებ არსებული მონაცემებით. მემუარების ავტორებს წარმოდგენილი აქვთ თავისუფლების მოპოვების და სახელმწიფოებრივი მშენებლობის საკუთარი ხედვა. 2. საზოგადო მოღვაწეთა მემუარები, მოგონებები, რომლებიც ძირითადად აქცენტს აკეთებენ კულტურული ღონისძიებების საჭიროებაზე და აღწერენ თავისი ეპოქის საზოგადო მოღვაწეთა ცხოვრებას.

მემუარების მიხედვით შეიძლება გამოიყოს ის საკითხები, რომლებიც, იდენტობრივი პროცესების მთავარი საშუალებაა: 1. ქართული ენა. 2. სწავლა-განათლების საკითხი. 3. ისტორიული მახსოვრობა და ტრადიციები. 4. ქართული თეატრის აღორძინება. 5. ეკონომიკური საკითხი. 6. თავისუფლების პრძოლისკენ მოწოდება. ბუნებრივია, თითოეული საკითხი

საქართველის ისტორიის ყველა ეტაპზე აქტუალური იყო, თუმცა XX საუკუნის პირველ ოცნებებში ეს პროცესები მიმართულია, როგორც თავისუფლების მოპოვებისთვის, ასევე სოციალურ ფენათა დაახლოება-გაერთგვაროვნებისკენ.

3. ქართული კულტურული და პოლიტიკური ელიტის მიერ 1900-1921 წლებში გამოცემული წიგნები, ბროშურები, ნათარგმნი ლიტერატურა, პოლიტიკურ პარტიათა პროგრამები. ბუნებრივია, აქ სრულად ვერ დავასახელებ და ვერ განვიხილავ თითოეული მათგანის ნაშრომს, თუმცა უნდა ითქვას, რომ არსებული მასალები თანამედროვეთა მიერ არის დამუშავებული და შეფასებული, ამასთან აქცენტი გაკეთებულია ყველა იმ პრობლემაზე, რომელიც ეპოქის გამოწვევას წარმოადგენდა. მათ შორის აღსანიშნავია: ნოე ჟორდანია, მიხაკო წერეთელი, გიორგი გგაზავა, ტიტე არომელაძე, სამსონ ფირცხალავა, გრიგოლ გველესიანი, არჩილ ჯორჯაძე, ნოე რამიშვილი, ივანე მაჭავარიანი, პეტრე სურგულაძე, თედო ლლონტი, ვასილ წერეთელი, სამსონ დადიანი, ივანე გომართვლი და სხვა.

წიგნებსა და ბროშურებში აღწერილია ქართული კულტურული და პოლიტიკური ელიტის იდეაბი, შეხედულებები საქართველოს წარსული და თანამედროვე ისტორიის შესახებ, მათი დამოკიდებულება პოლიტიკურ, სოციალურ-ეკონომიკურ, კულტურულ და რელიგიურ ცხოვრებასთან. მათში გადმოცემულია სხვადასხვა სოციალური ფენების მდგომარეობა, მათი აღქმა და ჩართულობა თავისუფლების მოპოვებისთვის ბრძოლაში. საქართველოს მართლმადიდებელი ეკლესიის როლი და ვითარება ერთი მხრივ, იმპერიის გავლენაში ყოფნისას და მეორე მხრივ, დემოკრატიული რესპუბლიკის პერიოდში. ნა-

თარგმნი ლიტერატურა მნიშვნელოვანია იმ თვალსაზრისით, რომ ჩვენ ვიგებთ რა საკითხები წარმოადგენდა ქართული კულტურული და პოლიტიკური ელიტის ნაწილის ინტერესის სფეროს, რადგან ძირითადად ითარგმნებოდა ის წიგნები, რომლებშიც ასახული იყო სოციალური და ეკონომიკური განვითარების ასპექტები. ესენი იყო: ვ. ლენინის, გ. პლეხანოვის, პ. კროპოტკინის, ლ. მარტოვის, პ. მასლოვის პ. კაუცკის, პ. ლაფარგის, ა. ბებელის, ვილ. დრეპერის, და სხვა.

პოლიტიკურ პარტიათა პროგრამებში წარმოდგენილი იყო თითოეული მათგანის ხედვები საქართველოს სახელმწიფო უნივერსიტეტის სამომავლო განვითარებაში.

4. დაბოლოს, ცხადია, ვემყარები საარქივო დოკუმენტებს, რომლებშიც ხშირ შემთხვევაში ასახულია ის საიდუმლო მონაცემები, რომლებიც ხელმისაწვდომი არ იყო აღნიშნული პერიოდის საზოგადოების ფართო ფენებისთვის, განსხვავებით ზემოთ აღნიშნულ წყაროთა სისტემისაგან. ამიტომ ეს ინფორმაცია დღეისათვის ორმაგად საინტერესო და მნიშვნელოვანია.

5. ეროვნული პრობლემის ირგვლივ სხვადასხვა გამოკვლევები არსებობს, როგორიცაა იური კაჭარავას, „ქართველი ხალხის ეროვნული კონსოლიდაციის ეტაპები“<sup>4</sup> გურამ ყორანაშვილის, „ეროვნული საკითხი“,<sup>5</sup> მისივე „ეთნიკური თვითშეგნება და ტრადიციები“,<sup>6</sup> და „ეთნოფსიქოლოგია და ტრადიციები“,<sup>7</sup>

<sup>4</sup> ი. კაჭარავა, ქართველი ხალხის ეროვნული კონსოლიდაციის ეტაპები, თბილისი, 1996

<sup>5</sup> გ. ყორანაშვილი, ეროვნული საკითხი, თბილისი: მეცნიერება, 1997

<sup>6</sup> გ. ყორანაშვილი, ეთნიკური თვითშეგნება და ტრადიციები. თბილისი: მეცნიერება, 1984

რისმაგ გორდეზიანის, „ქართული თვითშეგნების ჩამოყალიბების პრობლემა“,<sup>8</sup> აკაკი სურგულაძის, „ერის ცნებისა და რევოლუციამდელ საქართველოში ეროვნულ-განმათავისუფლებელი მოძრაობის ეტაპების შესახებ“,<sup>9</sup> დავით მალაზონიას, „ქართული ისტორიოგრაფიული აზროვნება XIX საუკუნის II ნახევარში“,<sup>10</sup> თუმცა, ქართული იდენტობის ისტორიის კვლევას ბოლო დროს დაეთმო ყურადღება ქართულ ისტორიოგრაფიაში.

როგორც აღვნიშნე, საქართველოს ისტორიის არაერთი პრობლემაა დღეისათვის დამუშავებული. ქართული იდენტობის ისტორიის შესახებ სპეციალური ლიტერატურა ჯერ კიდევ საქმაოდ მცირებიც ხოვანია. თუმცა არსებობს მნიშვნელოვანი გამოკვლევები, რომლებიც საქართველოს ისტორიის სხვადასხვა პერიოდის შესახებ საინტერესო მოსაზრებებს და დასკვნებს გვთავაზობენ. მათგან აღსანიშნავია: გიული ალასანია, „თვითიდენტიფიკაცია შუა საუკუნეების საქართველოში (მთელისა და ნაწილის ურთიერთობა)“,<sup>11</sup> მარიამ ჩხარტიშვილის, „ქართული ეთნიური რელიგიური მოქცევის ეპოქაში“,<sup>12</sup> ლელა პა-

<sup>7</sup> გ.ყორანაშვილი, ეთნოფსიქოლოგია და ტრადიციები, თბილისი, 1983

<sup>8</sup> რ. გორდეზიანი, ქართული თვითშეგნების ჩამოყალიბების პრობლემა, თბილისი, 1993

<sup>9</sup> ა.სურგულაძე ერის ცნებისა და რევოლუციამდელ საქართველოში ეროვნულ-განმათავისუფლებელი მოძრაობის ეტაპების შესახებ, თბილისი, 1970

<sup>10</sup> დ. მალაზონია, ქართული ისტორიოგრაფიული აზროვნება XIX საუკუნის II ნახევარში, თბილისი: ქრონოგრაფი, 2001

<sup>11</sup> გ. ალასანია, თვითიდენტიფიკაცია შუა საუკუნეების საქართველოში (მთელისა და ნაწილის ურთიერთობა), კრ. „ქართველური მემკვიდრეობა“, №VIII, ქუთაისი: ენა და კულტურა, 2003

<sup>12</sup> გ. ჩხარტიშვილი, ქართული ეთნიური რელიგიური მოქცევის 20

ტარიძის, „პოლიტიკური და კულტურული იდენტობაზე IV-VIII საუკუნეების ქართულ ერთობაში: „ქართლის ცხოვრების“ სამყარო“,<sup>13</sup> ზურაბ კიკნაძის, „ქართლი გაქრისტიანების გზაზე: ადამიანები და სიწმინდეები“,<sup>14</sup> მარიამ ჩხარტიშვილისა და ქეთევან მანიას, „ქართველთა ნაციონალური კონსოლიდაციის პროცესის ასახვა ბეჭდურ მედიაში ივერია და მისი მკითხველი საქართველო“,<sup>15</sup> საქართველო ათასწლეულთა გასაყარზე,<sup>16</sup> „ქართველი ერის დაბადება“,<sup>17</sup> თინათინ ბოლქვაძის, „ქართული ნაციონალური იდენტობის წრობა: იღიას „ივერია“,<sup>18</sup> ზაალ კიკვიძის, „ენა, გენდერი და ნაციონალიზმი“<sup>19</sup> და სხვა, რომლებიც ეროვნული იდენტობის ცალკეული საკითხების კვლევას მიეძღვნა. აღნიშნული გამოკვლევები მოწმობს იმას, რომ იდენტობრივი კვლევებისადმი ინტერესი დიდია. ეროვნული იდენტობისთვის დამახასიათებელი ფასეულობების განხილვა ცალკალკე თუ ერთად აღებული ქართველი მეცნიერების კვლევის საგანი ხდება.

---

ეპოქაში, თბილისი: კავკასიური სახლი, 2009

<sup>13</sup> ლ. პატარიძე, პოლიტიკური და კულტურული იდენტობაზე IV-VIII საუკუნეების ქართულ ერთობაში: „ქართლის ცხოვრების სამყარო“, თბილისი: კავკასიური სახლი, 2009

<sup>14</sup> ზ. კიკნაძე ქართლი გაქრისტიანების გზაზე: ადამიანები და სიწმინდეები, თბილისი: უნივერ-სალი, 2011

<sup>15</sup> გ. ჩხარტიშვილი, ქ. მანია, ქართველთა ნაციონალური კონსოლიდაციის პროცესის ასახვა ბეჭდურ მედიაში და მისი მკითხველი საქართველო, თბილისი: უნივერსალი, 2011

<sup>16</sup> საქართველო ათასწლეულთა გასაყარზე, თბილისი, 2005

<sup>17</sup> ქართველი ერის დაბადება, თბილისი: იღია ჭავჭავაძის სახელობის უნივერსიტეტის გამომცემლობა 2009

<sup>18</sup> თ. ბოლქვაძე, ქართული ნაციონალური იდენტობის წრობა: იღიას „ივერია“, თბილისი: უნივერსალი, 2010

<sup>19</sup> ზ. კიკნაძე, ენა, გენდერი და ნაციონალიზმი, თბილისი: უნივერსალი, 2010

დასახელებული ნაშრომები მიუთითებს იმას, რომ მნიშვნელოვანი საკითხებია ავტორთა ყურადღების ცენტრში მოქცეული. ამჯერად ყურადღებას ვამახვილებ სხვადასხვა სოციალური ფენების, ჯუფების ცნობიერებაზე და მათ მდგომარეობაზე. ქართულ ისტოროგრაფიაში სოციალური ისტორიის შესწავლა ბუნებრივია სიახლეს არ წარმოადგენს, თუმცა კალევა მიმართულია საზოგადოებრივ აღქმებზე.

## თავი პირველი

### გართული სინამდვილე და მროველი იდეა

როგორც ცნობილია, ქართული ჩვენ-ჯგუფის წევრები ერთობად თავს მოიაზრებდნენ ისეთ ფასეულობებზე დაყრდნობით როგორიცაა სამშობლო, ქართული ენა, ქრისტიანობა და მეფობის ინსტიტუტი. სწორედ ამიტომ XIX საუკუნის დასაწყისიდან მოყოლებული რუსეთის ხელისუფლებამ საქართველოს სახელმწიფო ეპისკოპოსი დამოუკიდებლობის გაუქმების შემდეგ მთავარი ძალა მიმართა ქართული ერთობის არსებობის ტრადიციული ელემენტების: მეფობის ინსტიტუტის, ქართული მართლმადიდებელი ეკლესიის და ქართული ენის გაუქმება-შესუსტებისაკენ.

რუსეთის გავლენაში მყოფ საქართველოს ცხოვრებაზე თავის ასახვას პოულობდა იმპერიაში მიმდინარე მოვლენები და განსაზღვრავდა ხშირ შემთხვევაში ქართული საზოგადოებრივი აზრის მიმართულებას და, ბუნებრივია, ეროვნულ თვითშეგნებაზეც გავლენას ახდენდა. XIX საუკუნეში რუსეთის დამპყრობლური პოლიტიკის შედეგად საქართველოს ახალ სისტემაზე მოუწია გადასვლა, რაც ქვეყნის ცხოვრების ყველა სფეროს შეეხო. ერთ-ერთი პრობლემური ჩვენთვის აღმოჩნდა რუსეთის საიმპერატორო კარის მიერ მიზანმიმართული ქმედებების შედეგად კუთხერობის გაძლიერება. ქართველების ცნობიერება რადიკალურად შეიცვალა და უკვე XIX საუკუნის II ნახევარში იღია ჭავჭავაძე წერს: „აბა დაიძახე ქართველო-თქო, თუ შავი ზღვიდამ მოყოლებული კასპიის ზღვამდე მარტო ლიპ-გადმოგდებულმა ქართლელის მეტმა შემოხედოს ვინმემ და თუ გაჭირდა, იქნება კახელმაც თავისი სხვილი კისერი შენკენ მოიღრიჯოს, სხვანი კი ყურსაც არ გათხოვებენ,

თითქო ამათ არ ეძახიო, თითქო ისინი კი ქართველები არ არიანო“<sup>20</sup> ეს პრობლემა მეტ სიმწვავეს იძენს როგორც XX საუკუნის პირველ, ისე მეორე ათწლეულში. უკრნალ „მოგზაურში“ ვკითხულობთ: „ჩვენებურ კაცს, ვინც უნდა იყოს ის, რომ შეხვდეთ და კითხოთ, ვინა ხარო? გეტეგის თუ კახელია კახელი ვარო, თუ რაჭველია – რაჭველიო და სხვა ამგვარად. სამარცხვინოა ჩვენთვის, რომ დღემდის ვერ შეგვიგნია თუ ვინა ვარო. როდესაც ჩვენ, როგორც ერთი კაცი, ისე ყველა ვიტყვით, ჩვენ ქართველნი ვართო, მაშინ, მხოლოდ მაშინ მოგვენიჭება ჩვენ დვოთური ძალა, მხოლოდ მაშინ იტყვის ჩვენი მტერი, რომ ჩვენც რამედ მისაჩნევი ვართ სხვა ერთა შორის.“<sup>21</sup> 1911 წელს თემი წერდა: „პკითხევით პირველ შეხვედრილ მეგრელს ქართველი ხო არა ხარო? – დაუფიქრებლად გეტყვით: არა ბატონო მე მეგრელი ვარო. ასევე გატყვით იმერელი, ასევე ფიქრობს ფშაველი. ქართლელი იმერლობას თაკილობს, კახელი კიდევ ორივეს ერთად.“<sup>22</sup>

იმის საჩვენებლად თუ როგორი განსხვავება იყო შუა საუკუნეებისა და რუსეთის მიერ დაპყრობილ საქართველოს შორის ნათლად აჩვენებს შემდგები ფაქტი, კერძოდ, სვანეთის ერთ-ერთი თემის ლატალის პატარა სოფლის ლაილის ეკლესიის ხატის XI საუკუნის წარწერა: წმიდაო მთავარანგელოზო მუხერისაო... ადიდენ მეფენი ბაგრატონიანნი, დადიანი და დიდებული და ერთობილი საქართველო და

<sup>20</sup> ი. ჭავჭავაძე, თხზულებანი ოც ტომად, ტ. V. თბილისი: მეცნიერება, 1991, გვ. 164

<sup>21</sup> უკრნ. მოგზაური, 1904, №304, გვ. 164-165

<sup>22</sup> გახ. თემი, 1911, №33, გვ.1

ერთობილი სუანნი...“<sup>23</sup> როდესაც ამ წარწერას ვკითხულობთ შეიძლება გაჩნდეს კითხვა, ეს ხომ ერთიანი საქართველოს პერიოდია და ბუნებრივია ასეთი აღქმა საზოგადოების მხრიდან? მაგრამ თუ იმ ლოგიკით ვიხელდმდვანელებთ, რომ შუა საუკუნეებში სხვადასხვა კუთხეებს შორის კავშირი არ იყო და ყველა საკუთარი რეგიონის კეთილდღეობაზე ზრუნავდა და კაპიტალიზმის შემოსვლის შემდგებ უკავშირდება ერთმანეთს ცალკეული კუთხეები. მაშინ სვანეთში, მთის ნაწილში, რომელიც ყოველთვის განკურძოებით იდგა ხელისუფლებისაგან, რატომ იყო ასეთი სულისკვეთება ერთიანი საქართველოს მიმართ? ანუ ზემოთ მოყვანილი მაგალითები მოწმობს, რომ ეს არის რჯუსფის მიერ შექმნილი იდეოლოგია. ვახუშტი ბატონიშვილი წერს: “ერთ-მეფობასა და წარმოაჩინებს აწცა სამნი ხილულნი ესენი: პირველი უკეთუ პკითხოო ვისმე ქართველსა, ან იმერელსა, მესხესა, პერ-კახესა, „რა რჯული ხარ“, წამს მოგიგებს „ქართველი“. მეორედ, არს მათ ყოველთა წიგნი და ენა ერთი და იგივე ფარნაოზ პირველსა მეფისაგან ქმნული და პკითხოს მათ წინ-თქმულთა კაცთა: „რა ენა და წიგნი უწყი“, მოგიგებს მყის „ქართული“, რამეთუ არ იტყვის არცა სჯულსა, ენასა და წიგნსა იმერთასა ანუ მესხთა და პერ-კახთასა, არამედ ქართულსა. მესამე არა სადმე ვიხილავთ დიდთა შენებულთა და ეკლესია-მონასტერთა ანუ ხატთა და ჯვართა ძვირფასთა, რომელთა ზედა იყო სხუათა მეფეთა სახელნი თვინიერ – „ჩვენ მეფემან საქართველოსამან ანუ ქარლისა და აფხაზეთისამან – „რომელნი ზედმიწერილი არიან ქუათა, ხატთა და

---

<sup>23</sup> ბ. გასვიანი, უძველესი ქართველური ენის ძეგლი (სვანური ლექსიკონი), ჟურნ. ანალები, №1, თბილისი, 2001, გვ. 94

ჯუართა ზედა“.<sup>24</sup> აქაც შეიძლება დაისვას კითხვა, ვა ხუშტი ბარონიშვილი ხომ ელიტის წარმომადგენელია და შეიძლება ის ქმნის ამ იდეოლოგიას? მაგრამ ჯერ ერთი, იგი საკმაოდ აკრიტიკებს ქართულ ხასიათს და უარყოფით მხარეებსაც უსვამს ხაზს და მეორე, როგორც ვიცით შეა საუკუნეებში საზოგადოების ფართო ფენებმა არ იციან წერა-კითხვა და ვერც ვა ხუშტის დაწერილი ფაქტი გახდებოდა იმ პერიოდის საზოგადოების უურადღების საგანი. XIX საუკუნის II ნახევრის და XX საუკუნის დასაწყისის საქართველოში კი კულტურული და პოლიტიკური ელიტა ფართო ფენებისთვის ქმნის იდეოლოგიას და ილია ჭავჭავაძის მიერ ჩამოყალიბებული იდეა ეპოქის გამოძახილია.

ჯერ კიდევ XVII საუკუნეში, როდესაც უან შარდენმა იმოგზაურა საქართველოში, სამეგრელოს აღწერის დროს იგი აღნიშნავს, რომ საკმაოდ გავრცელებული ყოფილა ბაზრობები სადაც იკრიბებოდა სხვადასხვა მხარის წარმომადგენლები. „14 სექტემბერი წიფურიაში სადღესასწაულო დღეა, იმართება ბაზრობა, რომელსაც სიპიასობას უწოდებენ. იგი ორშაბათიდან კვირამდე გრძელდება. ამ დღეს თავიანთ ეკლესიებში თავზე დადებული მიაქვთ წმინდა გიორგის ხატები. რადგანაც ამ დღესასწაულზე ბაზრობის გამო ძალიან ბევრი ხალხი ჩამოდის, მათ შორის მრავალი უცხოელია, რომელთა უმეტესი ნაწილი სომები, ქართველი და ებრაელი ვაჭრები არიან. აქ გაცხოველებული ვაჭრობა წარმოებს ყოველგვარი სურსათ-სანოვაგით, სამგაულებით, ქსოვილებით, რომლებიც ადგილობრივი საქონლის გვერდით იყო-

<sup>24</sup> ვ. ბაგრატიონი, ქართლის ცხოვრება, IV. ტექსტი დადგენილი და გამოცემული ყველა ძირითადი ხელნაწერის მიხედვით ს. ყაუხჩიშვილის მიერ, თბილისი, 1973, გვ. 265

დება.“<sup>25</sup> აგრეთვე საინტერესო დოკუმენტი 1819 წელს თბილისის პოლიციასტერის იოსებ შაგუბატოვის აღწერის მონაცემები, სადაც სხვადასხვა საკითხებთან ერთად აქცენტი გაკეთებულია საშინაო ბაზრის აღწერაზე. ყურადღებამისაქცევია ის გარემოება, რომ ამ პერიოდში კაპიტალისტური სისტემა არ იყო დამკვიდრებული და რუსების შემოსვლიდან ამ მოკლე სანში ვერც გზების გაყვანა მოესწრებოდა იმ მასშტაბით, რომ ვაჭრობას ასეთი ხასიათი მიეღო. მისი ცნობებიდან ჩანს, რომ აღმოსავლეთ და დასავლეთ საქართველოს ერთმანეთთან ფართო სავაჭრო ურთიერთობები აკავშირებდა. „ჩამონათვალის მიხედვით საქართველოს ეს ორი მხარე ერთმანეთში მრავალფეროვანი ასორტიმენტის პროდუქციას ცვლიდა, რაც თავისთავად ხელს უწყობდა ქვეყანაში ერთიანი შიდა ბაზრის განვითარებას. არსებული სავაჭრო ურთიერთობები აღწერილია არა ზოგადად, არამედ ჩამოთვლილია ცალკეულ რეგიონებში წარმოებული სავაჭრო პროდუქცია.“<sup>26</sup>

აღწერის მიხედვით თბილისის ბაზართან დაკავშირებული ყოფილა ყველა რეგიონი – „შიდა ქართლიდან და ანანურიდან თიფლისში ჩამოტანილი გასაყიდი საქონლის ნაცვლად ცოტა ფულს იღებენ. უფრო მეტად მიაქვთ საქონელი: ლეკური ნაბდები, ხარები და სხვა, რაც მათთან არ არის, ან ძალიან ცუდია.

<sup>25</sup> ქან შარდენი, ტექსტი ფრანგულიდან თარგმნა, გამოკვლევა და კომენტარები დაუთმო მზია მგალობლიშვილმა, თბილისი: მეცნიერება, 1975, გვ. 195

<sup>26</sup> ა. თაბუაშვილი, გ. ქუჯუნაშვილი, „საქართველო და იმერეთი“ იოსებ შაგუბატოვის 1819 წლის აღწერის მიხედვით. მოხსენება წაკითხული საქართველოს ისტორიის ინსტიტუტის ყოველწლიურ სამეცნიერო კონფერენციაზე (2011), გვ. 4

ქიზიყელი და კახელი გლეხები კი ჩამოტანილი დვინის სანაცვლოდ ბევრ ფულს იღებენ და ამასთან მსხვილფეხა საქონლის გარდა იმავე საქონელს ყიდულობენ, რასაც ქართლელები.

კეთილშობილი გვარიშვილები იმერეთიდან, ქართლიდან და კახეთიდან, ასევე აღალარები ყაზახიდან, შამშადილუსა და ბორჩალოს დისტანციებიდან ტფილისელი ვაჭრებისაგან და მედუქნეებისაგან ყიდულობენ მრავალი სახის შემოტანილ საქონელს, რომელსაც იყენებს ორივე სქესი სამოსად და სხვა.<sup>27</sup>

ფაქტობრივად ზემოთ მოყვანილი მასალა მოწმობს, რომ ქართული ერთობის წევრებს შორის კავშირი არსებობდა ყოველ ეპოქაში, თუმცა სხვადასხვა ფორმით იყო გამოხატული. ზემოთ განხილული საკითხის სისწორეს ადასტურებს საქართველოს დემოკრატიული რესპუბლიკის სამხედრო მინისტრის გრიგოლ ლორთქიფანიძის მოსაზრება: „რუსეთის მთავრობამ საქართველოს სახელი პოლიტიკურ და გეოგრაფიულ ლექსიკონიდან ამოშალა და მხოლოდ იმპერატორის ტიტულში და ეგზარხის წოდებაში დასტოვა. საქართველო რუსულ გუბერნიებად და მაზრებად დასჭრა, ხოლო ქართველი ერის არსებობა გააზდაპრა, ასეთი ნაცია თითქოს არ არსებობდა, მისთვის იყო ქართლელები და გურულები, მეგრელები და კახელები, იმერლები და სვანები, აჭარლები და ხევსურები და ასე ბოლომდე. ამით დამპყრობელო უნდოდათ ქართველი ერის გახრწნა და დაშლა. ამ, მიზნისათვის დიდის თავგამოდებით მუშაობდა რუსული ეკლესია და აი, მანაც უძლიერესი იგრიშები საქართველოს განაპირებაზე მიიტანა.“<sup>28</sup>

<sup>27</sup> იქმა, გვ. 4

<sup>28</sup> გ. ლორთქიფანიძე, ფიქრები საქართველოზე, თბილისი:

როგორც ვხედავთ, კუთხეურობის გამოხატულება იყო არა მხოლოდ კაპიტალიზმის არარსებობის და უგზობის მიზეზი, არამედ რუსეთის საიმპერატორო კარის მიზანმიმართული ანტიქართული პოლიტიკის შედეგი.

რუსული გავლენის შედეგად ეროვნული ცნობიერების შესუსტებას თან დაერთო მთელი რიგი სოციალურ-ეკონომიკური და პოლიტიკური გარდაქმნები, რაც ბატონიშვილის გაუქმებას, გლეხობის, როგორც ახალი თავისუფალი ფენის სტატუსით გაჩენას, კაპიტალიზმის დამკვიდრებას, ბურჟუაზიის და პროლეტარიატის ჩამოყალიბებას, რევოლუციების მრავალრიცხოვნობას და განსხვავებული იდეოლოგიების არსებობას უკავშირდება. ახალი გამოწვევების წინაშე აღმოჩენილი გაუთვითცნობიერებელი საზოგადოების არსებობას ისიც ემარებოდა, რომ საერთო მტრის წინააღმდეგ ბრძოლის ნაცვლად გაუთავებელ შიდა დაპირისპირებას ახმარდნენ დროსა და ენერგიას. ამასთან დაკავშირებით 1876 წლის გაზეთ „დორევბაში“ გვითხულობთ: „ქართველებს რომ საღი ეროვნული შეგნება პქონდეთ, მტკიცედ იდგნენ იმ რწმენაზე, რომ ეროვნების გარეშე მიუწვდომელია კულტურა, მაშინ შექმნიდნენ ისეთ სულიერ ეროვნულ წრეს, რომელიც წინააღმდეგობას გაუწვდა გარეგან ბოროტებას, ეროვნული ვინაობა არ დაიჩაგრებოდა ისე სასტიკად და შესაძლებელი იქნებოდა პიროვნების წარმოშობა და განვითარება, მიუხედავად გარეგანი დაბრკოლებისა. ამის ნაცვლად, ოჯახში, საზოგადოებაში, კერძოობაში ჩვენ ვხედავთ მხოლოდ მისწრაფებას ეროვნული წრის მოსპობისადმი. გარეშების დევნილს ჩვენ თვითონ არა ნაკლებ

ვდევნით და ვაძლიერებთ იმ პირობებს, რომლებიც უარყოფენ ჩვენს არსებობას.“<sup>29</sup>

როგორც ცნობილია, საქართველოში ეროვნული იდეის განვითარების მიმართულებით ახალი ეტაპი იწყება XIX საუკუნის II ნახევრიდან, როდესაც სამოღვაწეო ასპარეზზე გამოდიან სამოციანელები ილია ჭავჭავაძის მეთაურობით და მათი მთავარი მიზანი ხდება ილიას მიერ დამკვიდრებული ლოზუნგის: „მამული, ენა სარწმუნოება“ შენარჩუნებისთვის ბრძოლა. ეს არის იდეა, რომელიც, ფაქტობრივად მთლიანად გასძვევს XIX საუკუნის II ნახევრისა და XX საუკუნის დასაწყისის ქართული კულტურული და პოლიტიკური ელიტის ნაწილის ბრძოლას ეროვნული ცნობიერების ამაღლებისათვის მოსახლეობის ფართო ფენებში და ეროვნული თავისუფლებისათვის.

დავიწყებ იმით, რომ ილიას მიერ ერთიან ლოზუნგად დამკვიდრებული „მამული, ენა, სარწმუნოება“, საუკუნეების მანძილზე ისტორიის სხვადასხვა ეტაპზე ეპოქის მოთხოვნილებებიდან გამომდინარე დღის წესრიგში იდგა ყოველთვის, თუმცა ცალკეულ შემთხვევებში რომელიმე მათგანი წინა პლანზე იყო წამოწეული და განმსაზღვრელ აღგილს იკავებდა.

ილიას მეთაურობით პერიოდულმა გამოცემამ „ივერიამ“, თავიდანვე გამოკვეთა თავისი მიმართულება. აქ ჩამოყალიბებულია ის იდეები, რომელთაც ეროვნული დატგიროვა გააჩნდა. პირველ ადგილზე დაყენებულია სამშობლო. „საძირკველს ნაციონალურის ძალისას შეადგენს ტერიტორია, მიწა-წყალი, მამული, სამშობლო. მიწა-წყალი მარტო ნივთიერი ფაქტორი არ გახლავთ. იგი ამასთან სულიერია, ცოცხალი არსებაა. თუ ერთი მხრივ იგი იპყობს

<sup>29</sup> გამოცემა, დროება, 1976, №102, გვ. 1

გვამთა მამა-პაპასათა, მეორე მხრივ მასში ტრიალებს წინაპართა დიდებული სული და ეს სული აცოცხლებს, ასულდგმულებს, აცხოველებს თანამედროვე თაობას. წაართვით ერს მისი მიწა-წაყლი, მისი ტერიტორია და იგი დაჰკარგავს არა მარტო ნიადაგს არსებობისა, არამედ მოსწყდება იმ დიდებულ ისტორიულს სულს, რომელიც სამშობლოში ტრიალებს.“<sup>30</sup>

თითოეულ სტატიას, თითოეულ სიტყვას გააჩნდა გარკვეული დატვირთვა, როგორც ეროვნული, აგრეთვე პოლიტიკური. შემთხვევითი არ იყო, რომ პირველ აღილზე სამშობლო, ტერიტორიაა დაყენებული. საჭირო იყო სახელმწიფოებრიობა დაკარგული ქართველი ერის ცნობიერებაში დამოუკიდებელი მიწა-წყლის, საკუთარი სამშობლოს ქონის აუცილებლობის დამტკიცება. სამშობლოს შემდეგ მეორე ეროვნულ სიმბოლოდ „ივერია“ მიიჩნევს ქართულ ენას, რომელიც ერის არსებობის აუცილებელი ნიშანია. ქართულ ენას საუკუნეების მანძილზე დიდი დატვირთვა გააჩნდა, თუმცა რუსეთის მიერ საქართველოს დაპყრობის შემდეგ, როდესაც მას განსაკუთრებული საფრთხე შეექმნა, ქართული კულტურული და პოლიტიკური ელიტის მიერ სისტემატიურად იღებდებოდა პრესაში ქართული ენის დანიშნულების შესახებ. ამ მხრივ გამონაკლისს არც „ივერია“ წარმოადგენდა. „მეორე ბურჯი ერის აღორძინებისათვის გახლავთ სამშობლო ენა. ერის განვითარება პირდაპირ დამოკიდებილია ენის განვითარებაზე. თუ ენა ერთ წერტილზეა შეჩერებული, ერის წინმსვლელობაც მოსპობილია, თუ ენა უკანუკან მიდის და დატაკდება, აზროვნებაც ერისა ქვეითდება, უძლურდება, ვითარდება, მდიდრდება ფორმებითა, ერის აზ-

<sup>30</sup> გამ. ივერია, 1901, №116, გვ. 1

როვნებაც წელში იმართება, ძალ-დონეს იძენს, აყვა-  
ვების ხანა უდგება.“<sup>31</sup>

მესამე „ბურჯად“ მიჩნეულია სკოლა. „მესამე  
ბურჯი ერის წარმატებისა გახლავთ სკოლა. რომელ  
ქვეყანაშიაც კი უმრავლებიათ სკოლები, ყველგან  
მათ მოუხდენიათ საოცარი ძირითადი ცვლილება:  
ერი გამდიდრებულა ცოდნით, ამაღლებულა ზნეო-  
ბით, ადგილია დოვლათით. სკოლებს დიდი მნიშვნე-  
ლობა აქვთ არა მარტო გლეხთათვის, არამედ კე-  
თილშობილ წოდებისათვისაც, რადგანაც ჩვენში  
წვრილმანი აზნაურობა მრავალრიცხოვანია და იგი  
თავის შვილებს სახალხო სკოლებში ზრდის.“<sup>32</sup>

საინტერესოა, რომ მესამე ადგილზე სკოლა,  
სწავლა-განათლებაა დაყენებული. რაც შემდეგი გა-  
რემობით არის განპირობებული: 1. როგორც ცნობი-  
ლია, XIX საუკუნის 60-იანი წლებიდან ქართველთა  
ეროვნულ-განმათავისუფლებელ მოძრაობაში იწყება  
ახალი ეტაპი, რაც გულისხმობდა შეიარაღებული  
ბრძოლის ნაცვლად, მტკიცედ შემუშავებული ეროვ-  
ნული იდეოლოგიის საშუალებით საზოგადოების  
ცნობიერების გაერთგვაროვნებას. 2. საზოგადოების  
ყველა წევრის თანასწორად ჩართვა განმათავისუფ-  
ლებელი მოღვაწეობის პროცესში. 3. სკოლას, სწავ-  
ლას განათლების გარდა, აღნიშნულ ეპოქაში ეროვ-  
ნული ფუნქციაც მიენიჭა. სკოლის საშუალებით,  
ეროვნული ისტორიის ცოდნით უნდა მომხდარიყო  
საზოგადოების განათლების, ნაციონალური ცნობიე-  
რების დონის ამაღლება.

მეოთხე ადგილზეა დაყენებული ქრისტიანობა,  
რომელმაც პუბლიცისტების აზრით მას შემდეგ რაც  
საქართველოში გავრცელდა და გამოცხადდა სახელ-

<sup>31</sup> გაზ. ივერია, 1901, №116, გვ. 1

<sup>32</sup> გაზ. ივერია, 1901. №117, გვ. 1

მწიფო რელიგიად ქართველი ერის ცხოვრებაში მნიშვნელოვანი აღგილი დაიკავა. ქართველობა და ქრისტიანობა საუკუნეების მანძილზე ერთიან კონტექსტში მოიაზრებოდა. „მეოთხე ბურჯი ერის წარმატებისა არის ეკლესია. წინად ჩვენი ეკლესია სასიქადულოდ აღასრულებდა თავისს მაღალს დანიშნულებას. მან ჩვენს ერში დანერგა ძლიერი სარწმუნო ებრივი გრძნობა, მოპფინა ველნი და მთანი მდიდარი ტაძრებით და მონასტრებითა, შექმნა სასულიერო ლიტერატურა, შეაერთა ქართველებში ერთად მაცხოვრის და მამულის მხეურვალე სიყვარული და თვით კავკასიონის მთებიც კი გახადა ასპარეზად სახარების ძლევამოსილი ქადაგებისა. ეკლესია და სკოლა არის სათავე ხალხის ზნეობისა, კეთილისა, ხოლო თვითონ ეთიკა, სპეტაკი ზნე საძირკველია ხალხის არსებობისა, სიმტკიცისა, კეთილდღეობისა, წარმატებისა.“<sup>33</sup>

აღნიშნული ეროვნული პროგრამის ჩამოყალიბება შემთხვევითი არ ყოფილა. ეს ქართველ მოღვაწეთა მთავარი საბრძოლო დევიზი გახდა. XIX საუკუნის I ნახევარში ანტირუსული აჯანყებების წარუმატებლად დასრულების შედეგად, ქართული კულტურული და პოლიტიკური ელიტა დარწმუნდა იმ ეტაპზე საქართველოს სახელმწიფო ებრივი დამოუკიდებლობის აღდგენის უპერსპექტივობაში და აქედან გამომდინარე XIX საუკუნის II ნახევრიდან იწყება ეროვნული მოძრაობის ახალი ეტაპი, რომელიც ეპოქის გამოწვევებიდან გამომდინარე გარკვეულ ცვლილებას განიცდიდა.

ქართულმა პოლიტიკურმა და კულტურულმა ელიტამ გააცხობიერა, რომ თავისუფლების ბრძო-

<sup>33</sup> ოქამ, გვ. 2

ლისთვის ხალხის მასების მობილიზებას მხოლოდ ლოზუნგები ვერ მოაგვარებდა და არც გაუთავებელ შეიარაღებულ, უსისტემო გამოსვლებს მოყვებოდა შედეგი. საჭირო იყო ხალხთან რაც შეიძლება მეტი კონტაქტი და მათთვის გასაგებ ენაზე საუბარი. გარდა იმისა, რომ ქართველებს თავისუფლებისთვის უნდა ებრძოლათ, მათ, აგრეთვე უხდებოდათ ყოველდღიური ბრძოლა იმ ცვლილებებთან, რაც რუსეთის ხელისუფლებამ მოიგანა საქართველოში. აუცილებელ საჭიროებას წარმოადგენდა ახალი გამოწვევების მიღება და მასში ჩართულობა. ეს იქნებოდა სოციალური, ეკონომიკური თუ საგანმანათლებლო.

XX საუკუნის პირველ ოცწლეულში ეროვნულ-განმათავისუფლებელი მოძრაობის იდეოლოგები შემდეგ მიზნებს ისახავდნენ: 1. ავტონომიის ფორმით რუსეთის ქვეშევრდომობაში გაერთიანებას; 2. ქართული კულტურული მემკვიდრეობისა და საქართველოს ისტორიის, ანუ წარსულის მახსოვრობის პროპაგანდას. 3. ეროვნული ეკონომიკის, სასწავლო-საგანმანათლებლო სისტემის აღორძინებას. 4. ეროვნული თავისუფლების ფენომენის ატქუალიზება. ყოველივე ზემოთაღნიშნული ეროვნული იდეა თუ სიმბოლო ეროვნულ თავისუფლებამდე მისასვლელი გზა იყო.

XIX საუკუნის II ნახევრიდან მოყოლებული ქართველი პოლიტიკური და კულტურული ელიტის ნაწილის მიზანი მდგომარეობდა ილიას მიერ ჩამოყალიბებული ეროვნული პროგრამის განხორციელებაში, რომელიც გარკვეულ ცვლილებას და განახლებას განიცდიდა ეტაპობრივად ეპოქის გამოწვევებიდან გამომდინარე. აღნიშნული მიზანი კი ქართული ერთობის წევრების ეროვნულ სივრცეში მობილიზება, სამშობლოს როლის გააზრება და მისი თავისუფლების მოპოვებისთვის ბრძოლაში ჩაბმა იყო.

XX საუკუნის დასაწყისში ამას ემატება არჩილ ჯორჯაძის „საერთო მოქმედების ნიადაგი“, რომელიც ეროვნული ძალების სამოქმედო მიზანი გახდა.

„1901 წელს გამოქვეყნებულ წერილებში არჩილ ჯორჯაძემ თავი მოუყარა ილია ჭავჭავაძის, ნიკო ნიკოლაძის და სხვა ქართველი მოღვაწეების ნააზრევს და „საერთო მოქმედების ნიადაგი“ ერთიანი ოქონიული სისტემის სახით ჩამოაყალიბა, რომელიც შედგებოდა ხუთი პუნქტისაგან, ანუ ხუთი საერთო-ეროვნული მიზნისაგან, რაც ქართველ ერს უნდა განეხორციელებინა: 1. ქართული ენისა და საერთოდ ეროვნულ-კულტურული ლირებულებების დაცვა; 2. ეროვნული ვაჭრობა-მრეწველობის შექმნა და განვითარება; 3. ქართული მიწების, მეურნეობის ქართველთა ხელში დარჩენა; 4. ინტელიგენციის სახალხო-კულტურული მოღვაწეობა; 5. ქალაქთა თვითმმართველობებში ქართველთა ჩარევა და მომძლავრება.

ამ ხუთი უმთავრესი მიზნის განსახორციელებლად არჩილ ჯორჯაძემ „საერთო ნიადაგზე“ ერთობლივი მოღვაწეობისაკენ მოუწოდა საქართველოს სხვადასხვა პოლიტიკურ პარტიასა და მიმდინარეობას.“<sup>34</sup>

ნებისმიერი ერის არსებობის ისტორიაში ტერიტორიას განსაკუთრებული მნიშვნელობა ენიჭება. მყარი ერთობისთვის აუცილებელია ერის გარკვეულ საზღვრებში მოქცევა, რომელზედაც საუკუნეების მანძილზე ხალხის ერთობა განიცდის განვითარებას, უყალიბდება ერთიანი ზნე-ჩვეულება, მენტალიტეტი, იქმნება ეროვნულ დირებულებათა თავისებური სისტემა. სწორედ ამიტომ იყო, რომ ქართული კულტურული და პოლიტიკური ელიტის მხრიდან მუდმივად კეთდებოდა აქცენტი საკუთარი ტერიტორიის, საზ-

<sup>34</sup> საქართველოს ისტორია XX საუკუნე, თბილისი: არტანუჯი, 2001, გვ. 20

დვრების საჭიროებაზე და ქართველების ერთიანობაზე. გაზეთ „ივერიის“ მიერ შემუშავებული იდეაც ამ მოსაზრების საჯაროდ რეალიზაციაა. რადგან რუსეთის მიერ საქართველოს დაპყრობის შემდეგ მისი კოლონიური პოლიტიკა საქართველოში სამი მიმართულებით წარიმართა: პოლიტიკური, ეკონომიკური, და კულტურულ-საგანმანათლებლო. რუსეთი სამივე მიმართულებით იპყრობდა ქვეყანას, პოლიტიკურად – იარაღით, ეკონომიკურად – წარმოების კონსლიდაციით და იაფი ნედლეულის გადაზიდვით, კულტურულ-საგანმანათლებლო მიმართულება კი ძველთაძველი ქართული კულტურის ტრადიციების მოსპობითა და განათლების ახალი კერების რუსიფიკაციით იგვამებოდა.

რუსეთის ხელისუფლება დაპყრობილ ქვეყანას უპირველესად რუსიფიკატორული პოლიტიკით უნდა დაუფლებოდა. იარაღით დაპყრობილი საქართველო ქართველი ხალხის გარუსებით თუ იქცეოდა იმპერიის ბუნებრივ შემადგენელ ნაწილად, მხოლოდ გარუსებული ქართველობა თუ იქნებოდა რუსული გუბერნიების მორჩილი მოსახლეობა. ეს მიზანდასახულობა მხოლოდ სკოლებით შეიძლებოდა განხორციელებულიყო, თუკი ამ სკოლებიდან სრულიად განიდევნებოდა მშობლიური ენა და სწავლება რუსულ ენაზე დაწესდებოდა.<sup>35</sup>

**1. სამშობლო.** იმისთვის, რომ საზოგადოება იყოს ერთიანი და იბრძოდეს სამშობლოს თავისუფლებისთვის საჭიროა ნათლად პქონდეს გაცნობიერებული საკუთარი როლი ერის არსებობის ისტორიაში, საფუძვლიანად იცნობდეს ქვეყნის ისტორიას,

<sup>35</sup> ალ. ბენდიანიშვილი, ალ. დაუშვილი, გ. სამსონაძე, დ. ჭუმბურიძე, ო. ჯანელიძე, რუსული კოლონიალიზმი საქართველოში, თბილისი: უნივერსალი, 2008, გვ. 301

ტრადიციას და ამ ყოველივესადმი გააჩნდეს სიყვარული. ქართული ინტელიგენციის მთავარი მიზანი ამ გრძნობის გადვივება იყო. „სამშობლოს სიყვარული ერთი ძირითადი გრძნობათაგანია ადამიანის ბუნებაში, ვინაც სამშობლოს სიყვარულს ატარებს გულში, მას უყვარს დედა-ენა, სამშობლო მხარე, დიდი პატივისცემა აქვს მას სამშობლო გმირებისა, მწერლებისა. სამშობლოს სიყვარული რწმენად ექცევა კაცს და ეს რწმენა მის მოქმედებას განსაზღვრულ მიმართულებას აძლევს. ცხადია, სამშობლოს სიყვარული აცხოველებს ადამიანს, უნერგავს მას უნერგიას, ბადებს მასში იდეალისადმი მისწრაფებას, იწვევს მას საგმირო საქმეებისაკენ.“<sup>36</sup>

ერის კონსოლიდაციისთვის აუცილებელ საჭიროებას წარმოადგენს საზოგადოების ერთობა, ანუ საერთო მისწრაფებით გამსჭვალვა, რათა უფრო ნათლად გააცნობიეროს საკუთარი მამულის, სამშობლოს როლი ერის არსებობაში. „სამშობლოს დამკარგავი ერი ვერ დაიცავს თავის არსებობას და თუნდაც გააგრძელოს, თუნდაც მოიპოვოს სიმდიდრე ვაჭრობით და მრეწველობით, მაინცდამაინც ყოვლად უბედური იქნება. იგი დაემსგავსება ბოგანო მხვნელმოესველს, რომელსაც საკუთარი კერა არ გააჩნია. იგი ილაწლაწებს ერთი ქვეყნიდან მეორეში, ყველგან იგი იქნება უცხო, ყველგან მოძულებეული სტუმარი, ყველასაგან დაბრიყვებული ლობე, რომელსაც თვლავს ყოველი გამვლელ-გამომვლელი. აი რისთვის საჭიროა, უკიდურესად საჭირო რომ ქართველობამ საგსებით შეირჩინოს თავისი მიწაწყალი, მამული და სხვა ხალხის ხელში არ ჩააგდოს.“<sup>37</sup> საქართველოში სამშობლოს შესახებ ხშირი განმარტება-მო-

<sup>36</sup> გაზ. იმერეთი, 1912, №28, გვ. 2

<sup>37</sup> გაზ. ივერია, 1909, №2, გვ. 2

წოდებები მიუთითებს იმაზე, რომ საზოგადოება ამის საჭიროებას განიცდიდა.

XIX საუკუნის 90-იანი წლებისათვის საქართველოში საბოლოოდ ჩამოყალიბდა კაპიტალისტური საზოგადოებისათვის დამახასიათებელი ახალი სოციალური სტრუქტურა. ქართული საზოგადოება გარდამავალ ხასიათს ატარებდა და ბატონიშვილი სისტემის ნაშთების ლიკვიდაციიდან კაპიტალიზმის საბოლოო გამარჯვებისაკენ მიმავალ გზაზე იდგა. საზოგადოების გამრავალფეროვნებასთან ერთად სხვადასხვაგარი გახდა საზოგადოების შემადგენელი სოციალური ფენების, ჯგუფებისა თუ კლასების ინტერესებიც. ყველა მათგანს საკუთარი მისწრაფებები გააჩნდა და ცდილობდა ისინი სხვადასხვა გზით დაგვმაყოფილებინა.<sup>38</sup> ასეთ ვითარებაში ქართული კულტურული და პოლიტიკური ელიტა ორმაგად საპასუხისმგებლო მდგომარეობაში აღმოჩნდა. საჭირო იყო სწორად შემუშავებული და წარმართული ეროვნული პროგრამა, რომელსაც ერთობის წევრების პომოვენიზაციისთვის უნდა შეეწყო ხელი და მომავალში მათი კონსოლიდაცია უზრუნველეყო. ეს პირველ რიგში კულტურის ერთობით უნდა გამოხატულიყო. საქართველოს ყველა კუთხის წარმომადგენელს უნდა ჰქონდა განცდა იმისა, რომ „ქართველი ერი ერთია: კახელი, იმერელი, ქართლელი, ფშავ-ხევსური, მთიული, ჯავახელი, იმერელი, აჭარელი, მეგრელი, გურული და სვანი, ყველა ქართველია, ყველას უდის ქართული სისხლი, ყველა ლაპარაკობს ქართულ ენაზე, ყველას ერთად გამოუგლია წარსულ საუკუნეებში ერთი და იგივე სიხარული და უბედურება. დღეს ყველა ერთ ტაფაში იწვის და ყველას უდივის ან უნდა

<sup>38</sup> საქართველოს ისტორია XX საუკუნეები, თბილისი, 2003, გვ. 9

უდვივოდეს ერთნაირი მისწრაფება—კულტურული თავისუფლება.<sup>39</sup> ერთადერთი, რაც ანაწილებს ქართველებს ერთმანეთისგან მხოლოდ გეოგრაფიული საზღვრები და გეოგრაფიული სახელწოდებებია. სინამდვილეში კი საქართველო ერთიანი ქვეყანაა და ის მხოლოდ ქართველი ერის კუთვნილებაა. ქართული საზოგადოების ნაწილი კარგად აცნობიერებდა კულტურის ერთობის აუცილებლობას, საზღვრების მოსპობას, არა მარტო ცალკეულ კუთხეებს, არამედ სოციალურ ფენებს შორის და საერთო, ეროვნული იდეოლოგიის ირგვლივ გაერთიანებას მოუწოდებდა ყველას. „სამშობლოს სიკვარული არ შეადგენს ერთი რომელისამე კლასის მონოპოლიას, ის არის საერთო გრძნობა და, როგორც ასეთი დგას კლასობრივ პსიხოლოგიაზე მაღლა. რა იდეალების მომხრეც უნდა იყოს განსაზღვრული სოციალური კლასი, რა გამწვავებული ფორმაც უნდა ჰქონდეს მიღებული კლასობრივ განხეთქილებას, საერთო ეროვნული ინტერესები მაინც რეალური ფაქტია, რომლის უარისყოფა მხოლოდ ძალად დაბრმავების მომასწავებულია. ეს საერთო ნიადაგი ადვილად დასანახია განსაკუთრებით მაშინ, როდესაც ერს გარეშე მტრისგან განსაცდები მოელის და როდესაც მთელი ერთდება ეროვნულ ინდივიდუალობის დასაცავად. ასეთი მომენტი იწვევს ეროვნულ ენთუზიაზმს და ეროვნულ ძალთა გაერთიანებას. ასეთ დროს კლასობრივი წინააღმდეგობა კარგავს გამწვავებულ ფორმას, ის დროებით ქრება და ერი მთელ თავის ძალდონით საერთო მტრის წინააღმდეგ მიღის იერიშით“<sup>40</sup>

ქართული კულტურული და პოლიტიკური ელიტის მხრიდან ამგვარი მოწოდებები შემთხვევითი არ

<sup>39</sup> გაზ. ივერია, 1909, №2, გვ. 2

<sup>40</sup> გაზ. ივერია, 1905, №148, გვ. 2

ყოფილა. ისტორიის განვითარების აღნიშნულ მონაკვეთში ქართულ საზოგადოებას ეროვნული შეგნების ამაღლება ნამდვილად ესაჭიროებოდა. სწორედ ამიტომ არ დარჩენილა არცერთი უურნალი და გაზეთი, არცერთი ეროვნული დაწესებულება, სადაც ამ პრობლემაზე არ იქნებოდა საუბარი. გიორგი გვაზას აზრით, „პირველი მოთხოვნილება ერის აღსადგენად არის მისი ეროვნული ცნობიერების გამოღვიძება. თუ ცალკე პირი ვერა გრძნობს, რომ იგი ნაწილია ერისა, რომ მისი ბედნიერება დამოკიდებულია, თუ მატერიალურად არა, სულიერად მაინც მთელი ერის ბედნიერებაზე, რა თქმა უნდა ყოველი ეროვნული ხასიათის შრომაც შეუძლებელია.“<sup>41</sup>

სწორედ ამიტომ ცდილობდნენ ნაციონალიზმის იდეოლოგები ეროვნული მახასიათებლების წინაპლანზე წამოწევას და პროპაგანდას. ისტორიული მახსოვრობა და ტრადიცია კოლექტიური კულტურული იდენტობის ერთ-ერთი აუცილებელი ატრიბუტია. XX საუკუნის I ოცწლეულში ქართული კულტურული და პოლიტიკური ელიტა მთლიანად ორიენტირებულია ქართული ენისა და წარსულის მახსოვრობის და ტრადიციების შენარჩუნება-განმტკიცებაზე. „სამშობლო ხდება ისტორიული მეხსიერებისა და ასოციაციების საცავი ადგილი, სადაც „ჩვენი“ ბრძენი წინაპრები, წმინდანები და გმირები ცხოვრობდნენ, შრომობდნენ, ლოცულობდნენ და იბრძოდნენ. ყოველივე ამის გამო მშობლიური მიწა უნიკალური ხდება, მისი მდინარეები, სანაპიროები, ტბები, მთები და ქალაქები „საკრალურ“ მნიშვნელობას იძენს.“<sup>42</sup>

<sup>41</sup> გ. გვაზავა, ჩეხია (სოციოგრაფიული მიმოხილვა), თბილისი, 1919, გვ. 10

<sup>42</sup> ქ. სმითი, ნაციონალური იდენტობა. ინგლისურიდან თარგმნა ლელა პატარიძემ, თბილისი: ლოგოს-პრესი, 2008, გვ. 11-12

როგორც მარიამ ჩხარტიშვილი აღნიშნავს: „ნაციონალური იდენტობა, ერთი მხრივ, გულისხმობს „ერთობის წევრებს შორის სოლიდარობის ისეთი კავშირების არსებობას, როგორიცაა საერთო წარსული, მითები და ტრადიციები. ისტორიული მახსოვრობა, რომელიც კოლექტიურ კულტურულ იდენტობაზე დაფუძნებული ერთობის ერთ-ერთი უმთავრესი მარკერია, ინახავს გარდაცვლილ წევრთა სახელებს, უფრო ზუსტად კი, სახეებს. “სიმბოლოები, გამოგონილი ისტორიები ისევე მოქმედებენ, როგორც რეალურნი. ანუ გამონაგონიც არსებობის თვალსაზრისით რეალურია. ის იყავებს ნიშას, რომელსაც კოლექტიურ მეხსიერებაში შეესაბამება უჯრედი „წინაპარი“. როგორც მართებულად არის შენიშნული სპეციალურ ლიტერატურაში, ეთნიკური ერთობები მნემონიკური კოლექტივებია. მათი არსებობა სწორედ მახსოვრობით არის განსაზღვრული. რამდენად ძლიერია ეს მახსოვრობა, რამდენად დრმაა იგი, იმდენად დიდია მოლოდინი იმისა, რომ ეთნიკ თავს შეინარჩუნებს და მეტიც, შეძლებს მითების გადატანას მოდერნულ იდეოლოგიაში.“<sup>43</sup>

ისტორიული წარსულის ცოდნა ყველა ერის-თვის აუცილებელი და საჭიროა. მაგრამ ეს ფაქტი განსაკუთრებულ მნიშვნელობას იძენს დაპყრობილი ერის ცნობიერებაში. წარსული უბრალო ისტორიული ფაქტები კი აღარ არის, არამედ თითოეული მოვლენა საკრალურ დატვირთვას იძენს და ხშირ შემთხვევაში ერის გამაერთიანებელი ძალა ხდება. „გარკვეულ ტერიტორიასთან ან მისსავე ფარგლებში რომელიმე ადგილთან მიმართებას შეიძლება ჰქონდეს მითიური და სუბიექტური ხასიათი. სწორედ ეს კავ-

<sup>43</sup> შ. ჩხარტიშვილი, ქართული ეთნიკ რელიგიური მოქცევის განვითარების თბილისი: კავკასიური სახლი, 2009, გვ. 30

შირები და ასოციაციებია უფრო მნიშვნელოვანი ეთნიკური იდენტიფიკაციისთვის, ვიდრე ამ ტერიტორიაზე ცხოვრება ან მისი განკარგვა. ეს ის ადგილია, რომელსაც მივეკუთვნებით. ხშირად ეს არის საკრალური მიწა, ჩვენს მამა-პაპათა, რჯულმდებელთა, მეფეთა, ბრძენკაცთა, პოეტთა და მღვდელმსახურთა მიწა და ამიტომ არის ის ჩვენი სამშობლო. ჩვენ ისევე ვეკუთვნით მას, როგორც ის ჩვენ გვეკუთვნის. გარდა ამისა, სამშობლოს საკრალური ცენტრი თავს უყრის ეთნიკური წევრებს.<sup>44</sup> აქედან გამომდინარე ქართული კულტურული ელიტის მთავარი ორიენტირი საქართველოს სახელმწიფო ბრძოლის დამოუკიდებლობის არარსებობის პირობებში ქართული ნაციონალური ტრადიციების და იმ ისტორიული პირების წინა პლანზე წამოწევა ხდება, რომლებმაც საქართველოს ერთიანობისათვის ბრძოლას თავი შესწირეს. ის ფაქტი, რომ ხშირად კეთდება აქცენტი ისტორიულ პირებზე, მათ დამსახურებაზე ერის არსებობის შენარჩუნებაში, ქართულ წეს-ჩვეულებებზე, ტრადიციაზე და იმ ძირითად ეროვნულ მახასიათებლებზე, რომელს ქართული ცნობიერების ისტორიაში. „ქართული გაზეთის“ ერთ-ერთი სტატიის „ქართველების ეროვნული მდგომარეობა“, ავტორი სვამს კითხვას „რა იყო მიზეზი, რომ ერთმა მუჭა ქართველმა ხალხმა თრი ათასი წლის გაჭირვებასა და მტერთაგან მუსვრას გაუძლო და თავისი ეროვნება დღემდის მოიტანა?“ – და თვითონვე პასუხობს – „ერთი უმთავრესი მიზეზი, სხვა ბევრ მიზეზთა შორის არის ის ძალა, რომელსაც სახელად ეწოდება ეროვნული სული. ამ სულის კონკრეტული გამომხატველობა არის

<sup>44</sup> ქ. სმითი, ნაციონალური იდენტობა. ინგლისურიდან თარგმნა ლელა პატარიძემ, თბილისი: ლოგოს-პრესი, 2008, გვ. 29

ენა, ზნე-ჩვეულება, განსაკუთრებული წესი აზროვნებისა, ლიტერატურა, ხელოვნება...”<sup>45</sup> მარიამ ჩხარტიშვილი წერს: „ნაციონალიზმის იდეოლოგიებისათვის საერთოს წარმოადგენს წარსულის იდეალიზაცია. ყურადღების გამახვილება ერთობის წარსულის „ოქროს ხანაზე“ დიდ სოციალურ მნიშვნელობას იძენს. ამით ხაზი ესმება ერთობის განგრძობადობას. აგრეთვე, ისახება სასურველი საერთო მომავლის პერსპექტივაც. როგორც მართებულად მიუთითებენ, ნაციონალიზმის იდეოლოგია, ერთდროულად მოიაზრებს სამივე დროს: აწმყოს, რომელიც მოსაწონი არ არის („არ გვწყალობს“), წარსულს, რომელიც დიდებული იყო და მომავალს, რომელიც იმედია, რომ კარგი იქნება, რახან ერთობის ცხოვრებაში იყო პერიოდი, რომლის დროსაც მან გამოავლინა თავისი დიდებულება და სიცოცხლისუნარიანობა. არსებითად მომავლის დასაფუძვლებას ემსახურება კონცეპტი „ოქროს ხანა“ და, ამდენად, იგი, აგრეთვე ნაციონალური კონსოლიდაციის ერთ-ერთ უმთავრეს ინდიკატორს წარმოადგენს.“<sup>46</sup>

ეროვნული ცნობიერების ასამაღლებლად ისტორიული პირების დვაწლის წარმოჩენა ბეჭდური მედიის მთავარი მიზანი ხდება. „დახასიათება რომელსამე ისტორიული პირისა ანუ ამბისა, სრულის სიმართლით და შარავანდედით, ჩვენ მიგვაჩნია უკეთეს საშუალებად საზოგადოებისა და ხალხის კეთილშობილურის აზრებით, მისწრაფებით და ხასიათებით გასამჯგალებლად და აღსაზრდელად. დვაწლთ და მოქ-

<sup>45</sup> გაზ. ქართული გაზეთი, 1916, №6, გვ. 5

<sup>46</sup> გ. ჩხარტიშვილი, ქ. მანია, ქართველთა ნაციონალური კონსოლიდაციის პროცესის ასახვა ბეჭდურ მედიაში: ივერია და მისი მკითხველი საქართველო, თბილისი: უნივერსალი, 2011, გვ. 30

მედებით ფარნავაზისას, მირიანისას, ვახტანგ გორგასლისას, გიორგებისას, ბაგრატებისას, დავით აღმაშენებლისას, თამარისას; ათონის წმინდა მამათას, რუსთაველისას და სხვათა მათ მსგავსთა, გამოთქმულია ისტორიულს წერილებსა თუ პოემებსა და მოთხოვნებში დიდი აღმზრდელობითი მნიშვნელობა აქვთ.<sup>47</sup>

XX საუკუნის I ოცწლეული პრესის მრავალრიცხოვნებით და ოქმატური მრავალფეროვნებით გამოირჩევა. მიუხედავად იმისა, რომ ამ პერიოდში სოციალური და ეკონომიკური საკითხები განსაკუთრებულ აქტუალობას იძენებ და თითქმის ყველა ქურნალსა თუ გაზეთში ამაზეა საუბარი, არსებობდა ნაციონალური მიმართულების ორგანოები, რომლებიც მთლიანად მიმართული იყო ქართველთა შორის ეროვნული ცნობიერების ამაღლებისკენ. მათ შორის აღსანიშნავია გაზეთები: „ივერია“, „თემი“, „საქართველო“, „სამშობლო“, „იმერეთი“, ქურნალი „მოგზაური“ (1900-1904წ.წ.). გაზეთ „თემის“ 144-ე ნომერში ვკითხულობთ: „ისტორიულმა მსვლელობამ დაგვიმტკიცა, რომ ეს პატარა საქართველო ყოველგვარ გასაჭირს და განსაცდელს გაუძლებს და მართლაც ის ერი, რომელმაც წარმოშობა: რუსთაველი, მთაწმინდელები, გორგასლანი, დავით აღმაშენებელი, თამარ მეფე, გიორგი სააკაძე და სხვა მათი მსგავსი, განასასიკვდილოა?“<sup>48</sup> ეპოქის არსიდან გამომდინარე, გარდა იმისა, რომ ბეჭდური მედია საერთო ნაციონალური იდეების პროპაგანდას ეწეოდა, ასევე აქცენტირებული იყო „უბრალო ხალხის“ თვითშეგნების განმტკიცებაზე, რადგან მომხდარიყო ერთობის წევრებს შორის დაახლოება და საერთო საქმის პრო-

<sup>47</sup> ქურნ. მოგზაური, 1901, №1, გვ. 8

<sup>48</sup> გაზ. სამშობლო, 1916, №384, გვ. 3

ცესში ყველა სოციალური ფენის თანაბარი ძალებით ჩართვა. საქართველოს ისტორიაში ცნობილი პიროვნებების, წმინდანების თუ სხვათა ღვაწლის გაშუქებას ეროვნული გრძნობის ამაღლების დატვირთვა გააჩნდა. შემთხვევითი არ იყო, რომ გამორჩეული მეფეების ისტორიის და მოღვაწეობის გაშუქებას მნიშვნელოვანი ადგილი ეთმობოდა პრესის ფურცლებზე, კულტურული და პოლიტიკური ელიტის მთავარი მიზანი წარსულის დეტალური გაცნობა და საჭიროების შემთხვევაში ამ გამოცდილების თანამედროვეობაში გადმოტანა და რეალიზება იყო. ამასთან ისეთი გმირების ხელახლა აღზრდა, რომლებმაც საქართველოს ერთიანობისთვის ბრძოლას თავი შესწირეს. „უბრალო ხალხმაც უნდა იკითხოს ისტორია. იგი შეარიგებს მას არსებულ წესთა უსრულობას, ვითარცა ჩვეულებრივ მოვლენასთან ყველა საუკუნეებში, ანუგაშებს სამეფო უბედურებაში, უმტკიცებს რა რომ უწინაც ყოფილა ასეთი ამბები და უფრო უსაშინლესებიც და სამეფო კი მაინც არ დარღვეულა. ბევრი საშინელი წამი უნახავს ჩვენს ხალხსა და ერსა, სუსტი ადამიანი სუსტი ხალხი მაშინვე შეკრიგებია მტერსა და დაუთმია მისთვის თავისი ალამი – ასე არ იქცეოდა ქართველი: იგი გმირულად უმკლავდებოდა მტერს და ხშირად სძლევდა კიდეცა მას.“<sup>49</sup> ეს მოწოდებები იმაზე მიუთითებს, რომ საზოგადოება გარკვეულწილად გადაღლილი და უიმედო იყო რუსეთის იმპერის წინააღმდეგ უშედეგო ბრძოლებით. სოციალური ხასიათის გარდაქმნებმა კი ახალი სატკივარი და პრობლემა გაუზინა არა მხოლოდ კულტურულ და პოლიტიკურ ელიტას, არამედ თოოეულ ქართველს. აღნიშნული პერიოდის ქართული

<sup>49</sup> ქურნ. მოგზაური, 1901, №1, გვ. 10

ერთობის იდენტობის შესწავლაში პრესის მონაცემები დიდ ინფორმაციას შეიცავს და პირველწელოს მნიშვნელობა ენიჭება. უურნალ-გაზეთებში მოცემულია ცალკეული რაიონების ისტორიულ-გეოგრაფიული და არქეოლოგიურ-ეთნოგრაფიული დახასიათებები. სისტემატურად იძებელი საქართველოს ისტორიასთან დაკავშირებული სტატიები, დიდი ყურადღება ეთმობოდა მეფების, სახელმწიფო მოღვაწეთა, წმინდანთა და სასულიერო წოდების წარმომადგენელთა ცხოვრება-მოღვაწეობის მიმოხილვას. გამოქვეყნებულია, აგრეთვე, ხალხური ლექსები, ზღაპრები, ლეგენდები. მნიშვნელოვანი ადგილი ეკავა თანამედროვე ქართულ ლიტერატურას, იძებელი და ლექსები, მოთხოვები, პიესები. ისტორიული წარსულის გახსენება-პროპაგანდასთან ერთად მნიშვნელოვანი ადგილი ეთმობოდა სხვადასხვა საზოგადო მოღვაწეთა ბიოგრაფიული ცნობების გაშუქებას, რაც ქართული ერთობის წევრებს შორის საერთო ქართული სივრცის შექმნისა და განცდისაკენ იყო მიმართული. თოთქმის ყველა პუბლიკაციაში აღნიშნულ პრობლემებზე იყო საუბარი. საქართველოს ისტორიის საფუძვლიანი ცოდნა, ქართული კულტურული და პოლიტიკური ელიტის აზრით, გმირული ამბების გახსენებასთან ერთად წარსულში ჩადენილ შეცდომებსაც ახსენებს საზოგადოებას. ეს ყოველივე კი მომავალში სწორი მოქმედების საშუალებას მისცემს ქვეყანას და რაც მთავარია, დაანახვებს იმას, რომ წარსულშიც ყოფილა ძნელბედობის დრო, მაგრამ ერთიანობას, ბრძოლის უნის და სამშობლოს სიყვარულს ქართველობა მტრის წინააღმდეგ დაურაზმავს და სწორედ მათი დამსახურებაა საქართველოს არსებობა. „მართალია ბევრ წინააღმდეგ ფაქტებსაც წარმოგვიდგენს ჩვენი წარსული და აწინდელი ცხოვრება

ბა, ბევრს მაგალითებს ვხედავთ მათში ძმისას და ქვეყნის დალატისას, საკუთარის ხელით ყელის გამოჭრისას, სულ უბრალო საქმის გაუგებრობასა, თითქმის ველურობასა, მაგრამ არც ამათი შესწავლაა ურიგო და უმნიშვნელო: იგინი გვამცნევენ ჩვენს ნაკლსა და მანქსა, გვძენენ სიბრძნესა და გამოცდილებას, განავითარებენ ჩვენს მოქალაქერს ხასიათსა და მოქმედების უნარსა.<sup>50</sup>

ე. სმითის მიხედვით, ნაცია ადამიანთა ისეთი ერთობაა, რომლის საფუძველსაც კოლექტიური კულტურული იდენტობა წარმოადგენს: “როგორც სახელწოდებიდანაც ჩანს, ამგვარ იდენტობებს განსაზღვრავს მოცემული ერთობის ანუ კოლექტივის კულტურა. ნაციისათვის დამახასიათებელია კულტურის განსაკუთრებული ტიპი – საჯარო კულტურა ანუ კულტურა, რომლის უმაღლესი გამოვლინებანი თანაბრად ხელმისაწვდომია მოცემული ერთობის ყველა წევრისათვის. ნაციონალიზმის იდეოლოგიის კულტურული ასპექტი ძალიან მნიშვნელოვანია. ნაციონალისტის თვალთახედვით ხომ ნაცია ის ერთობაა, რომლის წევრებსაც გაცნობიერებული აქვთ თავიანთი კულტურული ერთობა და თავდადებით იდგნიან ნაციონალური კულტურის მეშვეობით ნაციონალური ინდივიდუალობის განვითარებისათვის.”<sup>51</sup>

ნაციონალური იდეოლოგია ხელს უწყობს ერთობის წევრების საერთო ნაციონალური ფსიქოლოგიის განმტკიცებას, ამიტომ კულტურული ელიტის მთავარი ორიენტირი ყოველთვის, ყველა ეპოქაში

<sup>50</sup> ქურნ. მოგზაური, 1901, №1, გვ. 4

<sup>51</sup> მ. ჩხარტიშვილი, ნაციონალიზმის იდეოლოგიის უნივერსალიები ილია ჭავჭავაძის შემოქმედებასა და საზოგადოებრივ მოღვაწეობაში. ილია ჭავჭავაძე 170, საიუბილეო კრებული, თბილისი, 2007, გვ. 225.

წარსულის ფასეულობების პროპაგანდაა ერის მომავლის არსებობისათვის. მოდერნულ ეპოქაში ამ ფუნქციას ასრულებს ბეჭდური მედია. ეს ფაქტი დღეს უკვე აღარავისთვის სიახლეს არ წარმოადგენს. XX საუკუნის პირველ ოცნლეულშიც გაცნობიერებული პქონდათ ქართველ საზოგადო მოღვაწეებს მისი საჭიროება. ფაქტობრივად აღნიშნულ ეპოქაში მთავარი საკონტაქტო საშუალება ხალხთან სწორედ მედია იყო. ამიტომაც სწორედ აქ ჩნდება მოწოდებები სამშობლოს შესახებ. „ყოველ ადამიანს, რაგინდ უმეცარი იყოს იგი, შეუგნებლად მაინც უფვარს თავის ერი და სამშობლო. მაგრამ ეს არ კმარა! საჭიროა ადამიანს შეგნებულად უყვარდეს ისინი, ეს კი შესაძლებელია მხოლოდ მაშინ, როცა მას კარგად აქვს გაცნობიერებული თავის წარსული და აწმყო. ასეთი ადამიანი ფხიზლად უყურებს თავის ერის ისტორიის მსვლელობას, ის ნამდვილი მოქალაქეა და მამულიშვილი, ის აქტიური მოქმედი პირი. სამშობლოს შეგნებული სიყვარულით გაუდენოს მთელი მისი არსება. ასეთი სიყვარული დიდებული მოძრავი ძალაა, ეს ადამიანის მოქმედი დინამოა. ამ სიყვარულის გზით ის ჰქმნის საერო მწერლობას, ხელოვნებას, მეცნიერებას, ავითარებს ენას, ის ჰქმნის ჭეშმარიტ ერის კულტურას, მის ბრწყინვალე მომავალს.“<sup>52</sup>

უკრნალ-გაზეთის პუბლიცისტები წარსულის ცოდნის აუცილებლობას ძლიერი ქვეყნის შექმნას და უკეთესი მომავლის აშენებას უკავშირებდნენ: „ყოველ განათლებულ ქვეყნაში და ყოველ განათლებულ ადამიანისათვის წარსულის გაცნობა სავალ-დებულოდ ითვლება – იგი შეუძლებლად ხდის ერ-

<sup>52</sup> გვ. თემი, 1912, №54, გვ. 2

თხელ ჩადენილ შეცდომების გამეორებას და შემ-დეგში სამოქმედო გზასაც გვინათებს, წარსულის გაცნობა გვაჩვევს აწმყოში კარგსა და ავის გარჩევას და წარსულს პატივისცემაზე ზრდის მომავალ ბეჭინიერებას და გამარჯვების იმედებს. იქ, სადაც ეს წარსულის პატივისცემა არ არის, სადაც ყოველი თაობა ახლად იწყებს საქმეს და წარსული გამოცდილებით სარგებლობას არ ეტანება – იქ წინსვლა და განვითარება საეჭვო არის და დამარცხება – აუცილებელი.<sup>53</sup>

ქართველი საზოგადო მოღვაწეების მიერ პრესის საშუალებით ეროვნული მახასიათებლების პროპაგანდა ერთ მიზანს ემსახურებოდა—ქართველთა ერთიანობას. „ყველა, ვისაც ქართველი ერის კულტურული აღორძინება სურს, უნდა ეცადოს მოისპოს სამუდამოდ ყველაფერი, რაც აცალკევებს ერთმანეთში ქართლსა და კახეთს, იმერეთსა და ამერეთს, გურიასა და სამეგრელოს, აჭარასა და სვანეთს. ერთი აზრით, ერთი მისწრაფებით უნდა იყოს გამსჭვალული ყველა ქართველი საქართველოს კიდით კიდემდე. ამ საერთო გრძნობების გასაღვიძებლად და გასამაგრებლად აუცილებლად საჭიროა საერთო ეროვნულკულტურულ დაწესებულებათა შექმნა, რომ ყველა კუთხის ქართველი ამ დაწესებულებებში ერთმანეთს ხვდებოდეს და საერთო მოქმედებას ეჩვეოდეს. საჭიროა ქართლ-კახეთის თავადაზნაურობა შეთანხმებით იწყებდეს სხვადასხვა საქმეს. თბილისის ქართული გიმნაზია, ქუთაისის გიმნაზიასთან ერთად და შეთანხმებით ეწეოდეს თავის დიად საქვეყნო საქმეს, თბილისის ქართული გაზეთები ქუთაისის ქართულ გაზეთებთან საქმეს იჭერდნენ და ყოველი თბილისი-

<sup>53</sup> გამო, 1911, №29, გვ. 1

საკენ მცხოვრები ქართველი თავის მოვალეობად სოვლიდნენ ქუთაისისაკენ ქართულ-ეროვნული და საზოგადო ცხოვრების მაჯისცემას თვალ-ყური აღევნოს ისე, როგორც ქუთაისის ყოველი ქართველის თვალი თბილისისაკენ უნდა იყოს მიპყრობილი, რომ ყველამ ერთმანეთის ჭირი და ვარამი თანასწორად იცოდეს, რომ ამ ჭირსა და ვარამს ყველა თანასწორად გრძნობდეს და თავის საკუთარ ჭირად და ვარამიდ მიიჩნევდეს.<sup>54</sup>

ის ფაქტი, რომ ყველა სოციალური ფენა, თუ სოციალური ჯგუფი განსხვავებულად აღიქვამდა სამშობლოს და საერთო აზრი არ არსებობდა ბუნებრივია რთული იყო ბრძოლა ეროვნული თავისუფლებისთვის. ამიტომ საჭიროება მოითხოვდა ყველა სოციალური ფენა მთლიანობაში ერთი მიზნის – დამოუკიდებლობის მოპოვებისკენ წასულიყო.

ნაციონალური იდეის აღქმა და განვითარება სხვადასხვა ეპოქაში გარკვეულ ცვლილებას განიცდის და დროის მოთხოვნილებიდან გამომდინარე ყურადღება ექცევა იმ ეროვნულ სიმბოლოს, რომლის შენარჩუნებას ერის არსებობისთვის სასიცოცხლო მნიშვნელობა აქვს. როგორც უკვე აღვნიშნე, 1900-1921 წლებში აღნიშნული პრობლემისადმი საზოგადოების აღქმა ეტაპობრივ ცვლილებას განიცდის, 1900-1917 წლების იდეოლოგია ერთგვარი წინაპირობაა დემოკრატიული რესპუბლიკის პერიოდში შექმნილი მოვლენების. ხაზგასასმელია ის ფაქტი, რომ ამ დროს ეროვნული საკითხისადმი და კონკრეტულად, სამშობლოს იდეისადმი განსხვავებული მოსაზრებები არსებობს კულტურულ და პოლიტიკურ ელიტაში, რაც თავის ასახვას პოულობდა საზოგადოების ფარ-

<sup>54</sup> გან. ჩვენი დროება, 1913, №30, გვ. 2

თო ფენებშიც. სწორედ ამიტომ ეროვნული ძალების მიერ შემუშავებული პროგრამა მთლიანად იყო მიმართული სოციალური ფენების იმ ნაწილზე, რომელთაც ყველაზე მეტად სჭირდებოდა საკუთარი ადგილის და როლის გაცნობიერება ქართველი ერის ნაწილად. ამიტომ სახელმწიფო ეროვნული კოლიტიკური ელიტა ბრძოლის ახალ გზას ადგება, რასაც საბოლოო ჯამში თავისუფლების მოპოვება უნდა მოყოლოდა, რომლის მონაწილე უნდა ყოფილიყო ქართული ერთობის ყველა წევრი.

„ყველა ნაციონალურ საკითხთა შორის, უეჭველია, საკითხები ეროვნული სკოლისა, ენისა და კულტურის შესახებ უდიდესი მნიშვნელობის საკითხებია, ვინაიდან ეროვნული აღზრდა-განათლება, ენა, კულტურა, – ეს ისეთი ფაქტორებია ერის ცხოვრებაში, რომლებიც ხშირად აკავშირებენ ერის სხვადასხვა ნაწილებს ერთმანეთთან, რომელიც აძლევს ერს უფლებას თვითარსებობისას.“<sup>55</sup>

ამისათვის საჭირო იყო ყველა სოციალური ფანის დაახლოება და გაერთიანება ერთი საერთო საქმისათვის. „დროა შევიგნოთ, რომ ცალკე გაწევა ჩვენი ერის წოდებათა: გლეხთა, თავადაზნაურთა, ვაჭართა, სამხედროთა და სხვათა ხეირს არ დაგვაყრის და ამიტომ დროც არის დაუყოვნებლად შევუდგეთ ერის ერთიანობის ამ ძირისმომთხრელი მიზეზების ფრთების შეკვეცას.“<sup>56</sup> საზოგადოების სხვადასხვა ფენათა და წოდებათა დაახლოვება, უურნალის პუბლიცისტების აზრით, მხოლოდ მაშინ შეიძლებოდა „როცა ჩვენ სამეურნეო საქმეს ჩვენის ბნელით მოცულის გლეხის

<sup>55</sup> ნაციონალიზმი და დემოკრატიული ინტერესები, თბილისი, გვ. 2

<sup>56</sup> ქურნ. მოგზაური, 1904, №3-4, გვ. 167

დახმარებით ვაწარმოებთ, როცა მას ჩვენ პუმანურად ხელს გავუწვდით და გვერდში ამოვიყენებთ იმ საქმეში, რომელიც მას მთელი ათასი წლებით აქვს შეწვნეული, როცა მას გვერდით დავისვამთ და მასთან ერთად დავლევთ ჩაის.“<sup>57</sup>

სოციალურ ფენათა დაახლოება უშუალოდ იყო დაკავშირებული საერთო ნაციონალური ცნობი-ერების ჩამოყალიბებასთან. სოლიდარობის განცდა ერთობის წევრებს შორის ერთი მიზნისათვის ბრძოლას გააადვილებდა: „უპირველეს ყოვლისა საჭიროა, რომ ჩვენმა ხალხმა ერთი გარკვეული და ნათელი აზრი და შეხედულება იქონიოს თავისი ყოფა-ცხოვრების გაუკეთესების პირობებზე და საშუალებებზე, რათა ჩვენი ყოველი საზოგადო მოქმედება იმ მხრით იყოს ერთ სულ და ერთ ხორც.“<sup>58</sup>

**2. ქართული ენა, განათლება, ეროვნული ეკონომიკა.** როგორც აღვნიშნე, ქართული ენა, განათლება და ეროვნული ეკონომიკის ერთიან კონტექსტში მოაზრება ეპოქის მთავარი გამოძახილია, რაღაც ქართულ ენაზე განათლება-მიღებული და ეკონომიკური საკითხების მცოდნე ქართველი უფრო მეტი ენერგიით დაიცავდა საკუთარ ტერიტორიას და შეინარჩუნებდა ეროვნულ ცნობიერებას.

XIX საუკუნეში საქართველოს სახელმწიფოებრივი დამოუკიდებლობის გაუქმების შემდეგ, რუსთის ხელისუფლებამ მთავარი დარტყმა ქართულ ენასა და მართლმადიდებელ ეკლესიას მიაჟენა, რაც მათი რუსიფიკაციით გამოიხატა.

XIX საუკუნის 60-იანი წლების რეფორმებს, რაც გამოწვეული იყო გარკვეულ სოციალურ-პოლიტიკუ-

<sup>57</sup> ოქმე, გვ. 9

<sup>58</sup> შურნ. მოგზაური, 1903, №11-12, გვ. 795

რი თუ ეკონომიკური ვითარებით, მოპყვა რეფორმები განათლების დარგშიც, მართალია, თვითმპურობელობა იძულებული იყო გაეხსნა სკოლები, გაეზარდა მათი რიცხვი, მიეცა ცოდნის ერთგვარი მინიმუმი ახალგაზრდობისათვის, მაგრამ ეს იმდენად, რამდენადაც აუცილებელი იყო გაბატონებული ფენებისათვის, მემამულებისა და კაპიტალისტებისათვის. გარდა ამისა, სკოლას რუსეთის ხელისუფლება თვლიდა თავისი პოლიტიკის გატარებისა და არსებული სახელმწიფოებრივი წყობილების განმტკიცების იარაღად. სკოლას ის აკისრებდა პოლიტიკურ ამოცანებს, რომელსაც უნდა აღეზარდა თვითმპურობელობის მონა-მორჩილი და ერთგული ადამიანები, გაერუსებინა არარუსი მოსახლეობა, ეწარმოებინა ბრძოლა რევოლუციური იდეების წინააღმდეგ. შესაბამისად, სახალხო განათლების ორგანოებს უფრო პოლიტიკური ფუნქცია ეკისრებოდა, ვიდრე კულტურულ-საგანმანათლებლო.<sup>59</sup>

საქართველოში საგანმანათლებლო ცენტრები ყოველთვის ეროვნულ იდეალებზე აღზრდას ითვალისწინებდა. საუკუნეების მანძილზე ამ პროცესს სათავეში ედგა ქართული მართლმადიდებელი ეკლესია. რუსული მმართველობის დამყარების შემდეგ კი საქართველოს ეკლესიამ ეს ფუნქციები დაკარგა და პარალიზებული გახდა. ეს პროცესი ბუნებრივია უარყოფითად აისახა ქვეყნის კულტურულ თუ პოლიტიკურ მდგომარეობაზე: „სკოლებში დედა-ენის შესუსტებამ გონებრივ დაწლუნგებასთან ერთად უკვე დასცა და გაათახსირა ჩვენში ქრისტიანული სარწმუნოება და ზნეობა, სჯული, გრძნობა. ის სარწმუ-

<sup>59</sup> ს. სიგუა, ნარკვევები სახალხო განათლებისა და პედაგოგიურ იდეათა განვითარების ისტორიიდან საქართველოში, თბილისი, 1959, გვ. 22.

ნოება, რომელიც ასე დიდმნიშვნელოვანია – როგორც კერძოდ ჩვენთვის, ისე მთელი ქვეყნებისათვისაც კი. დიახ, სკოლაში დედა-ენის შესუსტებას უდევს ამ არასასურველ მოვლენაში წილი.“<sup>60</sup>

როგორც ცნობილია, ერთ-ერთი მთავარი საკითხი, რომელსაც გადამწყვეტი მნიშვნელობა ჰქონდა ამ ეპოქაში – ეს იყო მასების უწიგნურობის მოსპობა და ფართო ფენების განათლება. ჯერ კიდევ 1876 წელს გაზეთი „დროება“ წერს: „გავიდა ის დრო, როდესაც ყოველ ქართველის ვალი იმაში მდგომარეობდა, რომ ხმლით ხელში დაეცვა თავისი საყვარელი მამული აუარებელი და მძვინვარე მტრებისგან. გავიდა ის დრო, როდესაც ქართველს არ შეეძლო, დროთა ვითარების გამო, გაეხსნა თვით ბუნებისგან მიღებული ნიჭი, ეზრუნა ახალი რუსთველების დაბადებისათვის. პირიქით, დადგა დრო, როცა ყველა ქართველის ვალია, რომ რბილში და ხორცში გამჯდარი ქართველის სიყვარულით, შეუდგეს მამა-პაპების სისხლით მორწყელი მამულის განათლების, მისი შვილების სულიერი და ფიზიკური ძალების გახსნას.“<sup>61</sup>

ამ პერიოდში სკოლას ეკისრება ეროვნული ფუნქცია, რომლის საშუალებითაც უნდა მომხდარიყო საერთო ნაციონალური ცნობიერების ფორმირება. „როგორც ზნეობრივი და გონებრივი განვითარება, ისე ნივთიერი კეთილდღეობის ინტერესები დაუინგბით მოითხოვენ ხალხის ბრძოს განათლებას, რაც დაფუძნებულია განათლების საშუალებებზე, აქ ერთდებიან სახელმწიფო და საზოგადოებრივი ინტერესები. განათლება ამაღლებს ხალხის ძალას და ამრავლებს სიმდიდრეს. ბრძოს უკიცობა არის ხალხის უბედურება, რაც ავად ცხადდება კერძო პირის, სა-

<sup>60</sup> ქურნ. მოგზაური, 1904, №1-2, გვ. 47

<sup>61</sup> გაზ. დროება, 1976, №102, გვ. 1

ზოგადოების და სახელმწიფოს ცხოვრების ყოველ  
მხარეებზე. გონგბრივი სახელმწიფოებრივი აღზრდა  
და ყველასათვის ხელმისაწვდომი პირველდაწყებითი  
სწავლა-განათლება წარმოადგენენ ქვეყნის იმ საფუძ-  
ველს, რომელიც უზრუნველყოფს ნივთიერ და გო-  
ნებრივ კეთილდღეობას.“<sup>62</sup>

განათლების საკითხის წინა პლანზე წამოწევა  
უკავშირდება ეპოქის მოთხოვნილებას. გარდა იმისა,  
რომ ქართველი ნაციონალისტების მიზანი იყო წიგ-  
ნიერი თაობის აღზრდა, ეს ისტორიული აუცილებ-  
ლობიდანაც გამომდინარეობდა. XIX საუკუნის II ნა-  
ხევარი და XX საუკუნის პირველი ოცწლეული არის  
დრო, როდესაც მსოფლიო მასშტაბით იწყება ახალი  
გარდაქმნები როგორც პოლიტიკური, სოციალურ-  
ეკონომიკური, ასევე კულტურული თვალსაზრისი-  
თაც. განათლებულ საზოგადოების საჭიროება ახალ-  
მა პოლიტიკურმა წყობამაც მოითხოვა. განსხვავებით  
ძველი პერიოდისგან, როდესაც მსოფლიო მხოლოდ  
ომებით იყო დაკავებული და ამასთან მიწაზე მიმაგ-  
რებულ გლეხს არც დრო და არც საშუალება არ  
ჰქონდა განათლების მიღების, კაპიტალისტურმა წყო-  
ბამ მთლიანად შეცვალა არსებული სიტუაცია. მო-  
დერნულ ეპოქაში განათლება ყველასთვის საგადაგ-  
ბულო გახდა. „სკოლამ სრულიად უნდა მოსპოს თა-  
ვის კედლებში წოდებრივი განსხვავება. შეძლებითი  
უთანასწორობა კიდევ უფრო საგრძნობელია დღეს.  
სკოლა არ უნდა უწყობდეს ხელს შეძლებულთა  
ეგოიზმის განვითარებას. არ უნდა ზრდიდეს მათში  
რაიმე თავისებურ ეგოიზმს, რომელიც შეძლებულს  
აგრძნობინებს თავის ვითომდა უპირატესობას. ამი-  
ტომ დაწყებითი სკოლა ყველასათვის საერთო უნდა

<sup>62</sup> ქურნ. მოგზაური, 1903, №11-12, გვ. 622

იყოს, რომ დარიბ მუშის შვილი და მილიონერისა თანასწორნი იყვნენ აღზრდის წინაშე. ეს შეამცირებს განკერძოებას, ორივე მხარეს შეაჩვევს ერთმანეთის მეტის პატივისცემას.“<sup>63</sup>

ქართული ენის და განათლების ერთიან კონტექსტში განხილვა შემთხვევითი არ ყოფილა. ახალ ეპოქაში ტრადიციულ ეროვნულ მახასიათებლებს დაემატა განათლების საკითხი, რომლის საშუალებითაც უნდა მომხდარიყო ქართული ენის, ტრადიციული წარსულის შენარჩუნება და ამასთან საზოგადოების სამეურნეო-სამრეწველო დონის ამაღლება. რუსეთის ხელისუფლება კი ყოველ დონეს ხმარობდა ქართული ენის უფლება და ფუნქცია შეკვეცილი ყოფილიყო. რაც მთავარია ახალი ეპოქის მოთხოვნილებებიდან გამომდინარე, განათლება და ეკონომიკის განვითარება ურთიერთდაკავშირებული აღმოჩნდა. ცოდნის გარეშე ეკონომიკის აღმავლობა შეუძლებელი გახდა. ამისთვის საჭირო იყო სკოლების დიდი რაოდენობით გახსნა, რომელთა საშუალებით ცოდნის მიცემასთან ერთად სამეურნეო განათლების დონის ამაღლება უნდა მომხდარიყო. თუ გადავხედავთ XX საუკუნის პირველ ოცწლეულში განვითარებულ მოვლენებს, დავორწმუნდებით, რომ განათლების, სასწავლო-დაწესებულებების მნიშვნელობა უპირატესია. სწორედ მათი საშუალებით ცდილობს და ნაწილობრივ ახერხებს კიდევ კულტურული და პოლიტიკური ელიტა საზოგადოების ფართო ფენების ჩართულობას ქვეყნის ცხოვრებაში.

კაპიტალისტური სისტემის დამკვიდრებაშ საქართველოში ხელი შეუწყო ახალი ეტაპის დაწყებას ეკონომიკური, თუ კულტურული მნიშვნელობით. კა-

<sup>63</sup> ქ. კანდელაკი, საქართველოს ეროვნული მეურნეობა, ტ.1. პარიზი: დ. ხელაძის გამოცემა, 1935, გვ. 18

პიტალიზმა ეპოქისათვის დამახასიათებელი ეკონო-  
მიკური ფორმების და სამრეწველო-ტექნიკური იარა-  
ღების დამკვიდრება მოითხოვა, რომლის ათვისების  
და გააზრებული ეკონომიკური პოლიტიკის წარმოე-  
ბის გარეშე საქართველო შეფერხებული გზით წავი-  
დოდა. ეროვნულ პროგრამაში კი სამოციანებებს და  
მის შემდგომ თაობას ეროვნული ეკონომიკის განვი-  
თარება საქართველოს არსებობის ერთ-ერთ აუცილე-  
ბელ პირობად მიაჩნდათ. სწორედ ამით აისხება  
კულტურული და პოლიტიკური ელიტის თავდაუზო-  
გავი ბრძოლა სკოლების რაოდენობის გაზრდისთვის,  
რომელიც გარდა ზოგადი ინტელექტის ამაღლებისა,  
ეკონომიკური ცოდნის მიცემასაც შეუწყობდა ხელს,  
რაც თავისთავად დადებითად აისახებოდა ქვეყნის  
მდგომარეობაზე. „სკოლა თანამედროვე განვითარე-  
ბის აუცილებელ იარაღად გადაიქცა, თანამედროვე  
კაპიტალიზმს სჭირია ხალხის მაღალი განათლება,  
ვინაიდან უამისოდ მსხვილი წარმოების რთული მარ-  
თვა-გამგეობის აპარატი ვერ იმუშავებს. ამას საჭი-  
როებს, როგორც ქალაქის ფაბრიკის პროდუქარი,  
ისე სოფლის გლეხი და სოფლის მუშა.“<sup>64</sup>

ქართული კულტურული და პოლიტიკური  
ელიტის აქტიური ბრძოლა საზოგადოების წიგნიერე-  
ბისთვის შემთხვევითი არ ყოფილა. ჯერ ერთი,  
მსოფლიოში მიმდინარე ცვლილების შედეგად მოხდა  
დირქტულებების გარკვეული გადაფასება და მასების  
განათლების პრობლემა ყველა ქვეყანაში მთელი  
სიმწვავით დაისვა და, ბუნებრივია, ევროპულ იდეებს  
ზიარებული ქართული ინტელიგენცია ცდილობს სა-  
ქართველოში ახალი სისტემის დანერგვას; და მეო-  
რე, ქართული ერთობისთვის ორმაგად მნიშვნელოვა-

<sup>64</sup> განვითარების სამსახურის მიერ 1906, №4, გვ. 2

ნი იყო საერთო ცნობიერების ფარგლებში ქვეყნის აღორძინებისთვის მოქმედება, რაც უნდა გამხდარიყო საფუძველი შემდგომში საქართველოს თავისუფლების მოპოვებისა. „ძირითად საკითხს შეადგენს სახალხო განათლება და საზოგადოებრივი აღზრდა. კეთილი ზნე-ჩვეულებების დანერგვა, ამაღლება განათლებით ბრძოსი, მიწოდება მისთვის განახლებული და განმავითარებელი გასართობების, გადგიძება ხალხის სულიერი ინტერესებისა, ბრძოლა მის სიბნელისა და უკიცობის წინააღმდეგ – აი რას უნდა ვესწრაფოდეთ სხვა ზომებთან, საშუალებებთან ერთად, თუ გულწრფელად გვსურს ხალხისათვის კეთილი, თუ გვინდა მათ ნამდვილად დავეხმაროთ.“<sup>65</sup>

სასწავლო-საგანმანათლებლო დაწესებულებების საკითხით დაინტერესება გამოწვეული იყო იმითაც, რომ რუსეთის ხელისუფლების მთავარი დასაერდენი ქართველების გარუსების სფეროში სწორედ სკოლები იყო. სამსონ ფირცხალავა იგონებს თავის მემუარებში: „... გვიკრძალავდნენ ჩვენი თავისთვის ქართველები გვეწოდებინა. აი, ამის ერთი მაგალითი: მე-ექვსე კლასში ერთი მოწაფე რუსული ენის მასწავლებელს პუშკინის „პოლტავას“ შინაარსს უყვებოდა და იქ, სადაც ამბავია რუსების და შეგციულების ომის, იმის მაგიერ, რომ ეთქვა როგორც ავტორს აქვს, „ჩვენ“ (ე.ი. რუსის ჯარი), მოწაფემ თქვა „რუსები“, მასწავლებელმა მაშინვე შეაჩერა და ჰყითხა: რატომ „რუსებს“ ამბობ და არა „ჩვენ“? მოწაფემ მიუგო: მე ხომ რუსი არა ვარ და როგორ უნდა ვთქვა „ჩვენ“: „როგორ თუ რუსი არა ხარ!“ – შეუყვირა მასწავლებელმა, პედაგოგიურ საბჭოში დააბეზღა და მოწაფე რამდენიმე საათით კარცერში ჩასვეს.“<sup>66</sup>

<sup>65</sup> ქურნ. მოგზაური, 1903, №7-8, გვ. 549

<sup>66</sup> ს. ფირცხალავა, მოგონებათა ფურცლები, თბილისი: საბჭოთა 58

იაკობ გოგებაშვილი წერდა: „კავკასიის სახწავლო ოლქის ობერ-პროკურორმა დასავლეთ საქართველოში მოგზაურობისას ინახულა ბათუმის ერთ-ერთი სასწავლებელი, სადაც 8 წლის ყმაწვილს მიმართა: „შენ ვინ ხარ?“ ქართველი – სოქვა პასუხად ბავშვმა. – ქართველი კი არა, რუსი ხარ. – სოქვი, რუსი ვართქო! ბავშვი გაშტერდა და სდუმდა. რევიზორმა იფიქრა აქ ნამდვილად სეპარატისტობაა დამალულიო. გაწერა, გაგულისდა, წაავლო ხელი ბავშვს, ანჯლრევდა და გაჯავრებთ გაიძახოდა თავისას. შეშინებულმა ბავშვმა ძლივს წაიღუდლუდა: რუსი ვარ...“<sup>67</sup>

უკვე აღვნიშნე, რომ ეს პერიოდი ნაციონალიზმის და სოციალიზმის ქადაგების დროა და ამიტომ განსხვავებული იდეები არსებობდა. ყველა მიმდინარეობა, თუ ორგანო საკუთარი იდეოლოგიის მოხვევას ცდილობდა ხალხზე. ამ მხრივ გამონაკლისი არც სკოლა იყო. რამდენადაც ეროვნულ მოღვაწეებს სკოლის საშუალებით ნაციონალური, ეკონომიკური და საგანმანათლებლო იდეების ქადაგება სურდათ, იმდენად რუსეთის ხელისუფლება საკუთარი მიზნების განხორციელებისთვის იყენებდა. მაშინ, როდესაც დამოუკიდებლობის აღდგენისთვის ბრძოლაში ყველა სოციალური ფენის ჩართვა გახდა საჭირო დღის წესრიგში დადგა საზოგადოების ერთიან იდეაზე შეკავშირება. ეს ფუნქცია სკოლას უნდა შეესრულებინა. „ერთადერთი საშუალება სახელმწიფოს განმტკიცებისა და აღორძინებისათვის სწავლა-განათლებაა. დემოკრატიული სახელმწიფო ვერ უშველის საქ-

მეს, თუ ხალხი, მასესა მოკლებულია თვითშეგნებას, გათვითცნობიერებას.“<sup>68</sup>

როგორც ცნობილია, ქართული ენა, ქრისტიანობასთან ერთად ქართველი ერის ისტორიაში განსაკუთრებულ როლს თამაშობდა. 1900-1921 წლებში ქართული ენის შენარჩუნებისთვის ბრძოლა საქართველოში შექმნილი პოლიტიკური ვითარებიდან გამოდინარეობდა.

რაც შეეხება სკოლებს, ეს სრულიად ახალი მოვლენაა XIX საუკუნის II ნახევრისა და XX საუკუნის პირველი ოცწლეულის საქართველოში. მას შემდეგ, რაც გაუქმდა საქართველოს სახელმწიფო ბრივი დამოუკიდებლობა და ქართველი ერის მთავარი ლოიალობის ობიექტი მეფე ადარ არსებობდა, ასევე საქართველოს მართლმადიდებელი ეკლესიის ავტოკეფალია, სასულიერო წოდების წარმომადგენლებს სერიოზული დაბრკოლებები შეექმნათ საუკუნეების მანძილზე ჩამოყალიბებული უფლებების რეალიზაციისთვის. ხალხთან მთავარი დამაკავშირებელი და ეროვნული იდეების მატარებელი ყოველთვის იყო სამღვდელოება. ამ უფლების ჩამორთმევის შემდეგ, ბუნებრივია ნაწილობრივ, რადგან რუსეთმა მაინც ვერ შეძლო საუკუნეების მანძილზე ჩამოყალიბებული კავშირის სრული აღმოფხვრა ხალხსა და ეკლესიას შორის, საჭირო გახდა ახალი ორგანოს შექმნა, რომელიც ხელს შეუწყობდა ხალხთან კავშირს და რაც მთავარია, ეროვნული იდეების ქადაგებას. სკოლა გარდა იმისა, რომ საგანმანათლებლო დაწესებულება იყო, მას ახალი ეპოქა ახალ მოთხოვნილებებს უყენებდა. 1. ბატონიშვილის გაუქმების შემდეგ, გლეხებმა მოიპოვეს პირადი თავისუფლება და საჭირო

<sup>68</sup> განხ. საქართველოს რესპუბლიკა, 1920, №41, გვ. 3

იყო მათი საზოგადოებასთან დაკავშირება. 2. განათლების ქართულ ენაზე წარმართვა განათლება. 3. სკოლების საშუალებით უნდა მომხდარიყო ეკონომიკური, სამეცნიერო განათლების ამაღლება.

XX საუკუნის დასაწყისში საქართველო ახალი გამოწვევების წინაშე აღმოჩნდა. ქართულმა საზოგადოებამ ვერ გადალახა XIX საუკუნის II ნახევრიდან ქვეყანაში შექმნილი ცვლილებების შედეგად წარმოქმნილი პრობლემები. ერთი მხრივ, გლეხების და ქართული ინტელიგენციის მთავარ სურვილს და მოთხოვნას წარმოადგენდა ბატონიშვილის გაუქმება. გლეხებისთვის პირადი, იურიდიული, ეკონომიკური თავისუფლების მინიჭება უმთავრესი მოთხოვნა იყო. მაგრამ, მეორე მხრივ, ქართული საზოგადოების მოლოდინი არ გამართლდა. გლეხების განთავისუფლების საკითხი არც ისე ადვილი გადასალახი აღმოჩნდა, როგორც ერთი შეხედვით ჩანდა. ბატონიშვილის გაუქმებას ახალი პრობლემები მოჰყვა. საჭირო გახდა გლეხების, როგორც თავისუფალი სოციალური ფენის საზოგადოებასთან დაკავშირება. ამას თან ერთვოდა ის ფაქტი, რომ საუკუნეების მანძილზე გლეხების ფეოდალურ სისტემაზე მორგებული ცნობიერება ასე ადგილად ვერ შეეგუა კაპიტალიზმისთვის დამახასიათებელ მოთხოვნებს. ნებისმიერი სახის გარდაჭმნა სახელმწიფოს ცხოვრებაში საზოგადოების დიდი ნაწილისთვის უმტკიცნეულოდ არ ხდება და მითუმებების გაუნათლებელ, ახალი ეპოქის მიმართ გაუთვით-ცნობიერებელ ნაწილში. ძველი პოლიტიკური თუ სოციალურ-ეკონომიკური წყობილების შეცვლით ვერ შეიცვალა ხალხის ცნობიერება. ცვლილება განიცადა საუკუნეების მანძილზე ჩამოყალიბებულმა სახელმწიფოებრივმა წყობამ და ბუნებრივია საზოგადოების ბევრი რამ გაურკვევლი და მიუდებელი

ადმოჩნდა. „ჩვენს ეკონომიურ სისუსტეს მრავალგვარი მიზეზი და საფუძველი აქვს, მაგრამ თუ მათ სათითაოდ დავაკვირდებით, დავინახავთ, რომ თითქმის ყველა ამ კერძო მიზეზებს ერთი მთავარი, ფართო შინაარსისა და უფრო ზოგადი მნიშვნელობის გარემოება შეიცავს. ეს გარემოება არის შემდეგი: „ქართველობა, თავის პრაქტიკულ საქმიანობითა და შინაგანი პსიჩოკიოთ, დღესაც ვერ შესწყობია და ვერ შეგუებია თანამედროვე მოქალაქობრივ ანუ კაპიტალისტურ ცხოვრების აზრსა და მოთხოვნილებას. წესი ჩვენი საქმიანობისა და ხასიათი პსიჩოკისა იმგვარია, რომ სრულებით არ შეესაბამება კაპიტალისტურ დროის არც საქმიანობასა და არც პსიჩოკას.“<sup>69</sup> სწორედ ამიტომ იყო, რომ სამოციანელებმა სკოლას და საგანმანათლებლო დაწესებულებებს ისტორიული მისია დააკისრეს. ამ გზის გამგრძელებლები XX საუკუნის დასაწყისშიც ცდილობდნენ საზოგადოების ცნობიერების ფორმირებას და სამეურნეო-ეკონომიკური განათლების დონის ამაღლებას. „ისტორიამ ჩვენს დროს და ჩვენს ქვეყანას მრავალი ახალი პრაქტიკული საქმე დაუსახა თვალწინ. გავრცელება სასკოლო და სკოლის გარეშე განათლებისა მდაბიო ხალხში, რაციონალური ადზრდა ახალი თაობისა, განვითარება მომხმარებლების და მწარმოებლების კოოპერაციებისა, ამაღლება სასოფლო სამეურნეო ტეხნიკისა, შერჩენა საქართველოს მკვიდრთა ხელში ამოძრავებულ მიწისა და მრავალი სხვა მსხვილი და წვრილი საქმე ყველა ერთად თხოულობდა გაძოლას, ასრულებას.“<sup>70</sup>

ქართული კულტურული და პოლიტიკური ელიტა ნათლად აცნობიერებდა ყველა იმ პრობლემას,

<sup>69</sup> ქურნ. საქართველოს მოამბე, 1909, №4, გვ. 2

<sup>70</sup> გაზ. ისარი, 1908, №39, გვ. 1

რაც რუსეთის მიერ საქართველოს დაპყრობის შემდეგ წარმოიშვა. მაგრამ, ამავდროულად ძალ-ღონეს არ იშურებდა ქართული საზოგადოების გადაყვანის-თვის დროის ახალ მოთხოვნებზე. XX საუკუნის და-საწყისიდან, როგორც ცნობილია, ქართული საზოგა-დოების გარკვეული ნაწილი ახერხებს განათლების მიღებას რუსეთსა და ევროპის სხვადასხვა ქალაქებ-ში. სადაც ისინი ყურადღებით ადგვნებენ თვალყურს ევროპის მასშტაბით მიმდინარე გარდაქმნებს სახელ-მწიფოებრივი ცხოვრების ყველა ნაწილში და სამ-შობლოში დაბრუნების შემდეგ მთელი ძალისხმევით ესწრაფვიან ამ ახალი იდეების დანერგვას. მათ შორის ეკონომიკის სფეროში, რადგან დამოუკიდებლობის აღდგენისთვის ბრძოლა აზრს კარგავს, თუ ქვეყანას არ გააჩნია სათანადო ეკონომიკური სახსარი და ამასთან არ იცის მისი გამოყენება. ასე რომ, ეროვნული ეკონომიკის აღორძინება სხვა მრავალ ფაქტორთან ერთად ეპოქის მთავარი მოთხოვნილება გახდა.

სწორედ ამიტომ იყო, რომ XX საუკუნის პირველ ოცწლეულში ასე აქტუალურია სამრეწველო საგნების სკოლაში სწავლება. ჟურნალი „მოგზაური“ და მისი რედაქტორი ივანე როსტომაშვილი ერთ-ერთი პირველია ვინც აღნიშნულ საკითხებს ერთიან კონტექსტში მოიაზრებს. მისი შეხედულებით, „სკოლა უნდა იძლეოდეს არა მარტო წიგნურ განათლებას, არამედ პრაქტიკულ მომზადებასაც. სკოლაში სწავლა-აღზრდის საქმე ისე უნდა მოეწყოს, რომ მან უზრუნველყოს მომავალი თაობის დაახლოება ბუნება-ცხოვრებასთან, მათი შეიარაღება ისეთი ცოდნით, რომელიც ცხოვრებაშია საჭირო, გაუადვილებს მათ შრომას, მისცემს საშუალებას რაციონალურად მო-

აწყოს მეურნეობა და ამით უზრუნველყოს მთელი ქვეყნის ეკონომიკური აყვავება და აღორძინება.<sup>71</sup>

1909-1912 წლებში გამოდიოდა ჟურნალი „მოსავალი“, რომლის რედაქტორი იყო ვ.ი. რცხილაძე. აქ ძირითადი აქცენტი კეთდებოდა კველა იმ საკითხზე, რომელიც დაკავშირებული იყო სამეურნეო ცოდნის და ტექნიკის გავრცელებასთან. 1909 წელს „მოსავალში“ ე. იოსელიანი წერდა: „რათ არის ხალხი ტექნიკას ჩამორჩენილი, მეურნეობა რათა რჩება უკან, ამაზე ჩვენ ეხლა დაწვრილებით არ ვილაპარაკებთ, მხოლოდ იმას კი აღვნიშნავთ, რომ როცა ხალხი მოკლებულია უბრალო წერა-კითხვას, იქ მეურნეობის განვითარების დაპირდაპირება ტექნიკის განვითარებასთან შეუძლებელია.“<sup>72</sup> ქვეყნის ეკონომიკური აღორძინება უშუალო კავშირშია სამეურნეო ტექნოლოგიების ათვისებასთან. საერთო მასობრივ საგანმანათლებლო სისტემაში სამეურნეო საგნების შეტანა ამ პროცესის წარმატებას განაპირობებდა. „ჩვენთვის აუცილებლად საჭიროა შევიგნოთ და ძვალსა და რბილში გავიმდინაროთ იგი აზრი, იგი რწმენა, რომ სასოფლო მეურნეობა და მის მრეწველობა ერთადერთი ბუნებითი და ამიტომ უტყუარი ფაქტორია ადამიანურის ცხოვრება-სიმდიდრისა. დროა შევიგნოთ, რომ ჩვენი ყოველი უბედურება იქიდამ წარმოსდგება, რომ ჩვენი ხალხი ორ დიდ ჯგუფად არის გაყოფილი: ერთის მხრივ, დგას მუშაობის მცოდნე, მაგრამ განუვითარებელი, უსწავლელი გლეხი და, მეორეს მხრით, – მუშაობის არ მცოდნე ნასწავლი, რომელიც სრულიად მოკლებულია დამოუკიდებელ, თვითმომქმედ მოღვაწეობას მიწაზედ და ამიტომ გამოსადეგია მხოლოდ მოხელეობაში, სხვის

<sup>71</sup> გაზ. სამშობლო, 1916, №256, გვ. 685

<sup>72</sup> ჟურნ. მოსავალი, 1909, №1, გვ. 5

სამსახურში და იქ ჯამაგირის აღებაში.<sup>73</sup> უცოდინარი მეურნე ყოველთვის პრობლემების წინაშე იქნება და ვერ გადალახავს იმ დაბრკოლებებს რაც აწუნებს. „სანამ მეურნე სწავლით არ შეითვისებს ნამდვილ სამეურნეო ცოდნას, არ შეეჩვევა ვარჯიშობით მამულის, მცენარის და პირუტყვის წესიერად მოვლა-მოშენებას, მანამდის იგი წელში ვერ გამაგრდება და ყოველთვის ხელმოკლე იქნება.“<sup>74</sup>

ამისათვის კი ზოგად განათლებასთან ერთად სკოლაში სამეურნეო-ტექნიკური საგნების სწავლებაც აუცილებლად მიიჩნევა: „ხალხის კულტურული და ეკონომიკური განვითარება მარტო წერა-კითხვის ცოდნით და საზოგადო განათლების დონით არ განისაზღვრება. თანამედროვე ტეხნიკის განვითარებამ ახალი პირობები შექმნა ცხოვრების გასაუმჯობესებლად და ახალი საშუალებანი საარსებო ბრძოლისათვის. ხალხისათვის საჭირო შეიქმნა წერა-კითხვისა და საზოგადო განათლების იმისთანა სწავლა-განათლება, რომელიც მას არსებობისათვის ბრძოლას გაუადვილებს.“<sup>75</sup>

საზოგადოების გაუნათლებლობა წარმოშობს ჩაკეტილობას და სიახლისადმი შეუგუებლობას. საზოგადოებრივი განვითარების ეტაპზე, სხვადასხვა ისტორიულ ეპოქებს კი თავისი მოთხოვნილებები აქვს, რომლებზეც უარის თქმა – ქვეყნის წინსვლის შემაფერხებელია. სწორად წარმართული საგანმანათლებლო სისტემა კი, უკრნალის პუბლიცისტების აზრით, არა მარტო კულტურულ, არამედ ეკონომიკურ აღორძინებასაც გამოიწვევს: „წერა-კითხვის მცოდნეულობრივ გამოსადეგია მუშაობაში მომეტებულს მიმ-

<sup>73</sup> შურნ. მოგზაური, 1903, №1-2, გვ. 7-8

<sup>74</sup> გაზ. ისარი, 1908, №39, გვ. 1

<sup>75</sup> გაზ. თქმი, 1913, №118, გვ. 1

ხვდარობით და გამჭრიახობით, იგი უფრო საზრიანად, ფაქტზად და რიგიანად მუშაობს, მეტს აწარმოებს, უფრო ითვისებს ახალშემოღებას შრომაში და უფრო კეთილსინდისიერად ეპყრობა ნამუშევარს, მას შეუძლია გაიგოს მოხატულობა, გეგმა, სიხალისით ეკიდება ახალ რამეს, მიწის სამუშევარ იარაღებს. იმ დროს, როცა წერა-კითხვის უცოდინარს ყოველივე მიქარვათ მიაჩნია, გარდა მამა-პაპურ სახნისისა და ფარცხისა.<sup>76</sup> უურნალი ქვეყნის ეკონომიკურ წარუმატებლობას არა მარტო რუსული ხელისუფლების გავლენით ხსნის, არამედ საზოგადოებაში არსებული ნიპილისტური დამოკიდებულებით: „ჩვენ ვჩივით ჩვენი ოჯახის დაცემას, გათახსირებას... ან კი სხვა რას უნდა გამოელოდოს ჩვენს მდგომარეობაში მყოფი ერი, ჩვენის უცხო იდეალების პატრონი! ყველაფერს იპოვნით ჩვენში, ყოველ აზრს, ყველაფრისათვის გაცხადებულ ბაასს, ბრძოლას, მეცადინეობას, ვერ იპოვით დიასახლისებს, რომ ნაკვებურად მიაჩნდეთ თავისი ოჯახის და მამულის მეურნეობის სამაგალიოთოდ მოწყობა, ვერ იპოვნით მათში უბრალო მოტრფიალეთაც კი.“<sup>77</sup> როგორც ჩანს, XX საუკუნის დასაწყისში ეკონომიკური საკითხი მეტად აქტუალურია და კულტურული და პოლიტიკური ელიტა ნაციონალური კონსოლიდაციის პირობად ეროვნულ სიმბოლოებთან ერთად ეკონომიკის განვითარებას მიიჩნევს. ამიტომ არსებული ვითარების კრიტიკით ისინი მდგომარეობის გაუმჯობესებას ცდილობდნენ: „მთელი ათასი წლებია ამ მიწაზედ ვზივართ, ვხნავთ, ვთესავთ, ვმკიოთ, ვრგავთ, ვკრებთ, მაგრამ მაინც ვერ ვიტყვით რომ ჩვენ მიწად-მოქმედი ხალხი ვართ, უფრო მართალი იქნება ვთქვათ, რომ ჩვენ მხოლოდ და

<sup>76</sup> ქურნ. მოგზაური, 1903, №11-12, გვ. 543

<sup>77</sup> ქურნ. მოგზაური, 1903, №1-2, გვ. 5

მხოლოდ მიწის მფლობელნი ვართ. აიხსნება ეს იმით, რომ მიწას ჩვენ მხოლოდ როგორც ჩვენს სამფლობელოს ვუცქერით, მას ჩვენ უფრო როგორც ჩვენს საკუთრებას ვაფასებთ, როგორც ჩვენის თავს შესაფერებელს ბუდეს, მასში მუშაობა-გარჯას ჩვენ ვუყურებთ როგორც სხვათა შორის საქმეს და არა როგორც ჩვენის ცხოვრების უმთავრეს წყაროს.“<sup>78</sup>

საზოგადოების არცერთი ჯგუფი სასოფლო-სამეურნეო მუშაობაში არ ღებულობდა მონაწილეობას, რაც „მოგზაურის“ აზრით, ქვეყნის დაცემას უწყობდა ხელს: „მოელი ჩვენი თავად-აზნაურობა, დიდიდამ პატარამდის, ფრიად მცირე რიცხვის გარდა, სრულად არ მისდევს სასოფლო მეურნეობას, აქტივურს მონაწილეობას არ იღებს მამულის უკეთ და თანამედროველად მოწყობაში, არ მუშაობს, საკუთარ ოფლს არ ღვრის მასში!.. ჩვენი თავადაზნაურობის და მრავალი გლეხის შვილებიც კი თვეში ათს და თხუთმეტს მანეთს ჯამაგირს რჩეობენ სადმე სახელმწიფო ოუ კერძო სამსახურში, ვიდრე ლალად და თავისუფლად მამულში ყოფნას, მისთვის თავ-დადგბას.“<sup>79</sup> შექმნილი მდგომარეობიდან გამოსავლის ძიგბას გაზეთი მიზანმიმართულ მოქმედებაში ხედავდა და საპროგრამო გეგმას სთავაზობდა საზოგადოებას.

„1. საჭიროა დავუკვირდეთ ჩვენს ბუნებას, ამ ბუნების განსაკუთრებულ თვისებებს, ჩვენს მცენარეულობას, მის გამოყენებას, ჩვენის ქვეყნის თვისებას და ბევრს ამგვარს. 2. საჭიროა მოვიკრიბოთ ძალა და შეერთებულის ძალით ვაკეთოთ ის, რაც განცალკევებულად არ შეგვიძლია. 3. საჭიროა მოვაწესრიგოთ ვაჭრობა და მრეწველობა და გამოვიკვლიოთ რა

<sup>78</sup> იქმა, გვ. 4

<sup>79</sup> ქურნ. მოგზაური, 1903, №1-2, გვ. 4

კვალზე უნდა დავაყენოთ იგი და რა ძალა უნდა ვა-  
მუშაოთ, რომ ჩვენი ერი ეკონომიურად გამაგრდეს.“<sup>80</sup>

საინტერესოა აღინიშნოს, რომ ქართული ინტე-  
ლიგენციის ბრძოლამ შედეგი გამოიღო და XX საუ-  
კუნის დასაწყისში, 1905 წლის გურიის გლეხთა გა-  
მოსვლის დროს, გლეხებთან მოსალაპარაკებლად  
გაგზავნილ კრიმ-გირეის მოსახლეობამ მიმართა:  
„ჩვენ სწავლა გვინდა. სხვა ქვეყნებში წერა-კითხვის  
არამცოდნეს ვერ ნახავთ, ჩვენში კი წერა-კითხვის  
მცოდნე სანთლით საძებარია, მაშინ, როდესაც სწავ-  
ლის გადასახადით სულს გვხდიან. სწავლა გვინდა  
უფასო, საყოველთაო-საგალდებულო 16 წლამდე, ქა-  
ლებისა და ვაჟების ერთად.“<sup>81</sup> ეროვნული ეკონომი-  
კის აღორძინებისთვის ბრძოლა ჯერ კიდევ XIX საუ-  
კუნის II ნახევრიდან დაიწყო, რომელსაც ილია ჭავ-  
ჭავაძის მეთაურობით ოერგდალეულები ხელმძღვანე-  
ლობდნენ. ეროვნულ-განმათავისუფლებელი ბრძოლის  
ახალი ფორმით აღმავლობა, განათლების და ეროვ-  
ნული ფასეულობების წინა პლანზე წამოწევასთან  
ერთად ეკონომიკის საკითხი აუცილებელ საჭიროებას  
წარმოადგენდა. XX საუკუნის დასაწყისიდან ამ მი-  
მართულებით საკმაოდ აქტიურობდა ბეჭდური მედია,  
სადაც აქცენტი კეთდებოდა მუდმივად ეკონომიკური  
განათლების პრობლემებზე. თითქმის ყველა ბეჭდურ  
ორგანოში იყო მოწოდებები, პრაქტიკული რჩევები  
იმასთან დაკავშირებით თუ როგორ უნდა აღორძინე-  
ბულიყო და განვითარებულიყო ეკონომიკა. ზემოთ  
განხილული მასალები სწორედ ამას მოწმობს.

XIX საუკუნის II ნახევრიდან არსებითი ცვლი-  
ლების შედეგად, კერძოდ, ბატონყმობის გაუქმების

<sup>80</sup> გაზ. თემი, 1912, №93, გვ. 4

<sup>81</sup> ფ. გოგიჩაიშვილი, რჩეული ნაწერები, ტ. 1. თბილისი:  
საბჭოთა საქართველო, 1974, გვ. 30

შემდეგ რუსეთსა და საქართველოში, ქართული ერთობა ახალი გამოწვევების წინაშე აღმოჩნდა. კაპიტალისტური ურთიერთობის ფართოდ გავრცელებამ სამრეწველო-ტექნიკური პროგრესის განვითარებას შეუწყო ხელი. აქედან გამომდინარე, ქართველი ინტელიგენციისთვის ნათელი გახდა, რომ გლეხთა სასწავლო-საგანმანათლებლო პროცესში აუცილებელი იყო სამეურნეო-ტექნიკური როლის წინა პლანზე წამოწევა და სასწავლო პროგრამაში შეტანა.

სწორედ ეს პრობლემები იქცა XX საუკუნის პირველი ოცწლეულის ერთ-ერთ მთავარ გამოწვევად. როგორც შესავალ ნაწილში აღვნიშნე, მთავარი და აუცილებელი მოთხოვნილება სწავლა-განათლების გავრცელება იყო, რომლის საშუალებით უნდა გადაწყვეტილიყო ყველა ის საკითხი, რაც ეპოქის მოთხოვნილებას წარმოადგენდა. განათლების გავრცელებას საზოგადოების ფართო ფენებში ხელი უნდა შეუწყო სამეურნეო ცოდნის ამაღლებისთვის და საბოლოო შედეგი ეკონომიკური წარმატება ყოფილიყო. საერთოდ, კი სწავლა-განათლებას მნიშვნელოვანი ადგილი ეკავა მოდერნულ ეპოქაში. სკოლებს, სასწავლო დაწესებულებებს მთავარი მისია ეკისრებოდათ არა მხოლოდ ეროვნული თვითშეგნების შენარჩუნების, ასევე პოლიტიკური ცნობიერების ამაღლების და ეკონომიკური წინსვლის გადაწყვეტის საკითხში.

**3. სარწმუნოება.** სწორედ ზემოთქმულიდან გამომდინარეობდა ის ფაქტი, რომ სარწმუნოება დაყენებული იყო მეოთხე ადგილზე. მას შემდეგ რაც გაუქმდა საქართველოს სახელმწიფოებრიობა და რუსული მმართველობა დამყარდა, ახალი ეტაპი დაიწყო არა მარტო პოლიტიკური, არამედ რელიგიური თვალსაზრისითაც. ქართული საზოგადოების მოლოდინი, რომ ერთმორწმუნე რუსეთი განსხვავებულ

გზას აირჩევდა და საქართველოს მიმართ დამპყრობლურ პოლიტიკას არ განახორციელებდა არ გამართლდა. ასეთივე ვითარება აღმოჩნდა ქრისტიანობასთან მიმართებაშიც. რუსეთმა 1811 წელს გააუქმა საქართველოს მართლმადიდებელი ეკლესიის ავტოკეფალია და სერიოზული რეფორმები განახორციელა, რაც მის რუსიფიკაციას ისახავდა მიზნად. ეკლესიაში რუსი სასულიერო პირების მოყვანის და რუსულ ენაზე წირვა-ლოცვის შემოღების შემდეგ ხალხში შეირყა რწმენა. ქართველი სამღვდელოება ამ პრობლემის აღმოფხვრას ქართველ საზოგადო მოღვაწეებთან ერთად პრესის საშუალებით შეეცადა, რომლის საშუალებითაც ხშირად მოუწოდებდნენ ქრისტიანობის შესანარჩუნებლად.

სამღვდელოება აქტიურ ნაბიჯებს დგამდა როგორც ეკლესიის ავტოკეფალიის აღსადგენად, ისე საქართველოს ისტორიაში ქრისტიანობის როლის წარმოჩენისთვის. ამისთვის მათ პქონდათ სხვადასხვა ბეჭდური ორგანო. ქართველი სასულიერო ფენის ინტერესებს გამოხატავდა გაზეთი „შინაური საქმეები“. 1909 წლის №4-ში ვკითხულობთ: „საჭიროა გავაცნოთ ხვენი მშობლიური ეკლესიის ხასიათი, მისი დგაწლი არა მარტო ქრისტეს ცხოველმყოფელი მოძღვრების გავრცელება-დამკვიდრებაში, არამედ ქართველი ხალხის ეროვნულად გაძლიერების საქმეშიც. მან შეინახა ჩვენი ერი, სარწმუნოება ამხნევებდა მას მრავალ საუკუნეების განმავლობაში აუარებელ მტრებთან ბრძოლის დროს, აძლევდა ძალას გამოსულიყო ამ უთანასწორო ბრძოლიდან გამარჯვებულად, შეენახა მას თავისი ეროვნება. თვალსაჩინო იყო ძველი საქართველოს კულტურა, რომლის შექმნაში უმთავრესი წილი უდევს ჩვენს მშობლიურ ეპლესიას. ძველი კულტურის დავიწყება კი ხალხის-

თვის არ არის სახეირო. ის ხალხი, რომელსაც თავის წარსულს ისტორიულ ცხოვრებასთან კავშირი გაუწყებია, მომავალში წარმატებას არ უნდა მოელოდეს.“<sup>82</sup> ქრისტიანობასთან დაკავშირებული თითოეული სტატია მიმართული იყო ქართველებში რწმენის ამაღლებასა და ეკლესიის როლის დასაბუთებაზე. „ეკლესია წარსულში დიდი ეროვნული მოვლენა იყო, ეკლესიის გარშემო იყრიდა თავს სახელმწიფო ებრივი ენერგია, იქ იყო ელემენტი – ერის შემაერთებელი და ეროვნული სიმდიდრე, ეროვნული კულტურა უმთავრესად ეკლესია-მონასტრებში გროვდებოდა. ბერ-მონაზონთა კოლეგია იყო მთავარი მატარებელი სულიერი კულტურის და ეს ქმნიდა სამღვდელოების ბატონობას. დღეს სულიერი კულტურის მეთაურობა მათი იმდენად დაკარგულია, რომ წარსულშიც მათი ასეთი როლი ბევრს არა სჯერა. მაგრამ ქონებრივი კულტურა კი დიდია მოგროვილი ეკლესია-მონასტრებში. ეს ქონება ეკუთვნის ერს, მთელ ხალხს და არა ეკლესიის მსახურო ბერ-მონაზონთ. იგინი დღემდე მხოლოდ მცველია ამ ქონების.“<sup>83</sup>

გრიგოლ ლორთქიფანიძე თავის მემუარებში ყურადღებას ამახვილებდა ქრისტიანობის როლზე საქართველოს ისტორიაში. იგი წარსულში ეკლესიის და ქრისტიანობის მნიშვნელობას ეპოქიდან გამომდინარე მიიჩნევდა. „ქართული ეკლესიის ეროვნულ-მოგრიებითი მოღვაწეობა წინა საუკუნეებში, ერთის მხრით, რამდენიმედ გაადვილებული იყო იმით, რომ მაშინ საქრისტიანო საქართველოს საქმე ქონდა ისლამთან, ამ ორი სარწმუნოებას შორის გაუგალი უფსკრული იყო, მდგომარეობა და ურთიერთობა მეტად ნათელი, მკაფიო და განსაზღვრული, ამიტომ ამ ხა-

<sup>82</sup> გაზ. შინაური საქმეები, 1912, №30-31, გვ. 1

<sup>83</sup> გაზ. ერთობა, 1920, №158, გვ. 1

ნებში შეუძლებელი იყო მტრისათვის ქართულ ეპლე-სიაში მეგობრისა და მმის ქურქით შესვლა და მისი შიგნიდან გადაგვარება და მოშლა. ხოლო რუსეთის მფლობელობის დროს ამ მხრით მდგომარეობას არ-თულებდა ის გარემოება, რომ ახალი მპყრობელი თვით იყო ქრისტიანი და ისიც მართლმადიდებელი. ამ გარემოებამ მეტად გაუადვილა რუსეთს, საქართვე-ლოს ეპლესიასთან ბრძოლა. ანაფორაში გადაცმული რუსული ნაციონალისტური იმპერიალიზმი ერთმორ-წმუნეობის საბაბითა და ნიღბით ადვილად შეიქრა ქართულ ეპლესიაში და მის გარუსებას შეუდგა.<sup>84</sup>

დღესდღეობით არავისთვის აღარ არის საკამა-ოო, რომ ქრისტიანობა და ქართველობა საუკუნეების მანძილზე ერთიან კონტექსტში მოიაზრებოდა და ქართველებისთვის ქართველობის დაცვა ქრისტიანო-ბის შენარჩუნებას უდრიდა და პირიქით. ქართულ სამეცნიერო ლიტერატურაში ეს თვალსაზრისი დიდი ხანია დამკვიდრებულია, ამიტომ პრობლემის ამ მი-მართულებით შესწავლა სიახლეს არ წარმოადგენს. მაგრამ, ცალკე საკითხია რა კუთხით განიცდიდა ცვლილებას ქრისტიანული სარწმუნოების მიმართ ქართული საზოგადოების, თითოეული სოციალური ფენის თუ ჯგუფის ცნობიერება.

შუა საუკუნებში, როდესაც სხვადასხვა სარწმუ-ნოების ხალხი მოდიოდა საქართველოს დასაპყრო-ბად, მთავარ დარტყმას სწორედ ქრისტიანობისკენ მიმართავდა. 1900-1917 წლებში ქართველების მთავა-რი მოთხოვნა რელიგიასთან მიმართებაში საქართვე-ლოს მართლმადიდებელი ეპლესის ავტოკეფალიის ადდგენა იყო და არა მხოლოდ ბრძოლა ქრისტიანო-ბის დასაცავად. ე. ი. როგორც ვხედავთ, ამ ეტაპზე

<sup>84</sup> გ. ლორთქიფანიძე, ფიქრები საქართველოზე, თბილისი: თბილისის უნივერსიტეტის გამომცემ-ლობა, 1995, გვ. 52

ეროვნული ფასეულობებისთვის ბრძოლა გარკვეულ ცვალებადობას განიცდის და ეპოქის მოთხოვნილებიდან გამომდინარე სხვა ეროვნული ღირებულებების შენარჩუნება ხდება მნიშვნელოვანი. შემთხვევითი არ იყო, რომ გაზითმა „ივერიამ“, რომელიც საქართველოში ნაციონალიზმის მთავარი იდეოლოგი იყო სარწმუნოება მეოთხე ადგილზე, ხოლო ტერიტორიის შემდეგ, მეორე და მესამე ფასეულობად ქართული ენა და საგანმანათლებლო დაწესებულებები დააყენა. აღნიშნულ საკითხებს კიდევ ერთხელ მივუბრუნდებით შესაბამის თავში, სადაც სამდვრღლოებაზეა საუბარი.

**4. ეროვნული თავისუფლების ფენომენი.** ცნება თავისუფლება არა ერთგზის არის გამოყენებული სამეცნიერო ლიტერატურაში. მაგალითად, „ეროვნულგანმათავისუფლებელი მოძრაობა“, „ეროვნული თავისუფლება“, „ქართველი ხალხი ყოველთვის იბრძოდა ეროვნული თავისუფლებისთვის“ და ა. შ. მაგრამ ნაკლებად კეთდება აქცენტი იმაზე, თუ რას ნიშნავდა ქართველი ერის ცნობიერებაში ეროვნული თავისუფლება და როგორ აღიქმებოდა ეს საკითხი. რადგან „დამოუკიდებლობისათვის ბრძოლაში წარმატების მისაღწევად მხოლოდ სამშობლოს სიყვარული და მისთვის თავდადება არ კმარა. ცხადია, რომ ბრძოლისათვის, უპირველესად საჭიროა რაციონალურ პოლიტიკაზე აგებული მოქმედებათა კომპლექსი, სადაც ემოციების გამოხატვას მხოლოდ დამხმარე როლი შეიძლება მიეკუთვნოს.“<sup>85</sup> აკაკი სურგულაძე აღნიშნავდა: „ეროვნულ-განმათავისუფლებელი

<sup>85</sup> ა. სურგულაძე, ერის ცნებისა და რევოლუციამდელ საქართველოში ეროვნულ-განმათავისუფლებელი მოძრაობის ეტაპების შესახებ, თბილისი: თბილისის უნივერსიტეტის გამომცემლობა, 1970, გვ. 72

მოძრაობა, როგორც თვით სახელწოდება გვიჩვენებს, იმ ერის მოძრაობაა, რომელიც ეროვნულ თავისუფლებას მოკლებულია და მისი მოპოვებისათვის იბრძვის. ამ მოძრაობას გააჩნია თავისი სპეციფიკური ნიშან-თვისებები, რაც მას სხვა ხასიათის მოძრაობათაგან განასხვავებს.<sup>86</sup>

როგორც ე. სმითი აღნიშნავს: „გარკვეულ ტერიტორიასთან ან მისსავე ფარგლებში რომელიმე ადგილთან მიმართებას შეიძლება ჰქონდეს მითიური ან სუბიექტური ხასიათი. სწორედ ეს კავშირები და ასოციაციებია უფრო მნიშვნელოვანი ეთნიკური იდენტიფიკაციისათვის, ვიდრე ამ ტერიტორიაზე ცხოვრება ან მისი განკარგვა. ეს ის ადგილია, რომელსაც მივეკუთვნებით. სწორედ ეს არის საკრალური მიწა, ჩვენ მამა-პაპათა, რჯულმდებელთა, მეფეთა, ბრძენკაცთა, პოეტთა და მღვდელმსახურთა მიწა და ამიტომ არის ის ჩვენი სამშობლო. ჩვენ ისევე ვვკუთვნით მას, როგორც ის ჩვენ გვეკუთვნის. გარდა ამისა, სამშობლოს საკრალური ცენტრი თავს უყრის ეთნიუს წევრებს.“<sup>87</sup> ერთიანობის განცდას არსებითი მნიშვნელობა აქვს. ნაციონალური კონსოლიდაციისთვის ერთიანობის ნაციონალისტური იდეალი მრავლისმომცველია. ნაციონალისტურ ენაზე „ერთობა“ ნიშნავს სოციალურ ერთსულოვნებას, ნაციის ყველა წევრის „ძმობას“. ერთობის ნაციონალისტურმა იდეამ შორს მიმავალი შედეგები გამოილო. მან ბიძგი მისცა ნაციის განუყოფელობის იდეას და კულტურული და პოლიტიკური პომოვენურობის ინტერესებიდან გამომდინარე გამართლება მოუნახა ყველა შუალედური რგოლისა და ლოკალური თავისებურებების ამოძირ-

<sup>86</sup> იქევ, გვ. 73

<sup>87</sup> ე. სმითი, ნაციონალური იდენტობა. ინგლისურიდან თარგმნა ლელა პატარიძემ, თბილისი: ლოგოს-პრესი, 2008, გვ. 94

კვას, ხშირად ძალის გამოყენებითაც კი.“<sup>88</sup> 1900-1917 წლებში საქართველოში საკმაოდ აქტუალური იყო ეროვნული თავისუფლების საკითხი. მართალია, ქართველი კულტურული და პოლიტიკური ელიტის წარმომადგენლებს საქართველოს სახელმწიფოებრივი დამოუკიდებლობის აღდგენა იმ ეტაპზე შეუძლებლად ესახებოდათ, მაგრამ განსხვავებული ბრძოლის მეთოდებიდან, რომელთაც თითოეული პოლიტიკური პარტია სთავაზობდა ქართველ საზოგადოებას ეროვნული თავისუფლების ლოზუნგს მნიშვნელოვანი ადგილი ეკავა.

ქართული კულტურული და პოლიტიკური ელიტა თავისუფლებისთვის ბრძოლისკენ ყოველთვის მოუწოდებდა პირდაპირ თუ ირიბად ქართველ საზოგადოებას. თუმცა ეროვნული თავისუფლების იდეალის აღქმამ ახალი დატვირთვა შეიძინა რუსეთის მიერ საქართველოს დაპყრობის შემდეგ. XIX საუკუნის I ნახევარში ეროვნული აჯანყების კრახით დასრულების შემდეგ, XIX საუკუნის II ნახევრიდან ეროვნულ-განმათავისუფლებელი მოძრაობა განვითარების ახალ ფაზაში შედის. ეს დაკავშირებულია სასწავლო-საგანმანათლებლო პროცესის სრულყოფასთან და საზოგადოების ყველა ფენაში გავრცელება-დამკვიდრებასთან. ქართული კულტურული ელიტა ორიენტირებულია ქართული ერთობის ნაციონალურ კონსოლიდაციაზე, რაც საერთო, ეროვნული პროგრამით უნდა განხორციელებულიყო. ამავდროულად კულტურული და პოლიტიკური ელიტის ნაწილი თავისუფლების იდეის ფართო პროპაგანდას იწყებს. აღნიშნულ მოვლენას უკავშირდება ეროვნულ-განმათავისუფლებელი მოძრაობის მთავარი ლიდერის

<sup>88</sup> იქნა, გვ. 94

იღია ჭავჭავაძის ფრაზა „ჩვენი თავი ჩვენადვე გვა-  
კუდვნებ“. საინტერესოა, ასევე აღინიშნოს განმათავი-  
სუფლებელი მოძრაობის ერთ-ერთი აქტიური მონაწი-  
ლის ვაჟა-ფშაველას თვალსაზრისი თავისუფლების  
იდეალზე: „იქ ვინ ნახა თავისუფლება, საცა მე ჩემს  
დედა-ენაზე ლაპარაკს მიშლიან: არც მასწავლიან,  
არც მაუბნებენ, არც მამღერებენ, არც მაგალობებენ?!  
რა გული უნდა მქონდეს მაშინ? რას უნდა ვგრძნობ-  
დეთ?! – სხვას არაფერს გარდა ზიზღისა, მძულვარე-  
ბისა. მოწამლულ-მოშხამულია ჩემი სიცოცხლე,  
ვგრძნობ მხოლოდ უსიამოვნებას, სიძულვილს და  
ვწყევლი იმ ძალებს, რომელიც უველა ზემორე აღ-  
ნიშნულ საქმეში ხელს მიშლიან, წინ მეღობებიან და  
ვუცდი მარჯვე შემთხვევას შევმუშრო ისინი. როცა  
ეს დრო დგება და მეც მოქმედებას ვიწყებ ამ ძალთა  
შესამუსრავად, დასათრგუნად, მაშინვე იწყება ჩემი  
თავისუფალი ცხოვრება. აქ არის დასაწყისი თავი-  
სუფლებისა და უკეთუ ვითმენ ხმას არ ვიღებ, არა-  
ფერს ვამბობ, მაშინ ვარ მონა, არა მძულს ჩემი  
მჩაგვრელი ძალა, იქნება მძულს კიდეც, მაგრამ ამ  
მძულვარებას გულში ვმალავ, მაშინ ვარ ლაჩარი,  
საზიზღარი, ვიდრე მონაა. არა, მძულვარება როცა  
უკიდურესობამდე მიღის, მაშინ ლაჩრული გრძნობა  
ისპობა, მაშინ ამბობს ადამიანი: ან მოვკვდები, ან  
ვძლევ ჩემს მტანჯველთ!...“<sup>89</sup>

ეროვნული თავისუფლებისათვის ბრძოლა 1900-  
1921 წლების საქართველოში მხოლოდ შეიარაღებუ-  
ლი ბრძოლით არ გამოიხატებოდა, ეს ფაქტი ვლინ-  
დება კულტურული და პოლიტიკური ელიტის საგან-  
მანათლებლო მოღვაწეობაში. განხილული საკითხები  
სწორედ აღნიშნულის გამოხატულებას წარმოადგენს.

<sup>89</sup> ვაჟა-ფშაველა, თხზულებანი. IX, თბილისი, 1964, გვ 410-411

განათლებული და საკუთარი ნაციონალური სიმბოლოების მნიშვნელობას მიხვედრილი ქართველი უფრო მეტი შემართებით დაიცავდა სამშობლოს. ეროვნული თავისუფლების საკითხი უკავშირდებოდა ასევე ავტონომიას. „საქართველოს ავტონომია ნიშნავს საქართველოს თავისუფლებას თავისი შინაურ საქმეების მოწყობაში. ქართველი ხალხი ცხოვრობს განსაზღვრულ მიწა-წყალზე, ანუ ტერიტორიაზე. მთელს იმ მიწა-წყალს, იმ ტერიტორიას, რომელზედაც ქართველი ხალხი ცხოვრობს, საქართველო ქვია. ქართლი, კახეთი, იმერეთი, გურია, სამეგრელო, სვანეთი, რაჭა-ლეჩხეუმი, აფხაზეთი, ხევსურეთი, თუშეთი, ფშავეთი, აჭარა-ქობულეთი, ყველა ეს ადგილები ერთად შეადგენენ ერთს ქვეყანას, - საქართველოს, რომელიც დასახლებულია ან ქრისტიანი ან მაჰმადიანი ქართველებით. ეს არის ჩვენი სამშობლო-საქართველო, რომელსაც უნდა მიენიჭოს უფლება, თავის შინაურ საქმეებს თვითონ გაუძლვეს.“<sup>90</sup> შემთხვევითი არ არის, რომ გათვითცნობიერებას და ცოდნას დიდ დატვირთვას ანიჭებს უკრნალ „ეკალის“ პუბლიცისტი: „გადის აგერ სამი წელიწადი განმათავისუფლებელი მოძრაობის აქტიურად დაწყებიდან და ბრძოლას, გამარჯვებას ბოლო არ უჩანს. და ეს მიტომ რომ ხალხი ჯერ კიდევ უვიცია და უვიცობა კი თავისუფლების მოსისხლე მტერია. უვიცი და განუვითარებელი ხალხი ვერ არის კარგი მებრძოლი: მის ბრძოლას არ მოაქვს შესაფერი ნაყოფი. თავისუფლება მარტო ფიზიკური ბრძოლით, მარტო იარაღით ჯერ არაგის მოუპოვებია არსად; მის მოპოვებას უპირველესად ყოვლისა განვითარება, ცოდნა, მომზადება და შეგნება უნდა... ვინც ხალხის, მასის განვი-

<sup>90</sup> საქართველოს ავტონომია, ბათუმი, 1917, გვ. 5

თარების და გათვითცნობიერების საქმეს ემსახურება, იმან მას უნდა მიაწოდოს, სიტყვით თუ წერით, სისტემატიურად დაწყობილი, ხალხური ენით მკაფიოდ და მოკლედ გამოთქმული ცოდნა ამა თუ იმ მეცნიერებიდან.<sup>91</sup>

XX საუკუნის პირველი ოცნებულის საქართველოში ეროვნული თავისუფლების საკითხის განსაზღვრა არც ისე მარტივია, გამომდინარე იქიდან, რომ თავისუფლებისთვის ყველა სოციალური ფენა თუ ჯგუფი განსხვავებული გზით იბრძოდა. ეროვნულ თავისუფლებაში ისინი სხვადასხვა რამეს გულისხმობდნენ. „დღეს ქართველებში ორნაირი მოთხოვნილებაა წამოყენებული: ერთი თხოულობს ისეთ ურთიერთობის დამყარებას სახელმწიფოს და ერს შორის, რომელიც უზრუნველყოფს ნაციონალური კულტურის განვითარებას, მეორე თხოულობს ისეთ ურთიერთობას, რომელიც შექმნის საქართველოს ავტონომიურ სახელმწიფოს, ავტონომიურ მართვა-გამგებას. პირველის პირდაპირი მიზანია ნაციონალური კულტურა, მეორის პირდაპირი მიზანია ნაციონალური მთავრობა. ეს ორი მიმდინარეობა ერთმანეთს ებრძგის სამკვდრო-სასიცოცხლოდ და იპყრობს საერთო კურადღებას. პირველი გაგრძელებაა მესამოცე წლების პირველი მეოთხედისაკენ, როცა ავტონომიური მთავრობა ბრძოლის ლოზუნგით გამოცხადდა.<sup>92</sup> ამის პარალელურად არსებობდა პოლიტიკური თავისუფლების საკითხი. „სხვადასხვა კლასებს პოლიტიკური თავისუფლება სხვადასხვა მიზნისათვის სჭიროათ. გაბატონებულ კლასებს თავისუფლება იმიტომ უნდათ, რომ გააუმჯობესონ და სამუდამო ბატონობა მოუპოვონ კაპიტალისტურ წესწყობილებას. შეგნებუ-

<sup>91</sup> ქურნ. ეპალი, 1907, №2, გვ. 14

<sup>92</sup> განთიადი, 1913, №19, გვ. 2

ლი მუშები კი იმიტომ იბრძვიან პოლიტიკური თავისუფლების მოსაპოვებლად, რომ იმის საშუალებით მალე დაამხონ ეს წესწყობილება და განახორციელონ სოციალიზმი.<sup>93</sup> სოციალ-დემოკრატების მიერ ეს საკითხი ასე მოიაზრებოდა: „პოლიტიკური თავისუფლება მუშებს უნდა არა თავის თავად, არა-მედ როგორც საშუალება უფრო ფართე მიზნისათვის. დაქირავებული შრომის მოსასპობად და მუშაობა ხელში ყველა საზოგადოებრივი სიმდიდრისა და საწარმოვო საშუალებათა შესარჩენად. თავისუფლება ჩვენ გვინდა სოციალიზმისათვის საბრძოლველად, რადგან მხოლოდ სოციალიზმი განათავისუფლებს მილიონ მუშებს ლუქმა-პურის მოსაპოვებლად კაპიტალისტებისაგან. ხოლო სოციალიზმისათვის საბრძოლველად ჩვენთვის საჭიროა ყოვლად სრული პოლიტიკური თავისუფლება, ე.ი. თანასწორობა არა მარტო სასამრთლოს წინაშე, რომელსაც მოგვცემენ ჩვენ ლიბერალები, არამედ სრული თანასწორობა ყველასი სახელმწიფო საქმეების მართვა-გამგეობაში. ამას კი ჩვენ ნებით არავინ მოგვცემს, ეს ბრძოლით უნდა მოვიპოვოთ.“<sup>94</sup> ფაქტობრივად, აქ იკვეთება თავისუფლებისათვის ბრძოლის ორი განსხვავებული გზა, რომელსაც პოლიტიკური ელიტა სთავაზობს ქართულ საზოგადოებას. სოციალ-დემოკრატებისთვის თავისუფლებისათვის ბრძოლაში მოიაზრებოდა ეკონომიკური და სოციალური თავისუფლება, ეროვნული მიმართულების პარტიებისათვის (ეროვნულ-დემოკრატები, სოციალისტ-ფედერალისტები) კი – ეროვნული თავისუფლებისათვის. „რა თავისუფლებისთვის კვდებოდნენ? სრული თავისუფლებისთვის! ისეთი თავისუფლებისთვის, რომლის შემდეგ არ იქ-

<sup>93</sup> იქმე, გვ. 3

<sup>94</sup> გაზ. ბრძოლა, 1901, №1, გვ. 3

ნებოდა მტარვალობა ერთი მეორის ცარცვა-გლეჯა წარმოების მიზეზით, არ იქნებოდნენ ბატონები, მონები, არამედ თანასწორუფლებიანი-თანასწორად თავისუფალი ადამიანები, არ იქნებოდნენ ჯაშუშები, ჟანდარმები, არ იქნებოდა მმების და მეგობრების მკვლელი მხედრობა, არ იქნებოდა საპყრობილები, ჯალათები, მდიდრები, ღარიბები.<sup>95</sup> გაზეთი „მეგობარი“ 1906 წელს წერს, რომ აუცილებლობას წარმოადგენს ეკონომიკური თავისუფლების მოპოვება პოლიტიკურთან ერთად. „დღევანდელი კაპიტალისტური წეს-წყობილების დამახასიათებელი თვისება, სხვათა შორის ის არის, რომ მან წამოაყენა ახალი კლასები – ბურჟუაზია ეკონომიკურად გაძატონდა, იგი ბატონი შეიქნება პოლიტიკურადაც. ამრიგად, ეკონომიკურ მონობიდან, იურიდიულად თავისუფალი პროლეტარი, პოლიტიკურ მონობაშიაც გადადის. თავისთვის ცხადია, რომ ამ მონობიდან პროლეტარი მანამდე ვერ განთავისუფლდება, სანამ ბურჟუაზიისაგან ქონებრივად დამოუკიდებელი არ გახდება, ე.ი. სანამ არ მოახდენს სოციალურ რევოლუციას, რომელიც ერთ-ერთი თავდებია სრული თავისუფლებისა და თანასწორობისა.“<sup>96</sup>

თავისუფლების იდეის პროპაგანდის სფეროშიც იკვეთება ნაციონალისტების და სოციალიზმის მომხრეების ბრძოლა. ქართველი ნაციონალისტები, რომლებიც მთლიანად მიმართული იყვნენ ეროვნული ცნობიერების ამაღლებისაკენ და ქართული, ნაციონალური ფასეულობების დაცვისაკენ, თავისუფლების ბრძოლის ლოზუნებად პირველ რიგში ეროვნული თავისუფლების მოპოვებას აყენებდნენ. მათი მთავარი მიზანი ქართული ენის, ქრისტიანობის, ისტორიული

<sup>95</sup> გაზ. მუშა, 1906, №13, გვ. 1

<sup>96</sup> გაზ. მეგობარი, 1906, №3, გვ. 2

წარსულის შენარჩუნება იყო, რაც სკოლის და პრესის საშუალებით უნდა მომხდარიყო. ამასთან ბეჭდურ მედიას და სასწავლო დაწესებულებებს ხელი უნდა შეეწყო ეროვნული და სახელმწიფოებრივი შეგნების ამაღლებისათვის, რომლის საბოლოო გამოხატულება იყო თავისუფლება – დამოუკიდებელი საქართველო. „დღეს ქართველებში ორნაირი მოთხოვნილებაა წამოყენებული: ერთი თხოულობს ისეთ ურთიერთობის დამყარებას სახელმწიფოს და ერს შორის, რომელიც უზრუნველყოფს ნაციონალური კულტურის განვითარებას, მეორე თხოულობს ისეთ ურთიერთობას, რომელიც შექმნის საქართველოს ავტონომიურ სახელმწიფოს, ავტონომიურ მართვა-გამგეობას. პირველის პირდაპირი მიზანია ნაციონალური კულტურა, მეორის პირდაპირი მიზანია ნაციონალური მთავრობა. ეს ორი მიმდინარეობა ერთმანეთს ებრძვის სამკვდრო-სასიცოცხლოდ და იპყრობს საერთო ყურადღებას. პირველი გაგრძელებაა მესამოცე წლების მიმართულების, მეორე დაბრუნებაა მეცხრამეტე საუკუნის პირველი მეოთხედისაკენ, როცა ავტონომიური მთავრობა ბრძოლის ლოზუნგით გამოცხადდა.“<sup>97</sup>

ქართველი საზოგადოების მეორე ნაწილი მაქსიმალურად ცდილობდა ხალხის ფართო ფეხების პოლიტიკური ცნობიერების ამაღლებას. მათ ჩართულობას პოლიტიკურ მოვლენებში, რასაც შედეგად სოციალიზმის განხორციელება უნდა მოყოლოდა. სადაც ყველა თანასწორი იქნებოდა და არ იარსებებდა სოციალურ ფეხათა შორის განსხვავება. გაზეთ „პროლეტარიატის ბრძოლაში“ ვკითხულობთ: „თავისუფლება ჩვენ გვინდა სოციალიზმისათვის

<sup>97</sup> განთიადი, 1913, №13, გვ. 2

საბრძოლველად, რადგან მხოლოდ სოციალიზმი განათავისუფლებს მილიონ მუშებს დაუკმა-პურის მოსაპოვებლად კაპიტალისტებისაგან. ხოლო სოციალიზმისათვის საბრძოლველად ჩვენთვის საჭიროა ყოვლად სრული პოლიტიკური თავისუფლება, ე.ი. თანასწორობა არა მარტო სასამართლოს წინაშე, რომელსაც მოგვცემენ ჩვენ ლიბერალები, არამედ სრული თანასწორობა ყველასი სახელმწიფო საქმეების მართვა-გამგეობაში. ამას კი ჩვენ ნებით არავინ მოგვცემს, ეს ბრძოლით უნდა მოვიპოვოთ. ჩვენთვის საჭიროა, რომ კანონების გამოცემა და სახელმწიფო საქმეების დამქაშებისაგან გადავიდეს არა მარტო ერთ მისგან ამორჩეულ მემამულეთა და საზოგადოდ „ხაზეინების“ ხელში, არამედ წოდებისა და მდგომარეობის განურჩევლად. ყოველი მოქალაქე თანასწორად უნდა დებულობდეს მონაწილეობას მთავრობისა და კანონმდებლობის არჩევაში – და აი, სწორედ ამას ქვია დემოკრატიული წეს-წყობილება.“<sup>98</sup>

ყველა სოციალურ ფენას თავისუფლების მოპოვება საკუთარი მიზნების განხორციელებისათვის სჭირდება. „სხვადასხვა კლასებს პოლიტიკური თავისუფლება სხვადასხვა მიზნისათვის სჭირიათ. გაბატონებულ კლასებს თავისუფლება იმიტომ უნდათ, რომ გააუმჯობესონ და სამუდამო ბატონობა მოუპოვონ კაპიტალისტურ წეს-წყობილებას. შეგნებული მუშები კი იმიტომ იბრძვიან პოლიტიკური თავისუფლების მოსაპოვებლად, რომ იმის საშუალებით მაღლედამხონ ეს წეს-წყობილება და განახორციელონ სოციალიზმი.“<sup>99</sup>

სწორედ ამიტომ იყო, რომ ქართული კულტურული და პოლიტიკური ელიტა სხვადასხვა საშუალე-

<sup>98</sup> გაზ. პოლეტარიატის ბრძოლა, 1904, №7, გვ. 3

<sup>99</sup> ჩვენი მოთხოვნილებები, თბილისი, გვ. 6

ბით ცდილობდა ერის ცნობიერების ამაღლებას და ეროვნული თავისუფლების ბრძოლის საჭიროების დამტკიცებას. მაგრამ საინტერესოა აღინიშნოს, რომ მიუხედავად ეროვნული ძალების აქტიურობისა სოციალ-დემოკრატიული პარტია სულ უფრო და უფრო პოპულარული ხდებოდა ხალხში და მრავალრიცხოვან მომხრეებს იძენდა. ეს გარემოება შემთხვევითი არ იყო, სოციალ-დემოკრატიული ყოველმხრივ აქტიურობდნენ საკუთარი გეგმების რეალიზაციისთვის. ამასთან ისინი აქცენტს აკეთებდნენ სოციალური უთანასწორობის მოსპობაზე, რაც ხალხის ფართო ფენების სიმპატიას იმსახურებდა. როგორც ცნობილია, ქართული სოციალ-დემოკრატიული პარტია სოციალიზმის განხორციელებისთვის იბრძოდა. მათი ერთ-ერთი მთავარი იდეოლოგი ნოე ჟორდანია აღნიშნავდა: „ნამდვილი თავისუფლება როგორც პიროვნების, ისე ერის, შესაძლებელია მომავალ საზოგადოებაში, სადაც კლასთა ბრძოლა ადარ იქნება და მის ალაგს დაიჭერს ბრძოლა ბუნებასთან ადამიანის კეთილდღეობის უკეთ მოსაწყობად. დღეს კი ჩვენ ვიბრძვით ისეთი ნაციონალური თუ პოლიტიკური ურთიერთობისათვის, სადაც შესუსტდება ჩაგვრა, როგორც ერის, ისე პიროვნების.“<sup>100</sup>

1917 წლიდან ქართული ერთობის კონსოლიდაციის ახალი პერიოდი იწყება. ქართულ ცნობიერებაში თავისუფლების იდეალმა აქტუალობა შეიძინა პირველი მსოფლიო ომისა (1914-1918) და 1917 წლის რუსეთის თებერვლის რევოლუციის შემდეგ.

პირველი მსოფლიო ომის პერიოდში და ასევე მისი დასრულების შემდეგ ქართულ ბეჭდურ მედიაში მეტი ინტენსივობით ჩნდება მოწოდებები ეროვნუ-

---

<sup>100</sup> 6. ჟორდანია, ეროვნული კითხვა, ობილისი, 1922, გვ. 17

ლი ერთიანობის აუცილებლობაზე: “ჩვენი ძალა კულტურულ შემოქმედებაშია და იმის შეგნების მოახლოებაში, რაც პირდაპირ გვიანდერძა დღევანდელმა ომმა. ეროვნული თვითშეგნება და ეროვნული ერთიანობა უნდა გახდეს ჩვენი მოქმედების ქვაკუთხედად, რომელზედაც უნდა აშენდეს მთავარი კედლები მთლიანი ეროვნული ცხოვრებისა. ამას გვეუბნება ჩვენი დღევანდელი ომი. ამას ასწავლის განსაკუთრებით წვრილი ერების დღევანდელი საშინელი სისხლისდვრა განათლებულ და კულტურულ კაცობრიობისა.“<sup>101</sup>

თებერვლის რევოლუციის შემდეგ ქართველი ინტელიგენცია საქართველოს სახელმწიფო უნივერსიტეტი და ტერიტორიული მოწყობის შესახებ მეტი აქტიურობით ფიქრობდა და წერდა პრესაში. იქნებოდა ის ავტონომიური რუსეთის შემადგენლობაში თუ არა, როგორი უნდა ყოფილიყო ეს ავტონომიური უფლებები და რა სამართლებრივი საფუძველი ექნებოდა მას. ინტელიგენციის ნაწილს მიაჩნდა, რომ ავტონომიის ძირითადი საფუძველი 1783 წლის ტრაქტატი უნდა ყოფილიყო.<sup>102</sup> „რა დიდი ცოდვა იქნება, რომ განახლებულმა რუსეთმა ადადგინოს ძველი მთავრობის მიერ დარღვეული ხელშეკრულება და დაუბრუნოს საქართველოს 1783 წლის ტრაქტატით განსაზღვრული ავტონომიური თვითმმართველობა, რომელიც სრულიადაც არ აღემატება თავისი გარეშე შემცველობით ფინლანდიის, ავსტრალიის, ახალი ზელანდიის და სხვა ავტონომიების უფლებათ.“<sup>103</sup>

<sup>101</sup> გაზ. თემი, 1915, №203, გვ. 2

<sup>102</sup> დ. ჭუმბურიძე, ისტორიული პორტრეტები. დასაწყისი XX საუკუნისა, თბილისი: უნივერსალი, 2008, გვ. 239

<sup>103</sup> გაზ. საქართველო, 1917, №37, გვ. 2

განსხვავებით 1900-1917 წლებისგან, დროის ამ მონაკვეთში ქართული ერთობა ნაციონალური კონსოლიდაციის განვითარების ახალ ფაზაში შედის და მთავარი ორიენტირი კოლექტიური კულტურული იდენტობის ერთ-ერთი ძირითადი ელემენტი თავისუფლების იდეალი ხდება. საქმე ისაა, რომ ეროვნული იდენტობისთვის დამახასიათებელ მთავარ ორიენტირებს შორის, როგორიცაა ენა, რელიგია, ისტორიული მეხსიერება, თავისუფლების იდეალს მთავარი ადგილი უკავია: „თავისუფლების იდეალმა დასაბამი მისცა ნაციონალურ თვითგამორკვევას და ერთობლივ ბრძოლას ნაციონალური ნების რეალიზაციისათვის. მხოლოდ ასეთ შემთხვევაში შეძლებდა საზოგადოება საკუთარი „შინაგანი რიტმის“ აყოლას, თავისი „შინაგანი ხმის“ გაგონებას და წმინდა და პირვანდელი მდგომარეობის დაბრუნებას. ავთენტური საზოგადოება და ავთენტური გამოცდილება არის სრული ავტონომიის წინაპირობა, რადგან მხოლოდ ავტონომიას შეუძლია საშუალება მისცეს ნაციას და მის წევრებს, თავისი თავი ავთენტური სახით განახორციელონ. აუცილებელია, რომ ყოველ ნაციას სრული თვითგამოხატვის საშუალება და ავტონომიურობა ჰქონდეს. ავტონომიის ნაციონალურ იდეალს აქვს რამდენიმე ასპექტი. ზოგადად, ეტიმოლოგიურად ავტონომიურობა ნიშნავს თვითმმართველობას, შიდა კანონების ან რიტმების ქონას, საკუთარი შინაგანი ხმისთვის ყურის მიგდებას, გარედან რაიმე შევიწროების არარსებობას. ამას მივყავართ კოლექტიური ნების და ინდივიდუალობის რეალიზების მაძიებელი, საკუთარი კოლექტიური „მე“-ს ცნებასთან.“<sup>104</sup>

<sup>104</sup> ქ. სმითი, ნაციონალური იდენტობა. ინგლისურიდან თარგმნა დაგელა პატარიძემ, თბილისი: ლოგოს-პრესი, 2008, გვ. 95

ბეჭდური მედია, რომელმაც ეროვნულ-განმათა-  
ვისუფლებელ მოძრაობაში მნიშვნელოვანი წვლილი  
შეიტანა, დიდ ადგილს უთმობს მოწოდებებს თავი-  
სუფლებისა და დამოუკიდებლობის ბრძოლისათვის.  
ბეჭდური მედიის საშუალებით ქართული კულტურუ-  
ლი და პოლიტიკური ელიტის მიერ თავისუფლების  
იდეალის პროპაგანდა შემთხვევითი არ იყო. 117  
წლის მანძილზე რუსულ გავლენაში მყოფი ქართვე-  
ლი ხალხის ცნობიერება გარკვეულწილად შეიცვა-  
ლა, ამავდროულად საქართველოში არსებულ ყველა  
სოციალურ ფენას გააჩნდა განსხვავებული ფსიქო-  
ლოგია. „გლეხობაში დაბალი იყო პატრიოტული, მო-  
ქალაქეობრივი შემართება, შესაბამისად დაბალი იყო  
სახელმწიფოებრივი აზროვნების დონე. მის შეგნება-  
ში მიწა და თავისუფლება შედედაბებული იყო.  
გლეხი თავისუფლებას მიწის მოსაპოვებლად იყენებ-  
და.“<sup>105</sup> რაც შეეხება მუშებს, მათი დიდი ნაწილი  
კლასობრივი ცნობიერებით იყო შეპყრობილი და  
ეროვნულ ცნობიერებას წარსულის მავნე გადმონაშ-  
თად თვლიდა. მუშები თავის მისიას კლასობრივი  
ცნობიერებით შეპყრობილი პოლიტიკური ელიტის  
მხარდაჭერაში ხედავდნენ და არა სახელმწიფოს ერ-  
თგულებაში<sup>106</sup>

საგლეხო რეფორმისა და ბურჟუაზიული რეფორ-  
მების გატარების შემდეგ საქართველოში XIX საუკუ-  
ნის II ნახევარში ჩნდება ახალი სოციალური ფენა  
ბურჟუაზია, რომელიც ძირითადად არაქართველებით  
იყო წარმოდგენილი. საზოგადოდ ბურჟუაზიას თავისი  
ეკონომიკური ინტერესები გააჩნდა და ეროვნული სა-  
კითხით ნაკლებად იყო დაინტერესებული. ამ შემ-

<sup>105</sup> გ. ქიქიძე, ეროვნული ენერგია, თბილისი, 1919, გვ. 72

<sup>106</sup> გ. ბურჟული, ეროვნული ცნობიერება-სახელმწიფოებრიობა. პოლიტიკური ორიენტაცია, თბილისი: უნივერსალი, 2008, გვ. 26

თხვევაშიც ბურჟუაზია სახელმწიფოებრივი შეგნების განმტკიცებისათვის ბრძოლაში არ მონაწილეობს.

ერთადერთი ნაწილი ქართული საზოგადოებისა, რომელიც მიზანმიმართულად მოქმედებდა საქართველოს განთავისუფლებისათვის და გაცნობიერებული პქონდა პრობლემის არსი იყო სამღვდელოება და კულტურული და პოლიტიკური ელიტა. სწორედ ისინი შეეცადნენ საერთო ნაციონალური იდეოლოგიის საფუძველზე ჩვენ-ჯგუფის წევრებს შორის ერთიანობის განცდა ჩაენერგათ. რაც არც ისე ადვილი იყო. როგორც მიხაკო წერეთელი აღნიშნავდა: „ორიოდ კაცის გარდა, ძველებსა და ახლებს ვერ წარმოუდგენიათ ურუსოთ ქართული თავისუფლება.“<sup>107</sup> როგორც ცნობილია, საქართველოში რუსული მმართველობის დამკიდრების შემდეგ ქართული, ეროვნული ცნობიერება რადიკალურად შეიცვალა. სხვადასხვა სოციალური ფენა განსხვავებულად აფასებდა რუსულ მმართველობას. ერთი ნაწილისთვის რუსეთი განმათავისუფლებელი იყო, მეორისთვის – დამპყრბელი. მთლიანობაში კი საუკუნის განმავლობაში რუსულმა გავლენამ თავისი დაღი დაასვა ქართულ სულს. ეროვნული თავისუფლების მოპოვების ბრძოლის გასაღვივებლად კი საჭირო იყო არა მარტო აჯანყებები, არამედ მტკიცედ შემუშავებული ეროვნული იდეოლოგია. როგორც მიხაკო წერეთელი წერს: „ბევრი არ არის ისეთი, რომ თავის სამშობლოდ გულწრფელად მთელს საქართველოს თვლიდეს, არამედ მისთვის სამშობლო ან კახეთია, ან ქართლი, ან იმერეთი, სამეგრელო, გურია და სხვა. ჩვენში ჯერ არ არის მაშასადამე დამთავრებული სრული კოპეზია ერისა, მაგრამ ამ მხრით დიდი

<sup>107</sup> გ. წერეთელი, ერთ და კაცობრიობა, თბილისი: თბილისის უნივერსიტეტის გამომცემლობა, 1990, გვ. 21

ეროვნული მუშაობა სწარმოებს ამჟამად ჩვენ შორის. და როდესაც ჩვენი ეროვნული ერთობის შეგნება იქნება განხორციელებული და არა მხოლოდ სასურველი იდეა, ჩვენი ბედიც სხვანაირად დატრიალდება.“<sup>108</sup>

ეროვნული თავისუფლების მოპოვების და შენარჩუნების აუცილებელ პირობად გიორგი გვაზავა მიხაკო წერეთლის მსგავსად საერთო ნაციონალური იდეის არსებობას მიიჩნევდა. „თუ ცალკე პირი ვერა გრძნობს, რომ იგი ნაწილია ერისა, რომ მისი ბედი-ერება დამოკიდებულია, თუ მატერიალურად არა, სულიერად მაინც მთელი ერის ბედნიერებაზე, რა თქმა უნდა, ყოველი ეროვნული ხასიათის შრომაც შეუძლებელია, რამდენადაც ადამიანი გონებით დაბლა დგას, იმდენად იგი წარმოადგენს უბრალო მასსას, მისი გარდაქმნა და გადაკეთება უფრო აღვილია.“<sup>109</sup> ეროვნული გამოღვიძების მთავარი მოტივი კი მისი აზრით ინტელიგენციის და სამხედრო ძალის შექმნაა. ეს ფაქტი შემთხვევითი არ არის, რადგანაც ნაციონალური დადგინების სტადიაზე აუცილებელ პირობას წარმოადგენს ძლიერი კულტურული და პოლიტიკური ელიტის არსებობა. XIX საუკუნიდან მოყოლებული ქართველ საზოგადო მოდგაწეთა მთავარი ორიენტირი აღნიშნული საკითხის მოგვარება იყო. XX საეკუნის დასაწყისში ეს იდეები ახალ აქტუალობას იძენს და როგორც მიხაკო წერეთელი, ასევე გიორგი გვაზავა სწორედ ამ გზის გამგრძელებები არიან. „ყოველი ძალ-ღონე შეგნებულ და განვითარებულ პირებისა უნდა იყოს მიქცეული ამ

<sup>108</sup> გ. წერეთელი, ერი და ქაცობრიობა, თბილისი: თბილისის უნივერსიტეტის გამომცემლობა, 1990, გვ. 110

<sup>109</sup> გ. გვაზავა, ჩეხია (სოციოგრაფიული მიმოხილვა), თბილისი, 1919, გვ. 33

ეროვნული გამოღვიძებისაკენ. ჯერ საჭიროა თვით ამ პირების შეერთება. ამ შეერთებამ უნდა შექმნას თავისებური იდეური კერა, უნდა წამოანთოს თავისებური ცეცხლი და მოპფინოს ნათელი ირგვლივ. ამიტომ სულ პირველი ნაბიჯი გახლავთ ინტელიგენციის შექმნა. უფრო საჭიროა ადგილობრივი ბრძოლა, მუშაობა თვით ერის წიაღში და მომზადება მისი კულტურული და სამხედრო ძალ-ღონისა.“<sup>110</sup> თავისუფლებას გიორგი გვაზავა მიხაელ წერეთლის მსგავსად ისტორიული პროცესის მთავარ მამოძრავებელ ძალად მიიჩნევს. „ეს დირებულება, ეს დიადი მიზანი, რომლისკენ მიიღოვის მთელი კაცობრიობა და რომელიც შეადგენს შინაგან აზრს მთელი ისტორიული პროცესისა, არის თავისუფლება. გამოაცალეთ ეს იდეა საერთაშორისო ომებს, კლასობრივ ბრძოლას, ინდივიდუალურ შრომას და თავგანწირულებას და თქვენ დაგრჩებათ მხოლოდ უაზრობა ისტორიული პროცესისა.“<sup>111</sup> მისი მსჯელობაზე XX საუკუნის დასაწყისში საქართველოში შექმნილი მოვლენების გამოძახილია და პოლიტიკური დატვირთვაც გააჩნია და რუსული გავლენის წინააღმდეგ არის მიმართული. ნოე უორდანია თავის მემუარებში წერს: „როცა წამოვაყენე დებულება საქართველოს თავისუფლების შესაძლებლობისა, ერთი გლეხი ადგა და მომახალა – აწი ჩვენ ტყვედ სყიდვას ვერ დავუბრუნდებით!“<sup>112</sup>

საზოგადოების უმეტეს ნაწილში, განსაკუთრებით სოციალურად დაბალი ფენის წარმომადგენლებში რუსეთთან ხელშეკრულება მათ უსაფრთხოებას

<sup>110</sup> იქვე, გვ. 33-34

<sup>111</sup> ბ. გვაზავა, ძირითადი პრინციპები საკონსტიტუციო უფლებისა, ობილისი, 1920, გვ. 81

<sup>112</sup> 6. უორდანია, ჩემი წარსული, თბილისი: სარანგი, 1990, გვ. 15

ნიშნავდა და ამიტომ არსებული ვითარების შეცვლით და საქართველოს დამოუკიდებლობის აღდგენით მათი მდგომარეობა უარესობისკენ შეიცვლებოდა. იაკობ მანსვეტაშვილი მემუარებში იგონებს ილიასა და გლეხების საუბარს. ეს უკანასკნელი სწორედ რუსული ხელისუფლების მხარდაჭერას გამოხატავდნენ. „ადრე გარეთ ვერ გამოვდიოდით. სოფელს რომ გავცილებულიყავით, ან ლეკი დაგვიხვდებოდა ან შინაური ავი კაცი. სისხლი იღვრებოდა. მოსვენება არა გვქონდა, შველა არსაიდამ იყო. ი, დალოცა ლმერთმა რუსის ხელმწიფე: ეხლა რა გვიშავს, აი, ქალაქშიც ჩამოვდივარო სამუშაოდ. თუ რამ გასაყიდი ან სასყიდელი გვაქვს ხელს ვმართავთ. გზაში ხელს ვერავინ გვახლებს.“<sup>113</sup> ქართველებში ჯერ კოდევ არ არსებობდა ერთიანობის განცდა. „გურულებისთვის საქართველო – ქართლელს, ხანდახან – კახელსაც ნიშნავდა. ერთი მთლიანი ქართველი ერის, ერთი მთლიანი საქართველო მის წარმოდგენაში სრულებით არ არსებობდა. ის მუდამ ფიქრობდა თავის დაცვაზე თაორებისაგან.“<sup>114</sup>

ზემოთ მოყვანილ მოსაზრებებთან ერთად ქართულ საზოგადოებაში საწინააღმდეგო თვალსაზრისები არსებოდდა. როგორც საქართველოს დამოუკიდებლობისათვის ერთ-ერთი აქტიური მებრძოლი შალვა ქარუმიძე წერდა: „საქართველოში იყო ხალხი, რომელთაოგისაც რუსეთის ერთგულება სამშობლოს დალატი იყო და რომელთა აზრით სამშობლოს ბედნიერება და მომავალი მხოლოდ რუსეთის ნანგრევებზე აშენდებოდა... ამ ხალხის თვალში რუსეთი და საქართველო ერთად ვერ თავსდებოდა და ქარ-

<sup>113</sup> ი. მანსვეტაშვილი, მოგონებები, თბილისი: საბჭოთა საქართველო, 1985, გვ. 125

<sup>114</sup> ბ. ჟორდანია, ჩემი წარსული, თბილისი: სარანგი, 1990, გვ. 15

თველი კაცის წინაშე საკითხი ამნაირად ისმებოდა – ან სამსახური რუსეთს და დალატი საქართველოს, ანდა დალატი რუსეთს და განწირვა მშობელი ერი-სათვის.“<sup>115</sup>

რუსული მმართველობის წინააღმდეგ ქართველების ერთი ნაწილის პროტესტი ბუნებრივია იმ ნაციონალური იდეოლოგიის შედეგი იყო, რომელიც კულტურულმა ელიტამ შეიმუშავა. ქართული პოლიტიკური ელიტის ერთ-ერთი ოვალსაჩინო წარმომადგენლის არჩილ ჯორჯაძის აზრით: „ქართველი ერი ყოველთვის ებრძოდა ხოლმე ყველას, ვისაც კი მისი პოლიტიკური დამონავება სურდა. რით აიხსნება ამგარი გარემოება? ხალხი შევიწროვებული და შეხუთულია, ხოლო მოადგებოდა რა მას გარეშე მტერი, იგი ივიწყებდა თავის ვარამს, ხელს აძლევდა თავის მჩაგვრელს (ფეოდალს – ნ. ს.) და მასთან ერთად მტერს ებრძოდა. ეტყობა ის გარეშე მტერი მას უფრო მავნებელ მტრად მიაჩნდა, ვიდრე შინაური ბატონი, რომ მიუხედავად ნივთიერი უთანასწორობისა, ქართველი გლეხი რაღაცით დაკავშირებული იყო სხვა წოდებებთან და მას თავისი შინაური მონობა ერჩივნა, გარეშე ძალის მონობას. ეს „რაღაც“ იყო – ენა, ზნე-ჩვეულება, სარწმუნოება, ისტორიული ტრადიცია. მაშასადამე, ქართველები იცავდნენ თავის მიწას, ენას და სარწმუნოებას. ყველა ამისი დაცვა მას თავისუფლების დაცვად მიაჩნდა და გარეშე მტერს ისე უყურებდა, როგორც იმის სიცოცხლეს და თავისუფლების დამამხობელს.“<sup>116</sup>

<sup>115</sup> ო. ჯანელიძე, ნარკევები საქართველოს ეროვნულ-დემოკრატიული პარტიის ისტორიიდან, თბილისი: მეცნიერება, 2002, გვ. 226

<sup>116</sup> ა. ჯორჯაძე, სამშობლო და მამულიშვილობა, თბილისი: თბილისის უნივერსიტეტის გამომცემლობა, 1990, გვ. 315

დამოუკიდებელი საქართველოს ერთ-ერთი მთავარი ფიგურა გიორგი კვინიტაძე მოგონებებში წერს: „უბრალო ხალხსაც დაატყო კვალი ისტორიულმა წარსულმა და მათ სულსა და გონებასაც აფორიაქებდა თავისუფლებისა და დამოუკიდებლობაზე ფიქრი იმის მიუხედავად, რომ რუსთა ხელისუფლების ბატონობა უკვე საუკუნეზე მეტ ხანს გრძელდებოდა, არც საზოგადოებასა და არც ხალხში არ იგრძნობოდა რუსული კულტურისკენ სწრაფვა, პირიქით, სულ უფრო და უფრო მეტად უცხოობდნენ ამ კულტურასაც და, ბუნებრივია, მის შემოქმედს რუს ხალხსაც.“<sup>117</sup>

დამოუკიდებლობის მოპოვებისთვის ბრძოლის მზადებას ღრმა საფუძველი ჰქონდა სწორად შემუშავებული ნაციონალური იდეოლოგიის წყალობით. „ხალხი ამასობაში თანდათანობით ძალას იკრებდა და უკვე კარგა ხანია, შესაფერის დროს ელოდა თავისი შელახული უფლებების ხმამაღლა დასაცავად. იმ მსხვერპლის მიუხედავად, რომელიც პრივილიგირებულ კლასს უნდა გაედო, ყველანაირი შევიწროების, დევნის და მკვლელობების მიუხედავად, რომელიც ბუნებრივი შედეგია რევოლუციისა და ახალი წეს-წყობილებისა, ყველამ თავადაზნაურობამ, მოსამსახურებმა, რომელთა მთავარ ნაწილს სამხედროები შეადგენდნენ, ვაჭრებმა, მეწარმეებმა, მუშებმა, ხალხმა – ახალი ლიდერების გარშემო მოიყარა თავი. მუშები თავიანთ სოციალისტურ ბელადებს უჭერდნენ მხარს, გლეხობა, რომელიც მხურვალედ გამოეხმაურა მათ მოწოდებებს.“<sup>118</sup>

საქართველოს დემოკრატიული რესპუბლიკის სამხედრო მინისტრის გრიგოლ ლორთქიფანიძის აზრით, ქართველების ასეთი ერთიანობა ისტორიული

<sup>117</sup> გ. კვინიტაძე მოგონებები, ტ. 1, ობილისი: ლომისი, 1998, გვ. 17

<sup>118</sup> იქვე, გვ. 18

წარსულით იყო განპირობებული, რადგან საქართველოს ბრძოლის მრავალსაუკუნოვანი გამოცდილება ჰქონდა. „ქართველი ხალხი ერთი უძველესი და კულტურული ხალხია. მან ჯერ კიდევ რამდენიმე საუკუნის მადალი ეროვნულ-სახელმწიფოებრივი და კულტურული სკოლა გაიარა, სანამ მიაღწევდა თავის ოქროს ხანას თამარის ეპოქაში. ქართველმა გაიარა მადალი სახელმწიფოებრივი სკოლა ქრისტიანული ორგანიზაციისა და მონარქიული ცენტრალიზმისა. მასში დაგროვილი იყო და არის მრავალ საუკუნეთა ეროვნული განცდა, პოლიტიკური და სახელმწიფოებრივი მშენებლობის გამოცდილება. ქართველი ხალხის ეს შინაგანი გაძლიერება – განხი ისტორიის გრძელ შარა გზაზე ხან ინაცრებოდა და იჩრდილებოდა გარეშე ძალების ძალმომრეობის გამო და ხან კი დიდის ბრწყინვალებითა და სიძლიერით ჩნდებოდა ხოლმე. მაგრამ თვით ხალხში განუწყვეტლივ, თვით უსაშინლეს სახელმწიფოებრივ დაქსაჭსვისა და გაპარტახების დროსაც კი დვიოდა ეს ხანგრძლივ პოლიტიკური გამოცდილების განხი, შინაგანი ეროვნულ-სახელმწიფოებრივი პოტენცია.“<sup>119</sup>

1917 წელს საქართველოს მართლმადიდებელი ეკლესის ავტოკათოლიის აღდგენის შემდეგ ბეჭდური მედია სულ უფრო და უფრო ხშირად საუბრობს დამოუკიდებლობის აღდგენის საჭიროებაზე. „ავტონომია – აი ის მკვეთრი სიტყვა, რომელიც ეხლა კლვასავით გადადის მთელ საქართველოზე და აუცილებლად მოაქცევს თავის ცეცხლის რკალში ყველა მამულიშვილს, მას წინ, ვნახოთ თუ ვინმე აღუდგბა.“<sup>120</sup>

<sup>119</sup> გ. ლორთქიფანიძე, ფიქრები საქართველოზე, თბილისი: თბილისის უნივერსიტეტის გამოცემლობა, 1995, გვ. 36

<sup>120</sup> გაზ. საქართველო, 1917, №37, გვ. 2

კულტურული და პოლიტიკური ელიტა სახელმწიფო ინტერესებიდან გამომდინარე თავისუფლების იდეის პროპაგანდის მიზნით ხშირ შემთხვევაში წარსულის იდეალიზებას ცდილობდა: „ბევრჯერ მიუკანია ულმობელ ისტორიულ ქარტებილს ჩვენი ხალხი შავი ჯურდემულის პირად, ბევრჯერ დაუსვამს მის ცვალებად ცხოვრებას მისთვის სამკვდრო-სასიცოცხლო საკითხი, მაგრამ, საბედნიეროდ, სურვილი სიცოცხლის შენარჩუნებისა ყოველთვის თვალსაჩინო ყოფილა. ამ ერის ცხოვრებაში. საგანი – თავისუფლება, რისთვისაც ეს ერთი მუჭა ხალხი ებრძოდა ყოველგვარ დაბრკოლებას. რისთვისაც ის ვაჟკაცურად უმკლავდებოდა კარზე მომდგარ უბედურებას – ყოველთვის ხატად და ჯვარად პქონია ქართველ ერს და ამით უნდა აიხსნას ის გარემოება, რომ ყოფნა-არყოფნის საკითხიც ამ ერის სასარგებლოდ იქრებოდა – თავდებოდა. ფიზიკური შენარჩუნების ალდოს ხომ თვით უდიდეს კრიტიკულ წუთებშიც ჩამოუყვია თავი ქართველების ცხოვრებაში და მოუწოდებია ჩვენი ქვეყნის სხვადასხვა კუთხის მცხოვრებნი ხელი-ხელ ჩაკიდებული მოქმედებისაკენ.“<sup>121</sup> გაზეთ „საქართველოს“ პუბლიცისტების აზრით ყოველთვის არსებობდა ქართული ერთობის წევრების გაერთიანების მთავარი საფუძველი – საქართველო. „ეროვნული საფრთხის წინაშე ეროვნულ ძალთა გაერთიანება-შეკავშირებას, მრავალჯერ დაუხსნია ჩვენი სამშობლო და დაუცავს ქართველი ერის არსებობა და თავისუფლება. ქართველ ერს დღეს ასეთი საფრთხე და განსაცდელი მოელის და როგორც მრავალჯერ ძველი დაუცავს, ისე ეხლაც, მას მხოლოდ ეროვნული მთლიანობა, ეროვნულ ძალთა გაერთია-

<sup>121</sup> გაზ. საქართველო, 1918, №43, გვ. 4

ნება იხსნის გასაჭირისგან. პატარა ერი ძლიერია, როდესაც ის თავის არსებობას იცავს, მაგრამ სუსტი და უმწეოა, თუ მან ყველა თავისი ძალები ვერ გაა-ერთიანა ამ არსებობისათვის ბრძოლაში. საქართვე-ლო კუთხეებად, ოლქებად და მაზრებად არის დაყო-ფილი. ქართველი ერი კლასებისა, საზოგადოებრივი ჯგუფებისა და პარტიებისაგან შედგება. მაგრამ სა-ქართველო ერთია და ერთ მთლიან ეროვნულ არსე წარმოადგენს.“<sup>122</sup>

1918 წლის 26 მაისს საქართველოს სახელმწი-ფოებრივი დამოუკიდებლობის ადდგენის შემდეგ, როგორც კულტურული, აგრეთვე პოლიტიკური ელი-ტა ზემოთ აღნიშნული ნაციონალური სიმბოლოების დაცვა-შენარჩუნებასთან ერთად იწყებს მუშაობას დამოუკიდებელი სახელმწიფოსათვის დამახასიათებე-ლი ატრიბუტების შემუშავებას. როგორც ბრიტანე-ლი მეცნიერი ე. სმითი აღნიშნავს: „ეს იდეები – და-მოუკიდებლობა, იდენტობა, ავთენტურობა, ერთობა აყალიბებს შინაგან კავშირში მყოფ ენასა თუ დის-კურსს, რომლის გამოხატვის საშუალებაც არის ცე-რემონიები და სიმბოლოები. მათში მოიაზრება ნაცი-ების აშკარა ატრიბუტები – დროშა, პიმნი, აღლუმი, ფულის ნიშნები, დედა ქალაქები, ფოლკლორის მუ-ზეუმები, საბრძოლო მემორიალები და სხვა, ანუ ყვე-ლა ის განსხვავებული წეს-ჩვეულება, ღირებულება, სტილის, მოქმედებისა და გრძნობების თავისებურე-ბა, რომელიც აერთიანებს ისტორიული კულტურის მქონე საზოგადოების წევრებს.“<sup>123</sup>

ქართველი კულტურული და პოლიტიკური ელი-ტა დამოუკიდებლობის აღდგენას მიიჩნევდა ახალი

<sup>122</sup> გაზ. საქართველო, 1918, №45, გვ. 1

<sup>123</sup> ე. სმითი, ნაციონალური იდენტობა, ინგლისურიდან თარგმნა დალა პატარიძემ, თბილისი: ლოგოს-პრესი, 2008, 96

ეპოქის დაწყებად საქართველოს ისტორიაში და ამიტომ საქართველოს სრულუფლებიან ქვეყნად დამკვიდრებისათვის საერთაშორისო სარბიელზე საჭიროდ თვლიდა იმ რეფორმების და დონისძიებების გატარებას, რაც ამ მიზნისაკენ მიმავალ გზაზე არსებითი და გადამწყვეტი იქნებოდა: „აღიარებული დამოუკიდებლობა საქართველოსი არის პირველი გვერდი საქართველოს ახალი ისტორიისა. თუ ეს არის დასაწყისი საქართველოს აღორძინებისა, ამავე დროს ეს იქნება ქართველთა პოლიტიკურ და ეკონომიკურ დამოუკიდებელი ცხოვრების უნარის მაჩვენებელი მომავალში. დამოუკიდებლობის შენარჩუნება და ჩვენი გაძლიერება ჩვენს ხელთ არის, ჩვენს მუშაობაზედ არის დამოკიდებული. თუ გვიჩდა შევინარჩუნოთ საპატიო ადგილი კულტურულ სახელმწიფოთა შორის, ჩვენ უნდა შევქმნათ საკუთარი მრეწველობა, საკუთარი ჯარი.“<sup>124</sup>

სახელმწიფოებრივი ინსტიტუტების გაძლიერებასთან ერთად როგორც კულტურული, ასევე პოლიტიკური ელიტა მთელი ძალისხმევით ცდილობს საზოგადოების უმრავლესობაში იმ დამახინჯებული ცნობიერების შეცვლას, რისი კვალიც რუსულმა გაფლენამ დაატყო. საქართველო, როგორც დამოუკიდებელი სახელმწიფო, ახალი გამოწვევების წინაშე აღმოჩნდა. ამიტომ საჭირო იყო თანმიმდევრული დონისძიებები საზოგადოებრივი ცხოვრების ყველა სფეროში. ეს პროცესი არც ისე ადვილი იყო. ქართული ერთობის წევრების უმრავლესობას არ ჰქონდა გაცნობიერებული თავისუფლების არსი. ბეჭდურმა მედიამ და საერთო საგანმანათლებლო სისტემამ ვერ შეძლო პრობლემის საბოლოოდ გადაჭრა. „არა მარტო მოპო-

<sup>124</sup> გაზ. საქართველო, 1920, №40, გვ. 4

ვებული თავისუფლება, საქართველოს მიწა-წყალი და დოვლათი, არამედ თვით ერის არსებობა, მისი ფიზიკური არსებობა განიცდის განსაცდელს და მოითხოვს დაცვას. საჭიროა ქართველი ერის ყველა ძალაშის შემოკრება და მობილიზაცია.“<sup>125</sup> ამასთან ერთად აუცილებლობას წარმოადგენდა ერთობის წევრებში სახელმწიფო მინისტრის აზროვნების განმტკიცების და თავისუფლების დაცვისთვის ბრძოლაში ყველა სოციალური ფენის ჩართვა. „შევძლებთ პირადი ანგარიშების დავიწყებას და ერთ დროშის ქვეშ გაერთიანებას: რატომ არის ეს საეჭვო? იმიტომ რომ არც ისე ძვირად გვხვდება მაგალითები ჩვენი ფსიქიკის მოწამლისა და სულიერი „მე“-ს დაწვრილმანებისა. და ებლა როცა საქმე და მდგომარეობა მოითხოვს ყველაფრის გადალახვას, შეერთების ყიუჩას გავცემთ შესაფერ პასუხს და გავჩნდებით იქ, სადაც მოგვთხოვს მოქალაქეობრივი მოვალეობა და გავანადდებო სამშობლოს იმედებს. აი, რა კითხვები იბადება ჩვენს ცხოვრებაში! აი, რას მოგვთხოვს ჩვენ მომავალი და თუ უმტყუნეთ ჩვენ მას, თუ ჩვენში რაინდულმა სულმა ვერ გაიღვიძა, მაშინ ისევ უიმედობის ბურუსი დაჰფარავს ჩვენს სამშობლოს და მისს ცხოვრებას და ვინ იცის, ეგებ კიდეცა ჩაგიქრეს მზე დიდებისა.“<sup>126</sup> ასეთ პირობებში გაზეთის პუბლიცისტების აზრით, ძლიერი ლიდერების ირგვლივ გაერთიანება შეაძლებინებდა საზოგადოებას სწორი გზით სიარულს „გიწრო კლასობრივი, პროლეტარული რწმენა ვერ აღძრავს ერში მაღალ პატრიოტულ გრძნობას, ვერ აქცევს ქართველს ძველებურ ლომთას! საქართველოს დღეს ეჭირვება სულ სხვა ბელადნი. მას უნდა დღეს ქუჯი და ფარნაოზი, ივანე მარუშიძე და გიორგი საა-

<sup>125</sup> გაზ. საქართველო, 1918, №43, გვ. 1

<sup>126</sup> გაზ. საქართველო, 1918, №4, გვ. 4

კაძე. მას ეჭირვება დღეს ეროვნული გრძნობით ზარხოზი, გმირნი მამულიშვილი, რომ აღმრან ერის სული, აუხილონ თვალი და დააყენონ ისტორიის სწორ გზაზე.“<sup>127</sup>

საქართველოს სახელმწიფო გრძნობით ზარხობის აღდგენამ დღის წესრიგში დააყენა ქვეყნის საშინაო და საგარეო ვითარების მოწესრიგება და გაუმჯობესება. „ერის თავისუფლებისა და დამოუკიდებლობისათვის საკმარისი არ არის ამ დამოუკიდებლობის გამოცხადება: საჭიროა მისი განმტკიცება შიგნიდან და გარედან, შინაგანი განმტკიცებისათვის საჭიროა, რომ დამოუკიდებელი ერის ცხოვრება სახელმწიფოებრივ ფორმებში ჩამოყალიბდეს და სამართალს დაექვემდებაროს. გარეგანი სიმტკიცე კი იმაში მდგომარეობს, რომ დიდმა სახელმწიფოებმა მისი დამოუკიდებლობა იცნან, ორივე ეს მეტად ძნელი განსახორციელებელია ყოველგვარ პირობებში, მით უმეტეს ისეთ პირობებში, როგორშიაც ჩვენი დამოუკიდებლობა წარმოიშვა.“<sup>128</sup>

საქართველოს დემოკრატიული რესპუბლიკის მთავრობა აცნობიერებდა რა როგორც საგარეო მდგომარეობის სირთულეს, ასევე ქვეყნის შიგნით არსებულ ვითარებასაც, რაც გამოიხატებოდა მთავრობის მოწინააღმდეგებე ძალების აქტიურობით ჩაერთოთ საზოგადოების ფართო ფენები ხელისუფლების მიმართ უკამაყოფილების გამოხატვებში. მაქსიმალურად ცდილობდა ორიენტაცია აეღო დაბალი ფენის წარმომადგენლებზე, გლეხებზე, მუშებზე. აქცენტი გაეკეთებინა მათვის საჭირო საკითხებზე და საკუთარი დასაყრდენი გამხდარიყო. „ჩვენი რესპუბლიკის მთელი მომავალი, ჩვენი ხსნა და ჩვენი დაღუპვა ჩვე-

<sup>127</sup> გაზ. საქართველო, 1918, №7, გვ. 2

<sup>128</sup> გაზ. ერთობა, 1919, №17, გვ. 1

ნი მშრომელი ხალხის ხელშია. მე მივმართავ ჩვენს მშრომელ ხალხს და განსაკუთრებით იმის დირსეულ მედროშეს – პროლეტარიატს, მუშებს: საქართველო თქვენ გაანთავისუფლეთ. თქვენ გადააქციეთ ის საკუთარ სამშობლოდ და თქვენ იცავთ მას სხვადასხვა მტრისაგან. ბევრი აგიტანიათ, კიდევ ბევრი უნდა აიტანოთ, მაგრამ მტერს როდის შეშინებიხართ, რომ ახლა შეუშინდეთ?“<sup>129</sup>

ბეჭდური მედია, რომელმაც მოდერნული ქართული ნაციის ფორმირებაში გადამწყვეტი როლი ითამაშა, არამარტო კულტურული და პოლიტიკური ელიტის იდეათა რეალიზატორია, არამედ თვალსაჩინოდ გამოხატავს მთელი საზოგადოების სახეს, კერძოდ, სოციალურ-ეკონომიკურ და კულტურულ-პოლიტიკურ ვითარებას. ბეჭდურ მედიაზე დაკვირვება საშუალებას გვაძლევს ვთქვათ, რომ XX საუკუნის დასაწყისიდან მოყოლებული რუსეთში შექმნილი ვითარებიდან გამომდინარე, საქართველო, როგორც მის გავლენაში მყოფი ქვეყანა 1900-1917 წლებში, და საქართველოს დემოკრატიული რესპუბლიკის პერიოდში ქართული ერთობის ცნობიერება გარკვეულ ზეწოლას განიცდის. ქართველების უმრავლესობაში, კერძოდ, სოციალურად დაბალი ფენის წარმომადგენლებში გაურკვევლობასაც აქვს ადგილი. მიუხედავად იმისა, რომ ქართული პოლიტიკური ელიტა დამოუკიდებლობის აღდღენის შემდეგ მოპოვებული თავისუფლების შენარჩუნებას ცდილობდა, არ ჰქონდათ შემუშავებული საერთო, ეროვნული პროგრამა და მათი უმრავლესობა რუსული იდეების გავლენას განიცდიდა. „უნდა გავაგებინოთ ხალხს, რომ შიმშილი და წყურვილი გამოწვეულია სულ სხვა მიზეზით, რომ

<sup>129</sup> გაზ. თავისუფალი გზა, 1919, №1, გვ. 2

ეს შედეგია არა პოლიტიკური თავისუფლებისა, პირიქით, სწორედ იმისა, რომ ეს თავისუფლება ჯერ არ არის სრულიად დამყარებული და გატარებული ცხოვრებაში და საერთაშორისო განყოფილებაში. არ არის თავისუფლება მომავლის, აღებ-მიცემობის, ვაჭრობის და სხვა. შინ ჯერ კიდევ არ არის განმტკიცებული ავტორიტეტი ჩვენი მთავრობისა, იმის მოქმედებას ჯერ კიდევ წინ ედობება სხვადასხვა მოწინააღმდეგე ელემენტები. ჯერ კიდევ არა ვართ უველასაგან ცნობილი როგორც დამოუკიდებელი სახელმწიფო, ამიტომ როგორც შინ, ისე საერთაშორისო არეში არეულია და აწეწილ-დაწეწილი ეკონომიკური და კულტურული ძალები. თავისუფლება სწორედ იმიტომ გვინდა, რომ ბოლო მოედოს ამისთანა მდგომარეობას.“<sup>130</sup>

დამოუკიდებლობის ხანაშიც, საქართველოს სინამდვილიდან გამომდინარე ნაციონალური სიმბოლოების პროპაგანდას ისევ აქტუალური მნიშვნელობა ენიჭებოდა, რადგან საერთაშორისო სარბიელზე დამკვიდრებას საერთო ეროვნული ფასეულობებით პომოგენიზირებული ქართული ერთობა თუ შეძლებდა. ნაციონალურ-კონსოლიდაციაში კი ქრისტიანობას დიდი როლი ენიჭებოდა. „ჩვენ ვხედავთ, რომ კულტურულ კაცობრიობას და ოუნდაც არა კულტურულ კაცობრიობას იმდენად აინტერესებს რუსის ხალხი, რამდენადაც იგი ფიზიკურ საფრთხეს წარმოადგენს ძველსა და ახალ კულტურისათვის, ხოლო ახლად განთავისუფლებული ერები იმდენად შეადგენენ ინტერესს კაცობრიობისას, რამდენადაც ამ ერებს ახალი მოტივი და ახალი გამართლება შეაქვთ კაცობრიობის ისტორიაში.

<sup>130</sup> გაზ. საქართველო, 1918, №45, გვ. 2

ამ თვალსაზრისით საქართველო ყველაზე უფრო პრივილეგიურ მდგომარეობაში იმყოფება, რადგანაც იგი ხიდია ევროპასა და აზიას შორის, მტკიცე იქნება ქართველი ხალხი ნაციონალურად, მით უფრო ყურადღებით მოეპყრობიან მას მეზობელი და შორეული სახელმწიფოები – თანაც საქართველო ჯერ კიდევ იმდენად არ გამაგრებულა ეროვნულად და სახელმწიფოებრივად, რომ შეიძლებოდეს ეროვნულ ბრძოლაზე ხელის აღება.“<sup>131</sup>

ამდენად, თავისუფლების იდეალისთვის ბრძოლა ქართული ერთობის ცნობიერებაში ისტორიული წარსულიდან გამომდინარე ქართული ენის, ქრისტიანობის, ტრადიციის შენარჩუნებასთან იგივდებოდა. თავისუფლების იდეალის ამ სახით პროპაგანდის მთავარი მესვეური იყო კულტურული და პოლიტიკური ელიტა.

---

<sup>131</sup> გაზ. საქართველო, 1920, №62, გვ. 2

## თავი მეორე

### ბლუზი

ქართულ ისტორიოგრაფიაში დიდი ადგილი ეთ-მობა გლეხობის, როგორც ერთ-ერთი სოციალური ფენის საკითხის შესწავლას (ალ. ბენდიანიშვილი, ილ. მირცხულავი და სხვ), თუმცა ნაკლები აქცენტი კეთდება იმაზე, თუ რა ცვლილებებს განიცდის მისი ღირებულებები. რამდენად აქვს განვითარებული ეროვნულობის შეგნება. როდესაც 1900-1921 წლების მოვლენებს ვაფასებთ, ვეხებით პოლიტიკურ თუ სო-ციალურ-ეკონომიკურ საკითხებს, პირველ რიგში გა-სათვალისწინებელია ეპოქის რაობა და ეპოქის გავ-ლენა საზოგადოებაზე და პირიქით. ნაწილი ამდაგვა-რი ნაშრომებისა და უმრავლესობა საბჭოთა პერი-ოდშია დაწერილი და ძირითადად სტატისტიკური მონაცემებია გლეხთა რაოდენობის, კატეგორიების, შემოსავლების, მათ საკუთრებაში მყოფი მიწის ფარ-ობების და ა.შ. მაგრამ ამასთან ერთად, საინტერე-სოა განისაზღვროს თუ ვინ არის გლეხი და რას წარმოადგენს იგი 1900-1921 წლების საქართველოში. აღნიშნულ პერიოდში გლეხის ცხობიერების განვი-თარებამ განვლო ყველაზე რთული და მრავალმხრი-ვი გზა, ეპოქის ცვალებადი მოვლენებიდან გამომდი-ნარე. ამ ქრონოლოგიურ მონაკვეთში თითქმის ყოვე-ლი წელი ახალი მოვლენის დასაწყისია. ამასთან ეს არის პოლიტიკური პარტიების იდეოლოგიათა მუდმი-ვი ჭიდილის და სოციალური კლასების: ბურჟუაზიის და პროლეტარიატის ჩამოყალიბება-დამკვიდრების ეპოქა. გლეხი კარგავს თავის ისტორიულ ფუნქციას, ის უნდა გარდაიქმნეს და ახალი ეპოქის შვილი გახ-დეს, შეძლოს კავშირის დამყარება პროლეტარიატ-

თან, რომელზეც მუდმივად მიუთითებენ, რომ მასთან კავშირია საჭირო. ერთი სიტყვით, ეს არის გლეხის ცნობიერების და ფუნქციების გარდაქმნის ეპოქა. გაზეთი „სოციალ-დემოკრატიული ფურცელი“ 1905 წელს წერდა: „სიტყვით შესაძლებელია გლეხობას ბევრი ქომაგი ყავდეს, მაგრამ საქმით მისი ერთადერთი ამხანაგი პროლეტარიატია. გლეხობას მხოლოდ თავისი იმედი უნდა ჰქონდეს და პროლეტარიატის. პროლეტარიატი დღევანდელ პირობებში არის გაფენეფილი, გლეხიც გაყვლეფილია, გლეხობაც შრომის წარმომადგენელია. პროლეტარიატის მარჯვენაზე დამყარებულია დღევანდელი ცხოვრება, გლეხის მარჯვენა კვებავს კაცობრიობას. ორივე ესენი შრომის შვილი არიან და ამიტომ შრომის ინტერესები ორივეს ინტერესია, შრომის გაბატონება ორივე ამათვის ერთნაირად სასარგებლოა.“<sup>132</sup>

შუა საუკუნეებში ფეოდალის და გლეხის ურთიერთობა აგებული იყო ეკონომიკურ პოლიტიკაზე და გლეხი მათ უშუალო დაქვემდებარებაში იმყოფებოდა. ყველას გაცნობიერებული ჰქონდა საკუთარი ფუნქცია და მორგებული და მიჩვეული იყო იმ სისტემას, რომელიც დამკვიდრებული იყო. ბატონიუმობის გაუქმებამ და კაპიტალისტური წყობის დამკვიდრებამ შეცვალა არსებული ვითარება. ეკონომიკური ურთიერთობის შეცვლამ დიდი გარდატეხა შეიტანა გლეხის ცნობიერებაში. ფეოდალიზმის ეპოქა დასრულდა და საჭირო იყო გლეხი ჩართულიყო ახალ ცხოვრებაში, რაც არც ისე მარტივი ადმონინდა. ცვლილება განიცადა საუკუნეების მანძილზე ჩამოყალიბებულმა წეს-ჩვეულებებმა. გლეხი ახალი ეპოქის ახალი წევრი გახდა. ბატონიუმობის გაუქმების შემდეგ პრობლე-

<sup>132</sup> გაზ. სოციალ-დემოკრატიული ფურცელი, 1905, №5, გვ. 1

მა უცებ არ მოგვარებულა, პირიქით. ამდენად, 1900-1921 წლებში ქართული კულტურული და პოლიტიკური ელიტა მთლიანად მიმართულია ჩართოს სოფელი ეროვნულ პროცესებში და მოხდეს ახალ სტანდარტებზე გადასვლა, შეგუება კაპიტალისტური წყობისადმი. „სოფელი ეს დედაბობი ჩვენის ცხოვრებისა, დღემდე შეუსწავლელია. არ ვიცით, როგორ ცხოვრობს ჩვენი გლეხეაცი, რა იარაღით ებრძვის დღვანდელს უნუგეშო მდგომარეობას, რა აწუხებს, ან რის იმედით სულდგმულობს, რა დამოკიდებულება აქვს თავადაზნაურობასთან, სამღვდელოებასთან და იმ აუარებელ სახელმწიფო მოხელეებთან, რომელნიც გარს ეხვევიან, ჰნატრობენ, ჰზრუნავენ მათის ცხოვრების განკარგებისათვის და ამასთან იმათვე ნაშრომს ჰკრეფავენ სახელმწიფოს სასარგებლოდ და საერობო დაწესებულებათა შესანახად. არც ერთი მოვლენა ჩვენის სოფლის ცხოვრებისა ისე გამოკვლეული არ არის, რომ მის შესახებ ერთი და იგივე ჭეშმარიტი აზრი იქონიოს ყველამ.“<sup>133</sup> სოფლის წარმატების დამაბრკოლებელ მიზეზად გაზეთი „ივერია“ შემდეგ ფაქტორებს მიიჩნევდა. „რა აბრკოლებს სოფლის წარმატებას? პირველი. უმეტესი ნაწილი ჩვენი მამულებისა არ არის გამიჯნული და ამის გამო აუარებელი დავაა გამართული. მეორე. დროებითი ვალდებულება. მესამე. არ გვაქვს გონივრული მოწყობილი სახელოსნო სახალხო სკოლები, სადაც ბავშვებს შეეძლოთ ნამდვილ პედაგოგიურს საფუძველზედ სწავლის მიღება.“<sup>134</sup> როგორც გაზეთი „ივერია“ აღნიშნავდა მიწის პრობლემა იყო მოსაგვარებელი. „ვინც ცოტათი მაინც იცნობს ჩვენი სოფლის ცხოვრებას და სოფლელი ხალხის მდგომარეობას, უკვე-

<sup>133</sup> გაზ. ივერია, 1902, №26, გვ. 2

<sup>134</sup> გაზ. ივერია, 1902, №2, გვ. 2

ლად ეცოდინება, თუ როგორი დიდი სიმცირეა მიწისა ჩვენში. ხალხი თანდათან მრავლდება, სხვადასხვა სახელმწიფო გადასახადი მატულობს, კულტურული მოთხოვნილება იზრდება, ხოლო მიწა, რა თქმა უნდა, წინანდელი სივრცისაა და ჩვენი მეურნე ხალხი შიმშილით ამოწყდებოდა, რომ იგი ასე თუ ისე არ ახერხებდეს სოფელს გარედ რაიმე სამუშაოს შოვნას. და გარეშე შემოსავლით მიწის ნაკლებობის ცოტათი მაინც შევსებას.“<sup>135</sup>

სოფელი XX საუკუნის დასაწყისში მეტად მძიმე მდგომარეობაში იმყოფებოდა. მართალია XIX საუკუნის II ნახევრიდან მოყოლებული ქართული კულტურული და შემდეგში პოლიტიკური ელიტის მიერ მუდმივად კეთდებოდა აქცენტი კაპიტალისტური სისტემისთვის დამახასიათებელ პროცესზე გადასასვლელად. თუმცა ეს ყოველივე არც ისე აღვილად და სწრაფად გადაწყდა. განსაკუთრებით როგორი მისაღები იყო კაპიტალიზმისთვის დამახასიათებელი წესები სოფლის მოსახლეობისთვის, გლეხისთვის. მართალია, ქალაქშიც მტკიცნეულად მიმდინარეობდა ეს პროცესი, მაგრამ სოფელთან შედარებით უფრო წინ წასული იყო. თუ საუკუნის დასაწყისში სოფლისთვის სერიოზულ პრობლემას წარმოადგენდა ახალ ეკონომიკურ სისტემასთან შეგუება, თანდათან ელიტის მოღვაწეობის შედეგად მდგომარეობა რადიკალურად შეიცვალა. სოფლის მაცხოვრებლებმა გააცნობიერეს ახალი ეპოქის გამოწვევები და მეტნაკლებად ცდილობდნენ საკუთარი მდგომარეობის გაუმჯობესებას სამეურნეო ცოდნის ამაღლებით. ამ ყოველივემ განვითარების გარკვეული საფეხურები განვლო. თავდაპირველად საზოგადოება გულგრილად

<sup>135</sup> გაზ. ივერია, 1905, №8, გვ. 1

უყურებდა როგორც განათლების მიღებას, ისე სამეურნეო ცოდნის ამაღლებას. ნელ-ნელა ეს მდგომარეობა უკეთესობისკენ შეიცვალა და 1917 წელს გაზეთი „სახალხო საქმე“ წერდა: „ერთი გარემოებაა დიდად უურადსაღები სოფლად. ასეა თუ ისე დღეს პოლიტიკური მუშაობაა, ხალხში პოლიტიკური შეგნება შედის, ხალხი პოლიტიკურად იღვიძებს, გამოდის სახელმწიფოებრივ სარბიელზე. მაგრამ ამასთან ერთად კიდევ უფრო გრძნობს კულტურულ-ეკონომიკური მუშაობის საჭიროებას. პოლიტიკაზე არანაკლებ სწყურია სოფლის ეკონომიკა, მეურნეობის აღორძინება, განვითარება, ცოდნის, განათლების გაგრცელება, სოფელი მომწიფებულია ამისთვის, მზადაა, ელის მოუთმენლად. უამისოდ მისი მდგომარეობა არსებითად არ შეიცვლება.“<sup>136</sup>

როგორც უკვე აღვნიშნე, საქართველო XX საუკუნის პირველ ოცნებულში გარკვეულ ცვლილებებს განიცდის, რაც დაკავშირებულია არა მხოლოდ ჩვენს ქვეყანაში მიმდინარე მოვლენებთან, ასევე მსოფლიოში არსებულ გარდაქმნებთან. საზღვარგარეთ განათლება მიღებული ქართული კულტურული და პოლიტიკური ელიტა მაქსიმალურად ცდილობს ქართული საზოგადოების ახალ სისტემაზე გადაყვნას და რაც მთავარია ხალხში თავისუფლების იდეის პროპაგანდას. ბუნებრივია ამ სფეროში არც სოფელი წარმოადგენს გამონაკლისს. პოლიტიკურ გარდაქმნებს ეკონომიკურიც თან ახლდა და ამიტომ ეს ყოველივე ურთიერთკავშირში იყო. ფეოდალიზმის გადმონაშთები ყველაზე მეტად სწორედ სოფელში არსებობდა. საჭირო იყო ამ ყოველივეს აღმოფხვრა და სოფლის მოსახლეობის პოლიტიკური და ეკონო-

<sup>136</sup> გაზ. სახალხო საქმე, 1917, №33, გვ. 1

მიკური დონის ამაღლება. როგორც ცნობილია, შუა საუკუნეებში საქართველოს მართლმადიდებელი ეპილესია და სასულიერო პირები უზრუნველყოფნები ეროვნული იდეების პოპულარიზაციას საზოგადოებაში. მოდერნულ ეპოქაში სამღვდელოებასთან ერთად ამ მიმართულებით მოღვაწეობა სკოლას და მასწავლებლებს დაეკისრა. სკოლები, გარდა განათლების გავრცელებისა კულტურული იმ პრობლემის აქტუალიზებას ეწეოდა, რომელიც აწუხებდა საზოგადოებას. ამ ფონზე კი სოფლის კეთილდღეობაზე ზრუნვა აღნიშნულ პერიოდში ინტელიგენციის მთავარ პრობლემას წარმოადგენდა. სოფლის წარმატებას, მათი აზრით, თვით გლეხები შეუწყობდნენ ხელს საკუთარი ცოდნის ამაღლებით სამეურნეო სფეროში.

სწავლა-განათლება და სამეურნეო-სამრეწველო ცოდნის განვითარება ურთიერთკავშირში იყო და აქედან გამომდინარე შეიძლება გამოვყოთ მთავარი საკითხები, რომლის განვითარება სოფელს ესაჭიროებოდა. 1. განათლებული მოღვაწეები, რომლებიც ნაციონალური იდეების პოპულარიზებას შეძლებდნენ. მოსახლეობას საკუთარი ქვეყნის ტრადიციებს, ისტორიას გააცნობდნენ და ეროვნული ფასეულობების შენარჩუნებისთვის სათანადო პირობებს შექმნიდნენ. 2. შესაბამისი ცოდნით აღჭურვილი პირები, რომლებიც შეიტანენ სოფელში ახალ სამეურნეო იარაღებს, ახალ კულტურას, დაარსებენ სპეციალურ სკოლებს, სადაც გლეხები დაეუფლებიან ტექნიკურ განათლებას, რომელიც ხელს შეუწყობს სოფელში მოსავლი-ანობის გაზრდას და საბოლოო ჯამში უზრუნველყოფს ეკონომიკის აღმავლობას.

ის მოვლენები, რომლებიც მიმდინარეობს XIX საუკუნის II ნახევარსა და XX საუკუნის დასაწყისის საქართველოში ბუნებრივია გარკვეულ ასახვას პოუ-

ლობდა გლეხის ცნობიერებაზე და განსაზღვრავდა მის მიმართულებას. XX საუკუნის დამდეგს გლეხის აღქმა და მიდგომა სხვადასხვა საკითხებისადმი, კერძოდ, პოლიტიკური, ეკონომიკური და სხვა რადიკალურად იცვლება, რაც ქართული კულტურული და პოლიტიკური ელიტის მოღვაწეობის შედეგია. ამ პერიოდისათვის სოციალ-დემოკრატიის მოღვაწეობის შედეგად გლეხები გადადიან პოლიტიკურ მოთხოვნებზე, ამასთან საზოგადოებრივი თვალსაზრისით უფრო აქტიურები ხდებიან. ისინი თამამად ითხოვენ სამუშაო პირობების გაუმჯობესებას და ხელფასის მომატებას და ა. შ. რაც მთავარია ის ნდობა, რაც მათ მეფის მიმართ გააჩნდათ თანდათან სუსტდება. მართალია ქართულ და რუსულ სოციალ-დემოკრატიულ იდეებს შორის არსებითი განსხვავებაა, მაგრამ საერთო – მეფის თვითმკურობელობის დამხობაა. ბუნებრივია მათი ბრძოლის მეთოდები და მიდგომა განსხვავებულია, მიუხედავად იმისა, რომ ქართული სოციალ-დემოკრატია თავიდან ანუ მოღვაწეობის საწყის უტაკზე ანტიქართულ პოზიციაზე იდგა, მაგრამ იმის-თვის, რომ საკუთარი იდეოლოგია გავრცელებინა საზოგადოებაში და მრავალრიცხოვანი მომხრეები ჰყოლოდა გარკვეულ დაომობაზე უნდა წასულიყო, ეს განსაკუთრებით გამოჩნდა მაშინ, როდესაც 1918 წელს საქართველოს სახელმწიფო მომართვილობის აღდგენის შემდეგ ხელისუფლებაში სოციალ-დემოკრატები მოვიდნენ. ქართული სინამდვილიდან გამომდინარე მათი მთავარი დასაყრდენი ამჯგრად პროლეტარის ნაცვლად გახდა გლეხი.

გლეხების პოლიტიკური დონის ამაღლების-თვის, სხვადასხვა დონისძიებებთან ერთად აუცილებელ მოთხოვნას წარმოადენდა გლეხთა კავშირების დაარსება. ორგორც ცნობილია, ასეთი კავშირები

საქმაოდ პოპულარული იყო ევროპის მასშტაბით, ასევე რუსეთში. ამიტომ ქართული კულტურული და პოლიტიკური ელიტა ბეჭდური მედიის საშუალებით საზოგადოებას მის საჭიროებაზე ამახვილებინებდა ყურადღებას. „კავშირის უმთავრესი საგანია გლეხების სიღატაკის და მონობის მოსპობა. ამ მონობისა-გან განთავისუფლება შეიძლება სრულიად სოცია-ლიზმის დამყარებით და კავშირის საქმეა მოამზა-დოს მიწის მუშა და გზა გაუკვალოს სოციალიზმის სამეფოსაკენ.“<sup>137</sup> სოციალ-დემოკრატიული იდეების პოპულარობას საზოგადოებაში განაპირობებდა ის ფაქტი, რომ მათ ყურადღება გამახვილებული პქონ-დათ ეკონომიკურ საკითხზე. საქართველოში შექმნი-ლი მოვლენებიდან გამომდინარე კი, გლეხის უფლე-ბა-ფუნქცია შეიცვალა და გარდაიქმნა. ამიტომ მათი მთავარი მიზანი საკუთარი პრივილეგიების მოპოვება იყო. „გლეხთა კავშირმა თავის ბაირალზე აღნიშნა მარტო ორი სიტყვა: „მიწა და თავისუფლება“. მნიშ-ვნელობა როგორც ერთისა, ისე მეორისა ისე მშვე-ნივრად აქვს შეგნებული გლეხეაცს, რომ თვით შეგ-ნებული გლეხისათვის ამის შესაგონებლად მეტია ხოლო პროპაგანდა. მიწა იმიტომ უნდა, რომ შია, ხოლო თავისუფლება იმიტომ, რომ უამისოდ ცხოვ-რება შეუძლებელია.“<sup>138</sup>

როგორც უკვე აღვნიშნე ქართულ და რუსულ სოციალ-დემოკრატიულ პროგრამებს შორის არსები-თი განსხვავება იყო, რაც საქართველოს და რუსე-თის სახელმწიფოებრივი სტატუსიდან გამომდინარე-ობდა. „რუსი და ქართველი გლეხი ერთმანეთისაგან თითქმის არაფრით განსხვავდებიან. ორივენი ერთ უღელში არიან შებმული, ორივენი ერთნაირად

<sup>137</sup> გან. მიწა, 1907, №7, გვ. 1

<sup>138</sup> ურნ. მწყემსი, 1906, №3-4, გვ. 14

იტანჯებიან მთავრობისაგან, მემამულეებისაგან, პოლიციისაგან და ყაზახ-რუსებისაგან. მაგრამ მათ შორის განსხვავებაც არის. რუსები სკოლებში, სასამართლოში და ყველგან სამშობლო ენაზე ლაპარაკობენ. ქართველები კი მოვალენი არიან რუსული ენა ისწავლონ, თორემ სასამართლოში და სხვაგანაც ქართულად არავინ ილაპარაკებს. რუსის ბავშვი სკოლაში თავის სამშობლო ენაზე სწავლობს, ქართველი ბავშვი კი სამოთხ წელიწადს რუსულ ენაზე თავს იმტვრევს და იტანჯება. რუსეთში შემოღებულია ერობა, ესე იგი ხალხს ნება აქვს თვითონვე განაგოს თვისი შინაური საქმეები.“<sup>139</sup>

გლეხის ცნობიერების განვითარებაში გამოვყოფი 4 ეტაპს: 1. ბატონყმობის გაუქმების შემდგომი პერიოდი და სამოციანელთა მოღვაწეობის შედეგად გლეხის ეროვნული შეგნების, ეკონომიკური და ინტელექტუალური დონის ამაღლება; 2. გლეხის შეუკავშირებელი და უსისტემო ბრძოლა მებატონების წინააღმდეგ მიწის მოსაპოვებლად; 3. სოციალ-დემოკრატიული პარტიის მოღვაწეობის შედეგად გლეხის პოლიტიკური ცნობიერების ამაღლება და ჩაბმა „იმპერიის“ წინააღმდეგ ბრძოლაში. 4. დამოუკიდებლობის წლები და გლეხის ჩართულობა სახელმწიფოებრივი ცხოვრების შენების პროცესში.

როგორც თავიდანვე აღვნიშნე 1900-1917 წლებში განვითარებული მოვლენები გამოირჩევა თავისი სირთულით და ბუნებრივია გლეხის მდგომარეობაც არ არის სტაბილური. ჯერ კიდევ არ არის დასრულებული და მიმდინარეობს ქართული კულტურული და პოლიტიკური ელიტის ნაწილის ბრძოლა გლეხის ეროვნული, პოლიტიკური და სახელმწიფოებრივი აზ-

<sup>139</sup> გაზ. გლეხი, 1906, №5, გვ. 1

როვნების ამაღლებისათვის. ადნიშნულს თან ერთვის და ართულებს თვითონ პოლიტიკური ელიტის განსხვავებული დამოკიდებულება გლეხისადმი. გაზეთი „მიწა“ 1907 წელს წერდა: „გლეხი არის ბურჟუა, მესაკუთრე, ამბობს სოციალ-დემოკრატი. მიწის მუშა გლეხი არაა ბურჟუა, ამბობს სოციალისტ-ფედერალისტი. გლეხი საკუთრების მოყვარეა და სოციალიზმის წინააღმდეგი, გვასწავლის სოციალ-დემოკრატი. გლეხს უყვარს მიწა და უნდა, რომ მიწა მიწის მუშების იყოს, გლეხი სოციალიზმის მომხრეა, გვასწავლის სოციალისტ-ფედერალისტი.“<sup>140</sup>

გაზეთი „გლეხის“ 1906 წლის 1 ნომერშივე გამოთქმულია მოსაზრება გლეხის შესახებ. „ვინ არის გლეხი? გლეხი ის ადამიანია, რომელიც დღე და დამე მუშაობს, დღე და დამეს ასწორებს, სისხლსა და ოფლს ღვრის, რომელმაც არ იცის არც ძილი და არც მოსვენება, რომლისთვის არ არსებობს არც ზამთარი და არც ზაფხული, რომელიც მუშაობს დღიდან დღემდე, წლიდან წლამდე და მაინც ვერასოდეს ვერ გაუთავებია ეს მუშაობა.“<sup>141</sup>

XIX საუკუნის I ნახევარში რუსეთის წინააღმდეგ განხორციელებული ეროვნულ-განმათავისუფლებელი მოძრაობის დამარცხების შემდეგ ქართული კულტურული და პოლიტიკური ელიტა დარწმუნდა, რომ შეიარაღებული ბრძოლის ნაცვლად ახალ ტაქტიკაზე უნდა გადასულიყო.

მას შემდეგ, რაც რუსეთმა გააუქმა საქართველოს სახელმწიფოებრიობა, გლეხის ლოიალობის მთავარი ობიექტი მეფე აღარ არსებობდა. გავლენას მოკლებული თავადაზნაურობა საკუთარ კეთილდღეობაზე ფიქრობდა. გლეხობა წარმოადგენდა არა-

<sup>140</sup> გაზ. მიწა, 1907, №7, გვ. 1

<sup>141</sup> გაზ. გლეხი, 1906, №1, გვ. 1

ორგანიზებულ, გაუცნობიერებელ კრებულს, რომელიც ერთის მხრივ, ვერც ძველი დროის ტყვეობიდან გამოდიოდა და ვერც ახალ მოთხოვნებს უგუბოდა. ერთი სიტყვით, სრულ გაურკვევლობაში იყო. მითუ-მეტეს, რომ რუსეთის შემოსვლით დაგვარგეთ არა მხოლოდ სახელმწიფოებრივი დამოუკიდებლობა, არამედ საქართველოს მართლმადიდებელი ეკლესიის ავტოკეფალია, სამდგდელოებას შეეზღუდა უფლებები და ის ვეღარ ასრულებდა იმ როლს იმ მასშტაბით, რაც საუკუნეების მანძილზე გააჩნდა. ქართულმა ენამ დაკარგა თავისი ფუნქცია. XIX საუკუნის II ნახევრიდან ამ ყველაფერს დაემატა ისიც, რომ ბატონყმობის გაუქმების შემდეგ მკვიდრდება კაპიტალისტური სისტემა, შემოდის ახალი ეკონომიკური ფორმები. გლეხის ცნობიერება ალღოს ვერ უდებს ახალ ეპოქას და ვარდება მეორე უკიდურესობაში. 1911 წლის „მოსავალში“ ვკითხულობთ: „როცა ჩვენ გლეხეაცს რაიმე რჩევას მისცემ შესახებ იმისა, ან რით მოხნას, ან როგორ მოხნას, ან რა დათესოს და სხვა, მუდამ ერთ და იგივე პასუხს გვაძლევს: ჩვენ მამაპაპასაც ბატონო, ასე უხნავ-უთესიათ როგორც ჩვენა ვხნავთ და შიმშილით კი არავინ მომკვდარა შენი ჭირიმე. ასე თქმით პგონიათ ისეთ ჭეშმარიტებას ამბობს, რომლის წინააღმდეგ მთელი დედამიწის ზურგზე არავის აღარაფერი საბუთი არ შეუძლია წამოაყენოს. მას ფიქრადაც არ მოდის, რომ ჩვენ წინაპართა ცხოვრება ჩვენ ცხოვრებას აღარ წააგავს, რაც მათთვის შესაძლებელი იყო, რომ ის ჩვენთვის შეუძლებელი და აუგანელი გახდა.“<sup>142</sup> ეს მხოლოდ ერთი ნიმუშია იმისა, რაც შეიძლება ითქვას, ეპოქის მთავარი პრობლემაა და თითქმის ყველა ბეჭდურ

<sup>142</sup> ქურნ. მოსავალი, 1911, №1, გვ. 5

ორგანოში ამ საკითხზეა მსჯელობა. ნაციონალური იდეოლოგიის პროპაგანდის შემდეგ XX საუკუნის დასაწყისში პოლიტიკური აზროვნების ჩამოყალიბებისთვის იწყება ბრძოლა, რომელსაც სოციალ-დემოკრატია ხელმძღვანელობს. ილია მირცხულავას აზრით, „1864-1904 წლების საქართველოს გლეხთა მოძრაობა, რეფორმამდელი გლეხთა მოძრაობისაგან განსხვავებით, როცა გლეხობა იბრძოდა პირადი თავისუფლებისათვის, მიმართული იყო მიწის მოპოვებისაკენ. მიწისთვის ბრძოლა გლეხის სიკვდილ-სიცოცხლის საკითხად გადაიქცა. 1864-1904 წლების გლეხთა მოძრაობა საქართველოში აგრარული ხასიათის იყო და მიზნად ისახავდა ფეოდალიზმის ნაშთების მოსპობას, მაგრამ იგი უმთავრესად სტიქიურ ხასიათს ატარებდა, თუ არ მივიღებთ მხედველობაში 1902-1904 წლების გლეხთა მოძრაობას დასავლეთ საქართველოში, რომელიც სტიქიური, არაორგანიზებული გლეხთა მოძრაობიდან ორგანიზებული პოლიტიკური მოძრაობისაკენ გარდამავალი საფეხური იყო. ეს მოძრაობა სოციალ-დემოკრატიულმა პარტიამ დაუკავშირა მუშათა მოძრაობას და პოლიტიკური ხასიათი მისცა მას.“<sup>143</sup> ასე რომ, როდესაც ამგვარ მოვლენებს ვაფასებთ, პირველ რიგში გასათვალისწინებელია ის ფაქტი, რომ ქართული კულტურული და პოლიტიკური ელიტა საკუთარი იდეების რეალიზებას ცდილობდა ბეჭდური მედიის საშუალებით. ამასთან, ზემოთ თქმული მოწმობს, რომ ნაციონალური იდეების აქტუალიზებასთან ერთად, მნიშვნელოვანი ადგილი ეპავა სოციალისტურ იდეოლოგიას, რომლის განხორციელებას ესწრაფვოდა სოციალ-დემოკრატია. ისინი ცდილობდნენ გლეხების ჩართვას ამ

<sup>143</sup> მირცხულავა, აგრალურ-გლეხური საკითხი საქართველოში 1900-1917წ.წ. ტ. I, თბილისი, 1964, გვ. 145

პროცესებში. ამასთან დაკავშირებით საინტერესოა, საქართველოს ცენტრალურ საისტორიო არქივში, ფონდი 83, საქმე №46 დაცული ინფორმაცია, რომელსაც აღწერს კავკასიის პოლიციური სამმართველოს უფროსი და დათარიღებულია 1905 წლის 3 ოქტომბრით. „ეს ახალი მოძრაობა, მიღებული ბოლო ხანებში რევოლუციური აგიტაციის შედეგად, არალეგალური ბრძოლის გამო შეცვლილი მიმართულებით, დაიწყო სენაკის მაზრის სოფელ ხორგინში და სწრაფად გავრცელდა სხვადასხვა მიმართულებით და სამი თვის განმავლობაში დაიკავეს მაზრის თითქმის ყველა დასახლებული პუნქტი. გლეხთა შორის არეულობის გამავრცელებლებს ეს გამოწვევა მიყავთ უწესრიგობისკენ. ისინი წარმოადგენენ იატაკვეშა კომიტეტების აგენტებს, უპირატესად სოფლის მასწავლებლებს, ბათუმის ქარხნის მუშებს, ყოფილ სტუდენტებს და მათ, ვისაც სწავლა სრულიად არ აქვს დასრულებული, დათხოვნილნი სხვადასხვა საშუალო სასწავლო დაწესებულებიდან არეულობაში მონაწილეობის გამო, მათში გაერთიანებული არიან გლეხები, უფრო ენერგიულები ითვისებენ რევოლუციურ იდეებს გლეხთა შორის ხელმძღვანელობისთვის.“<sup>144</sup> რევოლუციურ აგიტატორებს შორის არიან შემდეგი პირები: „1. 8 კლასს დაუმთავრებელი, ქუთაისის გუბერნიაში უწესრიგობაში მონაწილეობისთვის – სპირდონ კელია; 2. ზუგდიდის მაზრის სოფელ ჩაგვინჯის მცხოვრები, ყოფილი მასწავლებელი მელიორნ გობეჩია; 3. ნიქოზის სკოლის მასწავლებელი – მაქაცარია; 4. პეტერბურგის უნივერსიტეტის სტუდენტი თავადი ლევან შენგელია; 5. ზუგდიდის საქალაქო სასწავლებლის აგრონომიული განყო-

<sup>144</sup> საქართველოს ცენტრალური საისტორიო არქივი (შემდეგში სცსა), ფ. 83, აღწ. 1, საქმე №46, ფურც. 116

ფილების მასშავლებელი – დონდუა; 7. სოფელ კასთში მცხოვრები გლეხი, ქართული გაზეთის კორესპოდენტი – პავლე აკობია. ყველა ეს პირები შემჩნეული იყვნენ პოლიტიკური ხასიათის აგიტაციურ მოღვაწეობაში.<sup>145</sup> ეს დოკუმენტი შეეხება გლეხთა 1904-1905 წლების გამოსვლების პერიოდს, რომლის მიზანი ხელისუფლების წინააღმდეგ ბრძოლასთან ერთად გლეხების ორგანიზება და გაერთიანებაა. ასევე საინტერესო ამავე ფონდში დაცული მონაცემები, კერძოდ საქმე №2, რომელიც გლეხთა მოძრაობებს და „გლეხთა კავშირს“ ეხება. ეს არის პოლიციის დეპარტამენტის მიმართვა გუბერნატორებისადმი: „არსებული ცნობით, იმპერიის სხვადასხვ ადგილებში წარმოშობილი აგრარული მოძრაობა წარმოადგენს უმრავლეს შემთხვევაში რევოლუციურ ნიადაგზე აღმოცენებულ სოციალისტ-რევოლუციონური პარტიის გლეხთა „კავშირის“ და რუსეთის სოციალდემოკრატიული მუშათა პარტიის წაქეზების ნიადაგზე, გამოდის პროპაგანდის და აგიტაციის ამოცანებით გლეხებს შორის, გაერთიანების სახელწოდებაა პროფესიონალური „გლეხთა კავშირი“, რომელიც თავისი პარტიული ინტერესებიდან გამომდინარე, რევოლუციური აგიტატორების მიერ ხელისუფლების ხელში ჩაგდების სურვილით ამზადებს გლეხებში შეიარაღებულ გამოსვლას. ამ მხრივ „კავშირი“ აგრცელებს რევოლუციურ ლიტერატურას, ხელს უწყობენ სოფლის მუშების გაფიცვებს, ბოიკოტს უცხადებენ მიწათმფლობელებს.“<sup>146</sup>

გლეხების პოლიტიკური შეგნების ამაღლების-თვის დაწყებული ბრძოლის შედეგებს ნათლად აჩვენებს სცსა ფონდი 153, აღწერა 1, საქმე №1782, რომე-

<sup>145</sup> იქვე, ფურც. 126

<sup>146</sup> სცსა, ფ. 83, აღწ. 1, საქმე №2, ფურც. 9

ლიც ქუთაისის გუბერნიის გლეხების პოლიტიკური  
 სანდობის მდგომარეობას გამოხატავს. კერძოდ,  
 სოფ. დიდი ჯიხაიში, ალექსანდრე კონსტანტინეს ძე  
 ვაშაკიძე (26 წლის, მართლმადიდებელი, უცოლო),  
 გლეხი ამავე გუბერნიის, შორაპნის მაზრა, სოფ. მუ-  
 ხურა-გალაქტიონ თნისიმოვის ძე ბარბაქაძე (26  
 წლის, მართლმადიდებელი, უცოლო) და გლეხი, ქა-  
 ლაქ ქუთაისიდან გალაქტიონ გიორგის ძე გაბრიელიძე  
 (21 წლის, მართლმადიდებელი, უცოლო). მიღებული  
 ცნობებიდან ჩანს, რომ ალექსანდრე ვაშაკიძეს, ამი-  
 ერკავკასიის რკინიგზის მთავარი სახელოსნოს მხაზ-  
 ველს აქვს კავშირი შანტაჟისტ-მდარცველებთან, მისი  
 ბინის ჩხრეკის შედეგად აღმოჩნდა საეჭვო დოკუმენ-  
 ტები. მისი ფარდულის კარებზე კი იყო წარწერა:  
 „ძირს ნიკოლოზი, გაუმარჯოს კონსტიტუციურ მმარ-  
 თველობას“. ბარბაქაძის ბინაში აღმოჩნდა დუმელში  
 30 ბროშურა ქართულ ენაზე. გაბრიელიძეს არ დაუმ-  
 ტკიცდა პოლიტიკური არასანდობა...“<sup>147</sup> საინტერე-  
 სოა 1904-1905 წლების მოვლენების აღწერისას რო-  
 გორ აღიქვამდნენ რუსი მოხელეები ქართველების  
 გამოსვლებს საიმპერატორო კარის წინააღმდეგ და  
 როგორ ესახებოდათ მათი შეჩერება. „ეჭვგარეშეა,  
 პირველი რომ იმერლები, მეგრელები და გურულები,  
 მცხოვრები ქუთაისის გუბერნიაში, ბუნებით არიან  
 გულადები, რაინდები, საერთოდ კი ნატურით მშვი-  
 დობისმოყვარე ხალხი, ცნობილ სიტუაციამდე (იგუ-  
 ლისხმება 1905 წლის გამოსვლები – ნ.ს.), მეორე პო-  
 ლიტიკურ ურთიერთობებში ისინი არიან კეთილსაი-  
 მედონი, ისე რომ უმაღლესი მანიფესტი, კავკასიაში  
 და მაშასადამე ქუთაისის გუბერნიაში, როგორც  
 მსხვილი ნაწილი კავკასიის, ითვლება გვირგვინოსა-

<sup>147</sup> სცსა, ფ. 153, აღწ. 1, სამე №1782, ფურც. 1

ნი იმპერატორის საუკეთესო მარგალიტად. რა უნდა მომხდარიყო ამ სიმპატიური ხალხის ცხოვრებაში, რომ შეცვლილიყო მათი საუკუნეობრივი მრწამსი? შეიძლება ითქვას, რომ საერთო მდგომარეობა შეიცვალა რუსეთში და ქუთაისის გუბერნიის მოსახლეობამ გაცურა საერთო მდინარებიდან. მრავალჯერ არა! მთავრობის საწინააღმდეგო მოძრაობა რუსეთში არაფერს შესამჩნევს, ადსანიშნავს უქადის ქართველ ტომებს. უფრო სარწმუნოა, რომ ყველა რეფორმებს, რომლებსაც რუსეთის ხალხის ცხოვრება უკავეთესობისაკენ მიყავს, იქნებოდეს გავრცელებული იმერლებში, მეგრელებში, გურულებში, არასდროს არ იარსებებდა განსხვავება ქართველებსა და რუსებს შორის. თუ ადგილობრივი ავტორიტეტები სუფთად შეასრულებენ თავის სამსახურებრივ მოვალეობას და არ შეხედავენ ადგილობრივ მცხოვრებლებს, ისე როგორც თავის პირად მტრებს, უფრო მეტიც, მათ უნდა სჯეროდეთ, რომ თავის დროზე გაიგებენ, რომ ხალხი წინ მიდის, ანტისახელმწიფოებრივ პროპაგანდას სისხლის დვრა არ მოყვება. პროპაგანდისტები არ წარმოადგენენ დაბრკოლებას, დაუბრკოლებლად ვრცელდება მათი ცრუ მოძღვრება ბრძოში, დაარწმუნებენ მათ იმაში, რომ გუბერნიის მიწები გლეხებისაა...”<sup>148</sup>

როგორც ცნობილია, რუსეთის თვითმპურობელობა მაქსიმალურად ცდილობდა საქართველოში საგანმანათლებლო დონის დაქვეითებას, რადგან უვიცი და გაუთვითცნობიერებელი საზოგადოების მართვა უფრო გაადვილებოდა. „რად სჩადიოდა ასე ძველი მთავრობა? პასუხი ნათელია: ქართულად ნასწავლი გლეხი ქართულად აზროვნებას დაიწყებდა,

<sup>148</sup> სცსა, ფ. 83, აღწ. 1, საქმე, №46, ფურც. 2

მასში ქართული სული გაიდგამდა ფეხსვე, ის თავს ქართველად იცნობდა, თავის ჭირ-ვარამს მიხვდებოდა, მტერ-მოყვარეს გაითვალისწინებდა, მისკენ მიმართულ სიტყვა-საქციელს ასწონ-დასწონიდა და მიხვდებოდა, თუ რამდენად იყო ძველი დახავსებული რეჟიმი მისი გადაგარების მოსურნე და რასაკვირველია საკადრის პასუხსაც გასცემდა.<sup>149</sup> სწორედ ამიტომ კულტურული ელიტა აქტიურობს გლეხების საგანმანათლებლო დონის ამაღლების, ისტორიული წარსულის, ტრადიციების შენარჩუნების საკითხში. ამისთვის იხსნება სკოლები საქართველოს სხვადასხვა კუთხეში, სოფლებში, ქალაქებში. იბეჭდება და კრცელდება დიდი რაოდენობით წიგნები, გაზეთები, ჟურნალები, სადაც გლეხისთვის საჭირო მოვლენებზეა საუბარი. ამის პარალელურად პოლიტიკური ელიტა პოლიტიკური შეგნების განვითარებისთვის იბრძვის. პოლიტიკური დონის ამაღლება პარტიების ნაწილს სჭირდება იმისთვის, რომ თავისუფლების ბრძოლისათვის ნიადაგი მოამზადოს, ნაწილს კი იმისთვის, განსაკუთრებით სოციალ-დემოკრატიას, გააერთიანოს და შეაკავშიროს მუშები და გლეხები და სოციალიზმის განხორციელებისათვის შექმნას პირობები. 1906 წელს გაზეთი „გლეხი“ წერდა: „გლეხი ყველაზე მეტს მუშაობს, ყველაზე უფრო გაჭირვებულია; გლეხმა უნდა მოიპოვოს მიწა და თავისუფლება, რომ თავი დაადწიოს შიმშილს და გამწარებულს ცხოვრებას. გლეხმა უნდა იბრძოლოს მიწისა და თავისუფლება? გლეხი უნდა დაკმაყოფილდეს, რაკი მოიპოვებს მიწას და თავისუფლებას? ბედნიერი იქნება და სხვა არაფერი დასჭირდება? არა, ამხანაგე-

<sup>149</sup> გაზ. ჯარისკაცი, 1917, №2, გვ. 1.

ბო! გლეხისათვის არ კმარა მარტო მიწა და თავი-სუფლება! აუცილებელი საჭიროა ერთიც და მეორეც, ხოლო ეს ვერ დაიხსნის გლეხს უველანაირი შევიწროებისაგან და მანამდე არ ედირსება ტკბილ და მოსვენებულს ცხოვრებას, სანამ დედამიწაზე არ დამყარდება ჭეშმარიტი ერთობა—სოციალიზმი.<sup>150</sup> ამ იდეის მატარებელნი იყვნენ ქართველი სოციალ-დემოკრატები და მათი მთავარი დასაყრდენი პროლეტარიატი იყო. მათგან განსხვავებით სოციალისტ-ფედერალისტები გლეხის იდეალიზაციას ახდენდნენ. „ჩვენი ქვეყანა თავისი სტრუქტურით გლეხური ქვეყანაა. არც არის ახლო მომავალში იმედი გლეხობის გაქრობის, პროლეტარიზაციისა და კონცენტრაციისა. საქართველო წარმოადგენს სოფლის მეურნეობის ქვეყანას და პროლეტარული, ისიც შემცდარი სოციალიზმი მას არ უგუება. და მხოლოდ ისეთი სოციალისტური მოძღვრებაა, რომელსაც აგრარიზმი ახასიათებს და რომელიც პროლეტარიატს და გლეხობას ერთმანეთს არ უპირდაპირებს“. სწორედ ამიტომ, როდესაც ამგარ საკითხებს ვხსნავლობთ ეს გარემოებებია გასათვალისწინებელი.

როგორც უკვე აღნიშნე, ბატონყმობის გაუქმების შემდეგ ახალი ეტაპი დაიწყო საქართველოს ისტორიაში. საჭირო გახდა თავისუფალი ფენის არა მხოლოდ ეკონომიკური თვალსაზრისით დაკმაყოფილება, არამედ მათი ჩართვა ეროვნულ-საზოგადოებრივ სფეროში. გლეხი უნდა გამხდარიყო თავისუფლების მოპოვებისთვის ბრძოლის ერთ-ერთი მთავარი მონაწილე. სწორედ ამიტომ, გასაკვირი არ არის, რომ აღნიშნულ პერიოდში გლეხობის, როგორც თავისუფალი ფენის საკითხი აქტუალურია. იაკობ მან-

<sup>150</sup> გაზ. გლეხი, 1906, №1, გვ. 1

სვეტაშვილთან ვკითხულობთ: „... მდაბიო ხალხის-  
თვის, მუშა-გლეხობისათვის უნდა ვიზრუნოთ. ჩვენს  
მოვლას, ჩვენს ზრუნვას ფასი ექნება მხოლოდ მა-  
შინ, თუ იმათი ენით დავიწყებთ ლაპარაკს, თუ ჩვენი  
სიტყვა იმათ ყურს მისწვდება, იმათ გულს მოხვდება.  
აი გეგმა ჩვენის მუშაობისა. აი, ვისთვის უნდა ვფიქ-  
რობდეთ, ვისთვის უნდა ვზრუნავდეთ, ვისთვის უნდა  
ვწერდეთ.“<sup>151</sup>

გლეხების პოლიტიკური ცნობიერების ამაღლე-  
ბისთვის მნიშვნელოვან ნაბიჯებს დგამდა ქართული  
სოციალ-დემოკრატია. „ბოლო დრო აღინიშნა სხვა-  
დასხვა რევოლუციური ორგანიზაციების განსაკუთ-  
რებით ძლიერი აგიტატორული მოღვაწეობით, მიმარ-  
თული უპირატესად გლეხების ზემოქმედებაზე, მიზ-  
ნით მიაღწიონ თანხმობას მთავრობასთან მოქმედე-  
ბით, აგრეთვე უურადღება გამახვილებულია მიწათ-  
მფლობლებთან ურთიერთობაზე. მიზნის მისაღწევად  
ეს ბოროტგანმზრახველები მიმართავენ სხვადასხვა  
საშუალებებს, იწყებენ განზრახ არასწორი ინფორმა-  
ციის გავრცელებას უმაღლესი ხელისუფლების მო-  
საპოვებლად. მათი დაპირებით გაიზრდება გლეხთა  
კეთილდღეობა, ზარალი მიაღება ყოველ მიწათ-  
მფლობელს, ბოლოს ფართოდ გავრცელდება არსე-  
ბული გამოცემები, რომლებიც გამოასწორებენ გა-  
ჭირვებულ მოსახლეობის უნუგეშო მდგომარეობას.  
პოლიციის დეპარტამენტისთვის ცნობილია მსგავსი  
გამოცემები: 1. „მოთხოვთ რუსეთის ისტორიიდან“. ისტორია იწყება თავიდან და მოდის პეტრე პირვე-  
ლამდე. შეიცავს ძველ ხელნაწერებს ხალხის კუ-  
თილდღეობაზე. ნიშნით „დამტკიცებული და რეკო-  
მენდირებული სახალხო განათლების სამინისტროს

<sup>151</sup> ი. მანსვეტაშვილი, მოგონებები, თბილისი: საბჭოთა  
საქართველო, 1985, გვ. 78

სასწავლო კომიტეტის მიერ. „მოსკოვი“, 1901, ხეამბა „საზოგადოება“. ბროშურაში ახსნილია, რომ ხალხის ისტორია არ დგას ერთ ადგილზე, და ისევე როგორც ყველაფერი იცვლება ბუნებაში, ასევე სახელმწიფოებრივი სისტემა განიცდის ცვლილებას... ბროშურა შეიცავს აზრს, რომ ყველას მართავს ხალხის მიერ არჩეული პირი და თოთოეულს აქვს საარჩევნო ხმა... ყურადღება მისაქცევია განსაკუთრებით ადგილი, სადაც ლაპარაკობენ სახელმწიფო ხელისუფლების არსზე, სახელმწიფო იწოდება მატყუარად, სადაც მეფეს არ შეუძლია გაუძღვეს მთელ ხალხს და გადასცა ხელისუფლება თავის ჩინოვნიკებს, რომლებსაც ეზიზდებათ და ძარცვავენ ხალხს. ეს მოგვარდება მაშინ, როცა მეფე თვითონ გამოსცემს კანონებს. 2. „საუბრები მიწაზე“, ბროშურაში ხალხის თვის ახსნილია მიწის ფლობის მოქმედების მიმართულება, რომელსაც ეწოდება „მიწის საკუთრება“. ეს საკუთრება შეიცავს გლეხის ყველა უბედურებას. არ შეიძლება ერთი ადამიანი იყოს მმართველი მეორეზე, არავის არ აქვს უფლება ამუშაოს მეორე ადამიანი. შემდეგ აღწერილია ბატონებმობის ისტორია, როდესაც ბატონები ფლობდნენ არა მარტო მიწას, არამედ ადამიანის სულსაც... ბროშურის ბოლოს მითითებულია, რომ მართალია ბატონებმობა ადარ არსებობს, მაგრამ რუსი გლეხი ჯერ კიდევ არ არის თავისუფალი, თავისუფლება გამოცხადდა 1861წ. მაგრამ არა ნამდვილი თავისუფლება. ნამდვილი თავისუფლება რუსი ხალხისთვის იქნება მაშინ, როცა ეჭნება მიწა. როცა დაწყნარდება ხალხი და დაიცავს თავი სიმართლეს. მაშინ მიიღებს რუსი ხალხი ნამდვილ თავისუფლებას.“<sup>152</sup> მოტანილი დოკუმენტი მე-

<sup>152</sup> სცსა, ფ. 17. აღწ. 1, საქმე №4652, ფურც. 9

ტად მნიშვნელოვანი ინფორმაციის შემცველია და გლეხთა ცნობიერების განვითარების ერთ-ერთ უტაპს გამოხატავს. .... გლეხებს ესაჭიროებათ დახმარება, ისინი მოითხოვენ: 1. სახელმწიფო, სამონასტრო-საეკლესიო მიწები და ვენახები გადასცენ ყველას უფასოდ. რომ მებატონეებმა დაუბრუჩნონ ფული იმ გლეხებს, რომლებმაც იყიდეს თავისი მიწები. აი რას ითხოვენ გლეხები. გურიის და ქართლის გლეხები ითხოვენ იგივეს. ისინი ეწინააღმდეგებიან მთავრობას და ეს მთავრობა არის რუსული სოფლის კაზაკები, რომლებიც ანადგურებენ გლეხებს. მაგრამ გლეხები აგრძელებენ ბრძოლას. ისინი არაფერს არ მოელიან მანიფესტისგან, მათ თვითონ სურთ მოიპოვონ თავისი თავისუფლება. ისინი ჩვენ გვთხოვენ და გვეძახიან დახმარებისთვის. გავიგოთ ძმებო მშობლიური ხმები ჩვენი მშობლების და დავეხმაროთ მათ. გავერთიანდეთ ძმებო. ერთი ყველასათვის და ყველა ერთისათვის.“<sup>153</sup>

სოციალისტ-ფედერალისტები შემდეგნაირად მიმართავენ გლეხებს: „ქართველო გლეხო, შენ უნდა იყო შენის თავის პატრონი და შენს ბედ-იღბალს, შენს უნუგეშო ცხოვრებას შენს მეტი ვერავინ გამოგიბრუნებს. გაიგო, რომ ეს წესწყობილება, რომელსაც ასე მძლავრად ჩასჭიდებია ხელმწიფე მთელის თავისის ამალით და მებატონეებით, უკუღმართია.

გაიგო, რომ ეს წესწყობილება მდიდრებისათვის არის მხოლოდ ხელსაყრელი და რომ ეს მდიდრები ხალხის უგუნურებასა და შეუგნებლობაზედ იშენებენ თავიანთ პირად ბედნიერებას; გაიგო რომ ეს წესწყობილება, რომელსაც მთელი საუკუნეები უვიცობასა, სიღარიბესა და გაჭირვებაში ყავხარ ჩაფ-

<sup>153</sup> სცსა, ფ. 156, აღწ. 1, საქმე №4, ფურც. 79

ლული, შენს საკეთილდღეოდ არ არის გაჩენილი. გატყუებენ უსირცხვილოდ და უღმერთოდ დალატობენ სვინიდისს, ვინც შენ გიქადაგებენ მორჩილებას და ხელმწიფისა და ტახტის ერთგულებას! წელში ვერ გაიშლები, მანამ არ გადიგდებ და არ მიანგრევ იმ ოქროს ტაქტს, რომლის ბოძები მძიმედ დაგწოლია კისერზედ! განა დღეს მებატონე გაბედავდა ხალხის ურჩობას და თუ გაბედავდა, გაგიჭირდებოდა ქალამნებით მათი ჩაქოლვა, რომ ხელმწიფე არ წამოსარჩლებოდა?! ხელმწიფე ესარჩლება მათ და იმისი ჯარი. ის ჯარი, რომლის შესანახ ფულს გახდევინებენ, რომლის გასაძლიერებლად გულიდან შვილსა გგლეჯენ,, აი ეს ჯარი შენის ოფლიო გამოკვებილი და შეიარაღებული, შენსავე წინააღმდეგ, შენის უფლების გასათელად, შენს დასამუნჯებლად და დასამონებლად არსებობს! ვერ აღიდგენ შენს უფლებას, თავისუფლად შენს გაჭირვებას ვერვის შესჩივლებ სანამ ეს ჯარი ხელმწიფეს შენს სულ-თამხუთავად ეყოლება. ვერა, ვერ გაიშლები წელში, მანამ შენს მარჯვენას პატივი არ ექნება, მანამ შორმა არ გაბატონდება, მანამ მიწა საყოველთაო კუთვნილებად არ შეიქმნება და მუქთახორებს თავგასული ბრძანებლობა და თვითნებობა არ წაერთმევათ. გახსოვდეს, რომ შენის თავის მშველელი და პატრონი მარტო შენ ხარ“.<sup>154</sup>

საქართველოს სახელმწიფოებრივი დამოუკიდებლობის აღდგენის შემდეგ საციალური საკითხი თავის აქტუალობას არ კარგავს. სახელმწიფოებრივი მშენებლობის პროცესში ქართული ერთობის ყველა წევრის თანაბრად ჩართვა აუცილებელი მოვლენა იყო და მათ შორის, ყველაზე მნიშვნელოვანი სოცია-

---

<sup>154</sup> ქართველ გლეხს (სოციალისტ-ფედერალისტური პარტია), 1905, გვ. 15-16

დლურად დაბალი ფენის წარმომადგენლების: გლეხების, მუშების. საჭირო იყო თითოეულ მათგანს ეგრძნო სახელმწიფოს მხარდაჭერა და თავი უსაფრთხოდ და ეკონომიკურად უზრუნველყოფილად ჩაეთვალა. ეპოქის მოთხოვნილებიდან გამომდინარე აღნიშნული პერიოდის თითქმის ყველა წყაროში სოციალური საკითხი განსაკუთრებით აქტუალურია. ზოგადად შეიძლება ითქვას, რომ საზოგადოების ფართო ფენების, მასის ჩართვა ეროვნული იდეის აღორძინებისთვის სირთულეს წარმოადგენდა. ამ მხრივ გამონაკლისი არც საქართველო იყო. მით უმეტეს, რომ 117 წლის მანძილზე რუსულ დირექტულებებს ზიარებული ერის ქართულ, სახელმწიფოებრივ აზროვნებაზე გადაყვანა მარტივ საკითხს არ წარმოადგენდა. ნოე უორდანიას აზრით, „მთავარი იყო ხალხში არ ქონდა გასავალი მოსკოველთა პროპაგანდას, არ მომხდარიყო აზრთა და გზათა არევ-დარევა, ყოფილიყო ფართე მასების მიერ გაგმდული და შეგნებული ჩვენი და მათი წყობის და ცხოვრების (ე.ი. რუსების – ნ.ს.) წესების განსხვავება. ჩვენი ხელმძღვანელი აზრი იყო, საქართველოს მცხოვრებთა დიდ უმრავლესობას – გლეხობას დაუნახა, რომ საქართველოს დამოუკიდებლობამ მას მოუტანა მიწა, მისცა ცხოვრების ახალი საშუალებანი. ასე რომ, აგრარული რეფორმა გახდა უაღრესათ ნაციონალური რეფორმა ჩვენში.“<sup>155</sup> საინტერესოა ადინიშნოს, რომ ჯერ კიდევ დამოუკიდებლობის გამოცხადებამდე საქართველოს ეროვნული საბჭო აქტიურად ცდილობდა გლეხების მოთხოვნების დაგმაყოფილებას, ანუ იმ პრობლემების გადაჭრას, რაც მათ სასიცოცხლო აუცილებლობას წარმოადგენდა. სა-

<sup>155</sup> 6. უორდანია, ჩემი წარსული, თბილისი: სარანგი, 1990, გვ. 107

ქართველოს ეროვნული საბჭოს მერვე კრების რეზოლუციაში აღნიშნულია: „ეროვნული საბჭო სცნობს: რევოლუციის გასამარჯვებლად და სოფლად ანარქიის მოსასპობად მთავრობამ გადასდგას ენერგიული და მტკიცე ნაბიჯები. დაუყოვნებლივ მიღებულ იქმნას საჭირო ზომები, რათა უსასეიდლოდ მიეცეს მშრომელ ხალხს ის ადგილმამჟლი, რომელიც მას ადგეთქვა ამიერკავკასიის დეკრეტით.“<sup>156</sup> მხოლოდ სასოფლო მეურნეობის მაღლა აწევით დავეხმარებით ჩვენ, როგორც რესპუბლიკას, ისე მის მოქალაქეთა 90%-ი, ჩვენს გლეხობას და ღრმად ჩავუნერგავთ მას გულში, რომ სტატისტიკა დგება არა მარტო მათზე გადასახადების გაწერის მიზნით, არამედ მათი შრომის მაღლა ასაწევათ, მათი ეკონომიკური მდგომარეობის გასაძლიერებლად.“<sup>157</sup>

1918-1921 წლებში ხელისუფლების მთავარი მიზანი იყო საზოგადოების ფართო ფენების ჩართვა პოლიტიკურ პროცესებში, განსაკუთრებით გლეხების პოლიტიკური მოღვაწეობის გააქტიურება. ამ მიზნით საქართველოს სხვადასხვა კუთხეებში არსდებოდა სპეციალური ორგანიზაციები. ამ მხრივ საინტერესოა პროპაგანდისტ ხანიშვილის მოხსენება თბილისის სასოფლო კომისიისადმი, რომელიც 1919 წლის 21 აგვისტოთი თარიღდება. „დღიდგან ჩემი მუშაობისა ხევის რაიონში (ყაზბეგი) მე დავაარსე თხის სოციალ-დემოკრატიული ორგანიზაციი, სახელდობრ: სხოს, გერგეთის, სიონის, ყაზბეგის. თხის თარიღი 1918 წელი ირიცხება, ჯერჯერობით 80 კაცი. მუშაობა თხის თავისებურავისა და მომართვისათვის, აქვთ თავიანთი ბეჭდები, საწევრო წიგნაკები, იხდიან საწევრო გადასახადებს, ახდენენ კრე-

<sup>156</sup> სცსა, ფ.1836, აღწ. 1, საქ. №12, ფურც. 116

<sup>157</sup> სცსა, ფ. 1861, აღწ. 1, საქმე №418, ფურც. 10

ბებს, სისტემატიურად სხვადასხვა პარტიული კითხების გადასაწყვეტად და ეჩვევიან პარტიულ საქმიანობას. მოხევები ძალიან თანაუგრძნობენ ჩვენს პარტიას, რომელიც სათავეში უდგა მთელ საქართველოს. ისინი პირდაპირ აღმერთებენ ნოე ჟორდანიას, ჩევიძეს და წერეთელს.<sup>158</sup> ცალკე საკითხია, რამდენად გასაზიარებელი და მისადებია ჩვენთვის ეს ფაქტი, მაგრამ ერთი რამ ცხადია, სოციალ-დემოკრატიული პარტია საზოგადოების ფართო ფენებთან დაკავშირებას ესწრაფვოდა. საქართველოს დემოკრატიული რესპუბლიკის ხელისუფლების მიზანი მაქსიმალური სიახლოვე პქონოდა გლეხობასთან და ყურადღება გაემახვილებინა მათ პრობლემებზე და რაც მთავრია, მთავრობისადმი რწმენა ჩაენერგა შემთხვევითი არ ყოფილა. დამოუკიდებლობის აღდგენის შემდეგ ქართულ ხელისუფლებას უფრო მეტი პრობლემა შეექმნა, მათ მუდმივი თუ აშკარა ბრძოლა უხდებოდათ საქართველოს მტრებთან, რომლებიც ცდილობდნენ იდეოლოგიური თუ პრაქტიკული მოღვაწეობით ხელისუფლების საწინააღმდეგოდ განეწყოთ საზოგადოების ფართო ფენები. სწორედ ამიტომ იყო, რომ სოციალ-დემოკრატიული პარტია ხელისუფლებაში მოსვლის შემდეგ ქართული პოლიტიკის გატარებაზე გადადის. განსაკუთრებით გლეხების მიმართ იცვლის დამოკიდებულებას, თუმცა გლეხობაში არაერთგაროვანი დამოკიდებულებაა მთავრობის მიმართ. „მას შემდეგ ბევრი უბედურება მოხდა. 13 წლის განმავლობაში დროც შეიცვალა და ერთი მეორეს ვეღარა ვცნობთო. მაშინ რასაც გგასწავლიდნენ მიტინგებზე სოციალ-დემოკრატები დღეს ყველა იმის წინააღმდეგია. მაშინ გვეუბნებოდნენ: თავადაზ-

<sup>158</sup> სცსა, ფ. 1825, აღწ. 1, საქმე №17, ფურც. 45

ნაურები, მემამულები და ძველი მთავრობა ჩამოვაგდოთ და მიწები და ტყები მიწის მუშა გლეხებს დაგრჩებათ უსასყიდლოთო. მოხდა რევოლუცია, სოციალ-დემოკრატებმა გაიმარჯვეს. მთავრობა და თავადაზნაურობა ჩამოვაგდეთ, მაგრამ დღეს იგივე სოციალ-დემოკრატები გვეუბნებიან: მიწები ფულით უნდა იყიდოთ. ბოლშევიკები გვეუბნებიან ბოლშევიკები უნდა გახდეთო. რადგან ბოლშევიკები დარიბ გლეხებს მიწას უსასყიდლოდ მოგცემენო. თავიდან მენშევიკებიც ასე გვეუბნებოდნენ. არ ვიციო ზოგიერთმა გლეხმა ვის უნდა მივმართოთ. ორწყალშუა ვართ. თუ ბალშევიკებს მივმართეთ, მთავრობა გვემუქრება, თუ მთავრობას მივმართეთ, ბალშევიკები წაგვახდენენ.“<sup>159</sup>

დემოკრატიული რესპუბლიკის პერიოდში გლეხების მდგომარეობას და მათ დამოკიდებულებას სხვადასხვა საკითხებთან დაკავშირებით ნათლად აჩვენებს ფონდი 1825, საქმე №13 დაცული მონაცემები. აქ საუბარია საქართველოს ცალკეულ რეგიონებში გამოკითხვის შედეგებზე, რომელიც გლეხების საერთო განწყობილებას ასახავს. ასევე სუბარია რეგიონების, სოფლების შესახებ, პარტიული მუშაობის, გლეხთა დამოკიდებულების, სხვადასხვა პოლიტიკური პარტიების, სახელმწიფო ეროვნული საკითხებთან დაკავშირებით, გლეხების პრობლემებზე და ა.შ. თუმცა შეიძლება ითქვას, რომ ყველა გამოკითხვაში მთავარი ადგილი სწორედ მიწის საკითხს უკავია. ფაქტობრივად ეს პრობლემები ისევ აქტუალურია.

„გლეხებაცობა ჩვენში ერთადერთი საიმედო კლასია, რომელიც ეროვნულ საკითხის გადაჭრას რეალ შესაძლებლობის ნიადაგზე რადიკალურად სვამს.

<sup>159</sup> სცსა, ფ. 1836, აღწ. 1, საქმე №75, ფურც. 1

სახელმწიფო ცხოვრება ჩვენი ერის მოთხოვნილების სტიქია... პროლეტარიატი არასოდეს არ ყოფილა სრული ეროვნული შეგნების მატარებელი ჩვენს ცხოვრებაში და ის მომავალშიაც ვერ გახდება ასეთად. საქართველოსთვის სრული სახელმწიფო ცხოვრების მინიჭება შეუძლია მხოლოდ გლეხკაცობას. ის ყველაზე მეტად გრძნობს მამულის სიყვარულს, მიწაზე მიჯაჭვულობა ამ გრძნობას ერთი ორად აძლიერებს. პროლეტარიატი კი მოკლებულია ამ უპირატესობას და მასში მამულის უშუამავლო სიყვარული ქართველი ერის კულტურული მთლიანობის პსიხოლოგიურად განცდას შეუცვლია. ჩვენი ვალია ხელი შევუწყოთ გლეხობის დამოუკიდებლად დარაზმვას. დამოუკიდებლად შეკავშირებული და თავის კლასიური მდგომარეობის მცნობი გლეხკაცობა შეძლებს ქართველი ერის პოლიტიკურ უფლების საკითხის რადიკალურად გადაჭრას. არ არის ჩვენში კლასი, რომელიც ისე დაინტერესებული იყოს საქართველოს სრული განთავისუფლებით, როგორც გლეხკაცობაა.“<sup>160</sup>

პროგინციის ორგანიზაციების წარმომადგენლებთან თათბირის ამსახველ მასალებში ჩანს ხელისუფლების დამოკიდებულება სოციალური საკითხებისადმი. „თევზაძე: გლეხის და მუშის ფსიხოლოგიას უნდა გაუწიოთ ანგარიში. ბალშევიკებმა რევოლუციას ბევრი მოსთხოვეს, ჩვენში კი ხალხი თხოულობდა, მაგრამ მოელოდა. დღეს გლეხი კონტრრევოლუციისაკენ იხრება, იმიტომ რომ ბევრი ვერ მიიღო. ჩვენ დავანგრიეთ და ნანგრევებზე კი თითქმის ვერაფერი ავაშენეთ. გლეხმა მყუდრო ცხოვრებას ვერ მიაღწია. თუ სოფლებში ადმინისტრაცია ვერ

<sup>160</sup> გაზ. ჩვენი რესპუბლიკა, 1917, №2, გვ. 3-4

შევქმენით, ვერაფერს სხვას ვერ გავაკეთებთ. წალთ-დაგბრუნდებით, ფულს დავხარჯავთ და საქმე კი წინ არ წაიწევს.“<sup>161</sup>

დემოკრატიული რესპუბლიკის პერიოდში საკმარდ მიღებული გახდა სოფლის პროპაგანდისტების მოღვაწეობა და მათი ანგარიშები მთავრობის წინაშე. ამგვარი ფაქტები საკმარდ მრავალრიცხოვანი იყო. ბუნებრივია, აქ სრულად ვერ მოვიყვანთ ყველას, თუმცა რამდენიმე მაგალითი ნათლად გამოხატავს პრობლემის არსეს. მით უფრო, რომ აქ წარმოდგენილი პრობლემა თითქმის ყველა რეგიონისთვის იყო დამახასიათებელი:

1. რომელ რაიონში მუშაობდა? აბაშის რაიონი, სენაკის მაზრა

2. არსებობს თუ არა ადგილობრივ ორგანიზაცია და რა სახის; თუ არ არსებობს რა ზომებია მიღებული მის დასაარსებლად? არსებობს სოციალ-დემოკრატიის ორგანიზაცია.

3. წევრთა რიცხვი, თავმჯდომარის და მდივნის სახელი და გვარი, აგრეთვე მისამართი ორგანიზაციისა. 254 პარტიის წევრი, აბაშის რაიონის სოც. დემოკროლექტივი მელიქოვის სახელო?

4. რა და რა პარტიები მოქმედებენ და რომელი პარტიის გავლენა უფრო ძლიერია?

თავიდან არსებობდა სოც. დემოკ. პარტია. დღესაც ხალხის დიდ უმრავლესობაზე აქვს გავლენა. არიან მობოლშევიკე ყოფილი ჯარისკაცები ესერებთან ერთად. მათ ორგანიზაცია არ აქვთ.

5. რომელ სოფლებში იყო? სეფეითი, ონტოფო, ქოლმანი, სამიქიო, გულსეთი, მაიდანი, გუგუნაყაფი

<sup>161</sup> სცსა, ფ. 1863, აღწ. 1, საქ. №13, ფურც. 10

6. რამდენი კრება მოახდინა? შვიდჯერ პარტიული კრება ორგანიზაციებში. ოთხჯერ მასსიური კრება

7. რა თემებზე ილაპარაკა? მომენტი ერობის შესახებ. მიწის საკითხი. ანარქია და მასთან ბრძოლა

8. როგორია გლეხთა დამოკიდებულება? მომხრეა კერძო საკუთრების, უფასოდ გადაცემის ხარჯის ანაზღაურებით.

9.რა შეკითხვებს იძლეოდნენ გლეხები? რუსეთიდან გამოყოფა და საქართველოს დამოუკიდებლობა. უსურსათობა, სიძვირე, ფარჩეულობა, მთავრობის ორჭოფული პოლიტიკა ბოროტგანმზრახველთა წინააღმდეგ, სიძვირე

10. საერთო შთაბეჭდილებები დამაკმაყოფილებელია და საიმედო. ხალხს ურჩევნია მაგარი მთავრობის ხელში ყოფნა. კრებებს ხალისით ესწრებიან, მხოლოდ კითხვებს წინანდელზე უფრო კრიტიკულად უყურებენ, ე.ი. აკრიტიკებენ და შეგნებული დასკვნა გამოაქვთ.<sup>162</sup>

ამდენად, 1. ყოველივე ზემოთქმულიდან გამომდინარე, საქართველოს ისტორიის სრულყოფილად და დეტალურად შესასწავლად აუცილებელ საჭიროებას წარმოადგენს სხვადასხვა სოციალური ფენების ცნობიერების განვითარების შეფასება და მათი დამოკიდებულება ეროვნულ, სოციალურ, პოლიტიკურ, სახელმწიფოებრივ საკითხებთან დაკავშირებით. ამასთან გასათვალისწინებელია ისიც, რომ ელიტა ქმნიდა იდეოლოგიას და შემდეგ ბეჭდური მედიის თუ პროკლამაციების სახით სთავაზობდა საზოგადოებას. 2. 1900-1921 წლების სხვადსხვა მოვლენების შესაფასებლად გასათვალისწინებელია ეპოქის გამოწვევები და საზოგადოების ცნობიერების ცვლილება.

<sup>162</sup> სცსა, ფ. 1863, აღწ. 1, საქ. №13, ფურც. 13

## თავი მასამა

### პროლეტარი

საქართველოში კაპიტალიზმის შემოსვლის შემდეგ, XIX საუკუნის 90-იანი წლებიდან ჩნდება ახალი სოციალური ფენა პროლეტარიატი და საჭირო ხდება მისი ფუნქციების გამოკვეთა. გლეხის მსგავსად ისიც საკუთარი მდგომარეობის გაუმჯობესებისათვის იწყებს ბრძოლას და ერთგება დროის საერთო მდინარებაში.

პროლეტარიატის შესახებ თითქმის ყველა ტიპის წყაროშია საუბარი სხვადასხვა კუთხით. ქართული კულტურული და პოლიტიკური ელიტის ნაწილი დადგებითად აფასებს პროლეტარის როლს ისტორიის მსვლელობაში, მაგალითად, სოციალ-დემოკრატიული პარტია, ნაწილი კი, სოციალისტ-ფედერალისტები—უარყოფითად, რომლებსაც მიაჩნიათ, რომ საქართველოში გლეხია მთავარი სოციალური ფენა და სწორედ მათზე დაყრდნობითაა შესაძლებელი ყველა ეროვნული მიზნის განხორციელება. თუმცა ერთი რამ ფაქტია, პროლეტარის თემა ხდება ერთ-ერთი ძირითადი საკითხი XX საუკუნის პირველი ოცნებელის საქართველოში.

ქართულ ისტორიოგრაფიაში აღნიშნული საკითხის კვლევას მნიშვნელოვანი აღგილი უკავია. საბჭოთა პერიოდის ლიტერატურაში პროლეტარის როლი გაზვიადებულია. ერთი მხრივ, ის წარმოჩენილია როგორც ჩაგრული ფენა, რომელიც ბურჟუაზიის მსხვერპლიდა და მეორე მხრივ, ყველაზე გათვითცნობიერებული სხვადასხვა სოციალურ ფენებს შორის, რომელმაც მთავარი როლი იტვირთა რევოლუციის მსვლელობაში.

სპეციალური გამოკვლევები უძღვნეს აღნიშნულ საკითხს მეცნიერებმა: გრიგოლ მარგიანმა, ა. ფარსადანაშვილმა, ედიშერ ხოშტარიამ, კ. დოლიძემ, მამია ჯიჯეიშვილმა, მ. ნათმელაძემ და სხვა. არსებულ გამოკვლევებში ძირითადად აქცენტი კეთდება კაპიტალიზმის გავრცელებასა და მუშათა კლასის ბრძოლის საკითხზე საკუთარი უფლებების მოსაპოვებლად და მატერიალური მდგომარეობის გაუმჯობესებისათვის.

როგორც ცნობილია რუსეთში ბატონყმობის გაუქმების შემდეგ, XIX საუკუნის II ნახევრიდან მკვიდრდება კაპიტალიზმი და ბუნებრივია საქართველოში, როგორც რუსეთის დაქვემდებარებაში მყოფ ქვეყანაში გავრცელებას იწყებს ახალი ეკონომიკური სისტემა, რომელმაც ხელი შეუწყო არა მხოლოდ ეკონომიკური ფორმების შეცვლას, არამედ მთელი რიგი გარდაქმნები გამოიწვია როგორც პოლიტიკურ ცხოვრებაში, ასევე საზოგადოების ფართო ფენების ცნობიერების რადიკალურად შეცვლა განაპირობა. ბატონყმობის გაუქმებამ მნიშვნელოვნად შეცვალა არსებული ვითარება რუსეთსა და საქართველოში. „რუსეთში შედეგად მოჰყვა ფაბრიკების, ქარხნების, რკინიგზების, საზღვაო და სამდინარო ნავსადგურების მშენებლობა. კაპიტალისტური მრეწველობის განვითარებასთან ერთად იზრდებოდა პროლეტარიატის რაოდენობა. 1865 წელს რუსეთში მსხვილ ფაბრიკა-ქარხნებში და რკინიგზებზე ითვლებოდა 706 ათასი მუშა. 25 წლის შემდეგ 1890 წლისათვის, მუშათა რაოდენობამ მიაღწია 1 მილიონ 433 000, ხოლო 90-იან წლებში 2 მილიონ 792000.“<sup>163</sup>

რუსეთის მსგავსად, საქართველოშიც მთელი

<sup>163</sup> დ. მაისურაძე, რუსეთის პირველი რევოლუცია, თბილისი, 1955, გვ. 6

რიგი ცვლილებები მოჰყვა კაპიტალისტური სისტემის დამკვიდრებას. „საქართველოს მუშათა კლასის ფორმირება საგლეხო რეფორმების შემდეგ პერიოდში ხდება. მათი აბსოლუტური უმრავლესობა უმიწაწყლოდ დარჩენილი გლეხობისაგან იყო გამოსული, ხოლო მისი რეზერვი გაპროლეტარებული ხელოსნობა იყო. საქართველოს მუშათა კლასის რიგებს რუსეთიდან ჩამოსული მუშებიც ავსებდნენ. XX საუკუნის დასაწყისში საქართველოში 35. 402 სამრეწველო მუშა იყო. რომელთაგან ქართველები შეადგენდნენ 70%, შემდეგ მოდიოდნენ სომხები, რუსები და ა.შ.“<sup>164</sup>

როგორც გლეხის, ასევე პროლეტარის კულტურული და პოლიტიკური ცნობიერების განვითარებისთვის ზრუნავდა ქართველი ინტელიგენცია. ამ პერიოდში მიმდინარე გარდაქმნების შედეგად, რომელიც საზოგადოებრივი თუ პოლიტიკური ცხოვრების ყველა მხარეს შეეხო, ახალი მოთხოვნები და გამოწვევები დადგა დღის წესრიგში. ამ ცვლილებებმა არა მხოლოდ პროლეტარიატის, როგორც ახალი სოციალური ფენის წარმოშობა, არამედ მისი საშუალებით სოციალიზმის განხორციელებისათვის ბრძოლა განაპირობა. როგორც უკვე აღვნიშნე, XX საუკუნის პირველი ოცნებულის საქართველოში ერთმანეთს დაუპირისპირდა ორი იდეოლოგია: ნაციონალიზმი და სოციალიზმი. ქართველი პოლიტიკური ელიტა სოციალ-დემოკრატის ხელმძღვანელობით სოციალიზმის დამკვიდრებისთვის მთავარ ძალად პროლეტარს მიზნევდა, რომელსაც გლეხობასთან კავშირის შედეგად ამ ისტორიული მისის განხორციელება უნდა ეტვირთა. სწორედ ამიტომ ყველა მიმართულებით,

<sup>164</sup> ა. ებრალიძე, საქართველოს ბოლშევიკების ბრძოლა ბურჟუაზიული ნაციონალიზმის წინააღმდეგ 1903-1917, თბილისის საბჭოთა საქართველო, 1968, გვ. 9

რომლის საშუალებითაც შეიძლებოდა აღნიშნული იდების პროპაგანდა ქართული სოციალ-დემოკრატია ძალ-დონეს არ იშურებდა საზოგადოების ფართო ფენებში რეალიზებისთვის. ამ მხრივ გამოირჩეოდა მათი მიმართულების ბეჭდური მედია და ის პროკლამაციები, რომლებიც მთელი იმპერიის მასშტაბით ვრცელდებოდა და მათ შორის საქართველოში, ქართული სოციალ-დემოკრატიული ქალების მეშვეობით.

სოციალ-დემოკრატია საკუთარ თავს პროლეტარიატის ხელმძღვანელ ქალად მიიჩნევდა, რომლის მეშვეობით იმედოვნებდა სოციალიზმის განხორციელებას. „სოციალ-დემოკრატია არის პროლეტარიატის პოლიტიკური პარტია, რომლის მიზანია დემოკრატიული წყობილების საშუალებით პროლეტარული სოციალიზმის განხორციელება, ამისთვის ის აერთებს მთელ პროლეტარიატს და მუშა ყავს თავის ფარგალში. იმხობს ყველა იმ უკმაყოფილო კლასთ, რომელნიც ითვისებენ პროლეტარიატის თვალთახედვის ისარს და ცნობენ პროლეტარიატის მეთაურობით კაპიტალიზმის დალეჭვას. სოციალ-დემოკრატიის დროშის ქვეშ დგება ნაციის დიდი უმრავლესობა და მით ხდება ის ნაციონალურ პარტიად.“<sup>165</sup> საინტერესოა როგორია პროლეტარის გან-საზღვრა XX საუკუნის პირველი ოცწლეულის საქართველოში. ნოე ჟორდანიას აზრით: „პროლეტარიატი – ეს არის ის ერთადერთი კლასი, რომელიც მოკლებულია საკუთრებას და იძულებულია მხოლოდ თავის ძალღონის გაყიდვით იცხოვოს. როგორც კერძო საკუთრების განხორციელებული უარყოფა, ის პრინციპიალურად სხვავდება არა მარტო შეძლებულთაგან, არამედ წვრილი ბურჟუაზიის ყველა ნაწილებისაგანაც. მხო-

<sup>165</sup> გაზ. სოციალ-დემოკრატი, 1905, №1, გვ. 4

ლოდ პროლეტარიატია პირდაპირ დამოკიდებული კაპიტალისტებისაგან, — დამოკიდებული, როგორც მათი სიმდიდრის შემქმნელი და თვითონ მუდამ გაფვლევილი.“<sup>166</sup>

გაზეთი „სოციალ-დემოკრატი“ 1905 წელს პროლეტარს შემდეგნაირად ახასიათებს: „პროლეტარი ეწოდება იმ ადამიანს, რომელიც ყოველივე საკუთრებას მოკლებულია და თავის სარჩენად იძულებულია თავისი ფიზიკური ძალ-ღონე ფულის პატრონს მიყიდოს, მიექირაოს და აქედან აღებული ქირით იცხოვროს. მაშასადამე მისი დამახასიათებელი თვისებაა: საკუთრების უქონლობა და ფიზიკური შრომა. პროლეტართა შორის საკუთრების მხრივ სრული თანასწორობაა, არც ერთს ის არ მოერვა, ასეთივე თანასწორობაა შრომის მხრივ — ყველა ცხოვრობს შრომით, მათი ერთადერთი ძალა — შრომაა. ცხადია, პროლეტარიატის გამარჯვება ნიშნავს ამ პრინციპების — ეკონომიური თანასწორობის გამარჯვებას. მასში უარყოფილია კერძო საკუთრება, ისიც უარყოფს ამას სხვებში და ამყარებს საზოგადო საკუთრებას. მასში უარყოფილია უშრომლობა, ისიც უარყოფს სხვაში მუქთახორობას და ყველასათვის აწესებს შრომას, მისი გაბატონება შრომის გაბატონებაა, ხოლო შრომა კი ადამიანის თანდაყოლილი თვისებაა, მაშასადამე, პროლეტარიის გაბატონება ადამიანის, კაცობრიობის გაბატონებაა. ბატონობა მამულის იყო, ბატონობა მემამულის, ბატონობა კაპიტალის კაპიტალისტთა ბატონობაა, ბატონობა შრომის იქნება ბატონობა შშრომელთა ანუ ყველა ადამიანთა. აქედან აშკარაა, სოციალიზმის გამარჯვება შეიძლება მხოლოდ პროლეტარიატის გამარჯვებით.

<sup>166</sup> 6. ჟორდანია, საფრანგეთის რევოლუცია, 1848, თბილისი, 1917, გვ. 26

სოციალიზმი მხოლოდ პროლეტარიატის ცხოვრების გამოხატულებაა, ის მხოლოდ მისი ფილოსოფიაა.<sup>“167</sup> ეს ლოზუნგი, თუ შეიძლება ასე ითქვას გასდევდა თან მუშათა მოძრაობას. აუცილებლობას წარმოადგენდა პროლეტარის მიზნების გამოკვეთა და ჩაბმა სოციალიზმის განხორციელებისათვის ბრძოლაში. ამისთვის საჭირო იყო სხვადასხვა ერის მუშებისთვის საერთო იდეოლოგიის შექმნა და საერთო მტრის ხატის დასახვა. მათ უნდა დაეხახათ, რომ სხვადასხვა ერის მუშებს აერთიანებთ მხოლოდ ერთი სატკივარი და ერთი მიზანი: ბრძოლა თვითმპყრობელობის და ბურჯუაზიის წინააღმდეგ და ისეთი სახელმწიფოს შექმნა, სადაც მათი უფლებები არ იქნებოდა შელახული. 1919 წელსაც კი ასეთი იდეოლოგია ისევ აქტუალურია, მიუხდავად იმისა, რომ გარკვეული ცვლილებები განიცადა. გაზეთ „ერთობაში“ კითხულობით: „უბრალო მუშავარ. მიცხოვრია და ვცხოვრობ მუშათა წრეებში. ჩემი ბინა ფაბრიკა-ქარხნებშია, ჩემი მასწავლებელი თვით ცხოვრებაა. მიმუშავნია საქართველოში, კავკასიის სამრეწველო ქალაქებში, რუსეთში. ერთად მიწევია შრომის მძიმე უდელი სომებს, თათარს, რუსს, ებრაელს, პოლონელ მუშებთან. მათთან ერთად გვიბრძოლია ჩვენი უფლებისათვის, ჩვენი დიდი მომავლისათვის. განვითარების ისტორიაში ჩვენში შექმნა ფსიქოლოგიურად საერთო ქმნა-ერთობის თვისებები, პროლეტარული მოძრაობის გაერთიანების აუცილებლობა. ჩვენი გრძნობა, ჩვენი ბრძოლის მოთხოვნილება არის უარყოფა ეკონომიკურ-პოლიტიკურ მონობისა და ეკლიო მოსილ ჩვენს საგად გზაზე წინ მივიწევთ იქით, სადაც მოსჩანს ჩვენი საბოლოო მიზანი შრომის სამუშაო.“<sup>168</sup>

<sup>167</sup> გაზ. სოციალ-დემოკრატი, 1905, №1, გვ. 2

<sup>168</sup> გაზ. ერთობა, 1919, №10, გვ. 2

როგორც ცნობილია, 1900-1921 წლებში საკმაოდ მრავალრიცხოვანი იყო სოციალ-დემოკრატიული პარტიის მიერ გამოცემული ჟურნალ-გაზეთები, სადაც აქცენტირებულია მათი პარტიული პროგრამები და მიზნები. როგორც რუსეთში, ასევე საქართველოში მუშათა საკითხი აქტუალური იყო. მიუხედავად იმისა, რომ როგორც ნაციონალური, ასევე სოციალიზმის იდეოლოგიის ჩამოყალიბებას და საზოგადოებაში გავრცელებას ელიტა ხელმძღვანელობდა, მუშათა მოძრაობის დაწყებას ეპოქის გამოწვევად და გარდაუვალ მოვლენად მიიჩნევდნენ, რომელიც ისტორიული მსვლელობის აუცილებელ ნაწილის წარმოადგენდა. როგორც რუსული, ასევე ქართული სოციალ-დემოკრატიის მიზანი მდგომარეობდა თვითმკურობელობის დამხობაში პროლეტარიატის მეშვეობით და სოციალიზმის განხორციელებაში. აღნიშნულის მსვლელობა კი მხოლოდ მშვიდობიანი ფორმით ვერ წარმოედგინათ. სწორედ ამის გამოხატულება იყო ის საპროტესტო გამოსვლები თვითმკურობელობის წინააღმდეგ, რომელიც მუდმივად მიმდინარეობდა 1900-1917 წლებში და რომელსაც სოციალ-დემოკრატიული ძალები ხელმძღვანელობდნენ.

როგორც ყოველთვის, ყველა ვპოქაში, ამჯერადაც სხვადასხვა პოლიტიკური მიმართულების ჯგუფებს საკუთარი შეხედულებები და ამოცანები გააჩნდათ რევოლუციასთან მიმართებაში, რაც განსაზღვრავდა მათი ბრძოლის ხასიათს და როლს რევოლუციაში.

მუდმივად იყო მოწოდებები საიმპერატორო კარის წინააღმდეგ, რათა მესამე წოდებას ებრძოლა საკუთარი უფლებებისათვის „... თქვენ ჩუმად ხართ, თქვენ ითმენთ, თქვენ იმედი გაქვთ! იმედოვნებთ, რომ შესაძლებელი იქნება, კეთილი სიტყვა დაიპყრობს

მსოფლიოს, რომ საბოლოოდ, დატრიალდება ისტორიის ბორბალი და დადგება უკეთესი დღეები, უპოთესი სიტუაცია, წესრიგი. ეს არ იქნება ოქვენს მიერ გაგზავნილი ადრესებით და პეტიციებით. რა მიიღეთ ოქვენ ამით? ოქვენ დაგავიწყდათ მეფის სიტყვა ლიბერალი დეპუტატების კორონაციის დროს „აზრს მოკლებულ ოცნებაზე?“ ნუთუ გადახედვა ყველა ჩვენ სასწავლო საქმეში არ არის ნათელი, რომ მთავრობის გეგმებში არ შედის არავითარი სერიოზული რეფორმა? რას ელოდებით?

ასეთ დამყაყებულ ატმოსფეროში, თვითმპყრობელობის ბატონობის რეაქციონულ ვაკხანალიაში, მხოლოდ რევოლუციური პროლეტარიატი და ოპოზიციურად განწყობილი სტუდენტები მაღლა დაიკავებენ თავისუფლების დროშას. ხოლოდ მათ ვერ მოერევა ვერავითარი რეპრესია: ვერც ჯარისკაცების ტყვიები, ვერც კაზაკების მათრახი, ვერც საშინელი გადასახლება, კატორდა და სახრხობელა, არ შეუძლია შეაჩეროს მოძრაობა და ხელი შეუშალოს რუსეთის პოლიტიკური თავისუფლების საკითხის დაყვნებას.“<sup>169</sup>

რუსეთის სოციალ-დემოკრატიის მიერ მუდმივად კეთდებოდა აქცენტი იმაზე, რომ მუშების ერთობა აუცილებელი პირობა იყო მომავალი გამარჯვებისა. „მანიფესტაციამ დაგვანახა, რომ ჩვენ, ამხანაგებო, მთავრობა ვერ უნდა გვაშინებდეს. პირიქით, ჩვენ მხარეზე ისეთი ძალაა მოგროვილი, რომელთანაც წინააღმდეგობას მთავრობა ვერ გაბედავს. საკმარისი შეიქნა მცირე ჯგუფის მანიფესტანტებისას აევრიალებინა დროშა ერევნის მოედანზე და დაეძახა: „ძირს თვითმპყრობელობა“ – რომ ეს ნაქები პოლი-

<sup>169</sup> სცსა, ფ. 153, აღწ. 1, საქმე №361<sup>5</sup>, ფურც. 55

ცია დამფრთხალიყო, თავზარი დასცემოდა და გზა-  
კვალი აბნეოდა. მანიფესტაციამ აშკარათ ჰყო, ის  
შეურევეველი ჭეშმარიტება, რომ ჩვენი ძალა შეერთე-  
ბაა, ჩვენი ძალა ეს ჩვენივე ორგანიზაციაა და კერძო  
მკვლელობას, ტერორს არავითარი სარგებლობა არ  
მოაქვს, პირიქით, ის არღვევს და შლის ჩვენ ერთო-  
ბას, საუკეთესო ძალა სულ განზე იხარჯება. მანი-  
ფესტაციამ ნიდაბი ახადა მთავრობას და გამოაშკა-  
რავა მისი სამარცხვინო და საზიზდარი ძალმომრეო-  
ბა. მხოლოდ მარტო რუსეთია, სადაც გამევებუ-  
ლია აღვირწახსნილი, თავაშვებული და დაუსჯელი  
მთავრობა, მხოლოდ მარტო რუსეთია, სადაც თავი-  
სუფლებას, პიროვნების ხელშეხებლობას ადგილი  
არ აქვს, სადაც ადამიანის წმიდათა წმიდას ფეხქვეშ  
სთელავენ და მიწასთან ასწორებენ.“<sup>170</sup>

„საჭიროა მოვიქცეთ სხვაგვარად, ისე როგორც  
ეს არის სხვა სახელმწიფოში. იქ მეფე არ არის და  
მის ნაცვლად არის პარლამენტი და პარლამენტი ეს  
არის ისეთი ადგილი, სადაც ხალხი თვითონ ირჩევს  
ხალხს ოთხი წლის ვადით და ამბობს: აი, ჩვენ  
თქვენ აგვირჩიეთ და თქვენ უნდა გვითხრათ რა უნ-  
და მოგცეთ თქვენ. აი ეს პარლამენტი გამოსცემს  
კანონებს. მუშები ამბობენ, ჩვენ არ გვინდა მეფე და  
მთავრობა. და როცა ის მოხდება, მთელი რუსეთის  
მუშები, ნაციონალურობის განსხვავების მიუხედავად  
გაერთიანდებიან. მიტომ გამოდიან ეხლა ქუჩაში და  
ითხოვენ პარლამენტს.“<sup>171</sup>

XX საუკუნის დასაწყისში ყალიბდება სხვა-  
დასხვა პოლიტიკური პარტიები. მათ საქართველოს  
სამომავლო განვითარების საკუთარი ხედვები და  
გზები გააჩნიათ. „სოციალისტ-ფედერალისტების

<sup>170</sup> იქვე, გვ. 83

<sup>171</sup> სცსა, ფ. 153, აღწ. 1, საქმე №361<sup>5</sup>, ფურც. 127

მთავარ მიზანს წარმოადგენდა – ეროვნულ-ტერიტორიული ავტონომია, სოციალური თანასწორობა, ეკონომიკული გრძის დემოკრატიული სოციალიზმი, ანუ კაპიტალიზმის პირობებში სოციალისტური რეფორმების თანდათანობითი განხორციელება. აგრარულ სფეროში მიწების სოციალიზაცია“.<sup>172</sup>

„სოციალისტ-რევოლუციონერები ცდილობენ შექმნან ისეთი პარტია, რომელიც შეძლებს სამი კლასის: ინტელიგენციის, გლეხების და პროლეტარიატის ინტერესების დაცვას. მათი პროგრამა იყოფა ორ ნაწილად: პოლიტიკური და ეკონომიკური. პირველით ისინი მოითხოვენ დემოკრატიულ წყობილებას. ისინი ბურჟუაზიულ რევოლუციას ეტრიფიან, სახელმწიფოს ბურჟუაზიულ ფორმას ითხოვენ და აი ამ შეხედულებას ერთიანად ეწინააღმდეგება აგრარული პროგრამა. ითხოვენ ისეთ ეკონომიკურ რეფორმებს, რომელიც პირიანად არღვევს კერძო საკითხების პრინციპს, ძირს უთხრის ბურჟუაზიის ბატონობას.“<sup>173</sup>

„სოციალ-დემოკრატია არის პროლეტარიატის პოლიტიკური პარტია, რომლის მიზანია დემოკრატიული წყობილების საშუალებით პროლეტარული სოციალიზმის განხორციელება, ამისათვის ის აერთებს მთელ პროლეტარიატს და მუშა ყავს თავის ფარგალში. იმხობს ყველა იმ უკმაყოფილო კლასთ, რომელნიც ითვისებენ პროლეტარიატის მეთაურობით კაპიტალიზმის დალექწვას. სოციალ-დემოკრატიის დროშის ქვეშ დგება ნაციის დიდი უმრავლესობა და მით ხდება ის ნაციონალურ პარტიად.“<sup>174</sup>

<sup>172</sup> საქართველოს პოლიტიკური პარტიების პროგრამები (1906-1921), ქრ. I, თბილისი: ახალი აზრი, 2008, გვ. 21

<sup>173</sup> გაზ. სხივი, 1905, №5, გვ. 2

<sup>174</sup> გაზ. სოციალ-დემოკრატიული ფურცელი, 1905, №5, გვ. 4

ერთი რამ ფაქტი იყო, რომ პროლეტარიატის როლი საკმაოდ იყო წამოწეული საზოგადოებრივი გარდაქმნების პროცესში. ფართო ფენებში ამ იდეაბის რეალიზებას ხელს უწყობდნენ სოციალ-დემოკრატები.

ზემოთქმულიდან გამომდინარე, შეიძლება ითქვას, რომ პროლეტარიატის ცნობიერებამ განვითარების მნიშვნელოვანი ეტაპი გაიარა და შემდეგში მიიღო მან ჩამოყალიბებული სახე.

„მუშათა მოძრაობა სულ უფრო ძლიერდებოდა, მრეწველობის სულ ახალახალ დარგებს მოიცავდა. საწარმოებში იქმნებოდა არალეგალური წრეები, სადაც მუშები იძენდნენ პოლიტიკურ ცოდნას. პროლეტარიატის კლასობრივი, პოლიტიკური შეგნების ზრდას მოწმობს მძლავრად გაჩაღებული საგაფიცვო მოძრაობა. მე-19 საუკუნის დამლევს მუშათა მოძრაობა რუსეთის პოლიტიკური ცხოვრების მნიშვნელოვანი ფაქტორი გახდა. საგაფიცვო ბრძოლებსა და მასობრივ პოლიტიკურ გამოსვლებში მუშათა კლასი იძენდა ცარიზმისა და კაპიტალიზმის წინააღმდეგ რევოლუციური ბრძოლის გამოცდილებას. მუშათა მოძრაობის განვითარების ნიადაგზე რუსეთში იქმნებიან პირველი მარქსისტული ორგანიზაციები.“<sup>175</sup> სოციალ-დემოკრატიისთვის დამახასიათებელი იყო სხვადასხვა საზოგადოებების ჩამოყალიბება, რომელიც მიზნად ისახავდა ხალხის საგანმანათლებლო და პოლიტიკური დონის ამაღლებას. ერთ-ერთი ასეთი იყო ბაქოში მოქმედი საზოგადოება „შუქურა“. მის მიზანს წარმოადგენდა: „საზოგადოებას მიზანი აქვს ხელი შეუწყოს თავის წევრებს თვითგანათლებაში,

<sup>175</sup> პ. დოლიძე, ბურჟუაზიულ-დემოკრატიულ რევოლუციაში პროელტარიატის პეტემონიის საკითხისათვის, ბათუმი, სახელგამი, 1959, გვ. 10

აგრეთვე საერთო განათლების გავრცელება ყველა თავისი ფორმით, უმაღლესი, საშუალო და სკოლამდელი. ამისთვის საზოგადოება ბეჭდავს წიგნებს, ბროშურებს, პერიოდულ გამოცემებს, მართავს ტექნიკურ და საერთო საგანმანათლებლო ლექციებს, შემეცნებით მეცანიერებას, ლიტერატურულ საღამოებს, ორგანიზებას უწევს ბიბლიოთეკების, სამკითხველოების, სკოლებს, საბავშვო ბაღებს, აწყობს საჩივებს, სპექტაკლებს, კონცერტებს, აქვს თავისი წევრებისათვის ბიბლიოთეკა და კაბინეტი კითხვისათვის.<sup>176</sup>

ყველაზე საინტერესო და მნიშვნელოვანია ის ფაქტი, რომ საქართველოში ამგვარი კავშირების საჭიროება XX საუკუნის დასაწყისიდან შეინიშნება, როდესაც მუშათა გაერთიანებულ და ორგანიზებულ მოძრაობებს ეყრება საფუძველი. „1900 წლის მაისში ჩატარდა თბილისის სტამბის მუშების გაერთიანებული კრება სადაც გადაწყდა, რომ ერთობლივად იმოქმედონ მთავრობის და მათი ბატონების წინააღმდეგ.“<sup>177</sup> აქცენტი კეთდება მუდმივად იმაზე, რომ მუშების უკიდურესი მდგომარეობის მიზეზი მთავრობა და ბურჯუაზიაა. საჭიროა პროლეტარიატის ორგანიზებული გაერთიანება თვითმპყრობელობის დასამხობად. სოციალ-დემოკრატიული პარტია ხაზს უსვამდა იმ ფაქტს, რომ პროლეტარიატი ყველაზე შეგნებული ფენაა, რომელიც ნათლად აცნობიერებს ყველა იმ პრობლემას, რომელსაც თვითმპყრობელობა უქმნის არა მხოლოდ მათ, არამედ მთელ საზოგადოებას, ამიტომ ისტორიული პროცესის შესაცვლელად მთავარ დასაყრდენ ძალად მუშებს მიიჩნევდნენ.

<sup>176</sup> სცსა, ფ. 153, აღწ. 1, საქმე №1924<sup>1</sup>, ფურც. 78

<sup>177</sup> გაზ. ბრძოლა, 1901, №1, გვ. 8

მართალია, ქართული სოციალ-დემოკრატია რუსულ ნიადაგზე იდგა და საწყის ეტაპზე უფრო მეტად იყო გამოკვეთილი მათში ანტიქართული იდეოლოგია, მაგრამ უნდა ითქვას, რომ ეროვნულ განსხვავებულობას და ქართულ სინამდვილეს ისინი არ გამორიცხავდნენ. მაგალითისთვის მოვიყვანთ ერთ ნიმუშს. „რუსეთის მუშათა მოძრაობას რომ დავაკვირდეთ, აშკარად დავრწმუნდებით, რომ მას ამჟამად მარტო ეკონომიური ან სოციალური ხასიათი არა აქვს. მუშებმა უწინარეს ყოვლისა მონარქიულ წყობილებას გამოუცხადეს ბრძოლა და ეკონომიური საბაბი დღეს მათთვის მხოლოდ საბაბია პოლიტიკურ ბრძოლის გამოცხადებისათვის და ეს აგრეც უნდა ყოფილიყო. პროლეტარიატი უძლეურია გააუმჯობესოს თავისი ეკონომიური მდგომარეობა, თუ ამ პროლეტარიატს ბრძოლისათვის შესაფერი პოლიტიკური ნიადაგი არა აქვს საფუძვლად. პოლიტიკური თავისუფლება, თავისუფალ დაწესებულებათა დამყარება აუცილებელი პირობაა პროლეტარიატის ნორმალური განვითარებისათვის. ყოველიგე ეს რუსეთის მუშებმა შეიგნეს და ამიტომ მისცეს თავიანთ მოძრაობას პოლიტიკური ხასიათი.

თუ რუსეთში მაგრეა, ჩვენმა მუშათა მოძრაობამ როგორიდა მიმართულება უნდა მიიღოს? რა უნდა იყოს დაწერილი მის დროშაზე? დღემდე ჩვენებურ მუშათა მოძრაობას ისეთივე ხასიათი ჰქონდა, როგორიც რუსეთის მოძრაობას აქვს ე.ი. ჩვენშიაც მუშებმა მონარქიას გამოუცხადეს ომი, ჩვენშიაც მუშათა პარტიამ აწინდელ რეჟიმის წინააღმდეგ გაილაშქრა. ჩვენ ამ მოძრაობას სულით და გულით თანავუგრძნებობთ, რადგან, მართლაც და, ჩვენშიაც, როგორც მოედ რუსეთში, მონარქიული წესი არის ხალხის დამჩაგვრელი, მის ეკონომიურ ცხოვრების გაუმჯობე-

სების შემაფერხებელი. ხოლო, ჩვენის აზრით, ჩვენგბურ მუშათა მოძრაობას ადგილობრივი ელფერიც უნდა ეტყობოდეს... იმგვარი ელფერი, რომელიც უნდა იყოს ნაყოფი რუსეთსა და საქართველოს შუა არსებულ ეროვნულ სხვადასხვაობისა. ქართველმა მუშა ხალხმა ანგარიში უნდა გაუწიოს საქართველოს მომავალ პოლიტიკურ ორგანიზაციას. საქართველო რუსეთის უბრალო გუბერნიად ვერ დარჩება.“<sup>178</sup>

სოციალ-დემოკრატის მიზანი იყო, რომ მუშებს გაეცნობიერებინათ მათი კავშირის აუცილებლობა საერთო მტრის, თვითმპერობელობის და ბურჯუაზიის წინააღმდეგ ბრძოლაში, წინააღმდეგ შემთხვევაში წარუმატებლობა გარდაუვალი იქნებოდა. სოციალ-დემოკრატიული პარტიის მთავარი მიზანი იყო სოციალიზმის განხორციელება, რომლის რეალიზაცირი უნდა გამხდარიყო მუშათა კლასი. ფაქტობრივად ეს იყო ერთგვარი იდეოლოგია, რომელსაც ქართული პოლიტიკური ელიტის ნაწილი – სოციალ-დემოკრატია ქმნიდა. ეს სრულიად ახალი ეპოქის შექმნას ითვალისწინებდა. საქართველოს ცენტრალურ საისტორიო არქივში, ფონდი 153, აღწერა 1, საქმე № 1782, დაცულია საინტერესო ცნობა მუშების ერთიანობის საჭიროების შესახებ. „ერთ მშენიერ დღეს, როდესაც მზემ გაანათა მშობლიური მიწა, მე ამ დროს რამოდენიმე ნაცნობთან ერთად წავედი ყანაში, სადაც მოეწყო დოდი, სადაც ჩვენ განვიხილეთ სხვადასხვა საკითხები და ვიდრე მიმდინარეობდა საკითხის განხილვა, რას ნიშნავს სიტყვა „ამხანაგი“ – ამ საკითხმა მიიღო სერიოზული მიმართულება, ყოველი გამოხატავდა თავის შეხედულებას, ერთი ამ-ტკიცებდნენ, რომ სიტყვა „ამხანაგი“ ნიშნავს ერთმა-

<sup>178</sup> გაზ. საქართველო, 1903, №2, გვ. 5

ნეთის მოტყუებას, ეს არის ბრმა იარაღი, სხვები ამ-  
ტკიცებდნენ, რომ ამხანაგი იწოდება მაშინ, როდე-  
საც მიდიხარ რაიმეს შესაგროვებლად. ამ სიტყვების  
მერე მე დავიწყე ჩემი აზრის გამოთქმა და იმის  
მტკიცება, რომ მე მყავს ძალიან ბევრი ამხანაგი და  
ჩვენ ვართ განუშორებლად. შემდეგ მოვიყვანე მაგა-  
ლითი მერკვილაძის გმირობის, რომელმაც სროლის  
დროს არ დატოვა ბედის ანაბარა თავისი დაჭრილი  
ამხანაგი და მან თავი გაწირა ამხანაგებისათვის. და-  
ვუმტკიცე მათ, რომ ამხანაგობა თანამედროვე დღეს  
უფრო შემჭიდროვდა, ვიდრე ადრე... მართალია თანა-  
მედროვე დღეს ყველგან კაპიტალისტური წყობაა და  
მუშები ყოველ ნაბიჯზე იჩაგრებიან, მაგრამ დადგება  
ისეთი დრო, როდესაც მუშები დაიწყებენ სხვა რო-  
ლის თამაშს. როდესაც დადგება სოციალისტური  
წყობა, მაშინ ამხანაგები ითამაშებენ სხვა როლს.<sup>“179</sup>

რა განაპირობებდა ქართული სოციალ-დემოკ-  
რატიის იდეების აქტუალობას, მიუხედავად იმისა,  
რომ იგი რუსული სოციალ-დემოკრატიის პოზიციაზე  
იდგა. პასუხი ნათელია სოციალ-დემოკრატია საზო-  
გადოების ფართო ფენებს პირდებოდა სრულ ეკონო-  
მიკურ და სოციალურ თანასწორობას, თვითმპურობე-  
ლობის მარტუხებისგან განთავისუფლებას და სოცი-  
ალიზმის განხორციელებას, სადაც ყველა სოციალუ-  
რი ფენა ხელშეუხებელი და უზრუნველყოფილი იქ-  
ნებოდა.

გარდა იმისა, რომ სოციალ-დემოკრატიული  
პარტია ბეჭდური მედიის საშუალებით ცდილობდა  
საკუთარი იდეების აქტუალიზაციას საზოგადოების  
ფართო ფენებში, ამასთან მთავარი საშუალება იყო  
პროკლამაციები, სადაც ჩამოყალიბებული იყო მათი

<sup>179</sup> სცსა, ფ. 153, აღწ. 1, საქმე №1782, ფურც. 32

პროგრამა და ყურადღება მახვილდებოდა იმ მძიმე  
 მდგომარეობაზე, რომელშიც მუშები იმყოფებოდნენ.  
 საქართველოს ცენტრალურ საისტორიო არქივში და-  
 ცული ინფორმაცია ნათლად აჩვენებს ამ პროცესს.  
 „... თქვენ ჩუმად ხართ, თქვენ ითმენთ, თქვენ იცდით,  
 თქვენ იმედი გაქვთ! იმედოვნებთ, რომ შესაძლებელი  
 იქნება, კეთილი სიტყვა დაიპყრობს მსოფლიოს, რომ  
 საბოლოოდ დატრიალდება ისტორიის ბორბალი და  
 დადგება უკეთესი დღეები, უკეთესი სიტუაცია, წეს-  
 რიგი. ეს არ იქნება თქვენს მიერ გაგზავნილი ადრე-  
 სებით და პეტიციებით. რა მიიღეთ თქვენ ამით?  
 თქვენ დაგავიწყდათ მეფის სიტყვა ლიბერალი დეპუ-  
 ტატების კორონაციის დროს „აზრს მოკლებულ ოც-  
 ნებაზე?“ ნუთუ გადახედვა ყვალა ჩვენ სასწავლო  
 საქმეში არ არის ნათელი იმისა, რომ მთავრობის  
 გეგმებში არ შედის არავითარი სერიოზული რეფორ-  
 მა? რას ელოდებით?“<sup>180</sup> საინტერესოა აღინიშნოს,  
 რომ 1917 წლამდე გამოსული პროკლამაციები ძირი-  
 თადად რუსეთის სოციალ-დემოკრატიული მუშათა  
 პარტიის სახელით ვრცელდებოდა და გამოდიოდა.  
 ამავე ფონდშია დაცული შემდეგი ინფორმაცია: „მიუ-  
 ხედავად იმისა, რომ ყოველი ფეხის გადადგმაზე  
 სასტიკად გვდევნიან და გვითვალითვალებენ, მიუხე-  
 დავად იმისა, რომ ციხეში გვამწყვდევენ, გვასახლე-  
 ბენ, კატორდაში გვაგზავნიან და მით ცდილობენ  
 ჩვენ შემინებას და გალაზრებას, მიუხედავად იმისა,  
 რომ ჩვენი მანიფესტანტები განდევნებს და გადა-ასახ-  
 ლეს, – მაინც თანდათან ძლიერდება შეგნება პოლი-  
 ტიკური თავისუფლების მოპოვების სურვილისა.“<sup>181</sup>  
 ბუნებრივია ხშირ შემთხვევაში ეს იყო იდეოლოგია,  
 რომელსაც ქმნიდნენ მუშების ბრძოლისუნარიანობის

<sup>180</sup> სცსა, ფ. 153, აღწ. 1, საქმე №361<sup>5</sup>, ფურც. 55

<sup>181</sup> სცსა, ფ. 153, აღწ. 1, საქმე №361<sup>5</sup>, ფურც. 83

ასამაღლებლად. თუმცა XX საუკუნის დასაწყისის გან განსხვავებით შემდეგ პერიოდში უკვე აშკარად შეიმჩნევა პროლეტარიატის ორგანიზებული გამოსვლები. „მუშებმა დაიწყეს პოლიტიკური ცხოვრების გაუმჯობესება, რევოლუციური მოქმედება. საჭიროა ბრძოლა ყოველდღიური ლოზუნებით და შეგნებული მუშების წინაშე დგას კითხვა პროლეტარიატის ბრძოლის მიზანზე, ამოცანებზე და ფორმაზე. მუშა არასდროს არ გამოვა, არ გადადგამს პრაქტიკულ ნაბიჯს წინასწარ, არ შეცვლის თავის ტაქტიკას. მუშათა კლასს სხვადასხვა ქვეყნებში აქვს თავისი მუშათა კლასობრივი პოლიტიკური ორგანიზაცია სოციალ-დემოკრატიული პარტია, რომელიც ფლობს კლასობრივ პოლიტიკას... უნდა ვიბრძოლოთ სამეფო ხელისუფლების დასამხობად, რადგან გვქონდეს თავისუფალი გზა ჩვენი ნამდვილი მიზნისთვის – სოციალიზმისთვის. იმისთვის, რომ მომავალ ბრძოლას პქონდეს ძალა და გავლენა ხალხის მასაში, რომ უხელმძღვანელოთ მათ, ჩვენ გვჭირდება მაგარი და გამძლე პროლეტარიატის ორგანიზაცია.“<sup>182</sup> თუ საწყის ეტაპზე სოციალ-დემოკრატიული ძალები მხოლოდ გაფიცვების გამოსვლის მოთხოვნით კმაყოფილდებოდნენ, 1905 წლიდან უბაე ბრძოლის აქტიურ ეტაპზე გამოდის და პროლეტარიატს შეიძლებული გამოსვლებისკენ მოუწოდებს.

1905 წელს გამოსულ პროკლამაციებში აქცენტი კეთდებოდა უველა სოციალური ფენის გაფიცვის საჭიროებაზე. აუცილებელ მოტივად მიიჩნევდნენ სხვადასხვა სოციალური ფენების გაერთიანებას და ორგანიზებულ გამოსვლებს მთავრობის წინააღმდეგ. „ვინც ჩვენთან არაა, ის ჩვენი წინააღმდეგია, ის

<sup>182</sup> სცსა, ფ. 153, აღწ. 1, საქმე №2306, ფურც. 2

მთავრობის ლაქიაა და მის ბედს გაიზიარებს. არ კმარა მარტო გაფიცვა. საჭიროა ბრძოლა თავის და-საცველად და მტრის მოსაგერიებლად. მთავრობას უნდა გაფიცვის გატეხა და ამით რევოლუციის ჩაქ-რობა. მაშ შეიარაღდით კუელანი, შეიარაღდით, რი-თაც შეგიძლიათ, მუდამ მზად იყავით ბრძოლის ველზე გამოსასვლელად. შეტაკება აუცილებელია. რეაქცია მოდის, მას ვერსად გაეცევი, ვერსად დაგ-მალები. მაშ რა დაგვრჩენია? იარაღით ხელში გამო-ვიდეთ სოციალ-დემოკრატიის პირველ მოწოდებისთა-ნავე ადამიანობის და თავისუფლების დასაცვე-ლად.“<sup>183</sup>

ერთი სიტყვით მუშათა მოძრაობამ XX საუკუ-ნის დასაწყისიდან მოყოლებული გარკვეული გზა განვლო. აღნიშნულ მოძრაობას ახალი მიმართულე-ბა მისცა პირველმა მსოფლიო ომმა. რაც შეეხება 1918-1921 წლებს, როდესაც ხელისუფლებაში მოვიდ-ნენ ქართული დემოკრატიული ძალები, მათი მოღვა-წეობის პარალელურად ბოლშევიკები ცდილობდნენ ხაზი გაესვათ ხელისუფლების არასწორ დამოკიდე-ბულებაზე მუშებისადმი და თავის მხარეზე გადაები-რებინათ. ამისთვის ვრცელდება სხვადასხვა პროკ-ლამაციები. „თქვენ ამხანაგო მუშებო, კმაყოფილი არა ხართ სამუშაო დროის მაქსიმუმით, თქვენ ვერ გაძმაყოფილებთ საკატორო შრომის დაცვა! შრო-მის პირობები კიდევ უფრო გაუარესდა, თქვენ არ გაგაჩნიათ თავისუფლება კავშირისა, გაფიცვის თა-ვისუფლება, არა გაქვთ თავისუფლება კრებისა, სიტ-ყვისა, ბეჭდვისა. თქვენ, ამხანაგო გლეხებო, დაკმა-ყოფილებული არა ხართ მიწით, ის ვერც ახლა უზ-რუნველყოფს თქვენს ადამიანურ არსებობას, თქვენ

<sup>183</sup> სცსა, ფ. 156, აღწ. 1, საქმე №8, ფურც. 219

განწირული ხართ მუდამ შიმშილის და სიცივის მსხვერპლი იყოთ. თქვენ მოგისპეს უფლება თქვენს ჭირ-ვარამზე ილაპარაკოთ. საქმარისია ოდნავი ეჭვი აიღონ, რომ თქვენ უარყოფით უყურებთ, სისხლით გათხუპნულ ჟორდანიას და ჯალათ რამიშვილის მთავრობას, რომ თქვენ, ამხანაგო მუშებო და გლე-ხებო, დაგატუსაღონ, ჩაგყლაპონ ციხეში და ან გაგა-ძვონ თავის საბრძანებლიდა.“<sup>184</sup>

ფაქტობრივად, ყველა პროკლამაციაში საუბარია იმაზე, რომ ხელისუფლება ვერ ასრულებს თავის მოვალეობას და ვერ აკმაყოფილებს საზოგადოების მოთხოვნილებებს და ამიტომ ხალხს მოუწოდებდნენ გამოსულიყვნენ ხელისუფლების წინააღმდეგ. მართალია ბევრი იწერებოდა იმასთან დაკავშირებით, რომ მუშას არ აქვს სამშობლო და სხვადასხვა ერის წარმომადგენლებმა უნდა იბრძოლონ ერთი მიზნის-თვის და ეს – სოციალიზმის განხორციელებაა, მაგრამ თუ კარგად დავაკვირდებით დღეისათვის არსებულ ისტორიულ მასალებს, ნათლად დავინახავთ, რომ ეს საკითხი განსხვავებულად აღიქმებოდა. ჯერ კიდევ გაზეთი „შრომა“ 1906 წელს წერდა: „მთელი დედამიწის ზურგზე არ მოიპოვება მუშათა ისეთი ჯგუფი, რომელიც თავის თავს არ აკუთვნებდეს ამა თუ იმ ერს. ისეთი განვითარებული პროლეტარიატიც კი, როგორიც გერმანიაშია, პატრიოტული გრძნობებით არის გამსჭვალული. მუშა ხალხი იბრძვის თავის კლასობრივ ინტერესების დასაკმაყოფილებლად და ამავე დროს არ ივიწყებს, რომ იგი ამა თუ იმ ერს ეპუთგნის, და თუ იმის ერს რაიმე ხიფათი მოქლის, იგი მზად არის იბრძოლოს ამ ერის დასაცვე-ლად. ეს ეროვნული ბრძოლა იმდენად ბუნებრივი და

<sup>184</sup> სცსა, ფ. 1863, აღწ. 1, საქმე №4, ფურც. 85

ძლიერია, რომ მუშა ხალხი ხშირად დაივიწყებს ხოლმე თავის კლასობრივ ანტაგონიზმს და ეროვნულ ნიადაგზედ ბრძოლაში უერთდება მოწინააღმდეგე კლასებს.“<sup>185</sup> გარდა ამისა, ქართული პოლიტიკური სპექტრი სოციალიზმის განხორციელების აუცილებელ წინაპირობად მიიჩნევდა თავისუფალი, დამოუკიდებელი სახელმწიფოს არსებობას. „სოციალისტური პარტია ცდილობს სხვადასხვა ერის მუშა ხალხი შეაერთოს ერთს ძლიერ კლასობრივ არმიად: უმისოდ შეუძლებელია სოციალიზმის მოახლოება. მაგრამ იმ სახელმწიფოში, სადაც ერთი ერი გამეფებულია, ხოლო სხვები დაჩაგრული, შეუძლებელია ეს შეერთება, რადგან დაჩაგრულ ერის მუშა ხალხი ყოველთვის გრძნობს თავის ეროვნულ დაჩაგვრას, ამიტომ იმის კლასობრივ ბრძოლას ნაციონალური ბრძოლა უერთდება. მუშა ხალხი მხოლოდ მაშინ შეუერთდება მჭიდროდ სხვა ერების მუშებს, როდესაც იმისი ერი ისეთივე თავისუფალი იქნება, როგორც სხვა ერი.“<sup>186</sup> გაზეთი „ზეირთი“ კი 1915 წელს აღნიშნავდა: „მუშათა კლასი თავის სამშობლოსთან მარტო გრძნობით არ არის დაკავშირებული. სამშობლო ის კუთხეა, სადაც მთელი მისი სულიერი და ქონებრივი კულტურა იქმნება. მუშას ავიდებთ, თუ გლეხს – ყველა მჭიდროდ არის დაკავშირებული თავის სამშობლოსთან.“<sup>187</sup>

სტივენ ჯონსი ნაშრომში „სოციალიზმი ქართულ ფერებში“ წერს: „1905 წელს დამტკიცდა, რომ ქართული სოციალ-დემოკრატიული მოძრაობა ეროვნულიც იყო და ინგერნაციონალურიც. იმავდროულად, მან ეროვნული და კულტურული საკითხების

<sup>185</sup> გაზ. შრომა, 1906, №11, გვ. 2

<sup>186</sup> იქვე, გვ. 2

<sup>187</sup> გაზ. ზეირთი, 1915, №2, გვ. 1

ირგვლივ გააერთიანა ქართველები და შეძლო ანტი-ცარისტული ფრონტის მობილიზება, რომელშიც სომები ვაჭრები, ქართველი გლეხები და რუსი მუშები შედიოდნენ. სოციალ-დემოკრატია ქართველებისთვის ეროვნული კულტურისათვის ბრძოლას ნიშნავდა, ინტელიგენციისთვის – დემოკრატიისთვის, ხოლო მუშებისა და გლეხებისათვის – ეკონომიკისათვის ბრძოლას.“<sup>188</sup>

თუ კარგად დაგაკვირდებით არსებულ მონაცემებს, დავინახავთ, რომ პროლეტარიატის ეროვნულ გრძნობებზე საუბარი არამხოლოდ 1918-1921 წლებშია, როდესაც ხელისუფლების სათავეში მოვიდნენ სოციალ-დემოკრატები და არსებული პოლიტიკური ვითარებიდან გამომდინარე გარკვეულწილად შეცვალეს თავისი პროგრამა, არამედ მანამდეც. „ჩვენმა მუშებმა ვერ უნდა გაარჩიონ, სად იწყება სამშობლო და სად თავდება თავისი კეთილდღეობა. ჩვენ უნდა შევადუდოთ მუშა და სამშობლო, ერთ ხორცად და ერთ სულად ვაქციოთ მუშა-სამშობლო და მუშათა კეთილდღეობით ავაგოთ ჩვენი რესპუბლიკის სიმაგრენი. ჩვენ უნდა მივცეთ მუშებს მაქსიმუმი რისი მიცემაც შეიძლება დღეინდელ პირობებში. ჩვენ უნდა ვიცოდეთ, რომ ერთადერთი დამცველი ჩვენი სამშობლოსი არის მუშათა კლასი და მთელი სამშობლოც ამავე კლასს უნდა ემსახურებოდეს. მუშა და გლეხია ჩვენი ჯარი, მუშა და გლეხია ჩვენი მაჯისცემა. ჩვენი სამშობლო მუშისა და გლეხის ქვეყანაა და თუ გვინდა მუშა და გლეხი გამოვიდეს სამშობლოს სადარაჯოზე და ოობითა და წერაქვით დაიცვას ყოველი ნაჭერი მიწისა, ვიზრუნოთ მასზე.“<sup>189</sup>

<sup>188</sup> ხ. ჯონსი, სოციალიზმი ქართულ ფერებში, თბილისი: ილია ჭავჭავაძის სახელმწიფო უნივერსიტეტის გამომცემლობა, 2007,

<sup>189</sup> გაზ. სახალხო საქმე, 1920, №814, გვ. 2

ის ფაქტი, რომ პროლეტარიატის ეროვნული ცნობიერების განვითარება პრიორიტეტულია ნიშნავს იმას, რომ ქართული სოციალ-დემოკრატია განსაკუთრებულ ყურადღებას აქცევს ამ საკითხს. მიუხედავად იმისა, რომ პროლეტარიატის ინტერესი კლასობრივი იქო და მათ საწყის ეტაპზე მათი ეკონომიკური მჩაგვრელების წინააღმდეგ უნდა ებრძოლათ, შემდეგში აუცილებელი იქნებოდა მუშის ეროვნული შეგნების ამაღლება, რადგან მათი გამარჯვება იქნებოდა საერთო სახალხო, რაშიც ყველა სოციალური ფენა უნდა ყოფილიყო ჩართული. ამისთვის, გარდა პოლიტიკური დონის ამაღლებისა აუცილებელ საჭიროებას წარმოადგენდა მუშაოთა კულტურული შეგნების ამაღლება. განათლებული პროლეტარიატის გარეშე ეს მიზანი განუხორციელებელი იქნებოდა. ამ თვალსაზრისით იქმნება სხვადასხვა ორგანიზაციები, რომელთა ამოსავალი სწორედ ადნიშნულის მოწევრიგებაა. „მუშა ხალხის კულტურის სამეფოში შეევანა, მისი გაკულტუროსნება უდიდესი ნაციონალური საქმეა. ამ მიზნის მისაღწევად საჭიროა არა მარტო კულტურული საუნჯის ქონება, არამედ მისი ხალხისთვის ხელმისაწვდომად გადაქცევა. რად გინდათ სკოლები, წიგნები, გაზეთები, ოეატრები და სხვა. თუ მუშა-კაცი ამით ვერ სარგებლობს, ის ისარგებლებს ამით მაშინ, როცა მას შესაფერი საშუალებაც მიეცემა. თუ კაცი დღეში 15 საათს მუშაობს და მცირე ხელფასს იღებს, ის ვერავითარი კულტურის მონაწილე ვერ გახდება. მუშის ეკონომიკური მდგომარეობის გაუმჯობესება ბადებს მის კულტურულ გაუმჯობესებასაც. თანამედროვე პროლეტარიატის ბრძოლა არის ბრძოლა კულტურისათვის. სამუშაო დღის შემოქლება, ქირის მომატება, შრომის სამფარველო კანონმდებლობა, თავისუფალი კრებები, პრო-

ფესიონალური კავშირები, მუშათა ორგანოები და სხვა. აი, რა ქმნის ხალხის კულტურას.“<sup>190</sup> სწორედ აღნიშნულის გამოხატულება იყო მუშათა კლუბის შექმნა, რომელსაც საკუთარი მკვეთრად გამოხატული მიზანი ჰქონდა. „დემოკრატიულ სახელმწიფოებრივ ცხოვრებისათვის ორი უმნიშვნელოვანესი და პასუხსაგები საკითხთაგანია პროლეტარული მასების კულტურული განვითარების საქმის წესიერად დაყენება. დემოკრატიული სახელმწიფო ე.ი. ხალხის სრულუფლებიანობა შეიძლება გამაგრდეს და განმტკიცდეს მხოლოდ და მხოლოდ ხალხის შეგნების ზრდა-განვითარებაზე. შეგნების ზრდაზე და საზოგადოების გათვითცნობიერებაზე ემყარება აგრეთვე საზოგადოების მომზადება სოციალიზმისათვის. გარდა ასეთი საერთო დებულებებისა კაცობრიობის მიმდინარე ცხოვრება მკაფიოდ უკარნახებს დემოკრატიის მესვეურებს მოუწოდონ ფართო მასებს ხელთ იგდონ და სოციალურად გარდაქმნან მებატონე კლასთა მიერ შექმნილი ეროვნული კულტურა. ეს საკითხი მწვავედ არის დაყენებული დედამიწის კულტ ქამანებში. საქართველოს დემოკრატიისათვის, რომელიც სჭედავს ეროვნულ-დემოკრატიულ სახელმწიფოს ეს საკითხი კიდევ უფრო მწვავედ და დაჟინებით მოიხსოვს დიდ განვითარებას.“<sup>191</sup>

ისტორიული მოთხოვნილებიდან და ეპოქის გამოწვევიდან გამომდინარე, პროლეტარიატი გახდა მთავარი სოციალური ფენა, რომელსაც ახალი სახელმწიფოს მშენებლობის პროცესში გადამწყვეტი მონაწილეობა უნდა მიედო. მართალია მუშათა კლასის მთავარი ხელმძღვანელი ძალა სოციალ-დემოკრატია რუსული იდეოლოგიის გავლენის ქვეშ იმყო-

<sup>190</sup> ნ. კორდანია, ეროვნული კითხვა, ობილისი, 1922, გვ. 180

<sup>191</sup> სცსა, ფ. 1830, აღწ. 1, საქმე №9, გვ. 158

ფებოდა და მათი იდეალი ისეთი სოციალისტური საზოგადოების შექმნა იყო, სადაც ყველა თანასწორი იქნებოდა განურჩევლად სქესისა და ეროვნებისა, მაგრამ იქიდან გამომდინარე, რომ საქართველოში არსებული სიტუაცია (და არა მხოლოდ აქ) არ იძლეოდა იმის საშუალებას, რომ მათი მიზანი განხორციელებულიყო, საჭირო ხდება ქართულ სინამდვილეზე მორგება, განსაკუთრებით 1918 წლიდან ხელისუფლებაში მოსვლის შემდეგ. აქედან მოყოლებული უფრო მეტი ყურადღება ექცევა მუშების ეროვნული თვითშეგნების ამაღლებას. და რაც მთავარია ეროვნულ ენაზე არსებული ლიტერატურის გაცნობას. რასაც საბოლოო ჯამში უნდა მოყოლოდა ეროვნული ცნობიერების ამაღლება. ივანე გომართვლი წერდა: „რა არის საჭირო, რომ მუშა ხალხმა კლასობრივი ბრძოლა ნაყოფიერად აწარმოვოს? უწინარეს ყოვლისა საჭიროა შეგნება. შეგნებული მუშა ხშირად კაპიტალისტის ხელში ბრმა იარაღია, რომელსაც კაპიტალისტი პროლეტარიატისავე საწინააღმდეგოდ ხმარობს. შეუგნებელი მუშა კი მტკიცედ დგას კლასთა ბრძოლის ნიადაგზე და მას ვერავინ მოატუებს. ამგვარი შეგნებისათვის საჭიროა კითხვა, ცოდნა, განვითარება. რომელ ენაზე შეუძლია მუშა ხალხს ცოდნა-განვითარების შეძენა? ერთადერთი ენა მუშა ხალხისათვის, რომლის საშუალებითაც მას შეუძლია განვითარდეს, კლასობრივად გაიწვრონას, არის მშობელი ენა. მშობლიურ ენაზე განვითარება, მშობლიურ ენაზე მწერლობა არავის-თვის იმდენად საჭირო არ არის, რამდენადაც მუშა ხალხისთვის.“<sup>192</sup>

1917 წელს გამოვიდა სოციალისტ-ფედერლის-

---

<sup>192</sup> ქურ. მოსავალი, 1909, №1, გვ. 5

ტური პარტიის ბროშურა სათაურით „რა ესაჭიროება მუშა ხალხს?“, სადაც სხვადასხვა პრობლემასთან ერთად საუბარია მშობლიური ენის საჭიროებაზე: აქ აღნიშნულია ის უარყოფითი შედეგები, რაც მოაქვს დაპყრობილი ხალხისთვის უცხო ენაზე წარმოებულ სამოქალაქო თუ საგანმანათლებლო პროცედურებს. ასეთ შემთხვევაში ყველაზე მეტად იჩაგრება მუშა ხალხი. „მუშამ არ იცის სხვა ენა, ვერ კითხულობს უცხო ენაზე გამოცემულ წიგნებსა და გაზეთებს. დაბეჭავებული და დაჩაგრულია დედაენა – მწერლობა ერთადერთი საშუალებაა, რომლითაც შეუძლიან დაეწაფოს კულტურულ ცხოვრებას, მიიღოს განათლება, განვითარება. დამჩაგრევი სახელმწიფო უარყოფს მის დედაენას, კანონები გამოცემულია მისთვის გაუგებარ ენაზე სკოლასა, სასამართლოსა და სხვა დაწესებულებებში გაბატონებულია უცხო ენა...“<sup>193</sup>

მუშების სახელმწიფოებრივ საქმეში ჩართვის მოწოდებაზე მიუთითებს შემდეგი დოკუმენტი: „...მასა უნდა ამოძრავდეს და აჯანსადდეს იდეურად, ამისათვის კი საჭიროა იდეური ხელმძღვანელობა. თუ ძველი ორგანიზაციები და კომიტეტები სუსტი იყო ამის მიზეზი არის, რომ საერთოდ ჩვენ ორგანიზაციებში კავშირი, კონტაქტი არ არსებობს. ამ მხრივ ახალმა ორგანიზაციებმა მეტი ფხა უნდა გამოიჩინოს და მჭიდროდ გადაებმიან ერთმანეთს ყველა საკითხებში, ყველა კითხვები, რომლებიც ზევით ირჩევა: დამფუძნებელ კრებაში თუ ცენტრალურ კომიტეტში, მას ჩვენც უნდა გარჩევდეთ, რომ გავიგოთ თუ რა ხდება სახელმწიფოში და ჩვენ ხელმძღვანელ წრეებშიც. თბილისი მუშების ყველა საკითხში უნდა იყოს პო-

<sup>193</sup> რა ესაჭიროება მუშა ხალხს? (სოციალისტ-ფედერალისტური პარტია), ქართლი, 1917, გვ. 10

ლიტიკურ კურსის მიმცემი, თუ ერთნაირი კონტაქტი არ იქნება ჩვენ ორგანიზაციებს შორის, ძნელია პარტიული მასის იდეური ხელმძღვანელობა. რაც შეეხება სხვა პრაქტიკულ კითხვებს აქაც ერთნაირი მჭიდრო კავშირია საჭირო. მაგალითად, ყოველივე დადგმნილების ოქმები თუ სხვა რამ უნდა იგზავნებოდეს კომიტეტიდან რაიონებში და პირიქით, ყველა რაიონები თვეში ერთხელ მაინც უნდა ახდენდეს საზოგადო კრებას. თუ ეს კრებები არ მოეწყო, მასაში შეგნება ნაკლებად შევა და ის ყოველთვის რყევისა და ორჭოფის გზას დაადგება. ძირითადი შეერთებული სხდომებიც უნდა ხშირად ხდებოდეს, სადაც ჩვენი ხელმძღვანელი ამხანაგები უნდა გამოდიოდნენ და აცნობდნენ წევრებს დღევანდელ პოლიტიკურ ვითარებას და საჭირო ნაბიჯის გადადგმას. გარდა ამისა, უნდა ხდებოდეს კრებები ქარხნებში, სახელოსნოებში და სხვა ასეთ დაწესებულებებში უნდა შეიქნეს კადრი ჩვენი მოწინავე მუშებისა, რომლებიც ხელმძღვანელობას უნდა უწევდეს უფრო დაბალ საუებურზე მდგარ ამხანაგებს. უნდა გვახსოვდეს, რომ ჩვენი მოწინააღმდეგე პოლიტიკური პარტიები არ ეწევიან სახელმწიფოებრივ აღმშენებლობით მუშაობას და მთელ თავის ძალას დღეს იმას ახმარენ, ჩაიგდონ ხელში ფაბრიკა-ქარხნები და თავისკენ გაიყოლიონ მუშები. ეს რომ არ მოხდეს ჩვენ დიდი სიფრთხილე გგმართებს.“<sup>194</sup>

ამასთან დაკავშირებით ერთ-ერთ დოკუმენტში აღნიშნულია „დემოკრატიულ სახელმწიფოებრივ ცხოვრებისათვის ერთი უმნიშვნელოვანესი და პასუხსაგები საკითხთაგანია პროლეტარული მასის კულტურული განვითარების საქმის წესიერად დაყვ-

<sup>194</sup> სცსა, ფ. 1825, აღწ. 1, საქმე №89, ფურც. 50

ნება. დემოკრატიული სახელმწიფო ე.ი. ხალხის სრულუფლებიანობა შეიძლება გამაგრდეს და განმტკიცდეს მხოლოდ და მხოლოდ ხალხის შეგნების ზრდა-განვითარებაზე. შეგნების ზრდაზე და საზოგადოების გათვითცნობიერებაზე ემყარება აგრეთვე საზოგადოების მომზადება სოციალიზმისათვის. გარდა ასეთი საერთო დებულებებისა კაცობრიობის მიმდინარე ცხოვრება მკაფიოდ უკარნახებს დემოკრატიის მესვეურებს მოუწოდონ ფართო მასას ხელთ იგდონ და სოციალისტურად გარდაქმნან, მებატონე კლასთა მიერ შექმნილი ეროვნული კულტურა. ეს საკითხი მწვავედ არის დაყენებული დედამიწის ყველა ქვეყნებში. საქართველოს დემოკრატიისათვის, რომელიც სჭედავს ეროვნულ დემოკრატიულ სახელმწიფოს, ეს საკითხი კიდევ უფრო მწვავედ და დაუინებით მოითხოვს დიდ განვითარებას. მე აქ არ ვეხები სახალხო უნივერსიტეტებს, რომლებიც ითვლება მომქმედად თითქმის ყველა დაბაქალაქებში ან სხვა სახალხო – საკულტურო დაწესებულებებს სადაც აგრეთვე ვერ არის სავსებით კარგად დაყენებული მშრომელ მასაში კულტურულად მუშაობის საქმე, რადგანაც მეორე და არა ნაკლებ მნიშვნელოვანი საფუძველი – მუშათა კლუბები მუშათა კულტურული ოჯახებია. საქართველოში მუშათა კლუბი მოიპოვება მხოლოდ თბილისში და აქაც მათი ცხოვრება არანორმალურ და შესაბრალის მდგომარეობას წარმოადგენს. თფილისის მუშათა კლუბები ეხლა მხოლოდ ცუდი და უხილოდ დადგმული პიესებით ცხოვრობენ. მსახიობები უმთავრესად განუვითარებელი სცენის მოყვარენი არიან. თამაშობენ ისე რომ ხელოვნებისას ვერაფერს იპოვის ადამიანი. საქმის ასეთი დაყენებით კლუბები

უმთავრესად ხალხში კულტურის დახმობას ემსახურებიან და არა ამაღლებას.“<sup>195</sup> საზოგადოების გარკვეული ნაწილის უმთავრესი მიზანი იყო მუშათა საგანმანათლებლო და კულტურული ცნობიერების ამაღლება. ამისთვის, გარდა პრაქტიკული ნაბიჯებისა იქმნებოდა სპეციალური პროექტები. „...სტუდიასთან გაზრახულია სასცენო საინსტრუქტორო სკოლა, რომელიც ყოველივე კულტურულ დასაწყისს და გამოცდილებას გადაიტანს რაიონებში. განზრახულია მთელი რიგი სხვადასხვა საინსტრუქტორო სკოლები მოზარდ თაობაში კულტურული მუშაობის საწარმოებლად. პროლეტარ ბავშვთათვის და მოზრდილთათვის გონიერ გასართობების მოსაწყობად. სტუდია ხელოვნების ისტორიისა და თეატრის გასაცნობად ძერწვის, ხატვის და მუსიკის, როგორც საერთაშორისო, ისე ქართულის შესასწავლად. აქვე განზრახულია საგუნდო (ხორის) სიძლერების და მუშათა ორკესტრების მოწყობა...“<sup>196</sup>

სოციალ-დემოკრატია ხელისუფლებაში მოსვლის შემდეგ ცდილობდა საკუთარი პოზიციების განმტკიცებას და მასთან მუშა ხალხის მიმხრობას, რადგან იდეური დაპირისპირება ისევ გრძელდებოდა სხვადასხვა ძალებს შორის. „... ერთ წუთსაც არ უნდა დაივიწყოთ, რომ თქვენი ერთგული დამცველი, თქვენი ერთადერთი მოსარჩლე ყველას წინაშე საქართველოს სოციალ-დემოკრატიულ მუშათა პარტია, რომლის წინდახედულმა წევრებმა გადაარჩინეს ჩვენი სამშობლო, დღემდე მაინც, თათრების შემოსევა, „კომუნისტ“ პაიჭაძეების ლიდერები დგანან დღეს ჩვენი სამშობლოს სათავეში და თქვენ წინაშე ყოველი თავის ნაბიშჯი აგებს პასუხს, შეიძლება რომე-

<sup>195</sup> სცხა, ფ. 1830, აღწ. 1, საქ. №9, ფურც. 158

<sup>196</sup> იქვე, ფურც. 158

ლიმე მოხელეებ ან თვით მინისტრმა დააშავა რამე, ვერ მოიქცა ისე, როგორც თქვენ უკარნახებთ? შეგიძლიათ დაუყონებლივ მოითხოვოთ მისი გადაყენება და თქვენი მოთხოვნა სისრულეში მოვა. მაშ ვის ხელში ყოფილა ძალაუფლება? რასაკვირველია მუშების ხელში. თქვენ თუ მოითხოვთ დღესვე გადადგება მთელი მთავრობა. იმიტომ, რომ ის თქვენი ამორჩეულია, თქვენ გემსახურებათ და რა უფლება აქვს, რომ ერთი საათი მოიცადოს მის შემდეგ როცა თქვენ ამომრჩევლები გადაყენებას მოითხოვთ?”<sup>197</sup>

შრომის სამინისტროს მონაცემებით მუშათა სტატისტიკა ასეთია: „მუშათა საერთო რიცხვი მთელ საქართველოში /გარდა სოფლის მუშებისა/ აღწევს 75. 000 ადამიანს. ადგილების მიხედვით ასე ნაწილდებიან: თბილისი – 35 000, ქუთაისი – 2000, ფოთი – 2000, სოხუმი – 1500, ტყიბული – 2000, ჭიათურა – 300/ 1000/, ბორჯომი – 1500, რკინისგზა – 15 000, სამტრედია – 500, სხვა ადგილებში /გორი, თელავი, წინანდალი და სხვა/ – 5000.

„თითქმის ყველა მუშა გაერთიანებულია პროფესიულ კავშირში, კავშირების რიცხვი აღწევს – 40, ასეთებია: რკინისგზის მუშების კავშირი და საქართველოს რკინისგზის მოსამსახურების, ჭიათურის მუშათა კავშირი, ასევე ჭიათურის მარგანეცის კავშირი, მელიოთონების, ტრამვაის მოსამსახურების, მბეჭდავების, დიასახლისების, ფარმაცევტების, ელექტროკოსთა, ღვინის, მშენებელ მსახურთა, მზარეულთა, მკერავთა, პარიკმახერთა, მძღოლების, მუსიკოსების და სხვა.“<sup>198</sup>

„მუშათა და ჯარისკაცთა დეპუტატების საბჭოს აღმასრულებელი კომიტეტის კულტურულ-საგანმა-

<sup>197</sup> სცსა, ფ. 1830, აღწ. 1, საქმე №52, ფურც. 32

<sup>198</sup> სცსა, ფ. 2016, აღწ. 1, საქმე №12, ფურც. 41

ნათლებლო განყოფილების განაწეო ქ. თბილისი. 1.) მუშებსა და არმიას შორის წერა-კითხვის და განათლების გავრცელების ხელშეწყობა, როგორც სხვადასხვა სფეროს განვითარების აზრით, ასევე ხელოვნების და სხვა, რადგან ამ მოძრაობის მიზანს წარმოადგენს მუშების და ჯარისკაცების შორის პოლიტიკური აზროვნების ჩამოყალიბება და განვითარება. 2. კულტურულ-საგანმანათლებლო განყოფილების მიზნის მისაღწევად საჭიროა: а) განათლების სკოლების მოწყობა, სახალხო უნივერსიტეტების, ეროვნული თეატრები და საბავშვო ბაღები ბ) ხელშეწყობა მეომრებსა და მუშების თვითგანვითარებისათვის გ) პოლიტიკური კლუბების დაარსება 3. აღმასრულებელი კომიტეტის ინიციატივით მიტინგების ხელშეწყობა დ) საერთო-საგანმანათლებლო კომიტეტის მოღვაწეობის კონსპექტები, ლექციები და გეგმები ე) დაარსება ბიბლიოთეკების და სამკითხველოების ვ) გამოსცეს ფურცლები, ბროშურები და სააგიტაციო პოლიტიკური ლიტერატურა ზ) მოეწყოს ექსკურსიები, კინოს ჩვენება, სპორტი, სახალხო სეირნობები და სხვა თ) ყველა კულტურულ-საგანმანათლებლო განყოფილება უნდა იყოს ადგილობრივ ენაზე.“<sup>199</sup>

სათათბიროს მშრომელთა ჯგუფის პროგრამა:

„1. მშრომელთა ჯგუფი აღიარებს, რომ აუცილებლად საჭიროა, რაც შეიძლება ჩქარა გადაწყდეს მუშების საქმე ისე, როგორც არა ერთხელ მოუთხოვიათ მუშებს 2. უნდა შემოღებულ იქმნას 8 საათის სამუშაო დღე, ისე კი, რომ ქირა არ უნდა შემცირდეს და დაწესდეს კვირაში 42 საათის შეუწყვეტელი მოსვენება. ზოგიერთ ხელობაში და წარმოებაში, რომელიც მეტად მავნებელია ადამიანის ჯანმრთელობი-

<sup>199</sup> სცსა, ფ. 1844, აღწ. 1, საქმე №145, ფურც. 1

სათვის, სამუშაო დღე უნდა იყოს კიდევ უფრო ნაკლები 2. უნდა დაწესდეს უმცირესი სამუშაო ქირა ადგილობრივი მუშების მიერ ადგილობრივი პირობების მიხედვით. 3. უნდა დაცულ იქმნეს ქალის და ბავშვის შრომა. 4. სრულად უნდა აიკრძალოს ზედმეტი მუშაობა 5. უნდა აკრძალულ იქმნას დამის მუშაობა გარდა იმ შემთხვევისა, როდესაც ტექნიკურ პირობების გამო ეს შეუძლებელია 6. შახელმწიფო დაზღვევა მუშებისა მწარმოებელთა ხარჯით 7. უნდა დაისაჯოს მწარმოებელი, როდესაც დაარღვევს შრომის დაცვის კანონს 8. სრულიად უნდა შეიცვალოს საფაბრიკო ინსპექცია, მას უნდა დაემორჩილოს ყოველგვარი შრომა, ინსპექცია უნდა იმყოფებოდეს ადგილობრივი მუშაოთა ზედამხედველობის ქვეშ 9. უფასო სავალდებულო დახმარება მუშაოთა და მათი ოჯახებისათვის: ადგილობრივმა თვითმმართველობამ თვალყური უნდა ადგნოს, რომ მუშები ცხოვრობდნენ პიგიენურ პირობებში. 10. უნდა დაწესდეს შემარიგებელი კამერები უკმაყოფილების მოსასპობად მუშაოთა და მწრამოებელთა შორის, კამერაში ორივე მხრიდან თანასწორად უნდა იყვნენ არჩეული წევრები 11. სავალდებულო განათლება მუშებისა სკოლის გარეშე და ბიბლიოთეკა-სამკითხველოების გამართვა ქახნებსა და ფაბრიკებთან 12. მოსპობა ჯარიმებისა, გამორიცხვებისა და გაჩხრექისა.<sup>200</sup>

ამდენად, ზემოთქმულიდან გამომდინარე შეიძლება ითქვას, რომ პროლეტარი ახალი ეპოქის წარმომადგენელია და იქიდან გამომდინარე, რომ XX საუკუნის დასაწყისში ქართული კულტურული და პოლიტიკური ელიტა თავად ქმნიდა იდეოლოგიას და განსხვავებული იდეების დამკვიდრებისთვის იბრძო-

<sup>200</sup> გაზ. გლეხი, 1906, №1, ფურც. 9

და, პროლეტარიც გარკვეულწილად განიცდიდა მათ ზეგავლენას და მათი აღქმა გამომდინარეობდა შეთავაზებული იდეოლოგიიდან. ამასთან, მიუხედავად იმისა, რომ სოციალ-დემოკრატიული ძალები პროლეტარის კლასობრივი ცნობიერების შემქმნელებად მოიაზრებოდნენ, განხილული მასალა აჩვენებს, რომ ქართული სოციალ-დემოკრატია ეროვნულ საკითხებაც არ გამორიცხავდა.

## თავი მეოთხე

### ჯარისპატი

ქართულ ისტორიოგრაფიაში საკმაოდ მნიშვნელოვანი აღგილი უკავია სამხედრო ისტორიის საკითხების შესწავლას. ამ პრობლემას არაერთი საინტერესო გამოკვლევა მიეძღვნა, სადაც ძირითადად აქცენტი გაკეთებულია საბრძოლო ხელოვნებაზე, ჯარის ჩამოყალიბების საჭიროებაზე, სხვადასხვა სახელმწიფოების წინააღმდეგ წარმოებული ომების ხასიათზე და ა.შ. თუმცა აღნიშნული საკითხების შესწავლასთან ერთად არანაკლები მნიშვნელობისაა ჯარისკაცის ეროვნული ცნობიერების შეფასება. სხვადასხვა სახელმწიფოებრივი მნიშვნელობის საკითხებთან ერთად ისტორიული მოვლენების ანალიზისთვის აუცილებლობას წარმოადგენს იმის განსაზღვრა თუ რა გზა განვლო ჯარისკაცის ცნობიერების განვითარებამ XX საუკუნის დასაწყისიდან მოყოლებული საქართველოს სახელმწიფოებრივი დამოუკიდებლობის აღდგენამდე და რა როლს თამაშობდა იგი ქართული, ეროვნული სახელმწიფოს მშენებლობის პროცესში 1918-1921 წლებში.

ეროვნული საკითხის სრულყოფილად შესწავლა სხვადასხვა სოციალური ფენების თუ სოციალური ჯგუფების ცნობიერების გაანალიზების გარეშე შეუძლებელია. მათ შორის მნიშვნელოვანია ჯარის და ჯარისკაცის ადგილის განსაზღვრა და შეფასება. როგორც შესავალ ნაწილში აღვნიშნე, პრობლემის შესწავლას მივყვები თრი განსხვავებული ეპოქის 1900-1917 წლების და 1918-1921 წლების შედარებითი ანალიზით. პირველ პერიოდში საქართველო იმყოფებოდა რუსეთის იმპერიის დაქვემდებარებაში და გარკვეული სტრუქტურები განსაკუთრებით განიცდიდნენ

გარუსების პოლიტიკას. მათ ჯგუფში იყო ჯარი, რომელიც რუსეთის იმპერატორის დასაყრდენ საშუალებას წარმოადგენდა და ხშირ შემთხვევაში იყენებდა ხალხის წინააღმდეგ საპროტესტო გამოსვლების, თუ სხვა შემთხვევაში.

XX საუკუნის დასაწყისიდან არსებული მოვლენები განვითარების ახალ ფაზაში შედის, რაც გამოიხატა სხვადასხვა პოლიტიკური პარტიების ჩამოყალიბებით და მათი იდეოლოგიის პროპაგანდით საზოგადოებაში. ამ მიმართულებით როგორც არაერთხელ აღვნიშნე აქტიურობდა სოციალ-დემოკრატიული ძალები, რომელიც საკმაოდ პოპულარული იყო რუსეთში და ქართული სოციალ-დემოკრატია, რომელიც მათი იდეაბის გავლენის ქვეშ იმყოფებოდა მაქსიმალურად ცდილობდა საკუთარი იდეოლოგიის რეალიზებას ხალხში. საწყის ეტაპზე მათ საერთო ინტერესი ჰქონდათ, ორივე ქვეყნის პარტიის მიზანი იყო: მეფის თვითმპყრობელობის დამხობა, რაშიც აქტიური მონაწილეობა უნდა მიეღო ყველა სოციალურ ფენას და მათ შორის ჯარისკაცს. მთელი იმპერიის მასშტაბით ვრცელდებოდა რუსეთის სოციალ-დემოკრატიული მუშათა პარტიის პროკლამაციები, სადაც იყო მოწოდება აღნიშნულ პროცესში ჩართულობაზე.

ქართული კულტურული და პოლიტიკური ელიტის ნაწილი ყოველ ღონეს ხმარობდა 1905-1907 წლების რევოლუციი გამოეყენებინა ქართველი ერის საბრძოლო სულისკვეთების ამაღლებისთვის და ეროვნული თავისუფლების მოპოვებისთვის გარკვეული წინაპირობები შეექმნა, რადგან ნათელი იყო სწრაფი ქმედებებით არ იქნებოდა სასურველი შედეგი. „რუსეთის რევოლუციის მომენტის ერთ უმთავრეს მოვლენას შეადგენს ჯარის გამოღვიძება, მის გაცნობიერების გზაზე დადგომა. ყოველ დღე სხვადასხვა

კუთხიდან და ქალაქებიდან დეპეშები გვაცნობებენ, რომ ჯარისკაცები დღეს ისე ბრძა იარაღს ადარ წარმოადგენენ მთავრობის ხელში, როგორც ეს აქამდის იყო.<sup>201</sup>

პოლიტიკური და კულტურული ელიტა აცნობიურებდა იმ ფაქტს, რომ მთავრობის სიძლიერის გარანტია იყო მისი მორჩილი ჯარი, ამიტომ მაქსიმალურად ცდილობდა მათი ეროვნული თვითშეგნების გაძლიერებას და იმპერიის წინააღმდეგ გამოყვანას. გაზეთი „ტალღა“ 1906 წელს წერდა: „პირველი იმედი მთავრობისა არის ჯარი. თუ ჯარი ერთგული ეყოლება, მთავრობა არ შეუშინდება არავითარ რევოლუციურს მოზღვავებას, არავითარ მგზნებარე ძანილს აგიტატორებისას, ერთგული ჯარი რევოლუციას ხალხის სისხლში ჩაახშობს. მაგრამ ერთი პატარა გარემოება ავიწყდება მთავრობას: ჯარი იმავ ხალხის შვილებიდან სდგება, შეუძლებელია ხალხის მოძრაობის ტალღები ჯარსაც არ მოხვდეს და მასშიაც არ გამოიწვიოს ისეთივე ლტოლვილება, რომელიც ხალხს აღელვებს.“<sup>202</sup> სწორედ ამაზე აკეთებდნენ აქცენტს პროკლამატორები, რომ ჯარისკაციც, მუშაც და გლეხიც ერთია. ჯარისკაცი გლეხის ან მუშის ოჯახიდან არის და ამიტომ არის მათ შორის ასეთი კავშირი და საჭიროა ორგანიზებული გაერთიანება მთავრობის წინააღმდეგ. „თქვენ, რა თქმა უნდა გატყოდნენ, რომ ჩვენ გვსურს ჯარისკაცების სიმშვიდის დარღვევა. არ არის ეს მართალი, ძმებო, არ ირწმუნოთ ეს. ამას ლაპარაკობენ ისეთი ხალხი, რომლებიც როგორც თქვენთვის, ასევე ჩვენთვის ერთადერთი მტერია, ეს არის – მეფის მთავრობა და პოლიცია. თქვენ თვითონ განსაჯეთ: როცა არის სურ-

<sup>201</sup> გაზ. ახალი ცხოვრება, 1906, №2, ფურც. 2

<sup>202</sup> გაზ. ტალღა, 1906, №2, გვ. 1

ვიდი დატოვო საკუთარი ოჯახი და გამოხვიდე ქუჩაში, რომ გცემონ ჯოხებით, კაზაკებმა მათრახებით... საქმე იმაშია, ძმებო, რომ ჩვენი ძმების მუშების ცხოვრება ასე აღარ შეიძლება. საქმე იმაშია, რომ საღაც ჩვენი მუშები მოაწყობენ გაფიცებს, იქ უფროსის მოთხოვნით გაჩნდებიან პოლიცია, გუბერნატორი და კაზაკები და იწყებენ ცემას, თან ამბობენ: არ გინდა მუშაობა? ჩვენ გაიძულებთ მუშაობას! კიდევ კარგია, თუ მხოლოდ ამით დამთავრდება საქმე, აյ ჩნდება ჯარისკაცების დიდი ნაწილი და ესვრის მუშების.<sup>203</sup> კველა პროკლამაციაში, რომლებიც ვრცელდებოდა ხალხში, იყო მუდმივი მოწოდება ჯარისკაცების გაერთიანებისა მთავრობის წინააღმდეგ. ფაქტობრივად, ეს პროცესი გრძელდება მთელი 1900-1917 წლების მანძილზე, მეტნაკლები ინტენსივობით. ამ პერიოდში ჯარისკაცობა მიმართებაში ასეთი მოსაზრება არ სებობდა: „ვინ არის ქართველი ჯარისკაცი? ის რუსეთის მხედრობის ნაწილია, მხედარია, მაგრამ ის ქართველია, გუშინდელი გლეხი, სოფლის მუშა, ის წევრია იმ დიდი საზოგადოებისა, რომელსაც საქართველო ეწოდება და ამიტომაც რაც გადახდა მთელ ერს, განიცადა ქართველმა ჯარისკაცმაც, მაგრამ ქართველ ჯარისკაცს, როგორც ქართველ მხედარს აქვს სხვა ჭრილობაც, რაც სპეციფიკურ თვისებას შეადგენს მის სამსახურისას.“<sup>204</sup>

რუსეთის ხელისუფლების მთავარი დასაყრდენი ჯარი და ჯარისკაცი, რომ იყო ამას არაერთი ფაქტი მოწოდებს და საქართველოს გაძლიერების მთავარ ფაქტორად ქართველი ჯარისკაცის ეროვნულ იდეის სამსახურში ჩადგომა მიაჩნდათ: „ ამ თვის (1905 წლის აპრილი – ნ.ს.) 3 რიცხვში, შეად-

<sup>203</sup> სცხა, ფ. 153, აღწ. 1, საქმე №361<sup>5</sup>, ფურც. 127

<sup>204</sup> გახ. ჯარისკაცი, 1917, №2, გვ. 1

დის 2 საათზე შეიკრიბნენ: ზაქარია მაზიაშვილი, დაგით ჯანგულაშვილი, გეგენა კრაცაშვილი, ალა-გერდა კრაცაშვილი, ალექსანდრე კრაცაშვილი, ლე-ვანი ჯანგულაშვილი, სოფ. ნუკრიანის მცხოვრები სოსიკო ნადირაშვილი და სხვა. დაიწყეს პროპაგან-და შემდეგი სიტყვებით: „ჩვენ ქართველებს უნდა გვქონდეს ერთიანობა, გავერთიანდეთ, გავაგდოთ ყველა უკხვეულებელი საქართველოდან, განსაკუთრებით რუსები, არ მივცეთ უფლება გადმოსახლებულებს ჩვენს მიწაზე აშენების, გავანადგუროთ პოლი-ციელები, არ გაუშვათ ჩვენი შვილები სამსედო სამსახურში, რომ საქართველო გვეკუთვნის ჩვენ და რუსებს არაფერი არ ესაქმებათ ჩვენთან. ნუ გეშინი-ათ ბრძოლის, რადგან ყველა იარაღი დატენილია ფუჭი ვაზნებით, არ დავექვემდებაროთ არავითარ ხე-ლისუფლებას და თუ აღმოჩნდება ვინმე პოლიცი-ლიდან, რომელიც შეგვაფერხებს ჩვენ, მოვკლათ.

არ გადაიხადოთ არავითარი გადასახადი...“<sup>205</sup>

უფრო მრავალრიცხოვანია ინფორმაცია 1918-1921 წლებში ქართველი ჯარისკაცის შესახებ. საქართვე-ლოს სახელმწიფო ფონდობრივი დამოუკიდებლობის აღდგე-ნის შემდეგ ხელისუფლებაში მოსულმა ქართულმა, ეროვნულმა ძალებმა მთავარი აქცენტი გააკეთეს ძლიერი და ორგანიზებული ჯარის ჩამოყალიბებაზე, რომელიც არა მხოლოდ სამხედრო თვალსაზრისით იქნებოდა მოწესრიგებული, არამედ განსაკუთრებუ-ლი ყურადღება დაეთმობოდა ჯარისკაცის ეროვნუ-ლი თვითშეგნების ამაღლებას.

ქართველი ჯარისკაცის და ზოგადად, ჯარის შესახებ საინტერესო ინფორმაციაა დაცული მემუა-რულ ლიტერატურაში. საკმაოდ ცნობილია გიორგი

<sup>205</sup> სცსა, ფ. 17, აღწ. 1, საქმე №5263, ფურც. 23

კვინიტაძის, გიორგი მაზნიაშვილის ცნობები და მათი შეხედულებები აღნიშნულ საკითხთან მიმართებაში. არაერთხელ ყოფილა დამოწმებული მათი მოსაზრებები სამხედრო ტაქტიკასთან თუ სამხედრო ხელოვნების შეფასებასთან დაკავშირებით. მაგრამ ასევე საინტერესოა მათი დამოკიდებულება ჯარის ეროვნული აღქმის შეფასებისას და მათი თვალსაზრისი ჯარის შექმნასთან დაკავშირებით. გიორგი კვინიტაძე „არმიას“ ერის ცხოვრებაში დიდ მნიშვნელობას ანიჭებს. მას მიიჩნევს სარკედ, რომელშიც ერის ისტორია, თვისებებია არეკლილი. იგი წერს: „თითოეული სახელმწიფოს ცხოვრებაში შეიარაღებულ ძალებს უზარმაზარი მნიშვნელობა აქვთ. კრიტიკულ, გადამწყვეტ მომენტებში ეს მნიშვნელობა კიდევ უფრო იზრდება და ქვეყნის ბედი არმიის ხელთაა. ასე იყო დღემდე და ასე იქნება მუდამ. შეიარაღებული ძალები, არმია ხალხის სულის სარკეა. ხალხი თავის შეიარაღებულ ძალებში ასახავს თავის ყველა დირსებას, ყველა თავის ნაკლოვანებას, მთელ თავის კულტურას, მთელ თავის განვითარებას. ეს იმდენად გარდაუვალი კანონია, რომ არმია თერმომეტრივითაა – არმიის მიხედვით შეიძლება სწორი დასკვნა გამოვიტანოთ ხალხის კულტურაზე, მის სიმძლავრესა და განვითარებაზე ცხოვრების ყველა სფეროში.“<sup>206</sup> აი, რას წერს იგი ქართველ ჯარისკაცებზე: „ქართველები უცილობლად ქომარი ხალხია, ოღონდ ერთი თავისებურებით: მას არ გააჩნია შემტევ-დამპყრობლური უინი, რაც ჩვეულებრივ თან სდევს აგრესიულ ხალხებს, ქართველები არასოდეს არ იბრძოდნენ დასაპყრობად, ან ომის სიყვარულით; ისინი მხოლოდ საკუთარ სამშობლოს, ეროვნულობასა და რწმენას

<sup>206</sup> ბ. კვინიტაძე, მოგონებები, ტ.1, თბილისი: ლომისი, 1998, გვ. 20

იცავდნენ. არასოდეს არ იწყებდნენ ომს დასაპყრობად, ამა თუ იმ რაიონს უფლებოდნენ მხოლოდ საკუთარი, სასიცოცხლო საზღვრების უზრუნველსაყოფად და დამარცხებულთა მიმართ ლმობიერებით გამოირჩეოდნენ.“<sup>207</sup>

მიუხედავად ამისა, ქართველი ჯარისკაცის ცნობიერებაში გარკვეული გარდატეხა მოხდა და საწყის ეტაპზე მას უჭირდა ქართულ რეალობასთან შეგუბდა. აკაკი სურგულაძის აზრით: „უდიდესი მნიშვნელობა ჰქონდა იმ მკვეთრ გარდატეხას, რომელიც რევოლუციას მოჰყვა. აზრის თავისუფლად გამოთქმის უფლებას მოკლებული ჯარისკაცთა მასები უეცრად პოლიტიკური თავისუფლების წინაშე აღმოჩნდნენ, პირველად ისტორიაში ჯარისკაცი ადამიანად იქნა აღიარებული და მას სამშობლოს ბედისათვის პასუხისმგებლობა დაეკისრა.“<sup>208</sup> მაგრამ არც ისე ადვილი იყო ეროვნული ჯარის ჩამოყალიბება, რომელსაც ნათლად ექნებოდა გაცნობიერებული ეროვნულობა და საკუთარი სამშობლოს ინტერესებს დაიცავდა. რუსეთის იმპერიის შემადგენლობაში ყოფნამ სხვადასხვა უარყოფითი შედეგების მოტანასთან ერთად ჯარისკაცის არაორგანიზებულობა და სამშობლოსადმი ნიჭილისტური დამოკიდებულებაც მოიტანა. „რუსის ჯარი საქართველოს უცქეროდა, როგორც უცხო ქვეყანას და ამიტომ არამცთუ თუ ადვილად სტოებდა მას. ადვილადაც ანადგურებდა თუ საშუალება ნებას მისცემდა. მთელი ტრაგიზმი ჩვენი მდგომარეობისა ის არის, რომ ქართველი ჯარისკაციც ისე უცქერის საქართველოს, როგორც უცხო

<sup>207</sup> იქვე, გვ. 11

<sup>208</sup> ა. სურგულაძე, ნარკვევები რევოლუციური მოძრაობის ისტორიიდან საქართველოში, თბილისი: მეცნიერება, 1954, გვ. 110

ქვეყანას. თვითეულ ჯარისკაცს შესაძლებლად მიაჩნია დაეპატრონოს ან თავის საკუთრებად გამოაცხადოს ყველაფერი, რაც ერის საერთო შრომითაა შექმნილი და ამიტომ მთელ ერსაც უნდა ეკუთვნოდეს.<sup>209</sup> აკაკი სურგულაძე წერს: „ჯარისკაცს პირველ რიგში აინტერესებდა მისთვის უსარგებლო, გამანადგურებელი ომის დამთავრება და სახლში დაბრუნება, იგი რევოლუციისგან მოელოდა ზავს, რომელიც საშუალებას მისცემდა ენახა წლობით მიტოვებული და უპატრონოდ გაპარტახებული ოჯახი. ახალი მთავრობა კი ისევ ომს განაგრძობდა. ჯარისკაცს, რომელიც ომამდე ან მემამულის უღელქვეშ გმინავდა, ან წარმოებაში კაპიტალისტის ექსპლოატაციას განიცდიდა, აინტერესებდა მიწა, რომელსაც იგი თავის სურვილისამებრ დაამუშავებდა, აინტერესებდა ექსპლუატაციის მოსპობა, ნორმალური მუშაობისა და დასვენების უფლების მოპოვება, ახალი მთავრობა კი მიწებს კვლავ მემამულებს, ხოლო ფაბრიკა-ქარხნებს კაპიტალისტებს უნარჩუნებდა.<sup>210</sup> ფაქტობრივად, 1918-1921 წლებში არც ისე მარტივი ჩანდა ქართული არმიის ორგანიზება, როგორც ერთი შეხედვით ჩანდა. რუსულმა მმართველობამ ბევრი უარყოფითი შედეგი მოიტანა საქართველოსთვის, რაც ქვეყნის ცხოვრების სხვადასხვა სფეროებში გამოჩნდა. „ჯარში მეწვრილმანურ-ანარქისტულმა სულმა იჩინა თავი, როდესაც იგი ფრონტიდან შინ მორბოდა: გზაში ანადგურებდა ყველაფერს, რაც კი მოხვდებოდა, ანადგურებდა არა მარტო მაშინ, როდესაც თვითონ სჭირდებოდა, ანადგურებდა განადგურებისათვის, უგუნურად, უაზროდ, ყველა კულტურის ნა-

<sup>209</sup> გაბ. სახალხო საქმე, 1918, №158, გვ. 2

<sup>210</sup> ა. სურგულაძე, ნარკვევები რევოლუციური მოძრაობის ისტორიიდან საქართველოში, თბილისი: მეცნიერება, 1954, გვ. 11

ყოფს, ანგრევდა რკინისგზას, ვაგონებს, იტაცებდა, რაც კი ხელში მოხვდებოდა და ყველა ამას გზაში ყიდდა.<sup>211</sup> გიორგი მაზნიაშვილი ამასთან დაკავშირებით აღნიშნავდა: „ფრონტიდან დაბრუნებულ დეზერტირებს უფრო მეტი გახრწნა შეჯონდა ჯარისკაცებში. ესენი არამც თუ თავიანთ უფროსებს, ქალაქის მილიციასაც კი არ ემორჩილებოდნენ. ახლად შემდგარი ეროვნული ნაწილები ერთმანეთს ეჯიბრებოდნენ, ვინ უფრო მეტ წილს იგდებდა ხელში სახელმწიფო ქონებიდან.“<sup>212</sup>

სწორედ ზემოთქმულიდან გამომდინარე, საქართველოს ხელისუფლების წარმომადგენლებმა ამოსავალ მიზნად დაისახეს ქართული ჯარის გარდაქმნა, არა მხოლოდ სამხედრო-პროფესიონალური თვალსაზრისით, არამედ მათი საგანმანათლებლო და ეროვნული შეგნების ამაღლებით. მანამდე, ანუ 1918 წლამდე ქართველი ჯარისკაცისთვის ასეთი რამ წარმოუდგენელი იყო, ისინი რუსეთის საიმპერატორო კარის უშუალო დასაყრდენს და მისი ნების შემსრულებელს წარმოადგენდნენ. ეროვნულმა მთავრობამ კი პირველ რიგში ჯარისკაცის ეროვნული თვითშეგნების განმტკიცებას მიაქცია ყურადღება. „მას (ჯარისკაცს) უნდა ჰქონდეს ელემენტარული წარმოდგენა მაინც უცხო მხარეებზე, დიდ სახელმწიფო იუფორებზე და უფრო დაწვრილებითი ცოდნა თავისი სამშობლო მხარის გეოგრაფიისა, უნდა გაეცნოს თავისი ერის ისტორიას. უნდა იცოდეს მიმდინარე ეკონომიკური და სოციალური პერსპექტივები თავისი ქვეყნისა. განსაკუთრებული გარკვევით ვალდებულია იცოდეს თავისი სამშობლოს სახელმწიფო ებრივი

<sup>211</sup> გაზ. ერთობა, 1918, №78, გვ. 3

<sup>212</sup> გ. მაზნიაშვილი, მოგონებები, ბათუმი: საბჭოთა აჭარა, 1990, გვ. 5

წყობილება, განსხვავება სახელმწიფოს ძველ და ახალ პოლიტიკურ და სოციალურ წესწყობილებას შორის. განსაკუთრებით საინტერესოა სამშობლოს წარჩინებული პირების, ანუ თანამედროვე საქართველოს მოღვაწეთა დვაწლის შესწავლა, რაც ძლიერ შეუწყობს ხელს პატრიოტულ გრძნობის გაღვივებას. განთქმული სამხედრო მოქმედებანი, თუგინდ პატარა მეომრებისა, განსაკუთრებით ხელს შეუწყობს მხედრული თავმოყვარეობის გრძნობის გაძლიერებას, რაც აუცილებელია ყველა საქმის წარმატებისათვის და თანაც აძლიერებს თითოეულ მხედარში სამშობლოსადმი სიყვარულს.<sup>213</sup> ქართულ პოლიტიკურ და კულტურულ ელიტას სწამდა, რომ თავისუფლებისათვის და სამშობლოს დამოუკიდებლობისათვის ბრძოლა მას შეეძლო, ვისაც გაცნობიერებული აქვს თავისუფლების არსი, ამიტომ კულტურულ მუშაობას ჯარისთვის განსაკუთრებული მნიშვნელობა ენიჭებოდა. შემთხვევითი არ იყო ის ფაქტიც, რომ გიორგი მაზნიაშვილი ჯარში წესრიგისა და ბრძოლისუნარიანობის ამაღლებას მთავარსარდლის დამსახურებად მიიჩნევდა და ამიტომ ამ ფუნქციის შესრულება საპატიო მოვალეობად და პასუხისმგებლობად მიაჩნდა. იმისთვის, რომ ჯარი იყოს ძლიერი და სამშობლოს მოყვარული, ჯარისკაცი მუდმივად ფორმაში უნდა იყოს და რაც მთავარია გააჩნდეს მაღალი კულტურული და ინტელექტუალური შეგნება.

საინტერესოა იუნკერთა სკოლის ყოფილი მოსწავლეების ნ. მათიკაშვილის და მ. კვალიაშვილის მოგონება: „სკოლა ორწლიან სწავლებას ითვალისწინებდა. პირველ კურსზე მსმენელი ეუფლებოდა საერთო სამხედრო ხელოვნებას თეორიულად და პრაქ-

<sup>213</sup> ქურნ. რესპუბლიკის ჯარი, 1918, №1, გვ. 6

ტიკულად. მეორე კურსზე კი გაყოფილი იყვნენ: ქვეითთა ჯარის, ცხენოსანთა, საარტილერიო და მესან-გრეთა დარგებად. პირველი კურსი ამოქმედდა 1919 წლის შემოდგომაზე, მეორე—1920 წლის შემოდგომაზე. ლექციებს თეორიულ დარგში გვიკითხავდნენ ცნობილი ქართველი გენერლები. პრაქტიკულ დარგს გვასწავლიდნენ სათანადო დარგის რჩეული აფიცრები. ამათგან მესეუერებაში ჩამოახდენ: როტმისტრი—სულხანიშვილი, კაპიტენები—ჩაჩუა, შავდია, ხოჭ-ტარია, ლეიტენანტი თოიძე. სკოლის უფროსად თავიდანვე პოლკოვნიკი ალექსანდრე ჩხეიძე იყო, ამ დარგში დიდად გამოცდილი და დახელოვნებული. სასწავლო პროგრამის თეორიულ დარგთაგან გვასწავლიდნენ: სამხედრო ისტორიას, ტაქტიკას, ტოპოგრაფიას, ფორტიფიკაციას. ამ დარგთა მასწავლებლები იყვნენ გენერლები: კვინიტაძე, ანდრონიკაშვილი პოლკოვნიკი ვახვახიშვილი და სხვები... გვყვადა ერისკაცი მასწავლებელი. ეს იყო ცნობილი მწერალი და საზოგადო მოღვაწე ვასილ ბარნოვი. გვიკითხავდა ის ლექციებს ქართულ ისტორიასა და ლიტერატურაში და თავისი სახოვანი, გულში ჩამწვდომი ქართულით გვინერგავდა სამშობლოს უზომო ერთგულებასა და სიყვარულს. სკოლის საბოლოო მიზანი იყო მიეცა მსმენელთათვის საკმარისი თეორიული და პრაქტიკული ცოდნა სამხედრო ხელოვნებაზე, ჩაენერგა მკაცრი დისციპლინა და ფიზიკურად მოემზადებინა მძიმე სამუშაოთა ამტანობისათვის“.<sup>214</sup>

საუგუნეების მანძილზე ძლიერი ჯარი ნებისმიერი სახელმწიფოს ძლიერების მთავარი დასაყრდენი იყო, გამონაკლისს არ წარმოადგენდა საქართველოც. დამოუკიდებლობის აღდგენის შემდეგ კი დღის წე-

<sup>214</sup> 6. მათიკაშვილი, მ. კვალიაშვილი, იუნკრები, თბილისი, 1990, გვ. 5

რიგში დადგა ქართული ჯარის ახალი ფორმით  
აღორძინება. ქართული კულტურული და პოლიტიკუ-  
რი სპექტრი აცნობიერებდა რა საქართველოს წინა-  
შე დასმულ მრავალ გადაუქრედ საკითხს და იმ  
პრობლემას, რომელიც საქართველოს ყოველი მხრი-  
დან ემუქრებოდა გადამწყვეტ პირობად მიიჩნევდა  
ქვეყნის უსაფრთხოებისათვის ძლიერი ჯარის შექ-  
მნას. ამის გამოხატულება იყო პირველ რიგში ის  
ფაქტი, რომ აღმოფხვრილიყო დეზერტირობა და  
ქართველი ჯარისკაცი სამშობლოს სამსახურში ჩამ-  
დგარიყო. „საქართველოს დამფუძნებელმა კრებამ სა-  
ჭიროდ სცნო ჯარისკაცთა განათლება. მან დააარსა  
სამხედრო განათლების 2 სკოლა, რომელთა სათავე-  
ში დგანან ჩვენში კარგად ცნობილი: პოლკოვნიკი,  
ტიტე ართმელაძე და პედაგოგი ალექსანდრე ქორუ-  
ლიანი. თითოეულ ბრიგადას მიუჩინეს თითო ინ-  
სტრუქტორი, ხოლო რაზმებში კი თითო მასწავლე-  
ბელი, რომლის ხელმძღვანელობით გუნდის აფიცერი  
ჯარის კაცთ ასწავლის წერა-კითხვას და ანგარიშს.  
რაზმის მასწავლებლები პირველ-მეორე საფეხურის  
სკოლებში ბაასის საშუალებით ასწავლიან ჯარის-  
კაცთ ქართულ ლიტერატურას, საქართველოს ისტო-  
რიას და გეოგრაფიას და ებაასება მეცნიერების სხვა  
დარგებიდანაც. თითოეულ რაზმში აქვთ საკუთარი  
ბიბლიოთეკა-სამკითხველო, მოწყობილია თეატრი,  
სადაც ჯარისკაცი სისტემატიურად აწყობენ წარ-  
მოდგენებს და ლექციებს საგანგებოთ მოწვეული პი-  
რების დახმარებით. ნაბიჯი გადადგმულია. ჯარში  
ღრმად იკიდებს ფეხს კულტურა-განათლების საქმე.  
საჭიროა მეტი ყურადღება, მუშაობის გაასკეცება და  
ახლო მომავალში ჩვენი მხედრობა თავისი განვითა-  
რება-განათლებით უზრუნველყოფს ჩვენი ერის კმ-

თილდდეობის და რევოლუციის მიერ მოპოვებულ თავისუფლების განმტკიცებას.<sup>215</sup>

მართალია თავდაპირველად ქართულ ჯარში არ იყო სასურველი მდგომარეობა, მაგრამ ხელისუფლების მხრიდან დაუდალავი მოღვაწეობის შედეგად სიტუაცია გარკვეულწილად გამოსწორდა. ამასთან დაკავშირებით საინტერესოა აგრეთვე საარქივო დოკუმენტები, სადაც სტატისტიკური ინფორმაციაა მოცემული. საჭიროა არსებული ინფორმაციის შეჯერება და კომპლექსური ანალიზი. ისიც გასათვალისწინებელია, რომ სამი წლის განმავლობაში არც ისე ადგილი იყო ზოგადად საზოგადოების, კერძოდ კი ჯარისკაცების აზროვნების სახელმწიფოებრივ საზღვრებში მოქმედა. აი, რას ვკითხულობთ ფონდში 1863, საქმე №9, „როგორც მოსალოდნელი იყო დემოკრატიულ რესპუბლიკაში, მთავრობამ დიდი ურადება მიაქცია ჯარების ნაწილებში განმანათლებელ მუშაობის ხელის შეწყობას და უნდა ითქვას, რომ დღევანდელი სამსახური ჯარისკაცისა დიდად განსხვავდება შარშანდელ და შარშანწინდელ სამსახურზე. მასსოვს ჩვენი ათასეულის ცხოვრებიდან 1918-1919 წლები, როდესაც ჯარისკაცები იმიტომ ეწერებოდნენ ნაწილში, რომ რაც შეიძლება ბლომად და საჩქაროდ მიეღოთ ტანსაცმელი. რათა შემდეგ მეორე ნაწილში ჩაწერილიყვნენ, სადაც ასევე მოიქცეოდნენ, შემდეგ მესამეშიდ და ასეთ ცულლუტობით გაეწიათ სამსახური სამშობლოსათვის. მასსოვს 1918 წლის 1 აპრილი, როდესაც გამოგვიცხადეს ხვალ ბათუმში მივალთ და მოემზადეთო. მეორე დღეს ათასეულის ნახევარი შემადგენლობაც არ გამოცხადებულა დანიშნულ დროზე, მაშინ უმეტესი ნაწილი ჯა-

<sup>215</sup> სცსა, ფ. 1863, აღწ. 1, საქმე №9, ფურც. 20

რისკაცებისა თავიანთ ბინაზე ცხოვრობდნენ და  
 ათასეულში მხოლოდ საღილის დროს თუ მოვიდოდ-  
 ნენ, გავემგზავრეთ 15-მდე ჯარისკაცი და რამოდენი-  
 მე ოფიცერი. თითქმის ყოველ სადგურზე გამოქცეუ-  
 ლი ჯარისკაცები გვხვდებოდნენ სხვადასხვა ნივთე-  
 ბით დაჯორგვილი. თოფებს კი არსად ტოვებდნენ,  
 რადგან თჯახშიც გამოადგე-ბოდათ. სოფელ ლიხაუ-  
 რის რაიონში ოსმალების შემოტევის დროს ჯერ  
 მტერი არ დაენახათ, როდესაც № რაზმის ჯარისკა-  
 ცებმა დაშალეს ტყვიამფრქვევი, გაიდვეს მხარზე  
 ცალ-ცალკე ნაწილები და გაუდგნენ გზას შინისაკენ.  
 ყოველივე ეს ხდებოდა იმ ჯარისკაცების მონაწილე-  
 ობით, რომლებიც ბევრი მათგანი დღესაც სამსახურ-  
 შია. მაგრამ ასეთი საქციელის ჩადენას გულშიდაც  
 არ გაიფიქრებენ დღეს. მაშინ არავითარ ჟურნალ-გა-  
 ზეთებს სამსახურო ნაწილები მთავრობიდან არ დე-  
 ბულობდნენ, არავითარი განმანათლებელი მუშაობა  
 ნაწილებში არ წარმოებდა, ჯარისკაცს არ ესმოდა  
 დანიშნულება თავისი თავისა და სამსახურისა, არ  
 იცოდა თავისი სამშობლო, მისი წარსული და მომა-  
 ვალი და რა გასაკვირველია ძნელი იყო ლაპარაკი  
 ასეთი ჯარის გამარჯვებისა.<sup>216</sup> როგორც ჩანს, დე-  
 მოკრატიული რესპუბლიკის მთავრობის მიერ გატა-  
 რებული რეფორმების შედეგად ჯარისკაცების მდგო-  
 მარეობა არსებითად გაუმჯობესდა. რაც პირველ  
 რიგში მათი საგანმანათლებლო დონის ამაღლებას  
 ითვალისწინებდა. .... ჯარისკაცებისთვის ყოველ დღე  
 11-დან 1 საათამდე გარდა კვირა უქმე-დღეებისა  
 იკითხება ლექციები. ლექციების საგნები შემდეგია:  
 ორშაბათობით და ხუთშაბათობით – საქართველოს  
 მიმდინარე მდგომარეობა, სამშაბათობით და შაბათო-

<sup>216</sup> სცსა, ფ. 1863, აღწ. 1, საქმე №9, ფურც. 90

ბით – ქართული ლიტერატურა, ოთხშაბათობით – გეოგრაფია და პარასკევობით საქართველოს ისტორია.<sup>217</sup>

ქართული სამხედრო ხელმძღვანელობა ცდილობდა ყველა სამხედრო შენაერთში ერთნაირად მაღალ დონეზე ყოფილიყო კულტურული და სასწავლო-საგანმანათლებლო მუშაობა. მაგალითად საინტერესო საისტორიო არქივში დაცული ცნობა ახალციხის სანაპირო რაზმის შესახებ. „ამ ახლო ხანებში ჩვენს რაზმს ეწვია კულტურულ-განმანათლებელი საქმეების ინსტრუქტორი კაპიტანი ალექსანდრე გორგაძე. პირველ დღიდანვე იგი შეუდგა რაზმში კულტურულ-განმანათლებელ საქმეების მოწესრიგებას, შეადგინა კულტურულ-განმანათლებელი გამგეობა, რომლის წევრებია: მაიორი ქუთელია, თავმჯდომარე, კაპიტანი მგელაძე, არჩილ ავალიშვილი და ჯარისკაცი გურგენიძე, გამგეობამ მიზნად დაისახა რაზმში გააჩადოს კულტურული მუშაობა, გააწყოს, სადაც შესაძლებელია ლექციები, საუბრები, ყურადღება მიაქციოს, რომ რაზმში სანაპირო ჯარების უფროსის ბრძანება, რომელიც ეხება სავალდებულო წერა-კითხვის სწავლებას, სისრულეში იქმნას მოყვანილი.“<sup>218</sup>

აგრეთვე: „საოლქო სახალხო გვარდიის შტაბის ხელმძღვანელობით აქ დაარსებულია სახაზინო ჯარისკაცოა და გვარდიულთა ინსტიტუტი, თეატრი და სკოლა. თემა, წარმოდგენები, რითაც ჯარისკაცები დიდი კმაყოფილი რჩებიან, მეცადინეობა სკოლაში რა თქმა უნდა მიმდინარე მდგომარეობით ცოტა შეფერხებულია და იმედი გვაქვს, რომ როდესაც ნორმალური მდგომარეობა დადგება, აქ მეცადინეობა

<sup>217</sup> იქვე, გვ. 90

<sup>218</sup> სცსა, ფ. 1863, აღწ. 1, საქმე №9, ფურც. 197

სისტემატიურად დაიწყება, დიდ სარგებელს მოუტანს ჩვენს ჯარს და გვარდიას. აგრეთვე არის აქვე მოთავსებული სამკითხველო, სადაც ყველა მიმართულების უურნალ-გაზეთების კითხვას ჯარისკაცები დიდი ხალისით ეკიდებიან. მოდის აგრეთვე „საქართველოს კომუნისტიც“, რომლის კითხვა ჩვენს ჯარს და გვარდიას არაფრად არ ეპიტნავებათ. ეს გაზეთი სახელით საქართველოსია, საქმით რუსეთის შესახებ. დღეს, როდესაც ჩვენს ქვეყანას დიდი გამარჯვება აქვს თავის დირსეული მთავრობის ხელმძღვანელობით, მის შესახებ საქართველოს კომუნისტის ფურცლებზე ერთს სტრიქონსაც კი ვერ ნახავთ. ნუ თუ ეს არის საქართველოს გაზეთი.“<sup>219</sup>

მიუხედავად ზემოთქმულისა, ბუნებრივია უკმაყოფილებაც არსებობდა გარკვეულ ნაწილში. „ფრონტების დათვალიერების დროს (ყველგან შემოვიარეთ უკვე) ჩვენ შევნიშნეთ, ჯარს მცირე ნაწილს გარდა ყურადღება არ ექცევა, ჯარში არიან საღი ელემენტები, ბრძოლის სურვილით გაჟღენთილი, არიან ამნანაგები, მაგრამ არიან უვარებისი, უნდონი და მხდალნი. ჯარისკაცები წინანდელთან შედარებით უფრო საღია, მაგრამ სრულად არ არის გაწმენდილი. მათში მოიპოვება პროვოკატორები. სურსათი ძალიან მცირეა. პური, რომელიც მოაქვთ პოზიციებზე ძალიან ცუდია. იქ-აქ პოზიციებზე ვნახეთ ჯარისკაცები უტანსაცმელით. აგრეთვე ვერ არის მოწერილებული პოზიციებზე მეომართა სმენა და საყვედურს გამოსთქვამენ. საყვედურს ამბობდნენ აგრეთვე, რომ გენერალი და სხვა უფროსები პოზიციებს არ უწევენ ანგარიშს. არ არის აკოფების კეთების საქმე მოწეს-

<sup>219</sup> სცსა, ფ. 1830, აღწ. 1, საქმე №25, ფურც. 2

რიგებული და არც სხვა სამზადისი. მაზედაც საყვედურს გამოსთქვამენ.“<sup>220</sup>

აქცენტი კეთდებოდა ჯარის ორგანიზების აუცილებლობაზე „.... ჩვენ მუდამ ვიყავით და ვართ არსებული წესწყობილების დამცველნი მიმართულებით ს.დ. მენშევიკები, და ოოგორც ასეთები წინააღმდეგნი ვართ ყველა იმ მოვლენებისა, რომლებიც ჩირქს სხებენ დემოკრატიულ რესპუბლიკას და ბადებენ ჯარში მისადმი სიძულვილს. თქვენ უკეთ იცით, ოომდღეს ჩვენ ვიმყოფებით საფრთხის წინაშე და მით უმეტეს ეხლა საჭიროა ჯართან დაახლოება, მათდამი ზრდილობიანი მოპყრობა და ამით მათში სამშობლოსადმი და წესწყობილებისადმი სიყვარულის გადვივება. მართალია ჩვენი მთავრობა ამისათვის სათანადო ზომებს იღებს, მაგრამ სამწუხაროდ ჯარის ზოგიერთ ნაწილებში ეს არ ტარდება. პირადად, ჩვენ რადაც არ უნდა დაგვიჯდეს ჩვენი რესპუბლიკის დაცვა-განმტკიცებას ხელი უნდა შევუწყოთ, მაგრამ თუ კი ჩვენ დავინახავთ ვინმესგან ამის საწინააღმდეგო მოქმედებას მოვალედ ვთვლით თავს გამოვააშკარაოთ. მოგვყავს ზოგიერთი მაგალითები:

1. ოფიცრობა და საერთოდ უფროსები, ჯარისკაცებს გპყრობიან უხეშად. ხშირია გინება და ცემა (გინება მეტწილად რუსულ ენაზე)

2. ზოგიერთი უფროსები მხოლოდ უდანაშაულოდ სჯიან ისეთებს, რომლებიც ბუნებას არ დაუჯილდოებიათ ნიჭითა, მას სოვერობით და ან სხვადასხვა მიზეზების გამო დარჩენილან უსწავლელნი.

3. ჯარისკაცები მოკლებული არიან საშუალებას თავისუფალი დრო მოახმარონ კულტურულად

<sup>220</sup> სცსა, ფ. 1824, აღწ. 1, საქმე, №8, ფურც. 3-4

თვითგანვითარებას, თავის ხარჯით თეატრში წას-  
ვლით და სხვა ასეთებით.

4. ჯარისკაცებს არ შეუძლიათ უფროსის წინაშე  
რაიმე უკმაყოფილების გამოხატვა და ხშირად უდა-  
ნაშაულოდ აპატიმრებენ.

5. გამეცებულია ნაცნობ-მეგობრობა და ამით  
ბევრი უდანაშაულოდ იჩაგრება.

6. ხშირია როგორც ლანძღვა-გინება ჯარისკაცე-  
ბისა, ისე ჩვეულებრივი ლაპარაკი რუსულ ენაზე, და  
ბევრი სხვა წვრილმანები, რომლების აქ მოყვანა  
ზედმეტად მიგვაჩნია. უფროსები ჯარს მამობრივი  
სიყვარულით უნდა ხელმძღვანელობდნენ, როგორც  
იყო ძველად საქართველოში. მაშინ ქართულ ლაშ-  
ქარში იყო დისციპლინა და იმავე დროს სამშობლოს  
სიყვარულთან ერთად უფროსების სიყვარულიც.

ასეთი მჭიდრო კავშირი უფროსებსა და ჯარს  
შორის აძლიერებდა და ამხნევებდა ქართველ მხედ-  
რობას. ამიტომ იყო, რომ ქართველი ლაშქარი მუდ-  
მივად მამაცად იგერიებდა შემოსეულ მტერს. ვიმეო-  
რებთ, რომ ჩვენი აზრით საჭიროა მჭიდრო კავშირი  
უფროსებსა და ჯარისკაცებს შორის და დემოკრატი-  
ულ წყობილებასთან შედარებული დისციპლინა. ახ-  
ლანდელი მოქმედება უფროსებისა კი (ბევრი რათ-  
ქმაუნდა გამონაკლისს შეადგენენ) პირიქით აშორებს  
მათ უსაზღვრო მანძილზე ერთმანეთისაგან. ეს იწ-  
ვევს საერთო დასუსტებას. უხეში ძალით, იძულებით  
ომში გაყვანილი ჯარი ვერ გაიმარჯვებს. ჯარისკაცი  
თავისივე ნებით უნდა მიეჟურებოდეს ბრძოლის ვე-  
ლისაკენ. უსწავლელ და შეუგნებელ ჯარისკაცს კი  
რათ უნდა შეუყვარდეს წესწყობილება, როდესაც  
მას ერთი სრულიად უმნიშვნელო სიტყვის თქმისათ-  
ვის სცემენ, აპატიმრებენ! რათ შეუყვარდეს მას სამ-  
შობლო, როდესაც მას მკვდარი დედის ან ცოლის

დასასაფლავებლად არ უშვებენ და იმავ დროს ნაცნობ-მეგობრობის საშუალებით სხვები თავისუფლდებიან. ყველაფერ ამას გთხოვთ მიაქციოთ ყურადღება.“<sup>221</sup>

აგრეთვე: „საქართველოს დედაქალაქ თბილისში არის ნაწილი, რომელსაც მესანგრე ათასეული ეწოდება. ეს უკანასკნელი განიყოფება ოთხ გუნდად: პირველი და მეორე მესანგრე გუნდი, პირველი და მეორე სატელეგრაფო გუნდი. ამ ნაწილის დანიშნულებას შეადგენს სამხედრო მოქმედება, ან უკეთ რომ ვთქვათ, სამხედრო რეპარაციის დროს მისცეს ქვეით ჯარს სანგარი და ამით გაუადვილოს მტრის დამარცხება. ამ ნაწილში ირიცხება ექსასამდე ჯარისკაცი. შესანიშნავი არის ამ ნაწილში მყოფ ჯარისკაცების სულიერი განწყობილება. თუ რამოდენიმე თვის წინათ ჯარისკაცები ადვილად წამოეგებოდნენ პროვოკაციის ანგესზე, დღეს ისინი ნდობით უყურებენ მთავრობას და მათში არის სიყვარული სამშობლოსადმი. ხშირად გაიძახიან თითქმის სუკელა ჯარისკაცები: თუ ჩვენ, ძველი რეუიმის დროს, მოწყვეტილი ვიყავით ჩვენს სამშობლოს და იმ ბუნებას, რომელშიაც ჩვენ ვიყავით დაბადებულნი და აღზრდილნი და მივღიოდით შორს, სადაც სულ სხვანაირი კლიმატური ბუნება და ატმოსფეროა. დღეს ეს სუსტლისფერი მოისპო და გვიხდება სამსახური იმ კლიმატში და ატმოსფეროში, რომელშიაც ჩვენ დავიბადეთ და აღვიზარდეთ. მას კიდო ზედ დაუმატეთ ის, რომ მაშინ იყო სამსახურის ვადა სამიდან ხუთამდის და ვემსახურებოდით ნიკოლოზის ხატს, დღეს კი სამსახურის ვადა არის წელიწადი და რვა თვემდი და ვემსახურებით სამშობლოს და მშრომელი ხალ-

<sup>221</sup> სტა, ფ. 1830, აღწ. 1, საქმე №25, ფურც. 25-26

ხისაგან ამორჩეულ მთავრობას.. ჯარისკაცების ასეთ სულიერ განწყობილებას ხელს უწყობენ ზოგიერთი უფროსი ხელმძღვანელნი, ოფიცრები. განსაკუთრებით მეორე მესანგრე გუნდის ოფიცრები – კაპიტანი იზიუმსკი, ლეიიტენანტები: კახიძე და ქორქია. ესენი, ისინი არიან, რომელნიც დემოკრატიის და სამშობლოს სიყვარულით არიან გაჟღენთილნი და ისინი ყოველთვის მიმართავენ თავის ჯარისკაცებს და მათში აღვიძებენ იმ გრძნობას, რომელშიაც გამოიხატება სიყვარული სამშობლოს და ნდობა მთავრობისადმი. აი ასეთი არის ჯარისკაცების სულიერი განწყობილება, რომელიც სასიხარულოა ქართველი ერისათვის.“<sup>222</sup>

ამას გარდა არსებობდნენ ისეთი პირები, რომელთაც არეულობა შეჰქონდათ ჯარში. „ქ. ოზურგეთი (გურია). იმ დღიდან, რაც კომუნისტების გაზეთი „კომუნისტი“ გამოვიდა, ყველა დარგში აზრის სხვადასხვაობა გამეფდა. მე ვიტყვი მხოლოდ იმის შესახებ, რაც ხდება აქ ჯარის ნაწილებში, ამ გაზეთის გამოსვლამ საღად მოაზროვნე მხედრებიც კი შეაწუხა, მაგრამ საუბედუროდ მხედრებს შორის არიან ისეთი ამხანაგებიც, რომლებიც აღვილად მიჰყვებიან კომუნისტებს. ამ გამონაკლისს დაეყრდნო ბ-ნი კომუნისტები და ცდილობენ შეიტანონ ჯარში არევ-დარევა და ააცდინონ ისინი იმ ჭეშმარიტ გზას, რომელზედაც ისინი ადგანან. ხშირად შეხვდებით ისეთ შემთხვევას, სადაც ენა წავარდნილი კომუნისტები თავისი დემაგოგიით სავსე გაზეთით დგას და რაებს არ ამბობს. ზემოთ აღნიშნულმა მხედრების ნაწილმა იცის ამ ვაჟბატონების მოღვაწეობა რუსეთში, ახლად გაწითლებულ ადერბეიჯანში და სხვა კუთხე-

<sup>222</sup> სცსა, ფ. 1830, აღწ. 1, საქმე №25, ფურც. 27

ებში, სადაც სოციალიზმის მაგიერ ანარქია გაამეფებს, მაგრამ ნაწილი კი კიდევ გამოურკვეველია. ამ გარნიზონში ძალიან ნაკლებია ისეთი ოფიცრები, რომლებიც თვალყურს ადევნებდეს ამას და შესაფერი პასუხი გასცენ მოწინააღმდეგებს. და ეს აიხსნება იმ გარემოებით, რომ ჯარში პოლიტიკურ თემებზე საუბარი მოდუნებულია. ადგილობრივ საავადმყოფოში შევხვდი ჯარისკაცების საუბარს, რომელიც გამოეწვია იქ მწოლარე ჯ.ბ. კომუნისტს. იმ დროს მიუხსრო, როცა ამბობდა რა გააკეთა საქართველოს დემოკრატიამ, ანარქიით მოიცო საქართველო და მთელ თავის ძალას მეზობელ პატარა ერების დაპყრობას ანდომებსო. ავადმყოფები ირგვლივ შემოსეული ყურს უგდებდნენ. მე მივედი და განუმარტე დამსწრეთ, რომ საქართველოში ანარქიას თვალსაჩინო ადგილი არ ჰქონებია და თუ ჰქონდა იგიც მაგათ უნდა მიეწეროს მეთქი. იქ კი სადაც ეს ბნელეთის მოციქული მოდგაწეობენ ანარქიით არის მოცული იქაურობა. იქ მყოფმა ავათმყოფმა მხედარმა მეორე კითხვაზე მომასწრო და ასე უპასუხა: ჩვენ, პატარა ერების დაპყრობას არ ვლამობთო, პირიქით ჩვენ ვცდილობთ მეზობელ ერებთან კეთილმეზობლურ განწყობილების დამყარებას რის ფაქტებიც არის და თუ ვინმე თავს გვესხმის ჩვენ თავს ვიცავთო. ამრიგად მატყუარა გამოაშეარავდა, რომელიც იმავ წამში გაშორდა ჯარისკაცებს.“<sup>223</sup>

მუდმივად კეთდებოდა აქცენტი თავისუფლებაზე: „თავისუფლების დაცვა მხოლოდ მას შეუძლია, ვინც იცის რა არის თავისუფლება. ჩვენს ნორჩ რესპუბლიკას დაიცავს ჯარი რესპუბლიკანელი, მაშასადამე, თუ გვინდა მიზანს მივაღწიოთ ჯარში, სამხედრო

<sup>223</sup> სცსა, ფ. 1830, აღწ.1 საქმე №47, ფურც. 9

ვარჯიშობა და კულტურული მუშაობა ჯარში ერთნაირად უნდა სწარმოებდეს. ჯარის ხელმძღვანელთავის ასევე სავალ-დებულო უნდა იყოს ჯარის გათვითცნობიერება. ჯარის გათვითცნობიერება, აკადემიური ცოდნის შეტანა, მათი გარესპუბლიკება მორიგ კითხვად უნდა დაისვას. წავიდა და აღარც მოსულა ის დრო, როცა ჯარისკაცები წიგნსა თუ ურნალ-გაზეთს არ იღებდნენ. წინათ ჯარისკაცს უბრანებდნენ: მოკვდი მეფისა და სამშობლოსთვის, მაგრამ თუ რა იყო ან მეფე ან სამშობლო ამას თუ უხსნიდნენ, უხსნიდნენ თავისებურად ძველი რევიმის გასამტკიცებლად, თვით ჯარისკაცის დასაჩაგრვად. დღეს სულ სხვაა. მართალია, დიდად საჭირო და აუცილებელია დისციპლინა, მორჩილება, მაგრამ არა ბრმა, არამედ ის უნდა ემყარებოდეს სრულ შეგნებას თავის მოვალეობისას და შედეგი უნდა ყოს ურთიერთშორის სიყვარულისა და პატივისცემის. ჯარი და სკოლის მიწაფე ერთიდაიგივეა. თუ ჯარისკაცი დარწმუნდა იმაში, რომ მის უფროსს ის უყვარს, ამავე დროს უფროსიც არის სამშობლოს ერთგული, ამაში დარწმუნებული მას ჯარისკაციც უფრო შეიყვარებს. სრული თვე ნახევარი ვაკვირდებოდი ქ. ოზურგეთში დაბინაგებულ მრავალრიცხოვან ჯარისკაცებს და მათმა სანაქებო ყოფა-ქცევამ, იშვიათმა დისციპლინამ, გამუდმებულმა სამხედრო და კულტურულმა ვარჯიშობამ, არამც თუ მე, არამედ მთელი გურია მოხიბლა, მოინადირა. ეს კი სავსებით მიეწერება პატ. პოლკ. ტიტე ართმელაძეს.<sup>224</sup>

ან კიდევ: „როგორც მოსალოდნელი იყო და მოკრატიულ რესპუბლიკაში, მთავრობამ დიდი უურადღება მიაქცია ჯარების ნაწილებში განმანათლე-

---

<sup>224</sup> სცსა, ფ. 1830, აღწ. 1, საქმე, 9, ფურც. 1

ბელ მუშაობის ხელის შეწყობას და უნდა ითქვას, რომ დღევანდველი სამსახური ჯარისკაცისა დიდად განსხვავდება შარშანდელ და შარშანწინდელ სამსახურზე. მასსოვს ჩვენი ათასეულის ცხოვრებიდან 1919 და 1918 წლები. როდესაც ჯარისკაცები იმიტომ ეწერებოდნენ ნაწილში, რომ რაც შეიძლება ბლომად და საჩქაროდ მიეღოთ ტანთსაცმელი, რათა შემდეგ მეორე ნაწილში ჩაწერილიყვნენ, სადაც ასევე მოიქცეოდნენ, შემდეგ მესამეში და ასეთი ცულლუტობით გაეწიათ სამსახური სამშობლოსათვის.“<sup>225</sup>

ჟველი დროსგან განსხვავებით უკეთესი მდგომარეობა შეინიშნება. „წინეთ თვითმპურობელობის დროს მეფის მთავრობა და გაბატონებული კლასები ისე უყურებდნენ ჯარს, როგორც მარტო ფიზიკურ შეიარაღებულ ძალას, რომელსაც საჭიროების დროს ისე მოიხმარდა და გამოიყენებდა, როგორც მათ სურდათ. ჯარი იმათ ხელში ბრმა იარაღი უნდა ყოფილიყო, მას არ უნდა სცოდნოდა ვის და რისთვის იცავდა, საით წაიყვანდნენ და ვის წინააღმდეგ და რომ მათ ასეთი ჯარი ყოლოდათ, ამიტომ ის მოწყვიტეს საზოგადო ცხოვრებას, კაზარმებში გამოამწყვდიეს და კარები მაგრად ჩაუკეტეს. ოთხი წლის განმავლობაში მოწყვეტილი საერთო ცხოვრებას და კაზარმებში ჩაკეტილები მანქანად აქცევდნენ. და ეს ასეც უნდა ყოფილიყო. თვითმპურობელ მეფის მთავრობის ინტერესი ძირიანად ეწინააღმდეგება მთელ სახელმწიფოს, მთელი ხალხის ინტერესებს. ის იყო მარტო გაბატონებული კლასის ნება-სურვილების აღმასრულებელი. და არ არის გასაკვირი თუ ასეთ პირობებში სასალდათო ახალგაზრდობას ჭირივით ეზარებოდა სამსახურში გასვლა და ყოველ ღონეს

<sup>225</sup> იქვე, ფურც. 90

ხმარობდა, რომ რამენაირად თავი დაედწიათ სამხედრო ბეგარისთვის. დღეს კი სრულიად საწინააღმდეგოს ვხედავთ. დღევანდელი ჩვენი დემოკრატიული რესპუბლიკის სოციალისტური მთავრობა სავსებით გამოხატავს ჩვენი ერის, სოციალური დემოკრატიის ინტერესებს. ჩვენი მთავრობა მთელ მშრომელ ხალხის ნება-სურვილის გამომხატველი და აღმასრულებელია. ჩვენი ხალხის ინტერესები კი მოითხოვს, რომ მას ყავდეს ჯარი არა როგორც მარტო ფიზიკური ძალა, ჯარი უნდა წარმოადგენდეს ფიზიკურ ძალასთან ერთად კულტურულ ძალასაც. ჩვენმა ჯარისკაცებმა კარგად უნდა იცოდეს ვის ინტერესებს ემსახუროს. მათ სისწორით და ნათლად უნდა ქონდეთ გარკვეული მათი არსებობის მიზანი, მათი მოვალეობა სამშობლოსა და დემოკრატიის წინაშე, ისინი თვალს უნდა ადევნებდნენ და სწავლობდნენ საზოგადოებრივ ცხოვრების განვითარებას. ერთი სიტყვით ჯარი უნდა იყოს შეგნებული ძალა, შეგნებულად დამხმარე მშვიდობიანობის და წესრიგის დაცვის მიზნით. მთელი ხალხის ცხოვრების მოწყობასა და განვითარებაში, რომლის შვილები თვითონ არიან.”<sup>226</sup>

აგრეთვე: „სამხედრო სამინისტრომ დაარსა კულტურული სექცია და კულტურულ-განმანათლებელი განყოფილება... მოქმედ ჯარში და გვარდიის მუდმივ ნაწილებში წერა-სამკითხველოები, სადაც დებულობენ ჯარისკაცები და გვარდიელები თითქმის ყველა პერიოდულ გამოცემებს. გაიხსნა და სადაც არის უნდა გაიხსნას სადამოს კურსები, სახალხო სახის უნივერსიტეტები. იმართება სპეციალურად წარმოდგენები, ოპერები, კინემატოგრაფიული სურა-

<sup>226</sup> სცსა, ფ. 1830, აღწ. 1, საქმე №52, ფურც. 1

თების ჩვენება და სხვა. ჩვენი რესპუბლიკის ჯარი სრულებით არ გავს თვითმპყრობელობისდროინდელ ჯარს. ჩვენმა ჯარმა მშვენივრად იცის, კარგად ეს-მის თავისი მოვალეობა სამშობლოს წინაშე. იცის რას და ვის იცავს, იცის, რომ იცავს რა სამშობლოს დამოუკიდებლობას, თავისუფლებას, მშვიდობიანობას, წარსულს. ამით იცავს მშრომელ ხალხს, თავის მამებს, დედებს, შვილებს, დებს, ძმებს, ოჯახებს და ამით საშუალებას აძლევს ჩვენში დემოკრატიამ უკეთ მოაწყოს და განავითაროს თავისი ცხოვრება. ერთი სიტყვით, ჩვენი ჯარი, ფიზიკურ შეიარაღებულ ძალასსთან ერთად კულუტურული ძალაც არის. და აწი მას ვეღარავინ მოატყუებს, ვეღარავინ აიყოლიებს. ვეღას კარგად გაუსინჯავს კბილებს და კარგად გაარჩევს ჩვენს მტერსა და მოყვარეს. ჩვენი ჯარი ებრძვის ყველა ჯურის სამშობლოს მტერს და იმავე დროს ზარმაცად ეწაფება თვითგანვითარებას.”<sup>227</sup>

1917 წელს „12 ივლისს გაიხსნა მუშათა კოლეგიის მიერ ბიბლიოთეკა-სამკითხველო, ამ დროისათვის იგი ითვლის 2 300-ზე მეტ სხვადასხვა დასახელების წიგნს... ყველა წიგნი, კატალოგის თანახმად, მოიცაგს 14 განყოფილებას: 1. პოლიტიკური ეკონომიკა – 94 დას. 2. სამართალი, სახელმწიფოებრივი წყობა, პოლიტიკური პარტიები – 525. 3. კულტურის ისტორია და სოციოლოგია – 186. 4. მუშათა საკითხი, მუშათა კლასის მდგომარეობა, მუშათა მოძრაობა – 300 დას. 5. აგრარული საკითხი- 150 დას. 6. რევოლუციური მოძრაობის ისტორია -175 7. კრებულები და ურნალები – 350 დას. 8. კრიტიკა, პუბლიცისტიკა, ბიბლიოგრაფია – 50 დას. 9. ბიოგრაფია, მოგო-

---

<sup>227</sup> იქვე, ფურც. 2

ნებები, ჩანაწერები – 90 დას. 10. ბელეტრისტიკა – 255 დას. 11. საერთო განყოფილება – 100 დას. 12. ნაციონალური კითხვა – 35 დას. 13. ქალთა საკითხი – 25. 14. კომპერაცია – 10.“<sup>228</sup>

საინტერესოა ფონდი 1863, საქმე № 1072-ში დაცული ინფორმაცია, პოლკოვნიკ ტიტე ართმელაძის წერილი სამხედრო მინისტრისადმი, სადაც იგი აღნიშნავს, რომ ქვეყნის უსაფრთხოების დასაცავად აუცილებელია საკუთარი სამხედრო ძალის ყოლა. ამისთვის კი აუცილებლობად მიაჩნია ჯარში ისეთი პირობების შექმნა, როდესაც სამშობლოს წინაშე მოვალეობის მოხდა ჯარისკაცს სასახლოდაც მიაჩნდეს და სასარგებლოდაც. მისი აზრით, ჯარში სწავლა ისეთი ფორმით უნდა იყოს დაყენებული, რომ ჯარისკაცს საშუალება მიეცეს მსახურების დროს სამშობლოს წინაშეც მოიხადოს მოვალეობა და ცოდნა-განათლებაც შეიძინოს. ამისთვის იქმნება საეციალური განყოფილებები, რომლებსაც აღნიშნული პრობლემის მოწესრიგება ევალებათ. 1. საგუნდო სკოლა. „საგუნდი სკოლების ტეხნიკურად მოწყობა ევალებათ ათასეულების უფროსებს. მათვე ევალებათ თვალყურის დევნება, რათა მათდამი რწმუნებული ათასეულის გუნდებში არ დარჩეს წერა-კითხვის უცოდინარი არც ერთი ჯარისკაცი. საგუნდო სკოლებში ასწავლიან წერა-კითხვას და ანგარიშს აფიც-რების ათასეულში მყოფ მასწავლებლის ხელმძღვანელობით. 2. საათასეულო სკოლა. ეს სკოლა წარმოადგენს მეორე საფეხურს. აქ სწავლება სწარმოებს საუბრის საშუალებით და შეუძლია განვითარების მიღება როგორც წერა-კითხვის მცოდნებს და არა მცოდნებს, ისე სამოთხ კლას გათავებულ ჯარისკა-

<sup>228</sup> სცსა, ფ. 1840, საქმე №1, ფურც. 55

ცებსაც. საათასეულო სკოლა პირდაპირ დამატება იქნება ჯარისკაცთა უნივერსიტეტისა. ქართული სიტყვიერებიდან და საქართველოს გეოგრაფია-ისტორიიდან ყოველივე ის, რაც ლექციის სახით იქნება წაკითხული ჯარისკაცთა უნივერსიტეტში, წინდაწინვე ახსნილ-განმარტებულ იქნება საათასეულო სკოლაში, ან და იმავე ჯარისკაცთა უნივერსიტეტის აუდიტორიაში – მასწავლებლის მიერ საუბრის საშუალებით. ასეთივე იქნება ამ სკოლის როლი ყველა სხვა დარგებშიაც.<sup>229</sup> 3. ჯარისკაცთა უნივერსიტეტი. აქ მთავარია ლექტორმა ზუსტად საჭირო ინფორმაცია მიანიჭოს ჯარისკაცს და მისოვის გასაგებ ენაზე ისაუბროს. ლექციის წაკითხვისას ლექტორის მიზანი უნდა იყოს, ერთის მხრივ ჯარისკაცთა ზნეობრივ-გონიერივი განვითარება და საზოგადოდ მათი მსოფლმხედველობის გაფართოვება, მეორეს მხრით მოვალეობათა შეგნების შეტანა. და რაც ყველაზე მთავარია ორგანიზებული ჯარის ჩამოყალიბებას შეუწყოს ხელი. ჯარისკაცთა უნივერსიტეტში მეცანონება უნდა სწარმოებდეს შემდეგნაირად: I ცალკე კითხვები თანამედროვე ცხოვრებიდან:

1. საერთაშორისო ომი და მისი გამომწვევი მიზეზები.
2. რუსეთის რევოლუცია, მისი მიზეზები ეკონომიკური და ნაციონალური.
3. რევოლუციის ორი პერიოდი: დროებითი მთავრობა და ოქტომბრის გადატრიალება.
4. ბოლშევიკთა გადატრიალების მიზეზები და შედეგები.
5. რუსეთის დარღვევა, ჯარების მიერ ფრონტის დატოვება და ამიერ-კავკასიის ტრაგედია.

<sup>229</sup> სცსა, ფ. 1863, საქმე №1072, ფურც. 19

6. ამიერკავკასიის სეიმი და მისი უილაჯობის მიზეზები.

7. საქართველოს დამოუკიდებლობის გამოცხადების აუცილებლობა.

8. ისტორიული ფაქტები ამ საკითხისა. ძველი საქართველოს უკანასკნელი დღეები /ირაკლი მეორე/.

9. საქართველოს რუსეთთან შეერთება, ამის მიზეზები.

10. რუსეთის მიერ ხელშეკრულების დარღვევა.

11. საქართველოს მდგომარეობა-რუსეთის მფარველობის ქვეშ-მეცხრამეტე საუკუნის განმავლობაში.

12. რუსეთის ჯარის მიერ კავკასიის ფრონტის დატოვების ისტორიული მნიშვნელობა.

13. ორი გზა: რუსეთი და ჩვენ.

14. დემოკრატიული რესპუბლიკა და საბჭოთა რესპუბლიკა.

15. ჩვენი ერის სახელმწიფო მუშაობა: დამუშავებელი კრების მუშაობა.

16. ძირითადი კანონები და ადგილობრივი თვითმმართველობანი.

17. აგრარული საკითხი: შესაძლებელი ფორმები მისი გადაწყვეტისა.

18. დაწვრილებითი ახსნა ჩვენში არსებული აგრარული პოლიტიკისა. კერძო საკუთრების და გამოყოფის პრინციპი.

19. ჩვენი რესპუბლიკის ფინანსიური მდგომარეობა.

20. ქადალდის ფული და მისი კურსის დაცემის მიზეზი. სიძვირე სურსათის და საქონლის ნაკლებობა.

21. ჩვენი ქვეყნის სიმდიდრეზე. რა შედეგები მოჰყვება მათ გამოყენებას.

22. ვერსალის კონფერენცია, ზავი და ჩვენი საერთოშორისო მდგომარეობა.

23. რამ შეუწყო ხელი ჩვენს ევროპის მიერ ცნობას.

24. დროებითი ხასიათი ჩვენი სახელმწიფოს ეკონომიკური და ფინანსიური კრიზისისა.

25. აგრონომიიდან.

26. მედიცინიდან.

27. კოპერაციიდან.<sup>230</sup>

ცალკე მეცნიერებათა დარგიდან.

ა) შოთა რუსთაველი

1. ვეფხვისტყაოსანის მოკლე შინაარსი ზეპირ-მოყოლით, 2. პირველი და მეორე თავის – თვით ლექტორისაგან წაკითხვა სანუმიშოდ, 3. რამოდენიმე სენტენცია ზეპირად.

ბ) ბარათაშვილი

1., „ბედი ქართლისა“. /შინაარსიდან საგულისხმო ადგილების განმარტება/.

გ) რ. ერისთავი

1. ლექსი გლეხის ცხოვრებიდან. /ბერუას ჩივილი, სესიას მოთქმა და სხვა.../

2. ასპინძის ომი. /შინაარსის ზეპირად გადმოცემა და ზოგიერთი საგულისხმო ადგილების სანიმუშოდ წაკითხვა/.

დ) ჭავჭავაძე

1. დიმიტრი თავდადებული, კაჯო ყაჩაღი, კაცია ადამიანი და გლახის ნაამბობი, /შინაარსის ზეპირად გადმოცემა და ზოგიერთი საგულისხმო ადგილების სანიმუშოდ წაკითხვა/.

ე) წერეთელი

2. ალექსი, 2. ბაგრატ დიდი, 3. თორნიკე ერისთავი, 4. ნათელა, 5. ნაცარქექია და 6. კიკოლას ნაამბობა.

<sup>230</sup> სცსა, ფ. 1863, საქმე №1072, ფურც. 22

ბი. /შინაარსის ზეპირად გადმოცემა და ზოგიერთი საგულისხმო ადგილების სანიმუშოდ წაკითხვა/.

გ) ა. ყაზბეგი

3. ელგუჯა, 2. ელისო, 3. მოძღვარი, /შინაარსის ზეპირად გადმოცემა და ზოგიერთი საგულისხმო ადგილების სანიმუშოდ წაკითხვა/.

ზ) ეგ. ნინოშვილი

1. მოსე მწერალი, 2. პალიასტომის ტბა, 3. განკარგულება, 4. გოგია უიშვილი, /შინაარსის ზეპირად გადმოცემა და ზოგიერთი საგულისხმო ადგილების სანიმუშოდ წაკითხვა/.

თ) გ. წერეთელი

2. კიკოლიკი, ჩიკოლიკი და კუდაბზიკა, /შინაარსის ზეპირად გადმოცემა და ზოგიერთი საგულისხმო ადგილების სანიმუშოდ წაკითხვა/.

საქართველოს გეოგრაფია

1. ცა და დედამიწა, ზღვა და ხმელეთი.

2. მზე, მთვარე და ვარსკვლავები.

3. ღრუბელი, წვიმა, სეტყვა, ოოვლი, ქარი და ცისარტყელა.

4. სითბო დედამიწის გულში, მიწისძვრა.

5. დედამიწის სახე და მისი ტრიალი დერძის გარშემო.

6. საქართველოს საზღვრები, მდინარეები, მთები და ჰავა.

7. ქართლი /ფიზიკური და კინოგრაფიული მიმოხილვა/.

8. კახეთი.

9. დასავლეთ საქართველო: ა) იმერეთი, ბ) სამეგრელო, გ) გურია, დ) სვანეთი, ე) აჭარა.

10. აფხაზეთი.

11. მეზობელი ხალხების (სახელმწიფოების) სომხეთის, აღერბეიჯანის, ოსმალეთის, რუსეთის მოკლე მიმოხილვა /შედარებით საქართველოსთან/.

12. მოკლე გეოგრაფიული, ეკონომიკური და სახელმწიფოებრივი ცნობები ევროპის და ამერიკის განათლებულ ხალხთა ცხოვრებიდან.

### ისტორია.

1. თამარ მეფე.  
2. საქართველოს დანაწილება სამეფოებად და სამთავროებად.

3. შაჰ აბაზის დამოკიდებულება საქართველოსთან.

4. გიორგი სააკაძის თავგადასავალი.

5. ერეკლე მეფე.

6. რუსეთთან ხელშეკრულების ისტორია /ამერეთში და იმერეთის სამთავროებში/.

7. რუსეთის წინააღმდეგ ბრძოლა /მთიულეთი, იმერეთი, თავადაზნაურთა შეთქმულება 1830 წლებისა/.

### საუბრის სახით.

1. საიდან წარმოსდგა ჯარი, რა არის დისციპლინა. დისციპლინა, როგორც აუცილებელი პირობა ჯარის არსებობისა.

2. ჯარი და ხალხი, მათი ურთიერთშორის დამოკიდებულება.

3. ჯარში მტკიცე დისციპლინის არსებობა თვით ჯარისკაცების ინტერესს შეადგენს.

4. როგორი მნიშვნელობა აქვს მტრის ბანაკში შიშის გრძნობის აღძვრას გამარჯვების მოპოვების საქმეში.

5. მტრის ბანაკში შიშის გამოსაწვევად როგორი იქრიშით წასვლაა საჭირო მტერზედ.

6. მოგერიების დროს როგორი მოქმედებაა საჭირო – მოიერიშე ჯარში შიშის გრძნობის მნიშვნელობა. მდებარეობასთან შეგუების და ბარში სწრაფად გაშლის მნიშვნელობა ბრძოლის დროს.

7. წესრიგისა და სულიერი სიმშვიდის შენარჩუნების მნიშვნელობა უკან დახევის დროს. უწესრიგოდ უკან დახევის გამანადგურებელი შედეგი.

8. იერიშის შემდეგ სწრაფად წესრიგის აღდგენისა და მტრისთვის დაშენის მნიშვნელობა გამარჯვების შენარჩუნების საქმეში.

9. რა მნიშვნელობა აქვს განკარგულების სწრაფად და სისწორით შესრულებას თვით ჯარისკაცთა სიცოცხლის შენარჩუნების საქმეში და სხვა.... მთავარი ხელმძღვანელი პოლკოვნიკი ართმელაძე.<sup>231</sup>

ჯარისკაცთა ეროვნული ცნობიერების ამაღლებისთვის მაქსიმალური ბრძოლა და პრაქტიკული ნაბიჯების გადადგმა შემთხვევითი არ ყოფილა. ყველაზე მეტად გარუსებას მსხვერპლი შეიძლება ითქვას ჯარისკაცი გახდა, რადგან ის საიმპერატორო კარის ინტერესებს იცავდა და მის სამსახურში იყო ჩამდგარი. სწორედ ამის გამოხატულება იყო ის ღონისძიები, რაზედაც ვისაუბრეთ. და მეორე, ბუნებრივია ნებისმიერი სახელმწიფოს ძლიერების საფუძველი ჯარია. მოტანილი მასალა მოწმობს დემოკრატიული რესპუბლიკის ხელისუფლების მცდელობებს გაეძლიერებინა და საქართველოს სახელმწიფოებრიობის მთავარ დასაყრდენად ექცია ქართული ჯარი. მიუხდავად მრავალი პრობლემური და წინააღმდეგობებით აღსავსე კითხვებისა, რომლებიც შეიძლება გაჩნდეს და სავსებით მართებულად, აღნიშნული საკითხის შესაფასებლად პირველ რიგში უნდა გავითვალისწი-

<sup>231</sup> სცსა, ფ. 1863, საქმე №1072, ფურც. 23

ნოთ ის ფაქტი, რომ სამი წლის განმავლობაში არც ისე ადგილი იყო ცენტრალიზებული და ეროვნული გრძნობით აღსავსე ჯარის ჩამოყალიბება, რასაც თავისი ობიექტური მიზეზები პქონდა და რაზედაც უპარის ვისაუბრება.

ამდენად, ვფიქრობ ზემოთ განხილული მონაცემები საშუალებას გვაძლევს დაგასკვნათ, რომ ჯარისკაცის ცნობიერების განვითარებამ გარკვეული ეტაპი განვლო: რუსეთის საიმპერატორო კარის სამსახურიდან საქართველოს დემოკრატიული რესპუბლიკის მოვლენებამდე. განსხვავება კი დიდი იყო. მოგანილი მასალის მიხედვით იკვეთება, რომ 1918-1921 წლებში გარკვეული ნაბიჯები გადაიდგა ჯარისკაცის ეროვნული ცნობიერების ამაღლებისთვის.

## თავი მეზობელი

### სამღვდელოება

ქართულ ისტორიოგრაფიაში საქართველოს მართლმადიდებელი ეკლესიის და ქრისტიანობის შესწავლას დიდი ყურადღება ექცევა და ამ მიმართულებით არაერთი მნიშვნელოვანი გამოკვლევაა შექმნილი. აღნიშნული საკითხის კვლევაში განსაკუთრებული აქტუალობა შეიძინა საბჭოთა კავშირის დაშლის შემდეგ, ქართველ სამეცნიერო საზოგადოებას მართლმადიდებელი ეკლესიის ისტორიის საფუძვლიანი შესწავლის შესაძლებლობა მიეცა. დღეისათვის არსებულ გამოკვლევებში ქრისტიანობის და საქართველოს მართლმადიდებელი ეკლესიის არაერთი პრობლემატური საკითხია საოანადოდ გაშუქებული და შესწავლილი და საკმაოდ მრავალრიცხოვანი ლიტერატურა არსებობს.

არავისთვის უცნობი არ არის ის ფაქტი, რომ ქართული სასულიერო წოდების წარმომადგენლები ქართველი ერის გამაერთიანაბეჭდ როლს თამაშობდნენ, ხოლო ქრისტიანობა და ქართველობა კი განუყოფელი ცნებები იყო ყოველი ქართველისთვის. ქართულ სამეცნიერო და, არა მხოლოდ ლიტერატურაში ეს ეხება უშუალოდ ეკლესიის ისტორიის განხილვას თუ არა, სადაც ქართველ ერზეა საუბარი ქრისტიანობის და საქართველოს მართლმადიდებელი ეკლესიის ფაქტორის აღნიშვნა გარდაუვალია.

XIX საუკუნის დასაწყისში, მას შემდეგ, რაც გაუქმდა საქართველოს სახელმწიფო მმართველობა დამყარდა, ახალი ეტაპი დაიწყო არა მარტო პოლიტიკური, არამედ რელიგიური თვალსაზრისითაც. ქართული საზოგადოების მოლოდინი, რომ ერთმორწმუნე რუსეთი განსხვავებულ

გზას აირჩევდა და საქართველოს მიმართ დამპყრობლურ პოლიტიკას არ განახორციელებდა არ გამართლდა. ასეთივე ვითარება აღმოჩნდა ქრისტიანობასთან მიმართებაშიც. რუსეთმა 1811 წელს გააუქმა საქართველოს მართლმადიდებელი ეკლესიის ავტოკეფალია და რეფორმები განახორციელა, რაც მის რუსიფიკაციას ისახავდა მიზნად. ეკლესიაში რუსი სასულიერო პირების მოყვანა და რუსულ ენაზე წირვალოცვის შემოღება საზოგადოების ცნობიერებაში რწმენის შესუსტებას ისახავდა მიზნად. ქართველი სამდვდელოება ამ პრობლემის აღმოფხვრას ქართველ საზოგადო მოღვაწეებთან ერთად ცდილობდა და მუდმივად მოუწოდებდა საზოგადოებას ქრისტიანობის შესახარჩუნებლად.

1900-1917 წლების საქართველოს მართლმადიდებელი ეკლესიის არაერთი საინტერესო საკითხი სათანადოდ არის შეფასებული და შესწავლილი ქართულ ისტორიოგრაფიაში. ასევე განსაკუთრებული ყურადღება ეთმობა სხვადასხვა სასულიერო მოღვაწეების ბიოგრაფიული ცნობების სააშკარაოზე გამოტანას და მათი ღვაწლის წარმოჩენას. ამჯერად ორ მნიშვნელოვან საკითხზე მინდა გავამახვილო ყურადღება.

1. დღესდღეობით არავისოთვის აღარ არის საკამათო, რომ ქრისტიანობა და ქართველობა საუკუნეების მანძილზე ერთიან კონტექსტში მოიაზრებოდა და ქართველებისთვის ქართველობის დაცვა ქრისტიანობის შენარჩუნებას უდრიდა და პირიქით. ქართულ სამეცნიერო ლიტერატურაში ეს თვალსაზრისი დიდი სანია დამკვიდრებულია, ამიტომ საკითხის ამ მიმართულებით შესწავლა სიახლეს არ წარმოადგენს.

მაგრამ, ცალკე საკითხია რა კუთხით განიცდიდა ცვლილებას ქრისტიანული სარწმუნოების მიმართ

ქართული საზოგადოების ცნობიერება და როგორ აღიქვამდა საკუთარ თავს სამღვდელოება.

შეა საუკუნეებში, როდესაც სხვადასხვა სარწმუნოების ხალხი მოდიოდა საქართველოს დასაპყრობად, მთავარ დარტყმას სწორედ ქრისტიანობისკენ მიმართავდა. 1900-1917 წლებში ქართველების მთავარი მოთხოვნა რელიგიასთან მიმართებაში საქართველოს მართლმადიდებელი ეკლესიის ავტოკეფალიის აღდგენა იყო და არა ბრძოლა ქრისტიანობის დასაცავად, რადგან დამპყრობელი მართლმადიდებელი იყო. ე. ი. როგორც ვხედავთ, ამ ეტაპზე ეროვნული ფასეულობებისთვის ბრძოლა გარკვეულ ცვალებადობას განიცდის და ეპოქის მოთხოვნილებიდან გამომდინარე სხვა ეროვნული ლირებულებების შენარჩუნება ხდება მნიშვნელოვანი. (თუმცა ბუნებრივია სხვა დანარჩენი აქტუალობას არ კარგავს).

მას შემდეგ, რაც გაუქმდა საქართველოს სახელმწიფოებრივი დამოუკიდებლობა და ქართველი ერის მთავარი ლოიალობის ობიექტი მეფე აღარ არსებობდა, ასევე საქართველოს მართლმადიდებელი ეკლესიის ავტოკეფალია, სასულიერო წოდების წარმომადგენლებს სერიოზული დაბრკოლებები შეეჭმნათ საუკუნეების მანძილზე ჩამოყალიბებული უფლებების რეალიზაციისთვის. ხალხთან მთავარი დამაკავშირებელი და ეროვნული იდეების მატარებელი ყოველთვის იყო სამღვდელოება. ამ უფლების ჩამორთმევის შემდეგ, ბუნებრივია ნაწილობრივ, რადგან რესერთმა მაინც ვერ შეძლო საუკუნეების მანძილზე ჩამოყალიბებული კაგშირის სრული აღმოფხვრა ხალხსა და ეკლესიას შორის, მიუხედავად ამისა, სამღვდელოება აქტიურ ნაბიჯებს დგამდა როგორც ეკლესიის ავტოკეფალიის აღსაღენად, ისე საქართველოს ისტორიაში ქრისტიანობის როლის

წარმოჩენისთვის. ამისთვის მათ პქონდათ სხვადასხვა ბეჭდური ორგანო. ქართველი სასულიერო ფენის ინტერესებს გამოხატავდა გაზეთი „შინაური საქმეები“. 1909 წლის №4-ში ვკითხულობთ: საჭიროა გავაცნოთ ხალხს ჩვენი მშობლიური ეკლესის ხასიათი, მისი დვაწლი არა მარტო ქრისტეს ცხოველმყოფელი მოძღვრების გავრცელება-დამკვიდრებაში, არამედ ქართველი ხალხის ეროვნულად გაძლიერების საქმეშიც. მან შეინახა ჩვენი ერი, სარწმუნოება ამხნევებდა მას მრავალ საუკუნეების განმავლობაში აუარებელ მტრებთან ბრძოლის დროს, აძლევდა ძალას გამოსულიყო ამ უთანასწორო ბრძოლიდან გამარჯვებულად, შეენახა მას თავისი ეროვნება. თვალსაჩინო იყო ძველი საქართველოს კულტურა, რომლის შექმნაში უმთავრესი წილი უდევს ჩვენს მშობლიურ ეკლესიას. ძველი კულტურის დავიწყება კი ხალხისთვის არ არის სახეირო. ის ხალხი, რომელსაც თავის წარსულს ისტორიულ ცხოვრებასთან კავშირი გაუწყვეტია, მომავალში წარმატებას არ უნდა მოელოდეს.“<sup>232</sup>

ქრისტიანობასთან დაკავშირებული თითოეული სტატია მიმართული იყო ქართველებში რწმენის ამაღლებასა და ეკლესიის როლის დასაბუთებაზე.

„ეკლესია წარსულში დიდი ეროვნული მოვლენა იყო, ეკლესიის გარშემო იყრიდა თავს სახელმწიფო ებრივი ენერგია, იქ იყო ელემენტი – ერის შემაერთებელი და ეროვნული სიმდიდრე, ეროვნული კულტურა უმთავრესად ეკლესია-მონასტრებში გროვდებოდა. ბერ-მონაზონთა კოლეგია იყო მთავარი მატარებელი სულიერი კულტურის და ეს ქმნიდა სამდვდელოების ბატონობას. დღეს სულიერი კულტურის მეთაურობა მათი იმდენად დაკარგულია, რომ

<sup>232</sup> გაზ. შინაური საქმეები, 1912, №30-31, გვ. 1

წარსულშიც მათი ასეთი როლი ბევრს არა სჯერა. მაგრამ ქონებრივი კულტურა კი დიდია მოგროვილი ეკლესია-მონასტრებში. ეს ქონება ეკუთვნის ერს, მთელ ხალხს.“<sup>233</sup>

გრიგოლ ლორთქიფანიძე თავის მემუარებში ყურადღებას ამახვილებდა ქრისტიანობის როლზე საქართველოს ისტორიაში. იგი წარსულში ეკლესიის და ქრისტიანობის მნიშვნელობას ეპოქიდან გამომდინარე მიიჩნევდა. „ქართული ეკლესიის ეროვნულ-მოგერიებითი მოღვაწეობა წინა საუკუნეებში, ერთის მხრით, რამდენიმედ გაადვილებული იყო იმით, რომ მაშინ საქრისტიანო საქართველოს საქმე ქონდა ისლამთან, ამ ორ სარწმუნოებას შორის გაუვალი უფსკრული იყო, მდგომარეობა და ურთიერთობა მეტად ნათელი, მკაფიო და განსაზღვრული, ამიტომ ამ ხანებში შეუძლებელი იყო მტრისათვის ქართულ ეკლესიაში მეგობრისა და ძმის ქურქით შესვლა და მისი შიგნიდან გადაგვარება და მოშლა. ხოლო რუსეთის მფლობელობის დროს ამ მხრით მდგომარეობას ართულებდა ის გარემოება, რომ ახალი დამკყრობელი თვით იყო ქრისტიანი და ისიც მართლმადიდებელი. ამ გარემოებამ მეტად გაუადვილა რუსეთს, საქართველოს ეკლესიასთან ბრძოლა. ანაფორაში გადაცმული რუსული ნაციონალისტური იმპერიალიზმი ერთმორწმუნეობის საბაბითა და ნიღბით ადგილად შეიქრა ქართულ ეკლესიაში და მის გარუსებას შეუდგა.“<sup>234</sup>

2. როგორც უკვე აღვნიშნე, მრევლსა და ეკლესიას შორის მჭიდრო კავშირი არსებობდა საუკუნეების მანძილზე, თუმცა ეს ურთიერთობა განვითარების ახალ ფაზაში შევიდა რუსეთის მიერ საქართვე-

<sup>233</sup> გაზ. ერთობა, 1920, №158, გვ. 1

<sup>234</sup> ლორთქიფანიძე, გ. ფიქრები საქართველოზე, თბილისი, 1995, გვ. 52

ლოს დაპყრობის შემდეგ. ავტოკეფალიადაკარგული ეკლესია პარალიზებული აღმოჩნდა. რუსეთის საიმპერატორო კარი ნათლად აცნობიერებდა იმ უდიდესი სულიერი კავშირის მნიშვნელობას, რაც მრევლსა და სასულიერო წოდებას შორის იყო, ამიტომ მან მიზნად სწორედ მათი განცალკევება დაისახა. მიუხედავად სამდვდელოების მცდელობისა შეენარჩუნებინა საკუთარი უფლებები და საზოგადოებასთან კავშირი, 1900-1917 წლებში რუსი ეგზარქოსების დროს საიმპერატორო კარის ღონისძიებების შედეგად ამ პრობლემამ მთელი სიმწვავით იჩინა თავი.

როგორც უკვე აღვნიშნე, ქართულ ისტორიოგრაფიაში სამდვდელოების როლის შეფასებას დიდი ადგილი უკავია, მაგრამ არსად არ გვხვდება ცნობები იმის შესახებ, თუ როგორ აღიქვამდა საკუთარ თავს სამდვდელოება 1900-1917 წლებში და რა განაპირობებდა იმ ცვალებად და არაერთგვაროვან დამოკიდებულებას საზოგადოების მხრიდან მათი მისამართით. 1. როგორც ცნობილია, ბეჭდური ორგანოები გამოხატავდნენ სხვადასხვა პოლიტიკური პარტიების ინტერესებს, რომლებიც საკუთარი იდეების რეალიზებას საზოგადოებაში პრესის მეშვეობით ცდილობდნენ. განსაკუთრებული მრავალრიცხოვნობით გამოირჩეოდა სოციალ-დემოკრატიული პარტიის ჟურნალ-გაზეთები, რომლებიც, ბუნებრივია, გასაგები მიზეზების გამო უარყოფითად შეაფასებდნენ სამდვდელოებას. (სოციალ-დემოკრატიული პარტია მარქსისტული იდეოლოგიის პარტია იყო). შეიძლება გაჩნდეს კითხვა, სხვა პოლიტიკური პარტიების ორგანოებშიც ხომ იყო სამდვდელოების კრიტიკა? დიახ, მართალია, მაგრამ ეროვნული მიმართულების ჯურნალ-გაზეთებში ყურადღებას ამახვილებდნენ ერის არსებობის ყველა აუცილებელ საკითხზე და

ამით ცდილობდნენ არსებული ვითარების გამოხტორებას. ილია ჭავჭავაძე სწორედ, ქართველთა უარყოფითი მხარეების აღმოფხვრას ასევე კრიტიკით ცდილობდა.

„ჩემზედ ამბობენ: „ის სიავეს ქართვლისას ამბობს, ჩვენს ცუდს არ მალავს, ეგ ხომ ცხადი სიძულვილია!“ ბრიყვნი ამბობენ, კარგი გული კი მაშინვე სცნობს, ამ სიძულვილში რაოდენიც სიყვარულია!“<sup>235</sup>

ბეჭდურ მედიაში მუდმივად იყო მიმართვები საზოგადოების მისამართით ეროვნული თვითშეგნების შენარჩუნებისთვის. მოუწოდებდნენ ყველას: გლეხს, მუშას, სტუდენტს, თავადაზნაურობას, ინტელიგენციას, – ეს უკანასკნელი კი თავად ქმნიდა ხშირ შემთხვევაში იდეოლოგიას, მაგრამ არც ერთმანეთის კრიტიკას ერიდებოდნენ, ამით მიუთითებდნენ იმაზე, რომ მანკიური მხარეები უნდა აღმოფხვრილიყო. 2. ყველა ეპოქაში, დამპყრობლის შემოჭრის შემთხვევაში, როდესაც საქართველო ყოფნა-არყოფნის წინაშე იდგა, სწორედ ელიტის წარმომადგენლებს უწევდათ პირველ რიგში პრობლემის გაანალიზება და მთელი დარტყმაც სწორედ მათზე მიღიოდა. მაგალითად, ისლამის მიღებას ჯერ მეეფებს მოსთხოვდნენ ხოლმე, რომ ხალხისთვის „მაგალითი“ მიეცათ. ასე მოხდა რუსეთის შემოსვლის დროსაც, მათ დარტყმა იქით მიმართეს, ვისი იმედიც ყველაზე მეტად ჰქონდა საზოგადოებას. 3. ის, რომ სამდვდელოებასა და ხალხს შორის კავშირი გაწყდა და იგი ვეღარ ასრულებდა იმ როლს იმ მასშტაბით, რაც საუკუნეების მანილზე გააჩნდა, სულაც არ ნიშნავს იმას, რომ „მათი ქმედებების“ გამო დაეკარგა ხალხს რწმენა. ამ გარე-

<sup>235</sup> ი. ჭავჭავაძე, თხულებანი ოც ტომად, ტ. I. თბილისი, 1987, გვ. 120

მოებას ხელი შეუწყო სულ სხვა რამ და ეს პირველ  
 რიგში ეკონომიკური ფაქტორიდან გამომდინარეობდა.  
 რუსეთის თვითმკურობელობამ ავტოკეფალიის გაუქ-  
 მებისთანავე ჩამოართვა მიწები ეკლესიას და ფაქტი-  
 ურად შემოსავლის გარეშე დატოვა. მათი ძირითადი  
 სარჩენი საშუალება იყო რუსეთის საიმპერატორო  
 კარის მიერ უფრო უკიდურეს მდგომარეობაში ჩავარ-  
 დნილი ფართო ფენები. რაც მოსახლეობის უცმაყო-  
 ფილებას იწვევდა, ანუ მთავარი პრობლემა სწორედ  
 ამაში მდგომარეობდა და არა იმაში, რომ სამღვდე-  
 ლოება „გარუსდა“. ამიტომ შესუსტდა ის კავშირი  
 ხალხთან, რაც საუკუნეების მანჩილზე გააჩნდა. გა-  
 ჭირვებული ხალხი ვერ ინახავდა სამღვდელოებას  
 და მის მიმართ უარყოფით დამოკიდებულებას გამო-  
 ხატავდა. ეს იყო სწორედ რუსიფიკატორული პოლი-  
 ტიკის ერთ-ერთი გამოვლინება, სხვა მრავალთა შო-  
 რის. „ხალხის გულგრილობა ეკლესიისადმი ეკონო-  
 მიკურ საკითხში მდგომარეობს. როგორც ვიცით, ეკ-  
 ლესია მთელი თავისი შემადგენლობით, ხალხს  
 აწევს კისერზე, მან უნდა შეინახოს ეკლესია და არ-  
 ჩინოს სამღვდელოება. ამ ნიადაგზე ხშირად აღიძ-  
 ვრის უთანხმოება ხალხსა და ეკლესიის წარმომად-  
 გენელთა შორის. ბრძოლა არსებობისათვის მთელი  
 თავისი სისასტიკით არის გამეფებული ჩვენს დროში.  
 ხალხს კი თავის გამოკვებაც უძნელდება. არამც თუ  
 სხვის შენახვა. ამ მიზეზით ხალხი ცდილობს თავი  
 დააღწიოს ხარჯებს და შორდება ეკლესიას.“<sup>236</sup>

საინტერესო კალისტრატე ცინცაძის მოგონება  
 სამღვდელოების მდგომარეობის შესახებ. „ჩემი  
 მდგდლობის პირველსავე დღეებში შევამჩნიე, რომ  
 თბილისის სამღვდელოება გათიშულად ცხოვრობდა.

<sup>236</sup> გაზ. ხმა კახეთისა, 1912, №100, გვ. 3

მდგდლები ერთმანეთს ან საკეთილმოწესო ოლქის ოფიციალურ კრებებზე ხვდებოდნენ (წელიწადში ორჯერ) ან ტაძარში სამეუფეო პარაკლისებზე, ან ადგომასა და შობას ეგზარქოსის მიღოცვისას, ან ქალებებში – შეძლებულ პირთა ოჯახებში. არც ერთ ამ შეხვედრაზე არ შეიძლებოდა გვესაუბრა მდგდელმსახურებაზე, მქადაგებლობაზე, სასკოლო საქმის გაძლიერებაზე და სხვა. ამიტომ ახალგაზრდა მდგდლების (თოთიბაძის, გამდლიშვილის, მაჭავარიანის და სხვათ) ინიციატივით გადაწყდა, შექმნილიყო სრულიად ლეგალური დაწესებულება – „თბილისის სამდგდელოების ურთიერთდახმარების სალარო“, რომელიც მდგდლებს შესაძლებლობას შეუქმნიდა, ერთად შეკრებილიყვნენ და ერთმანეთისთვის გაეზიარებინათ გამოცდილება და ცოდნა მდგდელმსახურების საკითხებთან დაკავშირებით. შეიმუშავეს „სალაროს“ წესდება და დასამტკიცებლად მიართვეს ეგზარქოს ვლადიმერს, რომელმაც ცოტა იყოფმანა, მაგრამ მაინც დაამტკიცა,<sup>237</sup> თუ როგორი ძალით მიმდინარეობდა გარუსების პროცესი ამას ნათლად აჩვენებს კალისტრატე ცინცაძის კიდევ ერთი მოგონება. იგი წერს: „მეუფეს (იგულისხმება პალადი რაევი– ნ.ს.) სამრევლო სკოლებში მისვლა უყვარდა. იქ ქართული ენის გაკვეთილი მიმდინარეობდა. მეუფემ მასწავლებლს პკითხა: რას ასწავლითო? მასწავლებელმა მოახსენა, საქართველოს გეოგრაფიასო. რომელი საქართველოსას, თუ გნებავთ, თქვათ თბილისისა და ქუთაისის გუბერნიებისასო? მასწავლებელი აირია, ეგზარქოსმა კი მე შემომხედა, გამოხედვაში საყვედური თუ კითხვა უკრთოდა. – მეუფეო, – მივუგე მე, - არა თბილისისა და გუბერნიისას, არამედ იმ

<sup>237</sup> პ. ცინცაძე, ჩემი მოგონებებიდან, თბილისი, 2001, გვ. 44  
204

საქართველოს გეოგრაფიას, რომლის ეგზარქოსიც თქვენ ბრძანდებით.<sup>238</sup>

XX საუკუნის დასაწყისიდან სამღვდელოება განსაკუთრებით გააქტიურდა. სწორედ ამ პერიოდს უკავშირდება ავტოკეფალისტთა მოძრაობა. საინტერესოა ისიც, რომ თვით სასულიერო წოდების წარმომადგენლებიც კი არ ერიდებიან სამღვდელოების იმ ნაწილის კრიტიკას, რომლებსაც პასიურად მიიჩნევენ, მაგრამ იმასაც აღნიშნავენ, რაც უკელაზე მთავარია, რომ ეს მხოლოდ მათი ბრალი არ არის. 1906 წელს ჯვარი ვაზისა წერდა: „საქართველოს სამღვდელოება უწინ სწორედ საერთო გაჭირვებაში იჩენდა ხოლმე დიადს უნარს და მტრისაგან წელში მოხრილ ერს, საერთო მოქმედებისთვის ფეხზე დაყენებდა. თუ წარსულ საუკუნეში (XIX საუკუნეში – ნ.ს.). ჩვენმა სამღვდელოებამ ვერ შეძლო გაჭირვებაში თავისი უნარი გამოექინა, ეს მარტო მათი ბრალი არ არის.“<sup>239</sup> სამღვდელოების ამ მდგომარეობაში ჩაგდება რუსული პოლიტიკის წარმოებამ განაპირობა. ეს მდგომარეობდა სხვადასხვა სოციალურ ფანებს შორის კავშირის გაწყვეტასა და ერთმანეთზე გადაკიდებაში. „..... თავადაზნაურობაც დაეცა, გადარიბდა, დაკარგა თავისი გავლენა. ბატონყმობის გადავარდნამდე მამაშვილურად მცხოვრები თავადაზნაურნი და გლეხები შეძლებ ერთმანეთის მტრებად გადააჭცია, ახალმა წესწყობილებამ ერთმანეთის მოქიშპებად გარდაქმნა და სამღვდელოებას მხარი აუკრეს ერთმაც და მეორემაც. თავადაზნაურობა დაიტვირთა დიდის ხარჯებით, გადასახადით. უცხო ცხოვრებამ გლეხებივით ხარჯები გაუორკეცა და სამულ-დედულო საქმეები აეწერა და თავში საცემი

<sup>238</sup> იქვე, გვ. 46

<sup>239</sup> ქურნ. ჯვარი ვაზისა, 1906, №6, გვ. 7

გაუხდა... ამისთანა უბედურებაში სამღვდელოებამ დაკარგა სასოება უკეთესის მერმისისა. იმედი გადაუწყდა და დმერთს მიანდო თავისი უსამართლოდ განადგურების სამართალი. ნურავინ ვიტყვით, რომ ჩვენი განათლებული საზოგადოება სრულიად გაშორდა ეკლესიასა და სამღვდელოებას. ქართველი ერი უწინაც და ეხლაც დრმად მორწმუნეა, თავის დღეში ურწმუნოებას არ შეუშფორთებია მისი გული.“<sup>240</sup>

გარუსება ყველა სოციალურ ფენას შეეხო და ეს პირველ რიგში ქართული ენის უფლებების შეკვეციდან და რუსულის გაბატონებიდან გამომდინარეობდა. 1906 წელს მღვდელ იოსებ ჩიჯავაძის რედაქტორობით გამოსული გაზეთი „სიტყვა“ ქართლ-კახეთის სამღვდელოების დეპუტატთა კრებასთან დაკავშირებით წერდა: „სამღვდელოებამ უნდა გამოთქვას თავისი აზრი სასწავლებლის ტიპის შესახებ და რა ენაზე უნდა ისწავლებოდეს საგნები... სწავლება დადაენაზე უნდა მოეწყოს, ეს ცხადია ყველასთვის, რა მიმართულებისაც უნდა იყოს კაცი, მით უმეტეს სოფლის მღვდლისთვის, რომელსაც სადა აქვს იმდენი შეძლება, რომ ბავშვს რუსული ისე შეასწავლოს, რომ გაუჭირვებლად შეაძლებინოს რუსულათ საგნების სწავლა, ხშირად რუსის ბავშვებთან? ჩვენ გვიდა განათლება და ამის მიღება მხოლოდ დედაენაზე შეიძლება.“<sup>241</sup>

შეიძლება ითქვას, რომ გაზეთი „სიტყვა“, ქართული მართლმადიდებელი ეკლესიის და სამღვდელოების ინტერესებს იცავდა. პირველივე ნომერში რედაქტორმა გამოხატა სასულიერო გაზეთის არსებობის საჭიროება. „თანამედროვე ცხოვრება ითხოვს ყოველ ინდივიდუუმის და მით უმეტეს საზოგადოებ-

<sup>240</sup> ქურნ. ჯვარი გაზისა, 1906, №6, გვ. 11

<sup>241</sup> გაზ. სიტყვა, 1906, №1, გვ. 1

რივ ჯგუფებისაგან გამოააშკარაონ თავისი ვინაობა, შეხედულება და ოწმენა საზოგადოებრივ სხვადასხვა საჭირბოროტო მოვლენათა შესახებ. სამდვდელოებასაც არ შეუძლია ყური მოიყრუოს და ხმა არ ამოიღოს, ეს მისი დამამცირებელი იქნება. მაგრამ აზრების თავისუფლათ გამოსათქმელად საჭიროა საკუთარი დამოუკიდებელი ორგანო. პირველ ყოვლისა მიზანი ამისთანა ორგანოსი არის შეიტანოს სადი შეხედულებები თვით სამდვდელოების ფართო წრეებში თანამედროვე პოლიტიკურ და საზოგადოებრივ-საეკლესიო კითხვებზე. ბევრნაირი მიმართულება და პარტიები გაჩნდნენ, ვინ რას ამბობს და ვინ რას. ჩვენც არ შეგვიძლია გვერდი ავუხვიოთ ამ აზრთა სხვადასხვანაირ დინებას. სამდვდელოებაში და მის შეგნებულ ნაწილის მეოხებით ხალხში მტკიცე პოლიტიკურ-საზოგადოებრივი აზრების გავრცელება – აი მიზანი ამ ორგანოსი. ჩვენ გვწამს, რომ საქართველოს სამდვდელოებაში, დაწყებული აფხაზეთიდან საინგილომდე, საქმარისათ მოიძებნება გონებრივი ძალები, რომ შეიძლონ ნაყოფიერათ ემსახურონ ამ გამოთქმულ აზრს.<sup>242</sup> გაზეთის მიზანია სამდვდელოების შეცდომების კრიტიკა და მათი შემდგომი გამოსწორებისაკენ მოწოდება. ყველაზე საინტერესოა ის, რომ თვით სასულიერო ფენის ინტერესების დამცველი გაზეთი არ ერიდება მათვე კრიტიკას.

1912 წელს გაზეთი „შინაური საქმეები“ წერდა: „ასი წლის ტყვეობამ დიდი ზიანი მიაყენა საქართველოს ეკლესიას: დასცა სარწმუნოება და ზნეობა ხალხში, მირიან ფესვიანად აღმოფხვრა ძველი ქრისტიანული ჩვეულებანი, გააბინძურა სამდვდელოება, მოსპო ცოცხალი მეტყველება ტაძრებში, არარად აქ-

<sup>242</sup> გაზ. სიტყვა, 1906, №1, გვ. 1

ცია სამშობლო სადგომისმეტყველო მეცნიერება, გაა-  
ცამტვერა შესანიშნავი ნაშთი ძველი ქრისტიანული  
დიდებისა.“<sup>243</sup>

ივანე გომართელის აზრით, საქართველოს გა-  
სანთავისუფლებლად და მართლმადიდებელი ეკლე-  
სიის გასაძლიერებლად სამღვდელოების და ხალხის  
კავშირია საჭირო. „სამღვდელოების განთავისუფლე-  
ბა შეუძლებელია ისე, თუ მთელი ხალხი არ განთა-  
ვისუფლდა, თუ არსებული რეჟიმი მთლად არ შეიც-  
ვალა... სამღვდელოების საკითხი მთელი ხალხის სა-  
კითხია და ცალკე მისი გადაწყვეტა შეუძლებელია.  
შეუძლებელია რაიმე საშუალებით სამღვდელოების  
აღდგენა ხალხის თვალში ისე, თუ არსებული რეჟი-  
მი არ შეიცვალა.“<sup>244</sup>

XX საუკუნის დასაწყისში დაწყებული სამღვდე-  
ლოების მოძრაობა გარკვეულწილად შეაფერხა რეაქ-  
ციის ხანამ, თუმცა 10-იანი წლებიდან უკვე ახალი  
ეტაპი იწყება, რამაც გამოკვეთილი ხასიათი პირვე-  
ლი მსოფლიო ომის დროს და მას შემდეგ განვითა-  
რებული მოვლენების პერიოდში მიიღო.

საქართველოს მართლმადიდებელი ეკლესია თა-  
ვისი არსებობის მანძილზე ყოველთვის ებრძოდა და  
იბრძვის ეროვნული ფასეულობების შენარჩუნების-  
თვის. ეს პროცესი არ შეწყვეტილა რუსეთის მიერ  
საქართველოს დაპყრობის პერიოდშიც. გავიხსენოთ  
ანტონ II-ის თავდაუზოგავი მცდელობები ეკლესიის  
უფლებების შენარჩუნებისთვის, თუმცა საქართვე-  
ლოს მართლმადიდებელი ეკლესია ავტოკეფალიის  
გაუქმებას ვერ ასცდა. ერთია, როდესაც უფლებებს  
ზღუდავ და მეორე, როდესაც მოსახლეობის გარუსე-  
ბისათვის ყველა პირობას ქმნი. რუსეთის საიმპერა-

<sup>243</sup> გაზ. შინაური საქმეები, 1912, №30-31, გვ. 11

<sup>244</sup> გაზ. სამშობლო, 1915, №246, გვ. 2

ტორო კარი ქართველების გადაგვარებას ისახავდა მიზნად. სწორედ ამიტომ უსპობდა ყველა იმ ეროვნულ სიმბოლოს თუ საშუალებას ქართულ საზოგადოებას, რომელიც მათი შეკავშირების აუცილებელი პირობა იყო. მიუხედავად რუსეთის და საქართველოს მართლმადიდებლობისა, საიმპერატორო კარმა გააუქმა არა მხოლოდ ეკლესიის ავტოკეფალია, არამედ მთლიანად შეუზღუდა ეფლებები სამღვდელოებას, ესეც არ იკმარა და მრევლთან კავშირის გასაწყვეტად ყოველგვარი პირობა შექმნა: პირველი საფრთხე კი წირვა-ლოცვის რუსულ ენაზე შემოტანით გამოიხატა. „საქართველოს ეკლესიას და მის სამღვდელოებას მათი მასაზოდოებელი მამულები ხელიდან გამოაცალეს, ეროვნული სამღვდელოება აღარ გვყავს, ეროვნული სკოლა არა გვაქვს, კათედრიდან მშობლიური მზრუნველობით გამოტარი მამაშვილური სიტყვა აღარ ისმის, ჩვენი ეროვნული გალობა ერთ წერტილზე გაიყინა, ჩვენი ეკლესიები დაცარიელდა, ჩვენი სასულიერო ლიტერატურა გაქრა და ეკლესიაში წიგნებიც კი არ მოგვეპოვება და, ასე გასინჯეთ დედა-ენაზე მეტრიკული წიგნების წარმოების ნებაც კი მოგვესპო. ერთი სიტყვით, ჩვენი ეროვნული სული დაიხსმო და მისი მათბუნებელი და გამაღვივებელი საშუალებები მოისპო, აღმოიფხვრა. ჩვენი ერი სხვა ერს შეურიეს, ჩვენი ეკლესია სხვის ეკლესიას და მათ შორის დღეს არავითარ განსხვავებას არ ხედავენ და არც არის. ასეთი ეროვნული ასიმილაცია ხდება ჩვენ თვალწინ მართლმადიდებლობის საშუალებით დღეს ჩვენში და ისიც თითქოს თავის-თავად, ბუნებრივად.<sup>245</sup>“

<sup>245</sup> გაზ. სამშობლო, 1915, №246, გვ. 3

1915-1916 წლიდან სამღვდელოება ახალი ძალით გამოდის ავტოკეფალიის მოთხოვნისთვის და ქართული, ნაციონალური სიმბოლოების შენარჩუნებისთვის. აღნიშნულ პროცესს ხელი შეუწყო ერთი მხრივ, პირველმა მსოფლიო ომმა და მეორე მხრივ, 1917 წლის ოქტომბერისთვის ბურუჟაზიულ-დემოკრატიულმა რევოლუციამ. „ქუთაისში მომხდარ იმერეთის ეპარქიის სამღვდელო კრებებზე გამოტანილი რეზოლუციები მჭვევარებაზე კარგ შთაბეჭდილებას დატოვებს ქართველი საზოგადოების იმ ნაწილზე, რომელიც ეროვნულ სახის შერჩენითა და ეროვნული მთლიანობის დაცვით გულწრფელადაა დაინტერსებული. ჩვენი სამღვდელოების შედარებით დემოკრატიულმა ნაწილმა ხენებულ კრებებზე ნათლად დაამტკიცა, რომ ბევრ ქართველ მღვდელში ქართული სული მეუფებს და გარდა პირადი ბედნიერებისა საზოგადო კეთილდღეობაზე ზრუნვის უნარსაც არ არის მოკლებული. დავიწყოთ იქიდან, რომ სამღვდელოებამ თითქმის ერთხმად სცნო საჭიროდ საერო სასწავლებელი, სადაც სწავლება ყველა საგნისა ქართულ ენაზე იწარმოებს. განა საუკვრა კიდევ ის გარემოება, რომ ჩვენი ეროვნული სახის გადამახინჯებას უპირველეს ყოვლისა ენის გადაგვარება გამოიწვევს, თუ დროზე არ ვიღონეთ რამე? და რა უნდა იღონოს ქართველმა ხალხმა გადაგვარების წინააღმდეგ თუ არა სასწავლებლების გახსნა და მისი საშუალებით ხალხში დედა-ენაზე სწავლა-განათლების გავრცელება. იმერეთის სამღვდელოება ჩასწვდა ყველა ამას და წარმოიდგინეთ ისე შორს წავიდა ამ მხრივ, რომ თავის გიწრო წოდებრივ ან პროფესიონალურ რაობას გვერდი აუხვია და საზოგადოების ფართო წრეთა გასათვითცნობიერებლად საერო სასწავლებელი ირჩია. ჩვენი სამღვდელოების გამოფხილების და საერო საქმეებით დაინტერესების ნიშნად უნდა ჩაითვა-

ლოს ყველა ის დადგენილება, რომელიც ხსენებულ კრებებზე იყო გამოტანილი და მათ შორის ახლად დაარსებულ სემინარიაში ქართული ენის შემოღების შესახებ გამოთქმული სურვილიც.<sup>246</sup>

ქართველი სამდვდელოების აქტიურობას ეროვნული ცნობიერების ბრძოლისთვის აფერხებდა არა მხოლოდ რუსეთის თვითმპყრობელობა, არამედ ქართული სოციალ-დემოკრატიული პარტია, რომელიც რუსული სოციალ-დემოკრატიის იდეებს ითვალისწინებდა. მათი იდეალი კი სოციალიზმის დამკვიდრება იყო, სადაც რელიგიის ადგილი არ იყო. მართალია, როგორც უკვე აღვნიშნეთ, სოციალ-დემოკრატიული პარტიის იდეებმა გარკვეული ტრანსფორმაცია განიცადა, თუმცა რელიგიის მიმართ მათი დამოკიდებულება უცვლელი დარჩა. ბუნებრივია ასეთი დამოკიდებულება ქართული სოციალ-დემოკრატიული პარტიის მხრიდან კიდევ უფრო ართულებდა ქართველი სამდვდელოების ბრძოლას მართლმადიდებელი ეპლესიის უფლებების აღსადგენად. ამ პრობლემამ კიდევ უფრო მეტად იჩინა თავი დემოკრატიული რესპუბლიკის პერიოდში. ქართველი სამდვდელოების აქტიურობას ეროვნული ცნობიერების ბრძოლისთვის აფერხებდა არა მხოლოდ რუსეთის თვითმპყრობელობა, არამედ ქართული სოციალ-დემოკრატიული პარტია, რომელიც რუსული სოციალ-დემოკრატიის იდეებს ითვალისწინებდა. მათი იდეალი კი სოციალიზმის დამკვიდრება იყო, სადაც რელიგიის ადგილი არ იყო. მართალია, როგორც უკვე აღვნიშნეთ, სოციალ-დემოკრატიული პარტიის მხრიდან კიდევ უფრო ართულებდა ქართველი სამდვდელოების ბრძოლას მართლმადიდებელი ეპლესიის უფლებების აღსადგენად. ამ პრობლემამ კიდევ უფრო მეტად იჩინა თავი დემოკრატიული რესპუბლიკის პერიოდში. ქართველი სამდვდელოების აქტიურობას ეროვნული ცნობიერების ბრძოლისთვის აფერხებდა არა მხოლოდ რუსეთის თვითმპყრობელობა, არამედ ქართული სოციალ-დემოკრატიული პარტია, რომელიც რუსული სოციალ-დემოკრატიის იდეებს ითვალისწინებდა. მათი იდეალი კი სოციალიზმის დამკვიდრება იყო, სადაც რელიგიის ადგილი არ იყო. მართალია, როგორც უკვე აღვნიშნეთ, სოციალ-დემოკრატიული პარტიის იდეებმა გარკვეული ტრანსფორმაცია განიცადა, თუმცა რელიგიის მიმართ მათი დამოკიდებულება უცვლელი დარჩა.

<sup>246</sup> გაზ. სახალხო ფურცელი, 1916, №461, გვ. 2

„თუ დაუახლოვდებით ხალხს, კარგად გავეცნობით მის აზრს, შეხედულებას და სულიერ მისწრაფებას, დავრწმუნდებით, რომ ის გულგრილობას იჩენს სარწმუნოებისა და ეკლესიური საკითხებისადმი. ეკლესიის მართვა-გამგეობის ფორმის შეცვლამ დემოკრატიულ ნიადაგზე, რაც მოახდინა საეკლესიო კრებამ 1917წ. ვერავითარი გავლენა ვერ იქონია ზემოთქმული მოვლენის გამოსასწორებლად. ამიტომ ბუნებრივად იბადება საკითხი, რა არის მიზეზი ამ მოვლენისა, რითი აიხსნება ის. დროებით და გარდამავალ მიზეზებს, გარდა უმთავრეს მიზეზად უნდა ჩაითვალოს ის, რომ ხალხის სულიერ მოთხოვნილებას ვერ აკმაყოფილებს ჩვენი ეკლესიის მოძღვრება და წყობილება. ხალხის გონიერა გაიზარდა, განვითარდა და გაასწრო როგორც დაძველებულ გარეგან ფორმებს ეკლესიის წყობილებისა ის გაიმსჭვალა სოციალისტურ მოძღვრებით.“<sup>247</sup> ბუნებრივია ასეთი დამოკიდებულება ქართული სოციალ-დემოკრატიული პარტიის მხრიდან კიდევ უფრო ართულებდა ქართველი სამდგვარების ბრძოლას მართლმადიდებელი ეკლესიის უფლებების აღსადგენად. ამ პრობლემამ კიდევ უფრო მეტად იჩინა თავი დემოკრატიული რესპუბლიკის პერიოდში.

„რუსეთის დიდმა რევოლუციამ შეარყია ძველი წონასწორობა საზოგადოებრივი ურთიერთობისა და ჩვენი ცხოვრება შეაყენა კლასთა სრული ჩამოყალიბების გზაზე. სამდგვალოებაც, ყველაზე უფრო დაშორებული ცხოვრების მოქმედ ელემენტთაგან და ყველაზე უფრო დაზარალებული, ვერ ასცდა საერთო მიმდინარეობას და ოუმცა დაგვიანებულად ისიც შეუდგა თავის ცხოვრების ჩამოყალიბებას. ძლევამო-

<sup>247</sup> გაზ. სახალხო საქმე, 1920, №860, გვ. 2

სილმა ახალმა ცხოვრებამ მას აუშალა საკუთარი ბუ-  
დე და აიძულა მოქნახა ახალი კუნჭული ახალ სოცი-  
ალურ შენობაში. მის წინ აღიმართა დილემა: ახალი  
თუ ძველი, სინათლე და სოცოცხლე, თუ სიბნელე და  
სიკვდილი. პირველ ხანებში, სანამ იგი თავის თავს  
მოეგებოდა, ანგარიშს მისცემდა, თითქოს აყვა სახალ-  
ხო მოძრაობას და ავტოკეფალური ეკლესიის პლატ-  
ფორმის ნიადაგზე – გადადგა წინ რამდენიმე ნაბიჯი.  
მოსალოდნელი იყო, რომ ეს მოძრაობა უფრო გაღ-  
რმავდებოდა და ანტიკეფალურ გარეგნობას, – ახალი  
შინაარსი დააგვირგვინებდა. პირველი საეკლესიო კრე-  
ბა, 1917 წელში, ამ მხრივ პირველი ცდა იყო ახალი  
შინაარსის გამოძებნისა...”<sup>248</sup>

მიუხედავად საქართველოს სახელმწიფოებრივი  
დამოუკიდებლობის აღდგენისა რუსული გადმონაშოუ-  
ბი მაინც არსებობდა ყველა მიმართულებით და მათ  
შორის, გამონაკლისი არც ეკლესია იყო. ქართული სა-  
თადარიგო ცხენოსანთა პოლკის მღვდელი ალექსან-  
დრე ზირაქიშვილი ქართული ლაშქრის უფროს  
მღვდელს წერს: „10-ს თიბათვეს ამა წლისა, სულის  
წმიდის გადმოსვლის დღეს წირვაზედ პოლკის ეკლე-  
სიაში, მღვდელმა ალ. თუბეროზოვმა ქადაგების დროს  
გალანძლა ქართველი ერი და უწოდა უკანასკნელს: ვე-  
ლურები, მხეცები და სხვა... მოუწოდა რუს მრევლს,  
რომ არ დაემორჩილონ არავითარ ბრძანებებს ადგი-  
ლობრივ და მთელ ქვეყნის მთავრობას საქართველო-  
სას, არ აასრულონ არავითარი ბრძანება მთავრობისა  
თუ განკარგულება-დეპრეტები და ილოცონ, რომ ისევ  
აღდგეს საქართველოში მპყრობელობა რუსეთისა და  
სხვა... არც ერთ დროს ლოცვა-წირვისა არ იხსენიებს  
საქართველოს მთავრობას, კათალიკოს-პატრიარქს, ან

<sup>248</sup> სცსა, ფ. 1830, აღწ. 1, საქმე №9, გვ. 74

ეპისკოპოზეს და სხვა... სამაგიეროდ იხსენიებს ისევ რუსის მთავრობა-მპეტობელობას და სამხედრო უფროსს მღვდელს შაველსკის.<sup>249</sup>

აგრეთვე: „... საეგზარქოსო კანცელარიის მოხსენების ძალით რუსი ეპისკოპოზი შავი გრიგოლი განდევნებს და ულუქმაპუროდ დატოვეს ის ქართველი მღვდლები, რომლებიც მათი ფიქრით, რუსულ მრევლებში მსახურობენ. ასეთივე ბედი ეწია ბევრ სამხედრო უწყებაში მსახურ მღვდელსაც, რომელთათვის სრულებით პატრონი არ მოიპოვება და დღევანდელი ქართულ პოლკში არჩეული მღვდლები, უორგანიზაციოდ დარჩენილან, დადიან ისე, რომ თავი და ბოლო არ გააჩნია. სამწუხაროდ, ეროვნულ პოლკებში მღვდლების დანიშვნა მოხდა უყურადღებოდ და უტაქტიკოდ. ქართველი მღვდლები არიან ომის დაწყებიდანვე გასულნი პოზიციაზე, იციან სამხედრო საქმე, ჭირი და ლხინი, დაუმთავრებია კურსები სემინარიაში, იციან ყველა ის, რაც ჯარისკაცს სჭირია, მაგრამ მათ არსებობასაც კი ყურადღებას არავინ აქცევს, არამც თუ ცოდნას და გამოცდილებას. რუსეთის სამხედრო უწყების სამღვდელოება კი ნელ-ნელა ერევება ქართველ სამღვდელოებას. ქართულ ჯარებში მოყვნენ ისეთი მღვდლები, რომლებთაც არავითარი კავშირი არ ჰქონია ჯართან, არამც თუ მათში მსახურებდნენ. ან ორი ადგილი უჭირავს და ან ისეთი მღვდლები, რომლებსაც პოზიცია სრულებით არც კი უნახავს.“<sup>250</sup>

სამღვდელოების მხრიდან ძირითადად მოთხოვნა იყო საღვთო სჯულის სწავლებაზე სკოლებში „სოხუმის საოლქო სამმო საბჭომ 1918 წლის 18 ოქტომბერს მოახდინა სამღვდელოების კრება ქ. სოხუმში, რომელშიც იქონია მსჯელობა სამღვთო სჯულის

<sup>249</sup> სცსა, ფ. 1863, აღწ. 1, საქმე №680, ფურც. 40

<sup>250</sup> სცსა, ფ. 1836, აღწ. 1, საქმე №32, ფურც. 158

სწავლებისა სასწავლებლებში და ჩვენი, სამღვდელოების ნივთიერად უზრუნველყოფისა და ერთხმად დაგადგინეთ: ვინაიდგან საქართველოს რესპუბლიკის ერი ძველთაგანვე ისტორიულად შეთვისებულია თავის სჯულთან. ქართველი ერის დიდი ნაწილი დღესაც არის დრმა მორწმუნება და სარწმუნოების ცოდნა მიუცილებელი საჭიროა მისი მთლიანი განვითარებისათვის და ჩვენ, სამღვდელოებას მთავარი თუ არა უკანასკნელი ადგილი გვჭირა სამღთო სჯულის, ქრისტიანული მოძღვრების მოზარდ თაობათა შორის განმტკიცებასა და აღზრდაში, ვთხოვთ საქართველოს ეროვნულ საბჭოს, რათა სამღთო სჯული დარჩეს საქართველოს ყოველგვარ სასწავლებლებში სავალდებულო საგნად და 2. ვთხოვთ საქართველოს ეროვნულ საბჭოს დაჩქარებით მოგვცეს დამატებითი ჯამაგირები, გამოთხვილი მისგანვე საქართველოს საკათალიკოსო საბჭოს შუამდგომლობით, ვინაიდან ამ აუტანელ სიძვირეში განვიცდით უკიდურეს მდგომარეობას და ამასთან, რადგანაც საქართველოს აგრძელებული ეკლესია და ჩვენ მსახურნი ამა ეკლესიისა წარმოვადგენთ სახელმწიფოებრივი მნიშვნელობის დაწესებულებას და ვერევით უპირატესად სახელმწიფოებრივი სამსახურს, ვთხოვთ საქართველოს ეროვნულ საბჭოს, რომ ჩვენ ნივთიერად უზრუნველსაყოფად განწესებულ გვექნეს შესაფერი სასყიდელი სამსახურისათვის განსაზღვრული ჯამაგირის სახით საქართველოს რესპუბლიკის ხაზინიდან.<sup>251</sup>

აგრეთვე: „ჩვენ, ქვემოთ ამისა ხელისმომწერებმა ქ. სოხუმის მცხოვრებ-მოქალაქეებმა, მქონებელმა სრული ხმისა ვიქონიეთ მსჯელობა სამღთო სჯულის სწავლებისა ჩვენს სასწავლებლებში და სამ-

<sup>251</sup> სცსა, ფ.1935, აღწ. 1, საქმე №3, ფურც. 3

დგდელოების ნივთიერად უზრუნველყოფისა და დადგენილებით გადავწყვიტეთ: 1. ვინაიდგან ჩვენ საქართველოს რესპუბლიკის ერი ძველთაგანვე ისტორიულად შეთვისებულია თავის სჯულთან, ქართველი ერის დიდი ნაწილი დღესაც არის დრმა მორწმუნება და სარწმუნოების ცოდნა მიუცილებელი საჭიროა მისი მთლიანი განვითარებისათვის, ვსოცოვთ ეროვნულ საბჭოს, რათა საღმოო სჯული დარჩეს საქართველოს ყოველგვარ სასწავლებლებში საგალდებულო სასწავლო საგნად 2. ვსოცოვთ საქართველოს ეროვნულ საბჭოს დაჩქარებით მისცეს საქართველოს ეკლესიის სამღვდელოებას დამატებითი ჯამაგირები გამოთხოვილი მისგან საქართველოს საკათალიკოსო საბჭოს შუამდგომლობით, ვინაიდგან ამ აუტანელ სიძვირეში ის განიცდის უკიდურეს მდგომარეობას და 3. რადგანაც საქართველოს ავტოკეფალური ეკლესია და ამ ეკლესიის მსახურნი სამღვდელოება წარმოადგენს სახელმწიფოებრივი მნიშვნელობის დაწესებულებას და ეწევა უპირატესად სახელმწიფოებრივ სამსახურს, ვსოცოვთ საქართველოს ეროვნულ საბჭოს, რომ ჩვენი ეკლესიის სამღვდელოების ნივთიერად უზრუნველსაყოფად განწესებულ იქმნეს სამღვდელოების შესაფერი სასყიდელი სამსახურისათვის განსაზღვრული ჯამაგირის სახით საქართველოს რესპუბლიკის ხაზინიდან.“<sup>252</sup>

საღვთო სჯულის სწავლების აუცილებლობის მოთხოვნას მოწმობს შემდეგი დოკუმენტი: „მშობელთა (კრების) წრის დადგენილება. იქნია მსჯელობა საღმოო სჯულის სწავლების შესახებ გიმნაზიაში

თანახმად სამინისტროსგან მიღებული ცირკულიარის. აზრთა გაცვლა-გამოცვლის შემდეგ დაად-

<sup>252</sup> იქვე, ფურც. 4

გინა: მივიღეთ რა მხედველობაში გარდამავალი არა წვეულებრივი ისტორიული მომენტი, შკოლებში არა სასურველი, თითქმის ანარქიული მდგომარეობა, ბავ-შვების გონებრივი და ზნეობრივი დაქვეითება მათი ხშირი არასასურველი თვითნებობა – სწავლის შეწ-ყვეტა, ომში ვითომც და სამშობლოს დასაცავად წასვლა, მთავრობის და მშობლების დაუკითხავათ, ინდიფერენტიული დამოკიდებულება სწავლა-განათ-ლების საქმესთან, ჩვენ მშობლები ქრისტიანულ სწავლას ვსთვლით მაღალ ისტორიულ მორალურ ფაქტორათ სკოლებში და დაწმუნებული იმაში, რომ მარტო თეორეტიული განყენებული ცოდნა, თუ მასთან ერთად არ ვითარდებიან ორგანიულად ხასი-ათი, ზნე, ჩვეულება-გრძნობა ნამდვილი ადამიანი ვერ შექმნის და ჩვენ ნორჩ საქართველოს რესპუბ-ლიკას ნამდვილ მაღალ იდეალების და აღჭურვილი მოქალაქების ნაცვლად მისცემს არა სასურველ მავნე ელემენტებს. ყოველივე ამის მიხედვით მშო-ბელთა წრე მოითხოვს: 1. საღმთო სჯული ისწავლე-ბოდეს სურვილისამებრ, მასწავლებელს ექნეს ჯამა-გირი იმ ფულებიდან, რომელსაც მშობლები ვიხდით ოფლით და სისხლით ნაშოვარს სწავლისათვის 2) ჩაეთვალოს შტატში სამსახური, ისთვი როგორც სა-ზოგადო მუშებს ერიცხებათ შრომა და პენსიონდა ჯამაგირით უზრუნველყოფა კანონდება მათვის შრომის სამინისტროსგან. 3. ისწავლებოდეს განსაზ-დვრულ დროს, როცა მიღიან სწავლისათვის, გიმნა-ზიაში ამას მოითხოვს პედაგოგიური ძირითადი პრინციპი და ოვალთა საზრისი 4. როცა მთავრობა გამოსცემს რამე სახელმძღვანელოს მაღალ მორა-ლურ სწავლისას, ეთიკის დარგიდან, მაშინ ექნება ადგილი ამ საგანზე საკითხს. დღეს ჩვენი პედაგო-გები დღიდგან ამ საგნის გაძევებისა არავითარ მო-

რალურ დარიგებას ბავშვებს არ აძლევენ. დაბეჯო-  
თიებით მოვითხოვთ მშობლები, რომ ჩვენმა შვილებ-  
მა სასწავლებლებში ისწავლოს საღმთო სჯული,  
თუნდ არა სავალდებულო.<sup>253</sup>

1918 წელს დაბა ხობში შედგა საოლქო კრება,  
სადაც დაადგინეს: „ა) ვინაიდგან საქართველოს რეს-  
პუბლიკის ერი ძველთაგანვე ისტორიულად შეთვისე-  
ბულია თავის სჯულთან, იმ ერის დიდი უმრავლესო-  
ბა დღესაც არის დრმა მორწმუნე და სარწმუნოების  
ცოდნა მიუცილებელი საჭიროთ მისი მთლიანი გან-  
ვითარებისათვის, ვინაიდან ზნეობრივი კანონი ყველა  
კანონებზე მაღლა დგას და ზნეობრივი ჰეშმარიტე-  
ბის, კანონის ცოდნაში, არამედ იმ ზნეობრივი ძალ-  
თა შეთვისებაში, რომელნიც ავალებენ კაცს შეუდ-  
რეკელად მიესწრავებოდეს ზნეობრივი კანონის შეს-  
რულებისადმი და მისი ზნეობრივი სისრულე და გან-  
ვითარებისადმი და ესრუთი მაღა არის ქრისტეს სარ-  
წმუნოება, ეთხოვოს საქართველოს დამფუძნებელ  
კრებას რათა სამღვთო სჯული საქართველოს ყო-  
ველგარ სასწავლებელში ისევ იქნეს მიღებული სა-  
ვალდებულო სასწავლო საგნად, ბ) სარწმუნოების,  
ეკლესიის და სამღვდელოების შენახვა და განმტკი-  
ცებისათვის უძრაველად საჭიროა და დიდად საჭიროა  
იზრუნოს სახელმწიფო მთავრობამ, სამღვდელოება  
უძრაველად უნდა იქნეს უზრუნველყოფილი ნივთიე-  
რად. სრული სახელმწიფო ჯამაგირი სამღვდელოე-  
ბას – აი საუკეთესო ფორმა სამრევლოსი. კლესია  
არ უნდა იქნეს განცალკევებული სახელმწიფოსაგან.  
ეკლესია არ არის ცალკე განცალკევებული კერძო  
სიკეთე ზოგი განცალკევებულ პირთა, არამედ ის  
წარმოადგენს ფასდაუდებელ ინტერესს მთელი სა-

<sup>253</sup> სცსა, ფ. 1935, აღწ. 1, საქმე №3, ფურც. 23

ხელმწიფო ერთიანობისას. ეკლესია წარმოადგენს არა კერძო ინსტიტუტს, არამედ ინსტიტუტს საზოგადო უფლებრივი ხასიათისას. ეკლესიას უნდა ეჭიროს სახელმწიფოში განსაკუთრებული მდგომარეობა, უნდა იყოს შეერთებული სახელმწიფოსთან და არა განცალკევებული... უნდა სარგებლობდეს სახელმწიფო კანონების მფარველობის და მატერიალურის მხრითაც უნდა იყოს უზრუნველყოფილი, ზნეობრივი ორგანიზაცია საზოგადოებისა არ შეიძლება სახელმწიფოს შემწეობის გარეშე... ქრისტიანულ სახელმწიფოში უნდა იყოს უსაცილოდ ქრისტიანული პოლიტიკა. ქრისტიანული ეკლესია მოითხოვს ქრისტიანულ სახელმწიფოს... ქრისტიანულ სახელმწიფოში უსაცილოდ უნდა შეინახოს, განამტკიცოს და მფარველობა გაუწიოს სარწმუნოებას, ეკლესიას და სამღვდელოებას და უკანასკნელი უზრუნველყოს ნივთიერად, ზემოხსენებული მიზეზია გამოეთხოვოს საქართველოს რესპუბლიკის მთავრობას აუცილებელი დანიშვნა სამღვდელოებისათვის ჯამაგირისა სახელმწიფო ხაზინიდან.“<sup>254</sup>

ზემოთ განხილულმა ფაქტობრივმა მასალამ ნათლად აჩვენა ის პრობლემები, რაც ქართველი სამღვდელოების წინაშე არსებობდა. როგორც ვხვდავთ, ქართველი სამღვდელოების ბრძოლა საქართველოს მართლმადიდებელი ეკლესიის უფლებების აღდაგენისათვის მიმდინარეობდა ორ ფრონტზე: რესეტის სამკერატორო კარის და სოციალ-დემოკრატიული პარტიის წინააღმდეგ.

---

<sup>254</sup> სცსა, ფ. 1935, აღწ. 1, საქმე №3, ფურც. 30

## თავი მემშვერელობის

### თაგადაზნაშრობა

XIX საუკუნის II ნახევრიდან შექმნილი მოვლენების შედეგად XX საუკუნის დასაწყისს საქართველო სხვადასხვა სიახლესთან ერთად ახალი სოციალური ფენების: პროლეტარიატის და ბურჯუაზიის წარმოშობით შეხვდა. ახალმა პოლიტიკურმა და ეკონომიკურმა გარდაქმნებმა საზოგადოების სოციალური შემადგენლობის გარკვეული ცვლილებები განაპირობა. ამ ფონზე ინტერესმოქლებული არ უნდა იყოს თავადაზნაურობა ცნობიერების და ფუნქციების ცვლილების შეფასება და გათვალისწინება. მით უფრო, რომ ქართული ისტორიოგრაფიაში ამ ქრონოლოგიური პერიოდის ფარგლებში, აღნიშნული საკითხისადმი მიძღვნილი სპეციალური გამოკვლევები არ გვხვდება. ძირითადად აქცენტი კეთდება XIX საუკუნეზე. მართალია, 1900-1917 წლებში თავადაზნაურობა აღარ წარმოადგენდა ძლიერ კრებულს, თუმცა ბეჭდურ მედიაში დაცული ინფორმაცია მნიშვნელოვანი დასკვნების გამოტანის საშუალებას გვაძლევს. „1897 წლის აღწერით თავადაზნაურობა საქართველოს 1 მილიონ 919 ათასიანი მოსახლეობის 5,6% შეადგენდა.“<sup>255</sup>

თავადაზნაურობა ფეოდალური საქართველოს-თვის დამახასიათებელი სოციალური ფენაა, რომელიც საუკუნეების მანძილზე პრივილეგირებულ და შეძლებულ კლასს წარმოადგენდა. მათი უფლებები იმდენად დიდი იყო, რომ არა თუ დიდი პატივით სარგებლობდა სამეფო კარზე, არამედ ხშირ შემთხვევაში, პოლიტიკურ, თუ სამხედრო საკითხების გადაწყვეტისას მეფე მათზე იყო დამოკიდებული.

<sup>255</sup> საქართველოს ისტორია XX საუკუნე, თბილისი, 2003, გვ. 16  
220

ფაქტობრივად თავადაზნაურობა მონარქიული სახელმწიფოს არსებობის მთავარი შემადგენელი ნაწილი იყო. ამასთან დაკავშირებით გაზეთი „გვალი“ 1906 წელს წერდა: „მეცხრამეტე საუკუნეს თავადაზნაურობა სრულებით სხვა გულით დაუხვდა, წარსულის გამოთხოვებამ მას საშინლათ დაწვა გული, რადგანაც წარსულის ბევრი რამ გაყვა ისეთი, რისი მაგიერიც აწმყოს არაფერი მოუტანია. ამის უკეთ გასათვალისწინებლად საჭიროა გავიხსენოთ, როგორი იყო თავადის მდგომარეობა მეცხრამეტე საუკუნემდინ, როგორ შეიცვალა ის მეცხრამეტე საუკუნეში. წინეთ მას გარშემო ეხვია ურიცხვი ყმები, რომელთა სულისა და ხორცის ერთადერთი პატრონი თვითონ ის – თავადი იყო, ყველა ვინც მას გარშემო ეხვია, მას თვალწარბში შეჩერებოდა და მისი ყოველგვარი ჟინის ასასრულებლად ყველა გამზადებული იყო. ერთადერთი მოსამართლე თავის სოფელში ის იყო და იქ ყველას ბედ-იღბალს მხოლოდ ის ატარებდა. თუ სამშობლოს მტერი შემოესოდა, მეფე მას თხოვდა, შენი კაცებით მომეშველეო, ის მეფის მარჯვენა ხელი იყო, ქვეყნის მართვა-გამგეობაში ის მონაწილეობას იღებდა, სასახლის კარი მისთვის მუდამ დია იყო, – მეფის სახლში ის თითქმის მეფის ტოლად გრძნობდა თავს, თავის სახლში – განუსაზღვრელ ბატონად. მეცხრამეტე საუკუნის დამდეგიდან თავადის ამგვარი მდგომარეობა სრულებით შეიცვალა. სამშობლოს მართვა-გამგეობაში მას ყოველგვარი მნიშვნელობა ჩამოართვეს, მეფე და მისი სასახლე მას ახლოსაც არავინ დაანახვა; თავადის თავისუფალ მოქმედებას ყოველმხრივ ფრთები შეეკვეცა. ყოველივე ამან ის არა თუ ქონებრივად დააქვეითა, თავის შინაგმათა თვალშიც კი სახელი გაუტეხა. თავადობამ იწყო წარსულის გლოვა, მოინდომა მისი

დაბრუნება, მაგრამ ცდამ ამაოდ ჩაუარა. ის იძულებული გახდა თავის ხვედრს შერიგებოდა და ერთმანაწილმა ღვინოში და ქორ-მეძებრობაში პოვა თავისი იდეალი, მეორემ კალამი აიღო ხელში და წარსულის გლოვაში მოიპოვა სულის სიმშიდვა, მესამეს სამხედრო სამსახურმა დაავიწყებია ძეელი დიდება.“<sup>256</sup>

საქართველოს სახელმწიფოებრიობის გაუქმებით, თავადაზნაურობა ერთ-ერთი და შეიძლება ითქვას, ყველაზე უფრო უფლებააურილი ფენა აღმოჩნდა. მან დაკარგა არა მხოლოდ მამულები და გავლენა, არამედ XIX საუკუნის საქართველოსთვის ის სრულიად ზედმეტი აღმოჩნდა. „რუსული მმართველობის დამყარების შემდეგ ქართველი თავადებისა და აზნაურების (სამეფო, სათავადო, საეკლესიო) მრავალსაუკუნოვანმა საგვარეულო წყობამ რდვევა იწყო. რუსეთის მთავრობამ რუსეთის ფეოდალურ-ბატონებურ წყობილებასთან ქართული წყობილების სოციალური უნიფიკაციის მიზნით ჩაატარა მთელი რიგი ღონისძიებები. 1803 წელს, რუსეთის გუბერნიების თავადაზნაურთა ორგანიზაციების მსგავსად, თბილისში დაარსდა ქართველ თავადაზნაურთა პირველი წოდებრივი ორგანიზაცია – თავადაზნაურობის დეპუტატთა საკრებულო სათანადო დებულებით. დეპუტატთა საკრებულო ირჩევდა სამაზრო და საგუბერნიო თავადაზნაურთა წინამდოლებს (მარშლებს). რუსეთის მთავრობის შემდეგი ღონისძიება იყო ვასალურ-სენიორული დამოკიდებულების მოსპობა საქართველოში და რუს თავადებთან ქართველი თავადების უფლებრივი გათანაბრება. ამასთან, ქართველ თავადებს მექვიდრეობითი ფეოდალური თანამდებობები და საგადასახადო იმუნიტეტი მოუსპო, 1833

<sup>256</sup> გაზ. კვალი, 1901, №36, გვ. 793

წლის კანონით სათავადო აზნაურები გაათავისუფლეს თავადებისადმი ვასალური დამოკიდებულებისაგან, რის შედეგად ხდებოდა მათი ქონებრივი გამიჯვნაც. 1838 წლის კანონით კი თავადაზნაურობის დეპუტატთა საკრებულოში არჩევნებისას და თანამდებობების დაკავებისას უფლებრივი განსხვავება თავადებსა და მათ ყოფილ სათავადო აზნაურებს შორის მოისპო, მოხდა მათი უფლებრივი ნიველირება.<sup>257</sup>

თავადაზნაურთა ფენა თანდათან პარალიზებული გახდა. ჯერ ერთი, ეს გამოწვეული იყო რუსეთის მიერ საქართველოს დაცყრობის შედეგად და მეორეც, XIX საუკუნის II ნახევრიდან შექმნილი სოციალური და ეკონომიკური ხასიათის გარდაქმნებით, კერძოდ, ბატონყმობის გაუქმებით.

თუ XIX საუკუნის I ნახევარში თავადაზნაურობა აქტიურობით გამოირჩეოდა და მონარქიული სამეფოს აღდგენისათვის იბრძოდა, ბაგრატიონთა სამეფო ოჯახის წარმომადგენლებთან ერთად, შემდეგში ვითარება რადიკალურად შეიცვალა. ალექსანდრე ბენდიანიშვილის აზრით, „თავადების უკმაყოფილება იმან გამოიწვია, რომ მათ დაკარგეს პოლიტიკური გავლენა, მემკვიდრეობით სამხედრო და ადმინისტრაციული თანამდებობანი, რითაც საფუძველი გამოეცა და სათავადოთა სისტემას. სათავადოს შიგნით შეიკვეცა აზნაურის სოციალურ-პოლიტიკური ფუნქცია, მას ჩამოერთვა თავადის კარის თანამდებობა-ნი, მოურავობა, მდივნობა, ბოქაულთუხუცესობა, გლეხთა ზედამხედველის მოვალეობა. ქართველი მოხელის ადგილი ცენტრშიც და პერიფერიებშიც რუსმა მოხელემ დაიკავა. ამას კი ვერ შეეგუა ქართველი თავადაზნაურობა და თავის პროტესტს შეთქმულება-

<sup>257</sup> კუპრაშვილი, დიდი რუსიანობა საქართველოში (XIX საუკუნის I ნახევარი), თბილისი: უნივერსალი 2011, გვ. 131-132

აჯანყებით გამოხატავდა.“<sup>258</sup>

XIX საუკუნის II ნახევრიდან, ბატონების გაუქმების შემდეგ დაიწყო ახალი ეტაპი საქართველოს ცხოვრებაში. თავადაზნაურობა მიხვდა, რომ საქართველოს ისტორიაში ახალი ეპოქა დგებოდა, სადაც მისი ისტორიული როლი საჭირო აღარ იქნებოდა. სწორედ ამის გამოხატულებას წარმოადგენდა თავადების პოლიტიკური ხასიათის გამოსვლების ჯერ შემცირება და შემდეგ შეწყვეტა. „XIX-XX საუკუნეების მიჯნაზე ქართველი თავადაზნაურობა უკვე აღარ წარმოადგენდა ერთიან წოდებასა და კლასეს, უკვე მომხდარი იყო მისი სოციალურ-ეკონომიკური დიფერენციაცია. ამ დროს ძირძველი თავადაზნაურობა საქართველოს მოსახლეობის 4%-ს შეადგენდა. მაგრამ ნახევარს დაკარგული პქონდა ეკონომიკური შეძლება და პოლიტიკური წონა. მეწარმე თავადაზნაურთა გამრავლება, რენტისა და კრედიტის კაპიტალისტური ფორმების დანერგვა არსებითად ცვლიდა ძველ წოდებას. მიმდინარეობდა ფეოდალური საკუთრებისა და მემამულური მეურნეობის ბურჟუაზიული ევოლუცია. თავადაზნაურთა ერთი ნაწილი კაპიტალისტური საზოგადოების მიწათმფლობელთა კლასს ქმნიდა, საერთოდ, მიწათმფლობელი თავადაზნაურობა ორმაგი ბუნების იყო, – ფეოდალური წოდებისა და კაპიტალისტური კლასის ნიშნებს აერთიანებდა. იყენებდა, როგორც ფეოდალური, ისე კაპიტალისტური ექსპლოატაციის ფორმებს.“<sup>259</sup>

თავადაზნაურთა უფლებების შეკვეცას განაპირობებდა საზოგადოების ნიშილისტური დამოკიდებულება მათდამი. ეს განსაკუთრებით იგრძნობა XIX

<sup>258</sup> ა. ახობაძე, გლეხთა მოძრაობა საქართველოში XIX საუკუნის 60-90-იან წლებში, თბილისი: საბჭოთა საქართველო, 1970, გვ. 31

<sup>259</sup> 88 185

საუკუნის II ნახევრიდან. საზოგადოების ფართო ფენებისთვის, გლეხებისთვის თავადები მათ მოწინააღმდეგე კლასად აღიქმებოდა. აღნიშნულ პერიოდში შექმნილი ვითარებიდან გამომდინარე ქართული კულტურული და პოლიტიკური ელიტა გლეხების საზოგადოებასთან დაკავშირებას და ახალი სახელმწიფოს შენებისთვის მოღვაწეობას და ბრძოლას იწყებს. „სულ სხვაგვარ ნიშნებსა და მიმართულებას გვიჩვენებს დღევანდელი ცხოვრება. დღეს აღარ არსებობს ძველი ბატონიუმობა და მოსპობილია ადამიანის პირადი უთავისუფლებობა. გართულებულია ცხოვრება და ხალხის საზოგადოებრივ კლასებად დანაწილებაც. თავად-აზნაურობას დღეს აღარ აქვს ძველებური სოციალ-ეკონომიკური უპირატესობა, რადგან თვით მამული აღარ არის ერთადერთი სახსარი ეკონომიურის ძალისა და საზოგადოებრივის დაწინაურებისა. ცხოვრების ახალს ვითარებაში კაცს მამულის გარედაც შეუძლია შეიძინოს ქონება და, რასან შთამომავლობას წინანდებურად დიდი მნიშვნელობა აღარ აქვს, შეუძლია აგრეთვე საზოგადოებაშიც მოიპოვოს ძალა და დაწინაურება. რამდენადაც ეს „შეუძლია“ სინამდვილე ხდება, რამდენადაც ძველებური წოდებანი ერთმანეთში ითქვიფებიან და ახალი, ქონებისა და არა შთამომავლობის საფუძველზე დამყარებული საზოგადოებრივი კლასები ვითარდებიან, იმდენადგე ჩვენს ცხოვრებას უფრო და მოკრატიული ელფერი ედება და ჩვენი ერი წარმატებისა და ადორძინების გზაზე დგება.“<sup>260</sup> ქართული კულტურული და პოლიტიკური ელიტა ნათლად აცნობიერებდა ახალი დროის მოთხოვნებს და ეკონომიკურ თუ სოციალურ გამოწვევებს, რომელთა გადა-

<sup>260</sup> ქურნ. მოამბე, 1904, №6, გვ. 73

დახვის გარეშე სახელმწიფოებრივი აზროვნების და დამოუკიდებლობის აღდგენისთვის პირობის შექმნა შეუძლებელი იქნებოდა. „სწრაფ წარმატების გზაზე მხოლოდ ის ერი სდგას, რომელშიც გაზრდილია შრომის საზოგადოებრივი განაწილება, განვითარებულია გაცვლა-გამოცვლა და აღორძინებულია ვაჭრობა-მრეწველობა. რამდენადაც ასეთი ვითარება ამათუ იმ ერში ფეხს იყიდებს, იმდენადვე თავადაზნაურობას ეკარგება ეკონომიური უპირატესობა, ხოლო სხვადასხვა წოდებათაგან შემდგარ ბურჟუაზიას ემატება ძალა და ემჩნევა დაწინაურება. ეს დაწინაურება სჩანს საზოგადოდ ყველაფერში და იგი უნდა ჩნდეს, კერძოდ სწავლა-განათლების საქმეშიც. რა თქმა უნდა სწავლის შესაძენად საჭიროა ნივთიერი შეძლება და ამიტომ სწავლა-განათლება იმ წოდებასა და კლასში უფრო გავრცელდება, რომელიც ეკონომიურად წამოწეულია და აქვს საჭირო საშუალება. არა თავადაზნაურ მოსწავლეთა რიცხვის გამრავლება სასწავლებლებში მომასწავებელია იმისი, რომ ჩვენი ცხოვრებაც მოქალაქობრივობის გზაზეა დამდგარი და თანდათან ვითარდება.“<sup>261</sup>

რუსეთის მიერ საქართველოს დაპყრობის შემდეგ მთლიანად შეიცვალა საზოგადოებრივი და პოლიტიკური ცხოვრების ძირითადი მხარეები. დამოუკიდებლობის დაკარგვასთან ერთად, ქართველობა გარუსების საფრთხის წინაშე დადგა, რომლის არსებით მახასიათებლებს წარმოადგენდა ქართული მართლმადიდებელი ეკლესიის ავტოკეფალიის გაუქმება, ქართული ქნის უფლებების შეზღუდვა.

იმ მოლოდინის გაუმართლებლობის შემდეგ, რაც რუსების შემოსვლას მოყვა საქართველოში,

<sup>261</sup> ქურნ. მოამბე, 1904, №6, გვ. 73

სხვადასხვა სოციალური ფენის წარმომადგენლები იწყებენ შეიარაღებულ თუ საპროტესტო ხასიათის გამოსვლებს რუსეთის საიმპერატორო კარის წინააღმდეგ. თავადაზანაურობის უკმაყოფილების მიზეზი მათი ფუნქციების და უფლებების შეზღუდვაში და ხშირ შემთხვევაში გაუქმებაში მდგომარეობდა. იმედი იმისა, რომ რუსეთის ხელისუფლება საქართველოს საშინაო ვითარებაში არ ჩაერეოდა არ გამართლდა. ამიტომ საწყის ეტაპზე გამოხატული რადიკალური ფორმები აღნიშნულის დასტური იყო.

სოციალურ-ეკონომიკური ხასიათის გარდაქმნებმა, რომელსაც აღგილი პქონდა XIX საუკუნის II ნახევრის საქართველოში, ქართული კულტურული და პოლიტიკური ელიტა დაარწმუნა ბრძოლის ახალი მეთოდის შემუშავებაში. ერთ-ერთი საკითხი კი თავადაზანურთა ახალი ცხოვრების წესზე გადაყვანა იყო. სამოციანელები ნათლად აცნობიერებდნენ ეპოქის იმ გამოწვევას, რომელშიც მთელი ევროპა იყო ჩართული და ცდილობდნენ ახალი დროისთვის ფეხი აეწყოთ, ქართულ სინამდვილეზე მოერგოთ და ეს ყველაფერი საქართველოს აღორძინებისათვის გამოეყენებინათ. თავადაზნაურობის დიდმა ნაწილმა ვერ შეძლო შეგუებოდა საკუთარი პრივილეგიების დაკარგვას და „დაქვეითების გზას დაადგა“, მეორე ნაწილი კ.წ. დარიბი თავადაზნაურობა შეეცადა საზოგადოებასთან კავშირში ყოფილიყო და საკუთარი თვითონ შეექმნა პირობები.

XX საუკუნის დასაწყისიდან თავადაზნაურობა აღარ წარმოადგენდა მრავალრიცხვან და ძლიერ კრებულს. ამასთან პოლიტიკურმა და ეკონომიკურმა გარდაქმნებმა მათი ბრძოლისუნარიანობა დასცა, თანაც ქართული საზოგადოების გარკვეული ნაწილი უკვე ახალი სახელმწიფოს შექმნისათვის იბრძოდა,

სადაც თავადაზნაურობას ძველი ადგილი აღარ ექნებოდა. ამიტომ ის იძულებული ხდება ნაწილობრივ შეეგუოს ეპოქის მოთხოვნებს და აღარ მიმართოს გამოხატვის რადიკალურ ფორმებს. 1908 წელს გაზეთი „ცისკარი“ წერდა: „მართალია, ეს მიზეზი მუშაობს რუსეთის თავადაზნაურობაშიც, მაგრამ გაცილებით უფრო ნელა, ვინემ ჩვენში. იქ მრავალი მემამულე შეეწყო მამულის შოვნას. აგრეთვე იქ სამსახურით ივხებენ იმას, რასაც მამული აკლებს. ცნობილია, რომ მთელი მაღალი ბიუროკრატია მემამულეებისაგან შესდგება. ჩვენებური მემამულე კი სწრაფად ვალიანდება, საკუთრება ეყიდება და ასე ეკონომიურათ მამულს დიდათ აღარ აფასებს, მისთვის სიცოცხლეს აღარ სწირავს. თუ შერჩა მამული, ხომ კარგი, თუ არა და სულ ერთია – მაინც ბანებს დარჩება. ასე იქნება თუ ისე, მამული მაინც ჩამოერთმევა. ამიტომ ისინი მრავალ ალაგას გლეხებს უთმობენ და ბრძოლას შერიგებას რჩეობენ.“<sup>262</sup>

ქართული კულტურული და პოლიტიკური ელიტის ნაწილი თავადაზნაურობასთან მიმართებაში გაზეთ „ცისკარის“ მიხედვით ასეთი იყო: „საქართველოს ნაწილთა პირველი ნაციონალური მოძრაობა იყო მოძრაობა თავადაზნაურობის ძველი წყობილების შესარჩენად. გლეხობა აქ იღებდა მონაწილეობას სწორედ წინააღმდეგი მიზნით – ბატონიშვილის უდლის შესამსუბუქებლად. ე.ი. აქ ფეოდალები ებრძოდნენ რუსებს, ხოლო გლეხები ფეოდალებს და რამდენიმეთ სამდვდელოებასაც. აი ჩვენი ნაციონალიზმის ტრაგიზმი. რატომ ასე უნდა მომხდარიყო? ცხადია რატომ. თავადაზნაურობის ნაციონალური დროშა იყო დროშა ფეოდალთა გაძლიერების, გლე-

<sup>262</sup> გაზ. ცისკარი, 1908, №1, გვ. 1

ხობის დაჯაბნების, ახალი ცხოვრების უარყოფის, ძველი ურთიერთობის აღდგენის – ერთი სიტყვით ეს დროშა არ იყო ხალხის დროშა. თავადაზნაურობის ნაციონალური ინტერესი არ შეიცავდა ნაციის ინტერესებს.<sup>263</sup> ივერია კი შემდგენაირად აღიქვამს ამ საკითხს: „.... ვინ იყო, ან რა ძალა იყო, ის ძალა, რომლითაც საქართველოს განცალკევებულნი ჯგუფნი შეერთდებოდნენ ხოლმე და მედგრად ებრძოდნენ საქართველოს გარეშე მტერს? მაშ ვინ დაიცვა საქართველოს ტერიტორია, ენა, სარწმუნოება? ვინ შექმნა საქართველოს თავისებური კულტურა, ლიტერატურა? ამის პასუხს ყველა შესძლებს, თუკი განგებ არ დაიბრმავებს თვალებს, არ დაიყრუებს კურებს და სიმართლეს არ უდალატებს. ეს ძალთა-ძალა იყო თავადაზნაურობა. საქართველოში თავადაზნაურობა რომ არ ყოფილიყო, დღემდე არც არავითარი ეროვნული კულტურა, ლიტერატურა, ხასიათი არ იქნებოდა და მთელი ჩვენი ხალხი წარმოადგენდა მარტო ჯგუფს, რომელსაც ერად არავინ ჩათვლიდა.“<sup>264</sup>

1900 წლიდან ბეჭდურ მედიაში თავადაზნაურობის აშკარა კრიტიკა იწყება. ფაქტობრივად, ეს წოდება საუკუნის დასაწყისში უკვე აღარ წარმოადგენს ავტორიტეტულ ძალას. ქართველი ერის გაძლიერების და განვითარების პროცესში თავადაზნაურობის როლი უარყოფილია. „ჩვენ არ შეგვიძლია თავადაზნაურობისაგან მოვალეოდეთ ერის აღორძინებას. თავადაზნაურობა არის წოდება შექმნილი წარსული ცხოვრების მიერ, მისი არსებობის აზრი წარსულშია, მისი ნიადაგი წარსული წეს-წყობილების ნაყოფია. თავადაზნაურობა, როგორც წოდება გვიანდერძა წარსულმა. მაგრამ იგი არსებობს დღეს, დღევან-

<sup>263</sup> გაზ. ცისკარი, 1908, №11, გვ. 1

<sup>264</sup> გაზ. ივერია, 1902, №252, გვ. 1

დელს ცხოვრების პირობებში რომელნიც გაჩნდნენ  
 წოდებანი და წოდებრივი განწყობილება. თავადაზნა-  
 ურობას – წოდებას არ ძალუძს დაიმორჩილოს ახა-  
 ლი ცხოვრების პირობები, პირიქით, თვითონ ემორჩი-  
 ლება ახალ ცხოვრებას და ნელ-ნელა ხშირად შეუგ-  
 ნებლად, იღებს მის ელფერს და ითვისებს მის ხასი-  
 ათს.<sup>265</sup> მუდმივად კეთდება აქცენტი იმაზე, რომ თა-  
 ვადაზნაურობა ვერ ერკვევა საზოგადოებრივ პრობ-  
 ლებში, რაც ქმნის ბარიერს მოსახლეობის ფართო  
 ფენებთან ურთიერთობებში. „ქართველი თავადაზნაუ-  
 რობის მოდვაწეობას თან სდევს ერთი თვალსაჩინო  
 ნაკლი, რომელიც ფრიად დამახასიათებელია მისი,  
 როგორც წოდებისა: პოლიტიკური გამოურკვევლობა  
 და ამ გამოურკვევლობასთან დაკავშირებული იდე-  
 ური გამოურკვევლობა და დაქსაქსულობა. ქართველ  
 თავადაზნაურობას ნათლად არა აქვს შეგნებული,  
 რა მიზეზები იწვევს ქართველი ხალხის ეროვნულ  
 დეზორგანიზაციას და რა ზომების მიღებაა საჭირო  
 ამ დეზორგანიზაციის მოსასპობად.“<sup>266</sup> მარიამ გარი-  
 ყული შემდეგნაირად ახასიათებდა თავადაზნაურო-  
 ბას: „თავადაზნაურთა უმეტესობა უსაქმურობაში  
 ატარებდა დროს, განსაკუთრებით ახალგაზრდობა.  
 ნიადაგი მომცდარი ჰქონდათ ფეხებში, სამხედრო ას-  
 პარეზზე გმირობას და სამშობლოსათვის თავდადე-  
 ბას მათ აღარავინ სთხოვდა. სამურნეო შრომაც არ  
 შედიოდა მათ დღიურში, სწავლა-განათლებას აგრე-  
 რიგად არ ეტანებოდნენ. მათი უმეტესობისათვის მი-  
 ზანი გიმნაზიის პირველი, მეორე და მესამე კლასი –  
 კურსის დამთავრება იყო. ზოგი მათგანი აქამდისაც  
 ვერ მიატანდა. რა უნდა გაეკეთებინა ამ უსაქმოდ  
 დარჩენულ ახალგაზრდობას? დღეს შენთან, ხვალ

<sup>265</sup> გაზ. ცნობის ფურცელი, 1903, № 2154, გვ. 2

<sup>266</sup> გაზ. სახალხო გაზეთი, 1910, № 184, გვ. 2

იმასთან, ზეგ დუქანში. ლოთობა, ჩხუბი და დავიდარაბა.“<sup>267</sup> თავადაზნაურობა მალე მიხვდა, რომ თანამედროვე საზოგადოების ნაწილი ვერ გახდებოდა, თუ დროს ფეხს არ აუწყობდა „... მესამოცე წლებამდე ცხოვრება იყო მარტივი და მდორე, მწერლობა ერთფეროვანი, მხოლოდ ერთი კლასის – თავადობის სიმპატია-იდეალების გამომხატველი. რადგანაც სამხედრო სამსახურმა და ჩინოვნიკობამ შემოდგა ჩვენში ფეხი და ორივეს დიდი მოტრფიალენი გამოუწყდნენ ჩვენს თავადობაში, სწავლა-განათლება ნელნელა აღორძინდა და თბილისში სასწავლებელიც კი დაარსა მთავრობამ კეთილშობილთავის. ახალგაზრდობის ერთმა ნაწილმა, რომელსაც მაშინდელ დროსთან შედარებით რიგიანი განათლება მიეღო, ნელნელა უკუაგდო პირადი ცხოვრების ვიწრო ფარგლები და გამოვიდა საზოგადო ასპარეზზე, მისმა მოღვაწეობამ ჩვენს ცხოვრებას სული შთაბერა და საზოგადოებრივი ცხოვრება, რომელიც თითქმის სრულებით აღარ არსებობდა, ორმოცდათ წლებში ნელნელა აღორძინდა, მაგრამ ცხოვრების ამოძრავება შუაგულიდან, თვით ხალხიდან, კი არ დაიწყო, არამედ ზედაპირიდან – თავადაზნაურობიდან.“<sup>268</sup> ზემოთ განხილული საკითხები, კერძოდ, საერთო ეკონომიკური სივრცის შექმნისთვის ბრძოლა ქართული კულტურული და პოლიტიკური ელიტის მხრიდან მოწმობს იმას, რომ მათ საერთო მიზანს წარმოადგენდა კაპიტალიზმისთვის დამახასიათებელ სისტემაზე გადასვლა. ამ პროცესში ყველა სოციალური ფენის ჩართვა და ეროვნული ეკონომიკის აღორძინება. ისეთი ქართული, ეროვნული პოლიტიკის მაწარმოება

<sup>267</sup> გ. გარიყელი, მოგონებები, თბილისი: საბჭოთა საქართველო, 1962, გვ. 207

<sup>268</sup> გახ. გვალი, 1901, №36, გვ. 793

ბელი პოლიტიკური პარტიების წარმომადგენლებიც კი, როგორიც იყო: ეროვნულ-დემოკრატიული და სოციალისტ-ფედერალისტური პარტია და ზოგადად, ეროვნული მიმართულების მოღვაწეები იყვნენ, საჭიროდ თვლიდნენ ახალი ეკონომიკური ფორმების ქართულ სინამდვილეში დანერგვას და თანამედროვე ეპოქისათვის დამახასიათებელი სამრეწველო სტრუქტურის გამოყენებას.

როგორც უკვე აღვნიშნე, XX საუკუნის დასაწყისში თავადაზნაურობა აღარ წარმოადგენდა ძლიერ სოციალურ ფენას. მათი დიდი ნაწილი უკვე ასიმილაციას განიცდიდა საზოგადოების ფართო ფენებთან. ფაქტობრივად იმ მცირე ნაწილის გარდა, რომლებიც რუსეთის იმპერატორის „ერთგულებაზე დებდნენ ფიც“ და მისი მეშვეობით ცდილობდნენ საკუთარი ეკონომიკური მდგომარეობის შენარჩუნებას და არა გავლენის, რადგანაც ამ პერიოდში თავადაზნაურობას უკვე არ გააჩნდა გავლენა საზოგადოებაზე. ქართველი ინტელიგენციის შეგნებული ნაწილის მცდელობისდა მიუხედავად, თავადაზნაურობისთვის შეეგნებინებინა ახალი ეპოქის მოთხოვნა და ის გარდაქმნები, რაც კაპიტალიზმა მოიტანა უშედეგო აღმოჩნდა. ყველასთვის ნათელი იყო, რომ კაპიტალიზმი მხოლოდ რუსეთისთვის და მის დაქვემდებარებაში მყოფი საქართველოსთვის კი არ იყო დამახასიათებელი, არამედ იგი მთელი თანამედროვე ეპოქის რეალობა და ახალი ეტაპის დასაწყისი იყო. ფეოდალიზმი დასრულდა და მისი არსებობა მხოლოდ უკანასკნელ დღეებს ითვლიდა და მისი საბოლოო წარმომადგენელი თავადზანაურთა ის მცირე ნაწილი იყო, რომელიც დროის გამოწვევას ვერ ეგუებოდა. პრაქტიკულად ქართველი საზოგადოების შეგნებული ნაწილი დარწმუნებული იყო არსებული სინამდვი-

ლის გარდაუვალობაში და ცდილობდა არსებული ვითარება საქართველოს საკუთილდღოდ გამოუყენებინა.

1900-1917 წლებში მიმდინარეობდა ბრძოლა არა მხოლოდ რუსეთის თვითმპურობელობის წინააღმდეგ, რაც პირველ რიგში კულტურით, განათლებით ბრძოლას გულისხმობდა, არამედ ქართველი საზოგადოების ძველ და ახალი თაობის წარმომადგენლებს შორისაც. თავადაზნაურობა კი იმ წოდებას ეკუთვნოდა, რომელიც წარსულს აიდეალებდა და ძველი დროის დაბრუნება მხოლოდ იმიტომ სურდა, რომ აღედგინა ის გავლენა და პრივილეგიები, რაც საუკუნეების მანძილზე გააჩნდა. ახალი თაობა, რომელშიც გაერთიანებული იყვნენ ქართველი მოღვაწეების ის ბირთვი, რომლებმაც მემკვიდრეობით მიიღეს სამოციანელებისგან ახალი საქართველოს მშენებლობის დევიზი, მთლიანად მიმართული იყვნენ შეექმნათ თანამედროვე ტიპის სახელმწიფო, სადაც ყველა სოციალური ფენის წარმომადგენელი იქნებოდა ეკონომიკურად და სოციალურად თავისუფალი და რაც მთავრია იცხოვრებდა დამოუკიდებელ საქართველოში.

საქართველოს სახელმწიფოურივი დამოუკიდებლობის აღდგენის შემდეგ, როდესაც ხელისუფლების სათავეში მოვიდნენ სოციალ-დემოკრატები, მათ დემოკრატიული ქვეყნის აშენება დაისახეს მიზნად და მონარქიული წყობა უკვე მიუღებელი იყო არამარტო მათოვის, არამედ მრავალი ქართველის-თვის. როგორც ცნობილია, სოციალ-დემოკრატიული პარტიის იდეოლოგიამ გარკვეული ტრანსფორმაცია განიცადა მთელი ამ წლების მანძილზე და ოუთავიდან რუსული იდეების გავლენის ქვეშ იმყოფებოდნენ, შემდეგ და განსაკუთრებით ხელისუფალებაში მოსვლის შემდეგ საზოგადოების ფართო ფენების

გულისმოგების მიზნით თავიანთი სახელმწიფო ებრივი პროგრამა უფრო ეროვნული გახდების. მათ მთავარ მიზანს წარმოადგენდა ხალხში ნდობის მოპოვება და ყველა იმ პრობლემის მოწესრიგება, რაც საზოგადოების სატკივარი იყო. ამ მიზნის მისაღწევად კი აუცილებლობას წარმოადგენდა დაბალი ფეხების ორგანიზება და დამოუკიდებელი საქართველოს უპირატესობის დანახვება. გაზეთი ერთობა 1919 წელს წერდა: „დღეს ჩვენი ცხოვრება დაინგრა და ჩვენი სამშობლო ჩვენი ხალხის ხელშია. მთელი მშრომელი ხალხი, ვინც კი საქართველოს მიწაზე ცხოვრობს, დღეს საქართველოს გამგე და პატრონია. გუშინ თქვენ იყავით სხვის ხელში შემყურენი, დღეს კი ხართ თავისუფალი მოქალაქენი და უთქვენოდ, თქვენ დაუკითხავად, თუ თქვენი სურვილი, ნება და დასტური არ იქნა, ისე ჩვენს ქვეყანაში არაფერი გაკეთდება. უწინ ჩვენში ყველაფერი კეთდებოდა მემამულებისათვის, მდიდრებისათვის და ყოველივე ამას აკეთებდა მათი მთავრობა. დღეიდან კი ჩვენში ყოველისფერი გაკეთდება თქვენთვის, მშრომელი ხალხისთვის და ამას აკეთებს თქვენი მთავრობა.“<sup>269</sup> ამდენად, დასკვნის სახით შეიძლება ითქვას, რომ ბატონყმობის გაუქმების შემდეგ დაწყებული თავადაზნაურთა უფლებების შეზღუდვის პროცესი ნელ-ნელა მიმდინარეობდა მთელი XIX საუკუნის II ნახევარში და XX საუკუნის დასაწყისიდან ახალ სტადიაზე გადავიდა. აღნიშნული პროცესების განვითარებას თავადაზნაურობის საწინააღმდეგოდ ხელი შეუწყო კაპიტალისტური სისტემის დამკვიდრებამ საქართველოში. თავადაზნაურობა 1900-1917 წლებში უკვე ადარ წარმოადგენდა იმ ძალას, რომელიც XIX საუკუნის

<sup>269</sup> გაზ. ერთობა, 1919, №47, გვ. 3

კუნის II ნახევარში გააჩნდა. ახალმა ეკონომიკურმა წყობამ გარკვეული გარდაქმნები განაპირობა და მოდერნული ეპოქისთვის ფეოდალიზმისთვის დამახასიათებელი სოციალური ფენა მოლიანად მიუღებელი აღმოჩნდა.

ბუნებრივია, განხილული საკითხები პრობლემის მხოლოდ ერთი ნაწილია, თუმცა, ვფიქრობთ წარმოდგენილმა მასალამ საინტერესო დასკვნების გამოტანის საშუალება მოგვცა.

## თავი მეშვიდე

### გურჯახია

კაპიტალისტური წეობის დამკვიდრებამ ახალი სოციალური კლასების: პროლეტარიატის და ბურჟუაზიის ჩამოყალიბებას შეუწყო ხელი. ბატონიშვილის გაუქმებამ მნიშვნელოვნად შეცვალა მსოფლიო პოლიტიკური, სოციალური და ეკონომიკური სისტემა. ახალ გარემოში ახალი მოთხოვნები და გამოწვევები გაჩნდა. არა მხოლოდ პროლეტარიატი და ბურჟუაზია, არამედ მთელი საზოგადოება გარდაქმნებს განიცდიდა.

ბატონიშვილის გაუქმებას და კაპიტალისტური სისტემის შემოსვლას არც საქართველოს სინამდვილისთვის ჩაუვლია უპრობლემოდ. და ეს გასაგებიც იყო. გარდა იმისა, რომ XIX საუკუნის დასაწყისს საქართველო ოუსეთის იმპერიის დამპყრობლური პოლიტიკის შედეგად მის დაქვემდებარებაში შესვლით შეხვდა და ჯერ კიდევ ვერ გამოსულიყო ქართველობა საიმპერატორო კარის ოუსიფიკატორული ქმედებების უკიდურესი ფორმების გააზრებიდან, რაც ეროვნული სიმბოლოების: საკუთარი ტერიტორიის, ქართული ენის, ქრისტიანობის დაკარგვა-გაუქმებაში გამოიხატებოდა, რომ XIX საუკუნის II ნახევრიდან შეცვლას იწყებს ფეოდალურ სისტემაზე აგებული მოდელი და საქართველო ახალი გამოწვევების წინაშე დგება. რაც მთავარია, ეს ფაქტი მოდიოდა უკვე არა ოუსეთიდან, არამედ ევროპიდან და მის წინაშე უძლური იყო თვით ოუსეთიც.

ფეოდალიზმის პერიოდის ურთიერთობა აგებული იყო ბატონსა და გლეხს შორის, კაპიტალიზმის დროს კი – ბურჟუაზიასა და პროლეტარიატს შორის ყალიბდება კავშირი. კაპიტალიზმა განაპირობა არა

მხოლოდ ახალი სოციალური ფენების ჩამოყალიბება, არამედ ეკონომიკური ფორმებისაც. ბურჟუაზია კაპიტალისტური ეპოქის განუყრელი ნაწილი გახდა. „დღევანდელ საზოგადოებაში უმთავრესად ორი ერთიმეორის მოწინაადმდება კლასი იბრძვის, ბურჟუაზია და პროლეტარიატი, მუშათა კლასი. ბურჟუაზიის გარშემო იყრის თავს ყველა ბურჟუაზიული ფრაქციები: ისინი ერთდებიან და საერთო იერიში მიაქვთ მუშათა კლასზე, მუშათა კლასი სდგას მარტო, როგორც ერთადერთი დამცველი ყოველგვარ დაჩაგვრისაგან, დამონებისაგან. ამიტომ ის ებრძვის არა მარტო ბიუროკრატიას, რომელიც საყოველთაო სულთამხუთავად გამხდარა, არამედ მთელ ბურჟუაზიულ წყობილებას, რომელიც დაქირავებულთა გაყვლეფით ცხოვრობს და სუქდება.“<sup>270</sup>

კაპიტალიზმის დამკვიდრების და ბურჟუაზიის ჩამოყალიბებასთან ერთად იბადება ახალი “გადატაკებული” და “უპოვარი” ფენა პროლეტარიატი და ამასთან ჩნდება ამ უკანასკნელის „ინტერესების დამცველი“ სოციალ-დემოკრატიული პარტია, რომელიც უპირისპირდება ბურჟუაზიულ წყობას და სოციალიზმის განხორციელებისთვის იწყებს მოღვაწეობას. ასე რომ, ბურჟუაზიას პროლეტარიატთან ჭიდილ ში უხდება არსებობა. 1905 წელს ჟურნალი „მოგზაური“ წერდა: „სხვადასხვა ერის ბურჟუაზია არაფრით განსხვავდება ერთი მეორისაგან, განსხვავება შეიძლება ისეთ წვრილმან რამეებში იყოს, რასაც სრულებით არავითარი მნიშვნელობა არა აქვს და როცა თქვენ ერთი ერის ბურჟუაზიას ახასიათებთ, ამით რამდენიმეთ ახასიათებთ სხვა ერის ბურჟუაზიასაც. ბურჟუაზიის ბუნება, მისი აღორძინება და ზრდა-განვითარება“<sup>271</sup>

<sup>270</sup> გაზ. საქართველო, 1903, №4, გვ. 3

ბა დაახლოვებით ყველგან ერთნაირად, ერთნაირი საშუალებებით, ერთნაირი გზით ხდება. ეს საშუალება, ეს გზა მშრომელი ხალხის გაყვლეფაა, პროლეტარიატის ეკონომიკურათ და პოლიტიკურათ დამონებაა. მაგრამ ბურჟუაზიის აღორძინებასთან ერთად, მეტი თუ ნაკლები სიჩქარით, ხდება პროლეტარიატის, როგორც ცალკე საზოგადოებრივი კლასის გამოღვიძება, მისი კლასობრივი შეგნების განვითარება.<sup>271</sup> მართალია, ქართული კულტურული და პოლიტიკური ელიტის დიდმა ნაწილმა გააცნობიერა ახალი ეკონომიკური სისტემის ფეხის აწყობის საჭიროება და ქართული სინამდვილისათვის მორგება, მაგრამ ბურჟუაზიის არსებობა მათვის მიუღებელი იყო იმდენად, რამდენადაც ფართო მასების უკიდურესი მდგომარეობა საგანგაშო ხდებოდა. „ქართველი ბურჟუაზიის განვითარება პროგრესულია მხოლოდ იმდენად, რამდენადაც ის შეებრძოლება შინაურ ფერდალურ-პატრიარქალურ ურთიერთობას და მის ნანგრევებზე ააშენებს ახალ წყობილებას. მეორე მხრივ, იმავე ბურჟუაზიის განვითარება რეგრესულია იმდენად, რამდენადაც ის იმორჩილებს „მშრომელ ხალხს“ და მისი ოფლით თვითონ ბატონდება.“<sup>272</sup>

საქართველოსთვის ბურჟუაზია მიუღებელი იყო იმის გამო, რომ მათი უმრავლესობა არაქართველებისაგან შედგებოდა. თუმცა ისიც ფაქტი იყო, რომ ქართველი ბურჟუაზიული ელემენტების ჩამოყალიბება ვერ განხორციელდა ნაციონალური გზით. შუა საუკუნეების საქართველოში შექმნილი ვითარება არ იძლეოდა იმის საშუალებას, რომ ქართველი ვაჭრები გაძლიერებულიყვნენ. მუდმივ ომში მყოფი ქართველობა ვერ ახერხებდა ვაჭრობაში ჩართულიყვნენ და

<sup>271</sup> ქურნ. მოგზაური, 1905, №35

<sup>272</sup> გაზ. კვალი, 1901, №25, გვ. 60

თავის მხრივ ფეოდალსაც ხელს არ აძლევდა, ამიტომ საქართველოში ყოველთვის უცხო ერის წარმომადგენლების კომპეტენცია იყო ვაჭრობა. ასეთივე სიტუაციას ვხედავთ XX საუკუნის დასაწყისის საქართველოში, ბურუჟაზია ძირითადად არაქართველებისაგან შედგებოდა, მხოლოდ უმცირესობა იყო ქართველი. ეს ფაქტი ბუნებრივია უარყოფითად აისახებოდა ჩვენი ქვეყნის ცხოვრებაზე. ეს გარემოება ბურუჟაზის მიმართ არსებულ უარყოფით დამოკიდებულებას კიდევ უფრო ამძაფრებდა. მით უფრო, რომ იგი თვითმპურობელობის მთავარ დასაყრდენად მიიჩნეოდა. როგორც ცნობილია, 1900-1917 წლების საქართველოში მუშების საკითხი ფართო განხილვის საგანი ხდება, რომლის იდეოლოგის წარმოადგენდა სოციალ-დემოკრატიული პარტია. მათი მიზანი თვითმპურობელობის წინააღმდეგ ბრძოლასთან ერთად პროლეტარიატის ბურუჟაზიის მისამართით გამოსვლაც იყო. საკუთარი იდეების რეალიზებას საქართველოში სოციალ-დემოკრატიული ხასიათის უურნალ-გაზეთების და პროკლამაციების მეშვეობით ცდილობდნენ. პროლეტარიატის ინტერესების დამცველი გაზითი „მუშა“ წერდა: „ვინ არის ბურუჟაზია? ვინ და ჩვენი – პროლეტარიატის მტერი როგორც პოლიტიკურად, ისე ეკონომიკურად, ის ჩვენი პოლიტიკური და ეკონომიკური მყვლეფელი ექსპლუატატორია. მისი წარმოების წესი მისი კერძო საცურების და მწარმოებლის ჩვენი შიმშილის, სიღატაკის გამაძლიერებელია. რისთვის იბრძვის ბურუჟაზია? ის იბრძვის სოციალური საყვლეფი სისტემის გასაუმჯობესებლად. ამისთვის, რომ თავისი მყვლეფელობის და ცარცვის სისტემა გაემაგრებინა და ხანგრძლივი გაეხადა იმან რევოლუციებიც კი მოახდინა ხან თავისი ხან სხვისი მკლავით, ხან ზევიდან ხან

ქვევიდან მოტყუებით... ბურუჟაზია და სახელმწიფო ჩვენ მონობაზე დამყარებულ თავისი თავისუფლებისათვის იბრძვის. ის ჩვენი მტერია. ჩვენ კი როგორც მთელი კაცობრიობის სიმდიდრის, კულტურის, ცივილიზაციის მწარმოებელნი ვიბრძვით მთელი ქვეყნის განთავისუფლებისათვის. ჩვენი განთავისუფლება მთელი ქვეყნის, კაცობრიობის განთავისუფლება იქნება.“<sup>273</sup>

კაპიტალისტურმა წყობამ ძირეულად შეცვალა სახელმწიფოებრივი ცხოვრების მრავალი საკითხი და რაც მთავარია—იდეოლოგიაც. “ახალი კვალი“ 1915 წელს წერს: „კაპიტალისტურ დროში ომის უმთავრესი მიზეზია არა სარწმუნოებრივი ან ნაციონალური განსხვავება, არამედ ეკონომიური შეჯიბრება, რომლისკენაც სხვადასხვა ქვეყნის შეძლებული კლასები თვით წარმოების თვისებას მიყავს. ერთის მხრით, თუ კაპიტალიზმი შრომის ბრძოლის ველზე ყოველთვის მსხვერპლად იწირავს მუშების ჯანდონებს და სიცოცხლეს, მეორე მხრით, ის სინოდის შეუწუხებლად დვრის მათ სისხლს, როცა ახალი მოგაბის გულისათვის ბაზრების დასაპყრობად მიიღონ.“<sup>274</sup> კაპიტალიზმის დროს ბურუჟაზია ცვლის ფეოდალს. საზოგადოების ფართო ფენები მოდერნულ პერიოდში ეპოქისათვის შესაფერისი და დამასასიათებელი ძლიერი სოციალური ფენის ბურუჟაზიის გავლენაში და დაგვემდებარებაში აღმოჩნდნენ. ფაქტობრივად ბატონყმობის გაუქმებამ ახალი არაფერი მოიტანა უმრავლესობისთვის, იმ გაგებით, რომ ისინი ფეოდალის ნაცვლად, რომელიც შეა საუკუნეებში მთავარი ძალა და სამეფო კარის ძირითადი დასყრდენი იყო, ის კი თავის მხრივ ამ პრივილეგიით

<sup>273</sup> გაზ. მუშა, 1906, №30, გვ. 1

<sup>274</sup> გაზ. ახალი კვალი, 1915, №8. გვ. 2

ხშირ შემთხვევაში გადამეტებულად სარგებლობდა, გაჩნდა ბურჟუაზია, თვითმყრობელობის მთავარი საყრდენი. ეს უკანასკნელი კი მთლიანად მიმართული იყო საკუთარი უფლებების გაზრდისა და ეკონომიკური მდგომარეობის გაძლიერებისაკენ. საქართველოში XIX საუკუნის II ნახევრიდან გაჩნდა ახალი სოციალური ფენა - ბურჟუაზია, რომელიც ძირითადად ეთნიკური არაქართველებით იყო წარმოდგენილი, რომელთაც თავისი ეკონომიკური ინტერესები გააჩნდა. ბურჟუაზიას ზოგიერთი პოლიტიკური პარტია სერიოზულ ეროვნულ ძალად არ აღიქვამდა და ძირითადად მისი კრიტიკით შემოიფარგლებოდა. სოციალისტ-ფედერალისტები ბურჟუაზიას შემდეგნაირად ახასიათებდნენ: „ეროვნებას იცავს იგი არა სამართლიანობისათვის არამედ საბაზო ინტერესებისათვის. სიმართლე არ ალაპარაკებს, საქვეყნო და სახალხო საქმე არ უწვავს გულს, როდესაც გამოდის და ხმამაღლა ყვირის: თავგამოდებით უნდა ვემსახუროთ ეროვნულ იდეასო! თუ ბურჟუაზია დაჩაგრული, დამონებული არ არის თვითონ, ძალმომრეობას ხმარობს და იბრძვის თავის ეროვნული ძალების გასაფართოვებლად, ე. ი. თავის მრეწველობისათვის მეტის და მეტის ასპარეზის მოსაპოვებლად. თუ ბურჟუაზია დაჩაგრულია, იბრძვის დამჩაგვრელთა ძალმომრეობის წინააღმდეგ, რომ მოიპოვოს ეროვნული დამოუკიდებლობა, თავისუფალი ასპარეზი თავის მრეწველობისათვის. ერთსა და მეორე შემთხვევაშიც იბრძვის ეროვნული თავისუფლებისათვის. მაგრამ ეს თავისუფლება ესმის თავისებურად და მზად არის ამ ეროვნული თავისუფლებისა და იდეებისათვის დაჩაგროს, შეავიწროვოს და გაანადგუროს სხვა ყველა ეროვნება. ბურჟუაზიას არ ესმის ეროვნული თავისუფლება, როგორც თანაბრად საჭირო ყველასათვის.

ბურუჟაზიას უნდა ეროვნული თავისუფლება მხოლოდ თავისთვის, როგორც იარადი სხვის დასაჩაგრავად და დასამონებლად.<sup>275</sup> საერთოდ, სხვადასხვა სოციალური ფენების კრიტიკა აღნიშნული პერიოდისთვის დამახასიათებელია. თითქმის ყველა მიმართულების უურნალ-გაზეთში გხვდებით არსებული ვოთარების პირისპირ მყოფი საზოგადოებრივი ჯგუფების ინერტულობის კრიტიკას. უარყოფითი მხარეების წარმოჩენით ქართველი ინტელიგენცია ცდილობს აღმოფხვრას ის მახასიათებლები, რომლებიც მათი აზრით, ეროვნული იდეის განვითარების შეფერხებას უწყობს ხელს. მართალია, სხვადასხვა პოლიტიკური ორიენტაციის მედიას საკუთარი მიზანი გააჩნდა, ამათუ იმ პარტიის ინტერესებს გამოხატავდა და საჭიროებისადა მიხედვით მოწინააღმდეგეთა ინტერესების გაბათილებას და მათი გეგმების წამოწევას ცდილობდა, ამიტომ სწორედ იმ სოციალურ ფენაზე აკეთებდა აქცენტს, რომელიც მათი დასაყრდენი იყო, მაგრამ მიზანი საერთო იყო: თავისუფლების მოპოვება. და ამ მიზნამდე მისასვლელი გზები იყო განსხვავებული.

ბურუჟაზიის მიმართ არსებული უარყოფითი დამოკიდებულება გამომდინარეობდა არამარტო იქიდან, რომ ისინი და განსაკუთრებით მსხვილი ბურუჟაზია არაქართველებით იყო წარმოდგენილი, არამედ იქიდანაც, რომ ის თვითმყრობელობის მთავარი დასაყრდენი იყო. იმ ფონზე, როდესაც საქართველოში არაეროვნული ძალები საკმაოდ მრავლად იყვნენ და ამასთან რუსეთის ხელისუფლების და ჩვენს ქვეყანაში მყოფი მათი მოხელეების პოლიტიკა მთლიანად ანტიქართული იყო, ბუნებრივია სხვადასხვა ეროვნე-

<sup>275</sup> სოციალიზმი და ეროვნული საკითხი, (სოციალისტულერალისტები), თბილისი, 1905, გვ. 5

ბის წარმომადგენლებისგან შემდგარი ბურჟუაზია, რომელსაც საკმარდ დიდი ფინანსური ძალა გააჩნდა ასევე გულგრილი იყო ქართველი ერისადმი. ქართველი საზოგადოების ძირითადი დასაყრდენი წვრილი ბურჟუაზია იყო. ისევე როგორც ყველა განხილულმა სოციალურმა ფენამ, ბურჟუაზიამაც თავისი ცნობიერების განვითარების გარკვეული ეტაპი განვლო. მართალია, პირველმა მსოფლიო ომმა ბურჟუაზიის ინტერესების დაქმაყოფილებას დიდად შეუწყო ხელი, მაგრამ 1917 წლიდან შექმნილი მოვლენები თავის ასახვას პოულობს მათ ცხოვრებაზეც. გაზეთი „ერთობა“ აღნიშნავდა: „ბურჟუაზია ისტორიულად ორ ცეცხლშუა იმყოფება. ის მომხრეა პოლიტიკური თავისუფლების დამყარების და ბატონყმური ნაშთების მოსპობის, მაგრამ ამავე დროს ის უფრთხის დემოკრატის ამოძრავებას. მუშათა კლასი მის სოციალურ ბატონობას ემუქრება. ამიტომაც არის ბურჟუაზია მეფესთან მორიგებას არჩევს. და მასთან ძალაუფლების განაწილებას ესარჩელება.“<sup>276</sup>

ბურჟუაზია, როგორც ახალი ეპოქის, კაპიტალისტური წყობის პროდუქტი, მიმართული იყო ბატონყმობის ნაშთების მოსპობისკენ. მათი მთავარი მიზანი საგაჭრო-ეკონომიკური კავშირ-ურთიერთობების გაფართოება და ახალი ბაზრების დაპყრობა და ძლიერი საგაჭრო ობიექტების გაჩენა იყო. პირველმა მსოფლიო ომმა ბურჟუაზიას საშუალება მისცა ამ გეგმის რეალიზაციისთვის. „ერთობა“ წერდა: „ბურჟუაზიის ეროვნული იდეა გამოიხატება გაბატონებულ კლასად გახდომის მისწრავებაში. ასეთ კლასად შეუძლია მას იყოს მხოლოდ საკუთარ ეროვნულ სახელმწიფოში. ვინაიდან ბურჟუაზიის ეროვნუ-

<sup>276</sup> გაზ. ერთობა, 1917, №70, გვ. 3

ლი მისწრა-ფება გამოიხატება საკუთარი ბაზრის გაფართოვებაში, საკუთარი ვაჭრობა-მრეწველობის განვითარებაში, ამიტომ მას ესაჭიროება ძლიერი მთავრობა, რომელსაც შეეძლება საკუთარი სახელმწიფო საზღვრების გაფართოება და სხვა სახელმწიფოთა ბაზრებზე ბატონობა. ბურჟუაზია მთელ თავისს სოციალური არსებით აგრესიული ხასიათისაა. ამაში განხევავება არ არის პატარა და დიდი ერის ბურჟუაზიას შორის. პატარა ბელგია ისეთსავე პოლიტიკას აწარმოებდა აფრიკაში, როგორც ინგლისი. მათი დამოკიდებულება ადგილობრივ მცხოვრებლებთან ერთნაირი აგრესიული იყო, ბურჟუაზია ცდილობს გაბატონებულ კლასათ გახდომას და ვინაიდან სხვის სახელმწიფოში ის ამის შესაძლებლობას ვერ ხედავს ყოველ ღონებს ხმარობს თავის საკუთარ სახელმწიფოს შესაქმნელად.<sup>277</sup>

იგივე „ერთობა“ წერს: „ახალი ეკონომიკური მოძრაობის მატარებელი ერში ბურჟუაზიაა. ბურჟუაზიას მისწრაფებაა რაც შეიძლება გააფართოვოს წარმოება და გახდეს გაბატონებულ კლასად. გაბატონებულ კლასად ყოფნა მას შეუძლია არა მარტო ეკონომიურად, არამედ ის უნდა იყოს აგრეთვე გაბატონებული პოლიტიკურადაც. ყოველი კლასი ითვლება გაბატონებულად იმდენად, რამდენადაც ის მომზადებულია პოლიტიკურად, ვინაიდან მის ხელში პოლიტიკური უფლება ის საშუალებაა, რომლითაც ის სხვა კლასებზე ბატონობს ეკონომიურად. როდესაც დამონებული ერის ბურჟუაზია მიისწრაფვის გახდეს თავის ქვეყნის პოლიტიკური საქმეების ბატონ-პატრონი, იმას ამ დროს შეტაკება უხდება გაბატონებულ ერის ბურჟუაზიასთან, ვინაიდან ეს უკანასკნე-

<sup>277</sup> იქვე, გვ. 3

ლი სახელმწიფოს ბატონ-პატრონია. სწორედ აქედან წარმოსდგება ინტერესთა წინააღმდეგობა გაბატონებულ და დამონებულ ერთა ბურჟუაზიას შორის. დამონებული ერის ბურჟუაზია ატყობს რა, რომ მას არ ძალუმს წართვას გაბატონებული ერის ბურჟუაზიას ძალა, ის ცდილობს თავისი ეროვნული სახელმწიფოს შექმნას, სადაც ის იქნება ბატონ-პატრონი. მისი მუშაობა ამ გზით წარმოებს. არსდება ეროვნული პარტიები, გამოაქვთ ეროვნული პროგრამა და აფრიალებენ ეროვნულ დროშას. რამდენად ერი ჩქარის ნაბიჯით მიდის წინ ამ ახალი ცხოვრების გზაზე, იმდენად ვითარდება და ლრმავდება ეროვნული მოძრაობა, რომელიც ბოლოს პოლიტიკურ მოძრაობად ხდება.<sup>278</sup>

როგორც აღვნიშნე, მსხვილი ბურჟუაზია არა-ქართველებისაგან შედგებოდა და მათ ქართული, ეროვნული ეკონომიკის განვითარება ნაკლებად აინტერესებდათ. ეროვნული იდეების მატარებელი იყო წვრილი ბურჟუაზია, რომელიც ქართველებით იყო წარმოდგენილი. წვრილი ბურჟუაზია პოლიტიკური და კულტურული ელიტის დასაყრდენი იყო, რომლის მეშვეობითაც ფიქრობდნენ ეროვნული გეგმების განხორციელებას. „ეს ორგანიზაცია კაპიტალი, ნაციონალური და უცხო თამაშობს ორ სხვადასხვა სოციალურ როლს საქართველოში. პირველი, წვრილი ბურჟუაზიული, საერთო, საყოველოათ მოვლენაა და ახასიათებს ქართველი ერის მოქალაქეობრიობას. მეორე, მსხვილბურჟუაზიული, გამონაკლისია, აქა-იქ შემოჭრილია და ახასიათებს ქართველ მუშა-ხალხის კლასიურ მდგომარეობას. მაგრამ, რადგანაც ერის ეკონომიური საქმიანობის მეთაური და სამოქალაქო

<sup>278</sup> გაზ. ერთობა, 1917, №70, გვ. 3

კულტურის მეთაური წვრილი ბურუჟაზიაა, ამიტომ უცხო კაპიტალის სოციალური გავლენა განახევრებულია, პროლეტარიატი იმყოფება წვრილი ბურუჟაზის კულტურის გავლენის ქვეშ. თავის იდეალად დასახული აქვს არა კლასიური ბრძოლით თავის მდგომარეობის გაუმჯობესება, არამედ წვრილ ბურუჟაზიად გადაქცევა, ე.ი. მუშა ხალხი იკვებება წვრილ ბურუჟაზიულ იდეალებით და სხვილი კაპიტალის რევოლუციურ მნიშვნელობას წვრილთან შედარებით სრულიად არ სცნობს.<sup>279</sup> 1912 წელს „კლდე“ წერდა: „სულ სხვაა ქართველი ვაჭარი, რომელიც გამოღის მისთვის ახალ სარბიელზედ. მისთვის ვაჭრობა ცარიელი მოგება არ არის. მის ვაჭრობას ეროვნული ფუნქცია აქვს და თუ ერთის მხრივ ის ასრულებს ეროვნულ ფუნქციას, ის პქმნის არა მარტო თავის სიმდიდრეს, ეროვნულ სიმდიდრესაც. ყოვლად წარმოუდგენელია ქართველი ვაჭარი პოლიტიკურის ინდიფერენციზმით იყოს შეპყრობილი. მისი ბედი გადაბმულია მისი ქვეყნის ბედთან და მაშასადამე იგი ეცდება ჩაებას ქვეყნის პოლიტიკურ ცხოვრებაში. იგი არ დაერიდება ქვეყნის მიწა-წყალზედ პიონერად გამოვიდეს ისეთ საქმეში, რომელიც გაამდიდრებს არა მარტო მას, არამედ მთელ კუთხესაც წინ წასწევს. ცარიელ მოგებას მის ანგარიშში ზედ დაერთობა უზრუნველყოფაც მთელი ერისა, რომელიც დიდს ეკონომიკურ ცხოვრებაში საურთიერთო თავმდაბლობის როლს ასრულებს და ამრიგად იგი გახდება ჭეშმარიტი ფაქტორი ეროვნული ცხოვრებისა.“<sup>280</sup> სოციალ-დემოკრატების აზრით, ბურუჟაზია კი არ უნდა მოისპოს, მისი არსებობა დღესაც საჭიროა. ამ დებულების უფრო დრმა სიმართლე ხშირად

<sup>279</sup> გაზ. თანამედროვე აზრი, 1916, №121, გვ. 1

<sup>280</sup> ქურნ. კლდე, 1915, №1

შემდეგს აზრში იხატება ხოლმე: საქართველო კაპიტალიზმის განვითარებით კი არ იტანჯება, პირიქით საქართველოში კაპიტალიზმის განუვითარებლობაა ჩვენი ჩამორჩენილობის მიზეზი.<sup>281</sup> ქართველთაგან აღსანიშნავია მიტროფანე ლალიძის და დავით სარაჯიშვილის ღვაწლი.

როგორც ყველა სოციალური ფენის თუ ჯგუფის, ისე ბურჟუაზიის როლის, უფლებების და ფუნქციის მიმართაც არაერთგვაროვანი მოსაზრებები არსებობდა. თუმცა, ერთი რამ ფაქტი იყო, ბურჟუაზია 1900-1921 წლების საქართველოს სოციალური გარემოს შემადგენელი ნაწილი იყო, რომელსაც საკუთარი მიზანი და ისტორიული დანიშნულება გააჩნდა. ამიტომ XX საუკუნის პირველი ოცწლეულის მოვლენების შეფასება აღნიშნული საკითხის განხილვის გარეშე წარმოაუდგენელია.

---

<sup>281</sup> გაზ. სახალხო საქმე, 1919, №463

## თავი მერვე

### ინტელიგენცია

1900-1921 წლების საქართველოში ქართველი საზოგადოების ცნობიერების ჩამოყალიბებაში განსაკუთრებული როლი ითამაშა ინტელიგენციამ. თანამედროვე თეორიულ ლიტერატურაში მიღებულია ტერმინი: კულტურული და პოლიტიკური ელიტა. ნაშრომში ვიყენებ თრივე ცნებას, რადგან ვფიქრობ, რომ მათ შორის აზრობრივი კავშირი არსებობს. რაც შეეხება დასათაურებას ინტელიგენცია, გამომდინარე იქიდან, რომ XX საუკუნის პირველი ოცნლების საქართველოში ფართოდ იყო გავრცელებული სიტყვა „ინტელიგენცია“, ამ მოტივით უცვლელად დავტოვე. მითუმეტეს, რომ აღნიშნულ ეტაპზე ინტელიგენციის შემადგენელ ნაწილად აღიქმებოდნენ: პოლიტიკოსები, მწერლები, მეცნიერები, საზოგადო მოღვაწეები, მოსწავლეები, სტუდენტები. აქედან გამომდინარე მათი მოღვაწეობის გაშუქებას მნიშვნელოვანი აღგილი დავუთმე. როგორც უკვე აღვნიშნე, თანამედროვე თეორიულ ლიტერატურაში ინტელიგენციის როლი საკმაოდ მნიშვნელოვნად მიიჩნევა და სწორედ ის მიიჩნევა ეროვნული იდენტობისთვის დამახასიათებელი ფასეულობების გაძლიერებისა და საზოგადოების ფართო ფენების ეროვნული ცნობიერების ამაღლების შემომქმედად. მისი როლი, აგრეთვე გადამწყვეტი იყო XX საუკუნის პირველი ოცნლების საქართველოში. 1900-1921 წლების მედიასა თუ ლიტერატურაში გავრცელებული და მიღებული იყო ტერმინი ინტელიგენცია და რადგანაც ჩემი მიზანი აღნიშნული პერიოდისთვის დამახასიათებელი მოვლენების შეფასებაა გამოვიყენებ ინტელიგენციის

იმ შინაარსობრივ მხარეს, რაც გავრცელებული იყო სწორედ ამ ეპოქაში.

საერთოდ, როდესაც XX საუკუნის პირველი ოცწლეულის ქართველ ინტელიგენციაზე ვსაუბრობთ, პირველ რიგში უნდა გავითვალისწინოთ, რომ ამ სოციალური ჯგუფის შემადგენელ ნაწილად არ მოვიაზროთ მხოლოდ კულტურული და პოლიტიკური ელიტა, რომელიც ძირითადი დასაყრდენი იყო ეროვნული იდეების ქადაგების თვალსაზრისით და ხშირ შემთხვევაში განსაზღვრავდა კიდეც ქართველი ერის ცხოვრების მიმართულებას.

ამ პერიოდის ინტელიგენცია შეიძლება ორ ჯგუფად დაგყოთ: 1. კულტურული და პოლიტიკური ელიტა, რომელშიც შედიოდნენ სხვადასხვა პოლიტიკური პარტიის წარმომადგენლები და საზოგადო მოღვაწეები: მეცნიერები, მწერლები, პოეტები, მსახიობები. და 2. ქალაქის და სოფლის ინტელიგენცია: მასწავლებლები, ექიმები, სტუდენტები, მოსწავლეები. ყველა ესენი თავისებური გზით საზოგადოებასთან კავშირის დამყარებას ცდილობდნენ. არჩილ ჯორჯაძე ინტელიგენციას საზოგადოების გარდამქმნელის როლს ანიჭებდა და მასში ხედავდა მთავარ ძალას ქვეყნის წინსვლის გზაზე. იგი ასევე საუბრობს ქართველი და ევროპელი ინტელიგენციის საერთო და განმასხვავებელ ნიშნებზე. „რა მიზეზია, რომ ევროპაში და ჩვენში ერთ და იგივე ეპოქაში ინტელიგენციას სრულებით განსხვავებული მიზნები ჰქონდათ? ამის მიზეზი ერთადერთია. XIX საუკუნის დასაწყისიდან, ევროპიელ დიდ ერთა ინტელიგენციის ცდა და ნატვრა იყო გაუმჯობესება უკვე არსებულ მრავალშტოიან ნაციონალურ ცხოვრებისა და დემოკრატიულ დაწესებულებათა საშუალებით ეკონომიკურ და პოლიტიკურ თანასწორობის დაფუძნება მოქალა-

ქეთა შორის. ჩვენში ქართველ ერის პოლიტიკურ ცხოვრების ძირითად ცვლილებათა გამო ყოველი გონიერაგანასნილ ქართველის მოვალეობა იყო – შეექმნა, გამოერკვია და გაემტკიცებინა ის ახალი საქართველოს ვინაობა და პიროვნება, ურომლოდაც არამც თუ წარმატება, არამედ მისი არსებობაც შეუძლებელი იყო. ჩვენს ძველ მოღვაწეების დაფასებაში ეს ყოველთვის უნდა გვქონდეს მხედველობაში.“<sup>282</sup>

ქართულ ისტორიოგრაფიაში სათანადო ყურადღება დაეთმო ინტელიგენციის საკითხის შესწავლას. ამ მხრივ ადსანიშნავია: ერასტი ახობაძე, „ქართველი დემოკრატიული ინტელიგენცია და რევოლუციური მოძრაობა საქართველოში“,<sup>283</sup> აკაკი სურგულაძე, „ქართველი დემოკრატიული ინტელიგენცია სამ რევოლუციაში (1900-1921)“,<sup>284</sup> მისივე, „ნარკვევები ქართველი დემოკრატიული ინტელიგენციის ისტორიიდან“<sup>285</sup> და სხვა.

ქართულ მედიაში საკმაოდ ხშირი იყო ქართველი ინტელიგენციის კრიტიკა არაქართული, არაეროვნული მოღვაწეობის გამო. ქართველი საზოგადოების ნაწილი ფიქრობდა, რომ „გადაგვარებული“ და „გარუსებული“ ინტელიგენცია ვერ ასრულებდა იმ მისიას, რაც დრომ და ისტორიაშ დააკისრა. „არსად, არც ერთ ერში, ინტელიგენცია ისეთ უმოქმედობას არ იჩენს, როგორც ჩვენში. არსად ისე მოწყვეტილი

<sup>282</sup> ა. სურგულაძე, ნარკვევები ქართული დემოკრატიული ინტელიგენციის ისტორიიდან, თბილისი: მეცნიერება, 1980, გვ. 31

<sup>283</sup> ე. ახობაძე, ქართველი დემოკრატიული ინტელიგენცია და რევოლუციური მოძრაობა საქართველოში, თბილისი: მეცნიერება, 1965

<sup>284</sup> ა. სურგულაძე, ქართველი დემოკრატიული ინტელიგენცია სამ რევოლუციაში (1900-1921), თბილისი: საბჭოთა საქართველო, 1986

<sup>285</sup> ა. სურგულაძე, ნარკვევები ქართული დემოკრატიული ინტელიგენციის ისტორიიდან, თბილისი: მეცნიერება, 1980, გვ. 31

არ არის იგი მშობელ ხალხს, როგორც ჩვენში. აი-დეთ რომელი კულტურული ერი გენებოთ, თუ ის გა-ევროპიელების გზას დასდგომია და დააკვირდით მის ცხოვრებას. თქვენ ეჭვს გარეშეა, ნახავთ, რომ იქ ინტელიგენცია სათავეში უდგას რა მშობელი ქვეყნის კულტურულ წინმსვლელობას, მთელი თავი-სი ძალ-ღონით მხურვალე მონაწილეობას იღებს პრაქტიკულ საზოგადო საქმეებში. სოფლად და ქა-ლაქად ყოველგვარ კულტურულ დაწესებულების და-არსებასა და წარმოებას ის კისრულობს. იგი კვალ-დაკვალ მისდევს ხალხის ეკონომიურ და გონიერივ განვითარებას. აარსებს ხალხისავე დახმარებით დროისა და გარემოების შესაფერ კულტურულ დაწე-სებულებებს, ენერგიულად და ნათლად აწარმოებს ქვეყნის საკეთილდღეო საქმეს, რითაც საუკეთესო მომავლისაკენ მიუძღვის ქვეყანას, ნათელ სხივსა ჰფენს ის მშრომელთა და დაბეჭავებულთა მძიმე ცხოვრებას. ეს ხდება, როგორც დამოუკიდებელ, ისე ჩვენსავით დაბეჭავებულ ერებში, მიუხედავად კლა-სობრივ წინააღმდეგობის გაღრმავებისა.“<sup>286</sup> გაზეთი „მნათობი“ კი 1911 წელს ინტელიგენციას ასეთ შეფა-სებას აღლევდა: „ქართველი ინტელიგენცია იმ თა-ვითვე იგივე უმაღლესი წოდება იყო, ის სულ ერთია-ნად შესდგებოდა უმაღლესი წოდების შვილებისაგან და გასაკვირველი არ არის თუ იმასაც მამაპაპათა „ჩინოვნიკური“ სული ღრმად ჰქონდათ გამჯდარი ძვალსა და რბილში. მაგრამ წოდებრივ შემაღგენლო-ბას რომ თავი დავანებოთ, ეს ინტელიგენცია თავისი მისწრაფება-იდეალებით იმ თავიდანგე თავადაზნაუ-რული იყო და დღესაც ასეთი დარჩა.“<sup>287</sup>

<sup>286</sup> გაზ. ბათუმის გაზეთი, 1912, №67, გვ. 1

<sup>287</sup> გაზ. მნათობი, 1911, №1, გვ. 3

ქართველი ინტელიგენციის დანიშნულებად მიიჩნეოდა ქართველი ერის ეროვნული ცნობიერების ამაღლება და მათი ინტერესების დაცვა. რესეთის თვითმპყრობელობის ანტიქართული პოლიტიკის შედეგად გამოწვეული პრობლემები, რაც ეროვნული ცხოვრების თითქმის ყველა სფეროში გამოიხატებოდა, ბუნებრივია, ქართველი ერის ცნობიერების და ცხოვრების წესის შეცვლას განაპირობებდა. ინტელიგენცია კი, საზოგადოების ყველაზე განათლებულ და გათვითცნობიერებულ ნაწილად მიიჩნეოდა და არც თუ უსაფუძვლოდ, ამიტომ მათ მოვალეობას შეადგენდა ქართველი ერის ინტერესების დაცვა.

როგორც უკვე ადგნიშნე, ინტელიგენციის წრეში სხვადასხვა პოლიტიკური მიმართულების წარმომადგენლები იყვნენ გაერთიანებული, ამიტომ თითოეული მათგანი პირველ რიგში, საკუთარი პარტიის და ინტერესების დაცვას ესწრაფვოდა და მათი შეხედულებებიდან და მრწამსიდან გამომდინარე ცდილობდა საკუთარი იდეოლოგიის რეალიზებას საზოგადოებაში. ამიტომ „ივერია“ ინტელიგენტს შემდეგ მოვალეობას აკისრებს: „ყველა ერის ინტელიგენტობის აუცილებელ და უთუო მოთხოვნილებას შეადგენს, რომ მას გარკვეული ჰქონდეს და იცოდეს თავისი ერის წარსული ცხოვრება, რომ მას გაგებული ჰქონდეს ის მისწრაფება და იდეები, რაც მას ასულდგმულებდა და ერად ხდიდა, რომ მას შესწავლილი ჰქონდეს ერის თანამედროვე ვითარება, მისი გონიერივი, ზნეობრივი და ეკონომიური მდგომარეობა... აქვთ თუ არა ქართველ ინტელიგენტებს აუცილებელი თვისება ინტელიგენტობისა? გადაჭრით შეიძლება ვთქვათ, რომ არა და არა!“<sup>288</sup> ინტელიგენციის როლი და მო-

<sup>288</sup> გაზ. ივერია, 1901< №128, გვ. 3

ვალეობა ქართველი ერის თვითშეგნების ამაღლება და ქართული საქმის კეთება იყო, რადგანაც სწორედ ის წარმოადგენდა საზოგადოების განათლებულ და გათვითცნობიერებულ ნაწილს, რომელიც ნათლად ხედავდა საქართველოს პოლიტიკური და კულტურული გადარჩენის საჭიროებას. ამის ნაცვლად კი საწინააღმდეგო ვითარება იყო: „საკუთარ ისტორიულ ხანაში ინტელიგენცია ბრძოლის უნარს კარგავს და დგდაქალაქის დაწესებულებებს აფარებს თავს. სრულიად საქართველოს ინტელიგენცია ამჟამად თბილისში ზის. სხვა კუთხეები საქართველოსი მარტო მოხდეთ, კომისრებსა, ერობის მოღვაწეთ და მილიციის უფროსებს დარჩენიათ. დღეს ჩვენი ინტელიგენცია დაეშვა ამ მიმართულებით, საიდანაც მას აღმართი წინააღმდეგობა არ მოჰსნდება. ინტელიგენცია გაპასიურდა, ყველა თბილისში და პროვინციებში არავინ. აი, დღევანდელი დევიზი ინტელიგენციისა.“<sup>289</sup>

XX საუკუნის 10-იანი წლებიდან, პირველი მსოფლიო ომის წინა და მიმდინარე პერიოდში განსაკუთრებით გააქტიურდა პოლიტიკური ელიტა, რომელიც საქართველოს განთავისუფლების სახელით გამოდის. საერთოდ, კულტურული და პოლიტიკური ელიტის მიზანი ერთი იყო: ქართველი ერის ეროვნული ცნობიერების ამაღლება და თავისუფლების მოპოვება. თუმცა ამ მიზანადე სხვადასხვა გზებით მიდიოდნენ. კულტურული ელიტა, რომელსაც მწერლები, მეცნიერები და მსახიობები შეადგენდნენ სოციალური ფენების საგანმანათლებლო და ეროვნული აზროვნების ამაღლებას ცდილობდა. პოლიტიკური ელიტისა და უფრო მეტად რადიკალური ხასიათის ქართველი სტუდენტების და მოსწავლეების როლი

<sup>289</sup> გაზ. ახალი საქართველო, 1919, №1, გვ. 4

გაშუქებულია ნაშრომებში: გურამ შენგელია „ასე ირიჟრაჟა... საქართველოს დემოკრატიული ინტელიგენცია რუსეთის პირველი ბურჟუაზიულ-დემოკრატიული რევოლუციის პერიოდში“<sup>290</sup> და „ქართველი დემოკრატიული ინტელიგენცია რევოლუციურ-განმათავისუფლებელ მოძრაობაში (1907-1917),“<sup>291</sup> ვ. ონიანი „დემოკრატიული ინტელიგენცია რუსეთის პირველი რევოლუციის პერიოდში“<sup>292</sup> და სხვა. აქ ძირითადად აქცენტი კეთდება სტუდენტების რევოლუციურ მოღვაწეობაზე და იმ როლზე, რაც მათ ითამაშეს 1905-1907 და 1917 წლების რევოლუციებში.

როგორც უკვე აღვნიშნე, XX საუკუნის პირველი ოცნებულის საქართველოში არსებობდა ორი იდეოლოგია: ნაციონალიზმი და სოციალიზმი. თითოეულ იდეათა შემოქმედებს და რეალიზატორებს განსხვავებული გზით ესახებოდათ ბრძოლა. ზემოთ დასახელებული მონოგრაფიები ძირითადად საბჭოთა პერიოდშია შექმნილი, მიუხედავად მათი მეცნიერული დირექტულებისა, რაც გამოიხატება საკმაოდ მრავალუროვანი ფაქტების სააშკარაოზე გამოტანით და შეფასებით აქ მხოლოდ მოსწავლეების და სტუდენტების ერთი ნაწილის ერთი მხარეა შესწავლილი – რევოლუციური მოღვაწეობა. როგორც ვიცით, სოციალ-დემოკრატიული პარტია აარსებდა ორგანიზაცი-

<sup>290</sup> გ. შენგელია, ასე ირიჟრაჟა... საქართველოს დემოკრატიული ინტელიგენცია რუსეთის პირველი ბურჟუაზიულ-დემოკრატიული რევოლუციის პერიოდში, თბილისი, 1989

<sup>291</sup> გ. შენგელია, ქართველი დემოკრატიული ინტელიგენცია რევოლუციურ-განმათავისუფლებელ მოძრაობაში, თბილისი, 1991

<sup>292</sup> ვ. ონიანი, დემოკრატიული ინტელიგენცია რუსეთის პირველი რევოლუციის პერიოდში, თბილისი: საბჭოთა საქართველო, 1958

ებს სტუდენტების და მოსწავლეების რევოლუციური იდენტით აღზრდის მიზნით და ის ფაქტი, რომ 1905-1907 წ.წ. და 1917 წლის რევოლუციებში მრავალრიცხოვნობით გამოირჩეოდა სტუდენტები, მოსწავლეები აღნიშნულის გამოხატულება იყო. ბოლშევიკები სელმძღვანელობდნენ ლენინის ლოზუნგით, რომ საზოგადოების ყველა ფეხა და მათ შორის მოსწავლეახალგაზრდობა განეწყოთ თვითმპურობელობის წინააღმდეგ და არსებული უკმაყოფილება, რომელიც გამომდინარეობდა ძირითადად სოციალური და ეკონომიკური მდგომარეობიდან პოლიტიკური ხასიათი მიეცათ. „პოლიციის დეპარტამენტმა მიიღო ცნობა, რომ რამოდენიმე გიმნაზიის მოსწავლეებში გაჩნდა ჰექტოგრაფიული მოწოდება, დასათაურებული შემდეგნაირად „1902 წელს საშუალო სკოლის გამოშვბის ყველა ამხანაგ-მოსწავლეს“, წარწერა შტამპით „სამხრეთ რუსეთის საშუალო სკოლის მოსწავლეთა ჯგუფი“ 1902 წ. ივნისი“. აღნიშნული ბრძანება გმობდა რუსეთში არსებულ სახელმწიფო წევბას და განსაკუთრებით, სასწავლო სისტემას, მიუთითებენ, რომ მომავალში იქნება სახელმწიფო გადატრიალება და მთავარ როლს ითამაშებს ახალგაზრდობა ანტისახელმწიფოებრივ ბრძოლაში, საშუალოს დასრულების შემდეგ მოემზადებიან უმაღლეს დაწესებულებაში შესასვლელად, მიიღებენ თავდაპირველად აკადემიურ წელს, ჩართავენ მათ შორის მოსწავლეებს, რომლებსაც უკვე დაწყებული აქვთ ბრძოლა მთავრობის წინააღმდეგ და ჩაერთვებიან რევოლუციურ მოძრაობაში.“<sup>293</sup> ეს საკითხის მხოლოდ ერთი მხარეა.

XIX საუკუნის II ნახევრიდან, ბატონიშვილის გაუქმების შემდეგ, როდესაც მიმდინარეობდა სხვადას-

<sup>293</sup> სცსა, ფ. 17, აღწ. 1, საქმე №4652, ფურც. 5

ხვა სახის რეფორმები საზოგადოების უფლებების გაზრდისათვის და სახელმწიფო ებრივ საქმიანობაში ჩართვისთვის, როგორც უკვე აღვნიშნე სამოციანებები ამასთან ერთად ეროვნული ცნობიერების ამაღლებისთვის გადამწყვეტ ნაბიჯებს დგამენ.

სწორედ აღნიშნული პერიოდიდან მოყოლებული საკმაოდ აქტიურდება საზოგადოების გარკვეული ნაწილი ქართველი სტუდენტების დასახმარებლად, რომლებიც განათლებას საქართველოს ფარგლებს გარეთ რუსეთში იღებდნენ. ქართული კულტურული ელიტა იმედოვნებდა, რომ განათლებამიღებული ქართველები სამშობლოში დაბრუნების შემდეგ ახალი ძალებით შეუდგებოდნენ სამშობლოს ინტერესების დასაცავად მოღვაწეობას და რუსეთში მიღებულ ცოდნას და გამოცდილებას საკუთარი ქვეუნის აღორძინებას მოახმარდნენ. ჯერ კიდევ XIX საუკუნის 70-იან წლებში თბილისში ჩამოყალიბდა „თბილისის კეთილმოქმედი საზოგადოება“, რომლის მიზანი დარიბი სტუდენტების დახმარება იყო. ამ მიმართულებით დიდი როლი ითამაშა „ქართველთა შორის წერა-კითხვის გამავრცელებელმა საზოგადოებამ“, რომელიც სხვადასხვა ცნობილ საქმიანობასთან ერთად ქართველი სტუდენტების დახმარებაშიც აქტიურ მონაწილეობას იღებდა. ამგვარი ღონისძიებები ქართველი საზოგადოების მხრიდან მხოლოდ ერთჯერადი არ ყოფილა და მთელი XIX საუკუნის II ნახევარში მაქსიმალურად ცდილობდნენ ამ მიმართულებით მოღვაწეობის გაძლიერებას.

XX საუკუნის დასაწყისისთვის უკვე ფართო ხასიათი ჰქონდა მიღებული ქართველი ახალგაზრდების საზღვარგარეთ სწავლას, რომელთა გარკვეული ნაწილი პოლიტიკური, ნაწილი კი კულტურული ელიტის წარმომადგენელი გახდა. სამსონ ფირცხა-

ლავა იგონებს თავის მემუარებში ქართველი სტუ-  
დენტების რუსეთში ცხოვრების შესახებ. „დიდი  
ხნით და ამბით ვემზადებოდით ქართველი სტუდენ-  
ტები ყოველწლიური ქართული „საღამო-ბალის“ მო-  
საწყობად. იგი იყო არათუ მატერიალური სახსრის  
მომცემი, არამედ ქართული კულტურის პროპაგანდის  
საშუალებაც. ყველა ზომას ვხმარობდით რომ იგი  
რაც შეიძლება შინაარსიანი და საინტერესო გამოსუ-  
ლიყო. და, მართლაც, ჩვენი „საღამო“ დიდ საზოგა-  
დოებას იზიდავდა, საქართველოშიც ვუგზავნიდით  
წარჩინებულ პირებს საპატიო ბილეთებს, რასაკვირ-  
ველია, ისინი ვერ გვესწრებოდნენ, მაგრამ დახმარე-  
ბას გვიგზავნიდნენ. „საღამოს“ პროგრამაში აუცი-  
ლებლად შედიოდა ქართული სიმღერები, ქართული  
ცეკვა და ცოცხალი სურათები, ქართული ლიტერა-  
ტურიდან და ცხოვრებიდან.“<sup>294</sup>

XX საუკუნის დასაწყისიდან ქართულ მედიაში  
ინტენსიური ხდება სტუდენტების და მოსწავლეების  
მდგომარეობასთან და მათი ეროვნული ცნობიერე-  
ბის ამაღლებასთან დაკავშირებით პუბლიკაციების  
ბეჭდვა, რაც ერთ მიზანს: მათი როლის და ფუნქციე-  
ბის გამოკვეთას ემსახურებოდა მოდერნულ პერიოდ-  
ში. XIX საუკუნის II ნახევრიდან დაწყებული პროცე-  
სი, 90-იან წლებში გარკვეულ ცვლილებას განიც-  
დის, რაც გამოწვეულია ერთი მხრივ, გლეხობის და  
მეორე მხრივ, ახალი სოციალური ფენის პროლეტა-  
რიატის ინტერესების დაცვასთან. XIX საუკუნის 90-  
იან წლებში პოლიტიკური სიტუაცია იცვლება  
მთლიანად რუსეთში და ბუნებრივია ეს თავისებურ  
გამოძახილს პოლობს საქართველოშიც. ამ გავლე-  
ნის შედეგად ქართულმა ეროვნულმა იდეამ ტრანს-

<sup>294</sup> ს. ფირცხალავა, მოგონებათა ფურცლები, თბილისი:  
საბჭოთა საქართველო, 1989, გვ. 25

ფორმაცია განიცადა, მართალია გრძელდება ილიას  
მიერ ჩამოყალიბებული იდეოლოგიის მიზანმიმართუ-  
ლი განხორციელება, მაგრამ აქ ეროვნული ცნობიე-  
რების გაძლიერებასთან ერთად, მუშაობა კლასის რე-  
ვოლუციური მოძრაობის აქტიურობასთან დაკავშირე-  
ბით, ამ ცვლილების გათვალისწინებაც საჭირო იყო.  
მიუხედავად ზემოთ აღნიშნულისა, ქართველი საზო-  
გადოება ყოველთვის თანაგრძნობით ეკიდებოდა  
სტუდენტების მდგომარეობის გაუმჯობესებას. გაზე-  
თი „ივერია“ წერდა: „წელს პეტერბურგის ქართვე-  
ლობას დიდი გამოფხიზდება ეტყობა: სტუდენტების  
საღამომ ჩინებულად ჩაიარა, სხვა წარსულ წლებ-  
ზედ მეტი წმინდა შემოსავალი დარჩათ მოსწავლე-  
ებს. შესდგა ახალგაზრდა ქალ-ვაჟთა წრე, რომელიც  
დიდი ხალისით სწავლობს ქართულ ისტორიას და  
ლიტერატურას. ახალგაზრდა, ჩვენი პრივატ-დოკენტი  
ი. ჯავახიშვილი უკითხავს მათ ყოველ კვირას ლექ-  
ციებს კერძო ბინაზედ, მსმენელნი გულ-მოდგინეო  
ემზადებიან ამ ლექციებისთვის, სწერენ რეფერატებს  
და ჩვენთვის უჩვეულო თავ-გამოდებით ეპურობიან ამ  
საქმეს. ამას გარდა, არსდება აქ რამოდენიმე ახალ-  
გაზრდებისაგან ინტელიგენტ ქართველთა მუდმივი  
წრე, რომელსაც აზრად აქვს, შეძლებისდაგგარად  
ქართულ მორიგ კითხვისათვის სატახტო ქალაქშივე  
ზრუნვა. ამ აზრით დაწყებულია უკვე მოლაპარაკება  
ჟურნალ-გაზეთების წარმომადგენლებთან, რომ სხვა-  
დასხვა საჭიროებათა შესახებ შეიძლებოდეს აზრის  
გამოთქმა პერიოდულად რუსულ პრესაში. ერთი სიტ-  
უგიოთ, ქართველი საზოგადოება ფხიზლდება აქ. ვი-  
ნატროთ, რომ დიდხანს გაჰყოლოდეს მას ეს განწყო-

ბილება და „ჩვენებურად“, ჩვეულებრივად არ დაევიწ-  
ყებინოს საქები და სასურველი აზრები.“<sup>295</sup>

1920 წელს „ქართველი სტუდენტი“ წერს: „ქარ-  
თველი სტუდენტობა ყოველთვის იყო გამსჭვალული  
ერისადმი სიყვარულის უწმინდეს გრძნობით. დროის  
სანგრძლივობამ და უკიდურესმა დევნამ უცხო მხა-  
რეში ვერ ჩაჲკლა ის დიადი სამშობლოსადმი სიყვა-  
რულის გრძნობა, რომელიც ცეცხლებრივის გზნებით  
დვივოდა მის გულში, სამშობლოს უკიდურეს გასა-  
ჭირის და საშინელ მოვალეობის ღრმა შეგნებით  
დადგა ერის თავისუფლების მოწინავე სადარაჯოზე  
და თავგანწირვით იბრძოდა სახელოვნად.“<sup>296</sup>

ამრიგად, განხილული ფაქტობრივი მონაცემები  
ცხადყოფს ქართველი ინტელიგენციის ბრძოლას სა-  
ქართველოს ინტერესების დაცვისათვის.

---

<sup>295</sup> გაზ. ივერია, 1903, №38, გვ.3

<sup>296</sup> გაზ. ქართველი სტუდენტი, 1920, №1, გვ. 2

## დასკვნა

ნაშრომში შესწავლილია ქართული იდენტობის ისტორია 1900-1921 წლებში. სხვადასხვა სახის ისტორიულ წყაროთა კომპლექსური ანალიზის საფუძველზე ყველა ის მოვლენა, რომელიც ეპოქის გამოწვევას წარმოადგენდა განხილულია მთლიანობაში და წარმოდგენილია განსხვავებული კუთხით.

XX საუკუნის პირველი ოცნებულის საქართველოში რუსეთის საიმპერატორო კარის მიერ ჩამოყალიბებული ანტიქართული პოლიტიკისდა მიუხედავად კულტურული და პოლიტიკური ელიტის აქტიური მოღვაწეობის შედეგად, ქართული საზოგადოების გაერთიანების პროცესი განვითარების ახალ ფაზაში შედის. როგორც განხილული მასალა მოწმობს, ამას თავისი ობიექტური მიზეზები ჰქონდა. ეს გამოწვეული იყო იმ სოციალური თუ ეკონომიკური ხასიათის გარდაქმნებით, რაც ჩვენს ქვეყანაში მიმდინარეობდა.

რუსეთის დამპყრობლური პოლიტიკის შედეგად საქართველოს დაპყრობის შემდეგ ქართველი ერი მუდმივად ახალი სიახლეების თუ ცვლილებების წინაშე იდგა. გარდა იმისა, რომ მონარქიული სისტემა აღარ არსებობდა და საქართველო ახალ ცხოვრებას იწყებდა რუსეთის ქვეშევრდომობაში, ქართველ ერს რუსეთის საიმპერატორო კარი იმ ეროვნულ ფასულობებსაც უსპობდა, რაც საუკუნეების მანძილზე ნებისმიერი მტრის შემოსვევის შემთხვევაში გადარჩენის მთავარი საშუალება იყო. ეს არის: ქრისტიანობა და ქართული ენა. მართალია საქართველოსთვის სიახლეს არ წარმოადგენდა ახალი დამპყრობლის გამოჩენა და მის დაქვემდებარებაში გადასვლა, თუმცა ნამდვილად ახალი იყო ქრისტიანული სახელმწიფოს

მიერ განხორციელებული ის ქმედებები, რასაც ასევე მართლმადიდებელი საქართველოს მიმართ იჩენდა. ამ ყველაფერს დაემატა ისიც, რომ ბატონყმობის გაუქმებას შედეგად მოჰყვა კაპიტალისტური წყობის დამკაიდრება. ახალმა ეკონომიკურმა ფორმამ გარკვეული ცვლილებები გამოიწვია სოციალურ სისტემაში. ჩამოყალიბდა ახალი სოციალური ფენები: ბურუჟაზია და პროლეტარიატი. ფაქტობრივად, გაჭრობის საფრთხე შეექმნა თავადაზნაურობას, რაც ეტაპობრივად ხორციელდებოდა. შეეზღუდა გლეხებს ფუნქციები, განსხვავებულ გარემოში თავის დამკვიდრება უჭირდა. არაქართველთაგან შემდგარი ბურუჟაზია, რომელიც მატერიალური თვალსაზრისით ძლიერი ძალა იყო, ნაკლებად იყო დაინტერესებული ქართველი ერის ინტერესებით, პროლეტარიატი კი სოციალ-დემოკრატიული პარტიის გავლენით საწყის ეტაპზე კლასობრივი ცნობიერებით იყო შეკყრობილი. ეს ყოველივე უარყოფითად აისახებოდა ქართველთა ერთიანობაზე, ამიტომ საჭირო იყო მტკიცედ ჩამოყალიბებული იდეოლოგია, რომლის ირგვლივ გაერთიანდებოდა ქართველობა. ნაშრომში განხილული და შესწავლილი საკითხები სწორედ აღნიშნულის გამოხატულებაა და ნათლად მოწმობს ქართველი ერის ცნობიერების ცვალებადობას და მათ ეტაპობრივ გარდასახვას ახალი დროის შესაბამისად ქართული, ეროვნული ფასეულობების შენარჩუნებითა და განათლებული, ორგანიზებული, შეკავშირებული საზოგადოების ჩამოყალიბებით, რომლის მთავარი იდეალი ეროვნული თავისუფლება უნდა გამხდარიყო.

XIX საუკუნის დამდეგს რუსეთის იმპერიის მიერ ქართული სამეფო-სამთავროების დაპყრობამ, მეფობის ინსტიტუტის და ბაგრატიონთა სამეფო დი-

ნასტის უფლებების გაუქმებამ ძლიერი დარტყმა მიაჟენა ქართულ, ეროვნულ-სახელმწიფოებრივ ცნობიერებას. ქართული რეალობიდან გამომდინარე მეფობის ინსტიტუტის ლეგიტიმურობა დათისგან მომდინარეობდა, ამიტომ ქართული ერთობის ლოიალობის მთავარი ობიექტი იყო მეფე. აღნიშნული მოვლენის რადიკალურად შეცვლამ, ბუნებრივია, დიდი გარდატება შეიტანა ქართველი ერის ცნობიერებაში. ამპრობლემის გადაჭრას ემსახურებოდა ქართული კულტურული ელიტის მიერ საერთო ნაციონალური იდეოლოგიის შემუშავება, რომლის გამოხატულებას წარმოადგენდა სტანდარტიზებული სასწავლო-საგანმანათლებლო სისტემის საშუალებით ერთობის წევრების ცნობიერებაში ქართული ენის, ქრისტიანობის, ისტორიული მახსოვრობის ტრადიციების რეკონსტრუქცია, რაც იქნებოდა საფუძველი თავისუფლებისა და სახელმწიფოებრივი დამოუკიდებლობის აღდგენისათვის ბრძოლაში.

ზემოთ აღნიშნულიდან გამომდინარე, XX საუკუნის დასაწყისში საქართველოს ისტორიაში იწყება ახალი ეტაპი. განმათავისუფლებელი მოძრაობა ახალ სტადიაზე გადადის. მართალია, ეროვნულმა მოძრაობამ გარკვეული ფორმირება განიცადა, მაგრამ იდეა უცვლელი დარჩა. როგორც XIX საუკუნის II ნახევარში, ისე XX საუკუნის I ოცწლეულში ქართული კულტურული ელიტა ორიენტირებულია ნაციონალური ღირებულებების, სიმბოლოების აღორძინება-პროპაგანდაზე საზოგადოების ყველა ფენაში, მნიშვნელოვანწილად სოციალურად დაბალი ფენის წარმომადგენლებში. ქართული კულტურული და პოლიტიკური ელიტის მიერ აღნიშნულ პრობლემაზე ყურადღების გამახვილება იმასაც მიუთითებს, რომ არსებობს ჭიდილი, როგორიც მიმდინარეობდა საზო-

გადოების თითოეული წევრის წინაშე და მთლიანად აღებული სხვადასხვა სოციალური ფენის ცნობიერებაში. საინტერესოა ის ფაქტიც, რომ ორ მიმართულებაზე კეთდება აქცენტი: ტერიტორია, როგორც გარკვეულ საზღვრებში მოქცეული კატეგორია და სამშობლო, როგორც არსებულ ტერიტორიაზე და-სახლებული ერის გამაერთიანებელი და ნაციონალურ ფასეულობათა ჩამოყალიბებლი ფაქტორი. 1919 წელს გაზეთი „ერთობა“ ქართველების სამშობლოსადმი დამოკიდებულებას შემდეგნაირად აყალიბებს:

„ეშირად გაგიგონიათ სიტყვა სამშობლო და ახ-ლა მინდა გკიოთხოთ: იცით კარგად, რა არის აი თუნდაც ჩვენი სამშობლო?

— შე დალოცვილო, თუ ეგეც აღარ ვიცი, მაშ რაღა მცოდნია, სადაც დავიბადე, ჩემი სამშობლო ის არის.

— ჩემი სამშობლო, შენი ჭირიმე, ჩემი სოფგ-ლია-აქამშობა დედამა და აქვე მოვავდები.

— მე რომ მკიოთხო, ასე ვფიქრობ, რომ ჩემი სამ-შობლო ჩემი კარმიდამოა, ჩემი ყანა და ვენახი, ის მაჭმევს პურს და ჩემი მშობელიც ის არის, დედაც და ყელაფერი.

— ჩემი სამშობლო მთელი საქართველოა.

აი რამდენი პასუხი მესმის თქვენგან და მართა-ლი და ჭეშმარიტი კი მხოლოდ უკანასკნელია.

მართლაც და ჩვენი სამშობლო მთელი საქარ-თველოა, სადაც ქართველი ხალხი ცხოვრობს და ქართული ლაპარაკი, ქართული ენაა ყველასთვის სა-ერთო.<sup>297</sup> ეს იმას მიუთითებს, რომ ქართული კულ-ტურული და პოლიტიკური ელიტის ბრძოლა რუსუ-

<sup>297</sup> გაზ. ერთობა, 1919, №47, გვ. 3

ფიკატორული პოლიტიკის წინააღმდეგ და ეროვნული ცნობიერების შენარჩუნებისთვის შედეგიანი აღმოჩნდა საქართველოსთვის. აღნიშნულის საილუსტრაციოდ მოვიყვან კიდევ ერთ საინტერესო ცნობას. „1918 წლის 25 მაისს, ხაშურთან ახლომდებარე სოფელ აძვისში ერთი უბრალო ქართველი გლეხიკაცი, დავით კაპანაძე გარდაიცვალა. 26 მაისს საქართველოში ისტორიული კვირადღე გათენდა – გამოცხადდა საქართველოს თავისუფლება და დამოუკიდებლობა. ისტორიამ შემოინახა საოცარი საფლავის ქვა, რომლითაც შვილებმა არა მარტო საკუთარი მამის – დავით კაპანაძის სახელი უკვდავყვეს, არამედ იმ თაობების ქართველთა გულისთქმაც გააცხადეს, სამშობლოს ბედნიერებისათვის რომ იბრძოდნენ, მაგრამ ამ სანუკვარ დღეს ვერ მოესწრენ. აი, რა წერია საფლავის ქვაზე: „მონობაში ტანჯულო, დაუვიწყარო მამავ! შენი ნატვრა აღსრულდა – საქართველო განთავისუფლდა! 1918 წლის 26 მაისი.“<sup>298</sup> ეს ფაქტი მოწმობს იმას, რომ სამშობლოს ოქმა მეტად აქტუალური იყო XX საუკუნის პირველი ოცწლეულის საქართველოში. მოტანილი არცთუ ისე მრავალრიცხოვანი ინფორმაცია დასტურია ქართველი ერის მისწრაფებისა საქართველოს სახელმწიფო ორგანიზაციის დამოუკიდებლობის აღდგენისადმი.

ამგვარად, წინამდებარე გამოკვლევა ქართველი ერის იდენტობის შესწავლის ცდას წარმოადგენს. გაანალიზებულია სოციალური ფენების თუ ჯგუფების ცნობიერების განვითარება-ცვალებადობა ეპოქის შესაბამისად და ნაჩვენებია ქართველი ერთობის კონსოლიდაციის პროცესში თითოეული მათგანის როლი და მნიშვნელობა.

<sup>298</sup> ო. ჯანელიძე, 26 მაისიდან 25 თებერვლისაკენ, თბილისი, 1990, გვ. 5

კვლევის შედეგად გამოიკვეთა: როგორც შესავალ ნაწილში აღვნიშნე, საზოგადოებრივი აღქმების შემქმნელი კულტურული და პოლიტიკური ელიტაა. გასათვალისწინებელია ისიც, რომ ყველას საკუთარი იდეოლოგია პქონდა შექმნილი, რომლის საზოგადოებაში დამკვიდრებას ცდილობდა. ამას ემატებოდა ისიც, რომ, თითოეულ სოციალურ ჯგუფს თუ ფენას საკუთარი ადგილი და აღქმა გააჩნდა. ამიტომ მათი აღქმები ეპოქის გამოწვევებიდან გამომდინარეა განხილული. დეტალურმა ანალიზმა საშუალება მოგვცა დაგვკვირვებოდით კულტურული და პოლიტიკური ელიტის დვაწლს, აგრეთვე, მთელი საზოგადოების აღქმებს ეროვნული კონსოლიდაციის პროცესის განვითარების ისეთი მახასიათებლების მეშვეობით როგორიცაა სამშობლო, ქართული ენა, ქრისტიანობა, გაგვეანალიზებინა ეპოქის ახალი მოთხოვნილების შესაბამისად სასწავლო-საგანმანათლებლო პროცესის საჭიროება არამარტო, როგორც მოსახლეობაში ცოდნის გავრცელების, არამედ მთლიანად ქართველი ერის ეროვნული ცნობიერების შენარჩუნების მთავარი საშუალება, რომლის საბოლოო გამოხატულება ეროვნული თავისუფლება უნდა გამხდარიყო.

## **Summary**

In contemporary humanities and social sciences important place is given to the study of national identity. In general the issue of national identity is considered on the basis of the universal criteria for nation's existence, such as language, religion, historical memory, tradition and territory; besides, it is essential to understand how the society apprehends each of them as well as national symbols. Naturally, the abovementioned should be understood through the demands and aspirations of the concrete epoch, because the public mentality has experienced various transformations throughout centuries

On different stages of historical development due to the challenges of the concrete epoch different was the meaning of features of ethnic identity and their defining criteria. As is well known, the consciousness of the Georgian nation had undergone concrete way of development and during the first two decades of the 20<sup>th</sup> century it entered a new phase.

For understanding national identity it is necessary to represent the past on the basis of historical representation of Christianity, language, motherland, historical memory, and traditions. In most of the present research works in contemporary Georgian historiography on national identity just these characteristics are properly emphasized. However, the comprehensive study of the problem necessitates the complex analysis, including identification and consideration of the role and ideology of different social layers and social groups.

Several problems of the history of Georgia — political, cultural, social-economic or religious, have been thoroughly studied and numerous scientific works have been written. However, of no less importance are the study of those issues, that will give us opportunity to find out how the Georgian nation, social group or the society perceived themselves as a part of the Georgian nation and what was the system of values that defined their struggle for self-salvation and self establishment. The analysis of self-consciousness or national identity of the Georgian nation, i.e. revealing of social perceptions, will give us the possibility to examine anew different

historical phenomena and treat numerous related scientific issues from different perspective.

During the first two decades of the 20<sup>th</sup> century Georgia faced the new challenges. On the one hand she had to overcome the difficulties caused by the breakdown of feudalism and establish herself in a new social and economic environment and, on the other hand, continue struggle for restoration of state independence in other ways: through education, knowledge and organization instead of armed actions, with the demands conformable to the epoch and the interests and possibilities of the country.

Some issues studied mostly as single problems in special literature are presented and analyzed in its entirety in the thesis. The research reveals Georgia's developmental way in the first two decades of the 20<sup>th</sup> century, the transformations in the ideology of different social classes, how the phenomenon of national freedom was presented and the evolution of the Georgian nation as a whole.

In Georgian historiography an important place is devoted to the study of the question of the peasantry, as one of the social classes. However, less focus is made on transformations, that had experienced their values and to what extent was their national consciousness developed.

When evaluating the events of 1900-1921 and we touch on political and social - economic issues, first of all we have to understand the epoch itself and its impact on the society and vice versa. Major part of such works has been written in Soviet period and they mainly represent the statistic data on the number of farmers, their categories, profit, land in their ownership, etc. But nowhere is argued about who a farmer was during 1900-1921 in Georgia. In the development of a peasant's consciousness I have identified 4 stages: 1. Abolition of serfdom and the subsequent period; improvement of national consciousness, economic and intellectual levels due to the activities of the samotsianeblebi. 2. Unorganized and unsystematic struggle against the landlords for land 3. Increase of political consciousness of a farmer due to the activities of the Social - Democratic Party and their involvement in the struggle against the Empire. 4. Years of independence and the farmer's involvement in the process of State building.

Although the period of 1918-1921 is different and this is the era of Georgia's independence, the question of a farmer is still urgent and still important is the problems of land and personal freedom. Therefore, all the issues mentioned above accompanied both stages. From the above mentioned the views of farmers and their consciousness passed the certain way of development, the orientation of which was often determined by political and cultural elite in the 1900-1921, mostly influenced by the challenges of the epoch.

The study of proletariat occupies an important place in Georgian historiography. In the specialist literature of Soviet times the role of proletariat is exaggerated. On the one hand, it is presented as the oppressed class, as the victim of bourgeoisie and, on the other hand, it is the most informed among the different social classes, who took a leading role in the course of the revolution.

In the existing research works the main focus is made on the spread of capitalism and the struggle of working class for their rights and improvement of their material state. This question highlights mainly one aspect—the role of proletariat in the bourgeois and the "socialist" revolutions.

But there is another side of the problem and special attention is paid to it in the thesis. The examined material showed impropriety of studying proletariat from only one aspect: to reveal its role in the bourgeois and socialist revolutions. Proletariat is a product of a new epoch and, what is important, he is fighting not only for realization of socialism, but he is not experiencing the lack of national ideas. He has ability to percept not only the motherland but he is struggling for her preservation.

It is impossible to study the national problem perfectly without analyzing the mentality of different social classes or social groups. Among them, important is to determine and evaluate the role of an army and a soldier. The study of the issues of military history is given an important place in Georgian historiography. Many interesting studies have been dedicated to the very problem, where the main focus is made on the martial arts, necessity of organization and dislocation of the army, the nature of the wars against other countries, etc. However, besides that, of equal importance is the understanding of the national consciousness of soldiers. The research

shows the role of soldiers in the process of the Georgian National state building in 1900-1921, and the development his conscience experienced since the beginning of the 20<sup>th</sup> century until the restoration of Georgia's state independence.

The thesis focuses on assessment of the role of one of the social classes - the clergy. It is a known fact that the Georgian clergy acted as unifier of the Georgian people, while Christianity and Georgianness were integral concepts for all Georgians. This fact is especially underlined in the scientific literature and not only in it.

This is often connected with the review of the church history, as well as with the formation process of the Georgian nation and usually in this context it is unavoidable to speak about the factors of Christianity and the Georgian Orthodox Church. The close ties between the church and the parish existed for centuries in Georgia; however, these relations entered a new phase of development after the Russian invasion of Georgia. The Church devoid of autocephaly was paralyzed. The Imperial Court of Russia well realized the importance of spiritual unity between the parish and the clergy. Therefore, he set a goal to separate and confront them with each other. Despite the clergy's attempts to preserve their own rights and ties with the public, this problem emerged acutely in times of Russian Exarchies after the measures of Russian Imperial Court in 1900-1917.

Although there are multiple literature regarding the problem, especially in the last period, but there is no information given about how the clergy comprehended itself in 1900-1921 and what defined the society's ambiguous and changing attitude towards them. This issue is addressed in the thesis.

Feudal nobility is the typical social class for Georgia which had been a privileged and a wealthy class during centuries. Their rights were so important that they enjoyed not only great honors at the Royal Court, but often the king's decision of political or military issues depended on their position. Actually the nobility was the principle constituent for the existence of the monarchical state. After abolishing the statehood in Georgia, the nobility became one of the classes most of all deprived of any rights. He had lost not only his estates, privilege and influence, but it turned completely unnecessary

in the 19<sup>th</sup> century Georgia. This was caused by Russia's invasion of Georgia and, secondly, by the social and economic transformations since the second half of the 19<sup>th</sup> century, in particular the abolition of serfdom. It should be noted that in 1900-1921 nobility was no longer a privileged class. Restriction of their rights that began after the abolition of serfdom proceeded slowly throughout the second half of the 19<sup>th</sup> century and in the beginning of the 20<sup>th</sup> century it moved to a new stage. The establishment of capitalist system in Georgia which resulted in formation of new social classes of proletariat and bourgeoisie, contributed to the development of the mentioned processes unfavorable for the nobility. During the period under review the nobility no longer had the significance it had in the second half of the 19<sup>th</sup> century. A new economic regime led to the certain transformations and social layers of feudalism appeared completely unacceptable for the modern era.

As with all examined social classes, bourgeoisie has also passed certain stages of consciousness development. Bourgeoisie as a product of a new capitalist era, aimed to eliminate the remnants of serfdom. Their main goal was to expand trade - economic ties, conquer new markets and possess mighty commercial objects. The World War I provided an opportunity for the bourgeoisie for the implementation of this plan. For Georgia bourgeoisie was not acceptable because most of its representatives were not Georgians. However, it was the fact that the Georgian national bourgeoisie was not formed. The situation in medieval Georgia, gave no possibilities for reinforcement of merchants. The Georgians constantly engaged in war were unable to be engaged in merchants and, for their part, it was not profitable for the Feudals; therefore, in Georgia trade had always been the priority of not Georgians. In Georgia we see a similar situation in the beginning of the 20<sup>th</sup> century. The bourgeoisie consisted mainly of non-Georgians, only minority of them was Georgians. This fact, of course, could have negative impact on the Country's life. This situation much more increased the existing negative attitude towards bourgeoisie; the more so, because it was considered the main base for autocracy.

In 1900-1921 in Georgia, intelligentsia, or the educated segment of society played an important role in creation of public

consciousness. In modern theoretical literature the term: cultural and political elite is used. In the thesis both terms are used as synonyms, because of the semantic connection between them. In reference to the paragraph, the heading “intelligentsia”, is left unchanged since in the first two decades of the 20<sup>th</sup> century in Georgia the term intelligentsia was widely spread. The more so because in the given period pupils and students were perceived as an integral part of intelligentsia. Therefore a separate paragraph is dedicated to their activities.

Generally, when speaking about the Georgian intelligentsia of the first two decades of the 20th century, first of all, we should consider that we must not perceive as the constituent of this social group only the cultural and political elites, who were really a leading force and often determined the orientation of the nation’s life. The intelligentsia of that period can be divided into two groups: 1. Cultural and political elites, comprising representatives of various political parties and public figures: scientists, writers, poets, actors etc. 2. Urban and rural intelligentsia: teachers, doctors, students, pupils. All of them tried to establish communication with the public in their own way.

The task of intelligentsia considered increasing national consciousness and protecting national interests. The problems caused by anti-Georgian policy of Russian autocracy, which was reflected in almost all spheres of national life, should naturally cause transformation of mentality and lifestyle of the nation. The duty of intelligentsia, which was not unreasonably considered as the society's most educated and conscious part, was to protect the interests of the nation.



გამომცემლობა „უნივერსალი”

თბილისი, 0179, ი. ჭავჭავაძის გამზ. 19, ტელ: 2 22 36 09, 5(99) 17 22 30

E-mail: universal@internet.ge